

◆ 史記地名考（上）

錢賓四先生全集

錢穆 著

錢賓四先生全集

◆ 史記地名考(上)

聯經



A89015

錢賓四先生全集 ③④

史記地名考（上）

錢 穆 著



史記地名考



## 出版說明

夫治史者，固當先把握史實之大綱要領，次則進求其精神之所在與夫價值之評判；而古史之考據，要亦爲必不可忽之節目。蓋歷史之意義價值，必建基於史實之認知；而史實之認知，則時有賴於考據以確定其真相。故於古事，或考其人，或考其年，或考其地，皆以求史事真相之確立。錢賓四先生畢生寢饋史籍，於史學之各方面，並有著述。其國史大綱、中國文化史導論、中國歷代政治得失之類，所以揭其大綱要領者也；中國歷史研究法、中國歷史精神、國史新論、中國史學發微之類，所以挾其精神意義者也。至深入古史考據之詳，最著者有先秦諸子繫年，考諸子年世以至列國世系，極多創闢，爲史遷六國年表正訛補闕，增改詳定不下一二百處，戰國史事至是大體可說；其次於古地之考述，則有本書及古史地理論叢兩種。

先生之注意考地，遠始民國十一年，最早考楚辭地名。其後四、五年間，則專意撰述先秦諸

子繫年。書既成，即有意續爲「戰國地名考」。但以時局轉變，流徙西南，因應時需，遂著爲國史大綱。史綱既成，先生歸蘇州探母。時山東齊魯大學流亡成都，顧頡剛先生任該校國學研究所主任，邀先生往教。先生慨允，惟欲先請假一年，留蘇奉母。顧先生許之，然請其主編齊魯學報，並在上海接洽首期出版事宜，而薪水則可照發。先生以謂此一年中，當另有撰述以報。於是就原擬考述之戰國地名擴大其範圍，通考史記地名，遂有本書之作。始業於二十八年夏，卜居蘇州婁門之耦園，杜門變姓名，以半日自修英文，餘半日至夜半則專意撰著本書。先生自謂：一則當時無錫鄉居尙幸存古史地理書籍二三十種，可取以爲參考之資；再則幽居廢園，亦猶前年宜良山中之撰史綱，可終年閉戶，不接人事，故得在一年之間而完成此書也。

其時淪陷區偽政府已成立，二十九年夏，先生遂辭親去重慶而至成都。行前將本書稿交上海開明書店，以齊魯大學國學研究所名義出版；當時未及爲之作序例。先生在成都六年，其間曾就記憶所及改定本書數十處。勝利返滬，此書早已排版，乃將携回之改定資料交付開明書店挖改重排。民國三十八年，大陸變色，先生隻身流遷香港，倉卒間未能攜帶已排就之清樣，又不克索取原稿。到港後，久不見是書印出，幾度輾轉向大陸乞取而杳無回音。逮五十五年春，乃有香港某書肆用開明版付印，並減去作者姓名，改稱由「某書肆集體編纂」。不知是書所考，多有先生一

人獨得之發明，絕不可能出於眾手。且其始先生未作序例以明其編纂之體例，則讀者不易明其作意，而其書之應用亦將爲之減折。於是先生於五十五年四月另撰序文，載諸卷前；並由孫鼎宸先生代編地名總目一卷、索引一卷，附諸書後；更交香港龍門書店於五十七年九月重印出版。此書幸能流傳海外，作者終能親見其流傳，又能於事隔二十六年之後增足其前所未成之序例，實爲亂世學者之幸事。至與該書肆交涉以取回是書版權，則余秉權先生之力也。然先生在成都所改定處，印版是否已遵改，則因事隔多年，無由核對矣。

是書體裁別出，辭簡義盡。篇幅雖不甚大，而史記全書逐一地名已考訂無遺。其所取材，盡在於三家注。如韓世家一地名，其地實在魏，則移之入魏地名考中。先錄三家原注，再以今地名附之，略道其所以即止。或一家注得之，餘兩家失之；或兩家注得之，其餘一家失之；皆不繁論。自來爲春秋地名考、戰國地名考者，書已多有，未有如本書之簡淨者。而其於地名異同分合之安排，乃至如漢侯邑四卷中，地名屢與他篇重出，爲例獨異於其餘各篇之類，皆別具深意，蓋期讀者觸類旁通，以爲治史多方面探索之啟發。讀者若以本書之易檢易查，而但目之爲一部地名檢索書，則無異於買櫝還珠矣。

本書原版雖屬鉛排，然其形式則仿舊籍，除出處及附加說明加入圓括號外，全書文字悉無斷

句標點。其引錄史文各條，已分別標列序碼；然各條接排，合成一大段。三家注部分，則分段另起，各家之前亦各標書名，但亦接排不分列。最後案語部分，又再分段另起。今重加整理，版式大體仍保留原版史文、注文、案語三系之分立；而史文、注文則改爲逐條分列；案語改排楷體，圓括號內之出處或補充說明則改排較小字體。務使層次分明，方便閱讀。全書並增入新式標點符號。凡本書立爲條目者，無論其地範圍之廣狹，則概加私名號。

原書於史文、注文皆例注出處篇目。惟以力求簡淨，故於史文、注文之出處，遇數條同出一篇者，但標注於最後一條之下。此其蒙後而省之例也。其史文僅得一條，或多條同出一篇，而注文亦出同篇者，則但注於史文之下，注文不復再列。此則其承前而省之例也。如卷二十八「武州」條：（原書並無標點，下同。）

①單于穿塞，入武州塞。

②單于入漢長城武州塞，未至馬邑百餘里。（韓長孺傳）

【集解】徐廣曰：「在雁門。」

【索隱】崔浩云：「今平城直西百里有武州城」，是也。

以其史文兩條與注文兩條並同出韓長孺傳，故但標於史文後一條下，而注文則承前而省也。

然原版最後付印，未再經先生校定，故漏列出處、誤列出處之條目，亦所在多有。今於全書各條，重加覆覈，悉予補正。又原書所引史記及三家注原文，多與武英殿本相同，與他本則偶有相異。故今以乾隆武英殿刊本爲據，校其文字，其誤植處悉加改正。案語所引書文，亦儘量查對校核。至引文有節引者，又往往省略關連詞語；以其無傷文意，故一仍其舊，而以引號標之，明其起訖。

又原書於三家注文，往往有綴合兩條或多條以爲說，而已分別明注其出處者，如卷十三「霍」字條：

【正義】括地志云：「晉州霍邑縣本漢虞縣也。」（管蔡世家）後漢改曰永安，隋改曰霍邑。

（魏世家）鄭玄注周禮云：「霍山在虞，本春秋時霍伯國地。」（管蔡世家）

讀者見此，自知此條所引「後漢改曰永安，隋改曰霍邑」兩句，乃自魏世家注移入。但亦有未加注明者，如卷十「嶧陽、鄒嶧山、騶嶧山」條：

【索隱】騶縣之嶧山。騶縣本邾國，曹姓之國，陸終氏之子會人之後。魯穆公改作「鄒」。

今魯國騶縣是也。從征記：「北巖有秦始皇所勒之銘。」

此條漏列出處，且驟讀之，亦易以爲本只是一條。今加整理爲：



【索隱】騶縣之嶧山。騶縣本邾國，（封禪書）曹姓之國，陸終氏之子會人之後。（陳記世家）魯穆公改作「鄒」。（封禪書）今魯國騶縣是也。（陳記世家）從征記：「北巖有秦始皇所勒之銘。」（封禪書）

則知此條實由兩篇之注文綴合而成。又如卷十五「蘭、北蘭、蘭陽」條：

【正義】蘭近離石，在石州。地理志屬西河郡。

原書亦漏列出處，亦易誤認爲同一條之文。今則補入爲：

【正義】蘭近離石，（周本紀）在石州。（楊里子傳）地理志屬西河郡。（趙世家）

則知正義此文，實源出三處，而合而爲說。

至三家注出處，有與其所繫史文不相應者。如卷十四「岸門」條：

【正義】括地志云：「岸門在許州長社縣西北二十八里，（案：魏、韓兩世家注作「十八里」。）

今名西武亭。」（秦本紀）

本條前繫史文共四條，其屬秦本紀者惟「惠文十一，敗韓岸門」一條。讀者若翻檢秦本紀此條，則不見有正義此文。蓋此文實繫在秦本紀上文「秦孝公二十四年，與晉戰雁門」之下。以其同在秦本紀之中，本書遂從簡省耳。

再如同卷「潁陽」條：

【正義】括地志云：「潁陽故城在陳州南頓縣西北。」

此條原書漏列出處。檢所引史文三處，皆不見有正義此條。實則此仍出絳侯世家，惟所引史文爲「攻潁陽、緱氏」，而正義此文則繫在後文「賜與潁陽侯共食鍾離」之下。故今但沿例於正義引文下補入其出處篇名。

又如卷二十八「玉門」條，史文共舉三處，皆出大宛傳，故但注明在第三條下。所引三家注文，亦並出此篇，故不復再注。其中正義一條：

【正義】括地志云：「沙州龍勒山在縣南百六十五里。玉門關在縣西北百一十八里。」

又：「玉門關在沙州壽昌縣西六里。」

所引括地志前兩句實繫在史文第一條「于是酒泉列亭障至玉門」下。「又」下一句則在大宛傳上文「注引鹽澤」下，而不在所引三條史文之任一條下。以其同在大宛傳中，故不再另注。此亦上文所謂承前而省之例也。故讀者遇注文與史文不相應處，則當於所注篇中他處尋檢。茲特加說明，免滋誤會。

上舉三例，如「岸門」、如「玉門」，所引正義實並已明其出處；「潁陽」所引正義，雖漏

出處，然所引史文則有絳侯世家一條；皆可謂有線索可供追尋者。至如卷十五「樂成」條：

【索隱】韋昭云：「河間縣。」

此條史文但有漢興以來諸侯年表「孝文分趙爲河間國，都樂成」一條，而索隱此文則不在其下。原書未注出處，讀者或易誤以爲亦出年表；即查年表未能檢得，亦不易有所聯想。實則此乃孝武本紀「樂成侯上書言樂大」之注文。今補注其出處，讀者庶可省尋檢之勞。

其他與本書相關之宗旨體例，已詳先生自序者，不復贅。謹就本編點校整理工作略加補充說明，俾讀者應用較得方便。整理工作雖力求慎重，然以事涉專門，牽連亦廣，錯誤疏漏，料將難免，敬希讀者不吝指正。

本書之整理，由何澤恆先生負責。江敏華小姐、洪素年小姐協助覆核史記原文。

錢賓四先生全集編輯委員會 謹識

# 史記地名考 目次

舊版出版說明·····	五
自序·····	七
卷一 中國與四裔·····	一
卷二 上古地名·····	四三
卷三 禹貢山水名上·····	七九
卷四 禹貢山水名中·····	一三七
卷五 禹貢山水名下·····	一九五
卷六 夏殷地名·····	二三七

卷七	周地名	三〇一
卷八	秦地名	三四三
卷九	齊地名	四〇一
卷一〇	魯地名	四六五
卷一一	晉地名	四八七
卷一二	楚地名	五二五
卷一三	魏地名	六二一
卷一四	韓地名	六九五
卷一五	趙地名	七四三
卷一六	梁宋地名	八一九
卷一七	衛曹地名	八六九
卷一八	豫章長沙地名	九〇五
卷一九	吳越地名	九三一



卷二〇	燕地名……………	九四九
卷二一	關中地名……………	九六七
卷二二	秦漢宮室陵廟名……………	一〇一三
卷二三	郊祀封禪地名……………	一〇四九
卷二四	漢侯邑名(一)……………	一〇七五
卷二五	漢侯邑名(二)……………	一一六五
卷二六	漢侯邑名(三)……………	一二〇七
卷二七	漢侯邑名(四)……………	一二三九
卷二八	西北邊地名……………	一二九七
卷二九	匈奴北胡地名……………	一三六九
卷三〇	西域地名……………	一三九七
卷三一	蜀地名……………	一四一一
卷三二	西南夷地名……………	一四二一

卷三三	南粵東越地名	一四四七
卷三四	東胡朝鮮地名	一四七三
總目		一
索引		四七

## 舊版出版說明

近代中國學者，於古史地理之研究，以禹貢學會同人具有集體成績。如以個人努力言，則本書作者錢穆先生，實爲開風氣之一大師。所著周初地理考、古三苗疆域考、黃帝故事地望考、西戎禍考、楚辭地名考、中國史上之南北強弱觀及漢初侯邑分布諸編，均爲此一系列研究之範圍。中多創闢非常之見，道前人所未及。

本編踵繼前著，尤多獨見，嘗自比於古人所謂一家之言。全書共分三十四卷，大體依照史記原有篇目編定，但亦有會通各篇變例編列者：如中國與四裔、梁宋地名、豫章長沙地名、關中地名、秦漢宮室陵廟名、西北邊地名等各卷均是。且皆有其用意所在。地名編排，則以中古地名特多。此蓋華夏文化當時發展之中心地區，亦即中國歷史向後延綿伸擴之基礎所在。至所列地名，必纓舉其見於史記各篇中之語句而一一附注於此地名之下：有上古有此地名，後遂湮滅不見者；

有上古無此地名，於中古、近古始見者；有上古、中古有此地名，而向後乃因襲常見者；亦有本屬一地，而地名則先後有異者。上下數千年，自黃帝、堯、舜下迄漢武之世，每一地名之興滅變革，均可朗若列眉。此皆大有裨補於因地以說史者之多方探索，而得恣其想像，闡發推說，以爲治史者獲深一層啟悟之憑藉與方便。

全書成稿於一九四一年，當時未爲序例發明其著作緣起與編纂大意。書成，著者以原稿交上海某書肆排版，並親自校對藏事。未待梓成，而著者南來香港。前年某書肆乃將此排版付印，減去作者姓名，改爲由「某書肆集體編纂」。不知是書厥非眾手可成。書中編排次序，著者有其獨特用心。苟不加以說明，讀者得此書而不明其編纂體例，仍將多費推求，而不獲爲善用。今承錢穆先生補成序例，發明緣起、編纂大意。並編附索引，交由本書店印行出版，以饗讀者。

## 自序

余之有意治古史地理，始於民國十一年秋，在廈門集美，讀船山遺書楚辭通釋，至抽思之篇：「有鳥自南兮，來集漢北」，船山注：「時屈原居漢北。」余譙陋，知屈原之南遷沅湘而已，顧不知其居漢北也，而文證明白如此，興趣驟開，遂知留意。翌年秋，始撰先秦諸子繫年，於屈原行迹多所考訂，並旁及春秋、戰國時之地理。十九年多，在北平燕京大學，始成周初地理考。後續撰古三苗疆域考、黃帝故事地望考、西周戎禍考諸篇。二十三年又撰楚辭地名考。又別有短篇散作，有關古史地名者，茲不詳列。凡此諸篇，中多創闢非常可怪之論，前人絕未道及。如謂太王居豳，字本作「邠」，在山西汾水流域，不在陝西鳳翔。如言屈子沉湘，字同「襄」，乃漢水之別稱，非入洞庭之湘水。三苗之居，左彭蠡，右洞庭，彭蠡、洞庭皆在大江之北而不在江南。一時頗引起讀者之疑辨。余於古代地理所以敢出此奇論，乃據三大原則互相會通而得：



一曰地名原始。其先地名亦皆有意義可釋，乃通名，非專名，爾雅釋山、釋水諸篇可證。如「大山宮小山，霍」，凡四圍大山環拱中央一小山，皆可得「霍」稱。民國二十年春，余登北平之妙峯山，觀其形勢，即大山宮小山之霍也。此山雖不依古稱「霍」，而取名妙峯，然此山之所以得北方廣大居民之崇祠，亦猶古人尊霍爲岳之遺意也。凡稱「洞庭」，皆指地下水脈潛通。江蘇太湖有洞庭，傳說其水脈與湖南洞庭相通，因此亦名洞庭。此種傳說，雖不可信，然亦有甚深遠之來源。蓋古人凡遇澤水乾涸，水下地面冒出，若相隔絕，各成一澤。水盛時，則浩瀚一片，露出水面之陸地，又皆隱沒不見。乃謂此乃地下水脈之潛通，而名之曰「洞庭」。是「洞庭」有通義，初不專指一水。又如「彭蠡」，乃水流湍急，成漩渦，故稱「大螺」。彭蠡即大螺也。大江之水倒灌入鄱陽，水急稱彭蠡。黃河在龍門之下，爲蒲坂、蒲津、雷首、壺山諸險所束，亦水急成大螺旋，故亦稱彭蠡。是「彭蠡」有通義，亦不專指一水。凡屬異地而同名者，因地名本屬通義，可以名此，亦可以名彼也。

二曰地名遷徙，必有先後，決非異地同時可以各得此名不謀而合也。地名遷徙之背後，蓋有民族遷徙之蹤跡可資推說。一民族初至一新地，就其故居之舊名，擇其相近似而移以名其僑居之新土，故異地有同名也。余幼年居江蘇無錫南延祥鄉之蕩口，其地多華姓聚族而居，其祖先乃由

隣近東亭分支來此。故此兩鎮頗多地名相同。蕩口有楊樹港，東亭亦有之。港之兩端有賣魚橋、賣雞橋，東亭亦有之。即小可以喻大。自西周下至春秋，如晉、如郢、如秦，此諸都邑皆多遷徙，而都邑之名亦隨之而遷。近代西方帝國殖民，亦多以其舊居名新邦。春秋、戰國時代，華夏諸族活動範圍，頗少南達今湖南江西洞庭、彭蠡之紀載。余考洞庭、彭蠡之名，最先起於大河兩岸，漸及大江以北，後乃移其名而被於大江之南也。

三曰地名沿革，大概腹地衝要，文物殷盛，人事多變之區，每有新名迭起，舊名被掩，則地名之改革爲多；而邊荒窮陬，人文未啟，故事流傳，遞相因襲。如楚人南遷，屈原沉湘之故事亦隨而南遷，湘水之名，始起於今湖南之洞庭流域，此後遂少變改。而大江以北之水地名湘者，反多湮沒不彰。洞庭之與彭蠡亦然。今人一提及此諸名，即若自始已在大江之南。至於江北以及中原，苟非博考遺文，悉心搜求，誰復知其早有洞庭、湘水、彭蠡之名之先在乎？故考地名沿革，先起者反多晦滅，後人移用者反多保留，並歷久而益顯，此又一通例也。

余治古史地名，大率本此三通例。所獲結論，驟視之，若怪誕不經，好事鑿空，然既有古代典籍文字可證，而據此以推闡史迹，又皆通明無礙，遠勝舊說。故敢毅然翻積見，標新得。苟有好學深思之士，平心比觀，當知余言之非苟然也。

又嘗謂治古史，有四要項當分別尋求：一曰氏族，二曰地理，三曰人物，四曰年代。春秋以下，人物漸盛，年代亦始可以細求。自西周逆溯而上，歷夏商、唐虞，乃至邃古，人物皆無可詳說，年代亦渺茫難稽，提前或移後數十年乃至數百年，於史事若可無影響。或謂夏代歷年四百三十二，或謂夏代歷年四百七十二，一本劉歆之三統曆，一本竹書紀年之遺文，此四十年之相差，將何據以確定其是非？縱或能有所定，於討論夏代史迹，亦無何裨補。蓋綜夏代三、四百年間，本無許多人物事變可資詳說也。故治古史，愈溯而上，乃惟有氏族、地理兩要項。考地所得，可資以解說當時各氏族之活動區域及其往來轉徙之迹，與夫各族間離合消長之情勢，則已可爲古史描出一粗略之輪廓。余之所爲，僅如蠶叢開山，筆路藍縷，荆棘滿途，距竟全功尙遠。亦以余之治史宗旨初不在是，偶以興趣所湊，運其餘力，時作時輟，如是而已。

民國二十六年秋，抗戰軍興，北平淪陷，流亡轉徙，迄於二十八年之夏，國史大綱成稿，余復隻身轉輾自昆明返滬上，獲親慈親於蘇州，而無力奉親避地；不得已，乃卜居蘇州婁門之耦園。園荒已久，寂無居人。余之遷入，外間絕無知者。乃杜門變姓名，以愛日之餘暇，發意草創爲史記地名考。竊念前人治古史地理，或專考禹貢，或徧考春秋、戰國地名，下至漢書地理志，何啻數十百家。史記一書，上始軒轅，下迄天漢，集古史之大成，而考地者於此獨闕。余無錫鄉

居，幸猶存古史地理書二、三十種。遂取以來，昕夕握管，越一年而成書。其時淪陷區僞政府已成立，余恐蹤跡洩露，遂辭親脫身去重慶而至成都。翌年春，慈親見背，不克在旁，成爲余終天之大恨。而余之此書，留稿後方，亦未及爲之作序例，稍自發明當時著作之緣起，及其編纂之大意。蓋距今又復二十有六年矣。

抑余之爲此書，乃頗與先成諸篇取徑有不同。凡先成者，皆屬地在荒遠，事出傳說，非有詳確之記載，故余所考覈，多翻案文章，實非考地之常軌也。春秋以下，人事益密，史籍燦備，凡一地名之沿革，前爲何邑，後爲何都，皆有文獻足徵。又有相關史事，可憑稽索。其爲仕宦所至，軍旅所經，師儒講習之所萃，商旅貿遷之所聚，莫不可以參伍錯綜以確定其地望之所在。蓋地名之難可確指者，至是已十無二三。故余之爲此書，自春秋以下諸地名，幾乎多承舊貫，創論實尠。惟遇數說相歧，折衷取捨，亦必有據，非同鑿空立說，此乃從來考地之成軌。或有讀者，於我先成諸篇，愛其新奇，而薄此平實，則余之此書，正亦所以糾此流弊，而稍贖前愆也。

以上略述此書草創經過，以下當略爲說明此書編纂之體例。

本書地名分卷，大體依照史記原有篇目。如錄五帝本紀中地名爲上古地名卷，錄夏、殷兩本紀爲夏殷地名卷，錄周本紀爲周地名，錄秦本紀爲秦地名，錄齊、魯以下各世家爲諸國地名，又

錄封禪書爲郊祀封禪地名，錄漢興以來封侯各表爲漢侯邑名，錄匈奴傳爲匈奴北胡地名，錄大宛傳爲西域地名，錄西南夷傳爲西南夷地名，錄南越、東越傳爲南粵東越地名，錄朝鮮傳爲東胡朝鮮地名諸卷皆是。惟亦有會通各篇變例編列者，如中國與四裔、梁宋地名、豫章長沙地名、關中地名、秦漢宮室陵廟名、西北邊地名、蜀地名諸卷皆是。此皆各有用意。如中國與四裔一卷，凡屬春秋以前，諸夏與四夷之疆界區分，及其變動大勢，與夫古人關於「中國」一名辭觀念之先後遞變，皆可於此卷中窺見其大概。梁宋地名一卷，雖大體本之宋世家，然自秦、漢之際下迄漢代，此地域特多新見地名，故變名稱之曰「梁宋」。而此一地區在秦、漢之際以下之史迹變動，較之齊、魯、晉、楚諸地區特爲不同，亦可於卷中覘見。豫章長沙地名一卷，本可入楚地名卷中，今特爲抽出，別立新名，蓋亦以秦、漢之際以下此地區之新見地名，遠多於舊地名，特闢此卷，可以藉以見此一地區之世變，用意與梁宋一卷略近似。至關中地名卷與秦漢宮室陵廟名卷，此則可以窺見中國有史以來大一統新政府成立，其首都所在地之爲況之一斑也。西北邊地名一卷，可以見中國、秦、漢以下在西北邊境擴展之情形。蜀地名一卷，可見秦、漢以下西南境之擴展，而西南夷之在當時，則猶爲化外，故亦分別爲卷，猶如西北邊地名之與匈奴、西域分別爲卷也。又如禹貢山水名上、中、下三卷，則專從夏本紀禹貢一篇摘出，因禹貢爲戰國晚出書，不應混入夏地名同



卷編列。又禹貢山水乃中國古代人對中國地理山水命脊之大體認識，而所謂禹迹所被，亦即當時人所認為華夏文化霑被之大範圍也。中國學者治古代地理，莫不以禹貢一篇爲專家之業，故亦獨立成篇，而姑次之於上古地名卷之後。若讀者誤認此卷多爲夏、殷以前之古代地名，則非編纂者之本意也。

本書地名編排之次序，亦可約略見其時代之先後。如夏地名以前共六卷，除禹貢三卷外，大體皆屬上古地名。周、秦以下至燕，共十四卷，自西周下歷春秋，迄於戰國之末，皆可屬爲中古地名。自關中地名以下至漢侯邑名共七卷，則多爲秦、漢時代之新地名，在史記一書中，則可謂是當時之近古地名也。地名與史迹相配合，上古史迹闕略，故地區之得名者亦極稀疏，有方數百里之地，而無地名可舉者。地名未立，即人事未興之證。亦如歐洲人未至非、澳、南、北美之前，此四大洲皆若曠土，人事無歷史記載，即地域無名字區分也。下至中古，史迹漸繁漸密，地名亦逐有興起，尤以春秋、戰國時爲甚。故本書所列中古地名亦特多。此蓋華夏文化當時發展之中心地區，亦即中國歷史向後縣延伸擴之基礎所在也。下至秦、漢時代，地名多沿襲中古之舊，除四圍邊區外，新地名之興起，轉較中古爲遜。故本書所列近古地名亦轉爲稀少也。然則即據地名一項，亦可推見古代史迹之由狹而廣，由略而詳，與其先之倏忽變動，以下漸至於日趨安定之

一大概形勢。讀者誦此一書，亦可於中國古史自漢武天漢以前之種種變遷，獲得許多新啟悟。若徒認此書僅爲編集地名以待臨時之稽查，此亦非本書編纂之主要用意所在也。

本書凡列一地名，必縷舉其見於史記各篇中之語句而一一附注於此地名之下。有上古有此地名，後遂湮滅不見者。有上古無此地名，於中古、近古始見者。亦有上古、中古有此地名，而向後乃因襲常見者。亦有本屬一地，而地名則先後有異者。上下數千年，自黃帝、堯、舜下迄漢武之世，每一地名之興滅變革，均可朗若列眉。此皆大有裨補於因地以覘史者之多方探索，而得恣其想像，闡發推說，以爲治史者獲深一層啟悟之憑藉與方便。讀者其勿自限於僅求知其地名之沿革而已焉可也。

即如本書最先「中國」一名，即羅列此名之凡見於史記書中者共二十三條。就此二十三條之所舉，而「中國」一名之所指，其範圍有廣狹，其涵義有深淺，皆已因文備見。若讀者又因此而徧求之於六經、諸子先秦古籍凡及「中國」一名者而綜合詳究之，其所可闡發者必鉅。本書體例，專限於史記一書，此則貴於讀者之自爲推求也。

本書又多同一地名而分條排列者，如禹貢山水名下卷「九江」一名，即分立兩條，前一條指水名，後一條爲郡國都邑名，易辭言之，即專指地名也。禹貢成書，應在戰國之晚世，而九江之

爲郡國名，則在秦、漢時代，此地名因水名而起也。九江地名既晚出，其水名雖先起，亦不得甚早，其爲禹迹之所未至者蓋可知。河渠書：「太史公南登廬山，觀禹疏九江」，則當時九江之水在近今贛、皖之境又可知。秦、漢九江之爲郡邑爲國都，皆在大江之北，則九江之水，本亦在大江之北又可知。備列史記諸篇「九江」一名之原文，則不煩旁求他證而九江之地望已可定。本書案語著文不多，然皆有本原及其論定之條理。即此一例，自可見也。

又如前文所論，每一山水地名，其先皆屬通名，逮後始成專名。九江之名，乃指其水脈分歧多出，「九」則甚言其多。故在鄂西漢水入江之上游，亦可有九江之名，不必限於在鄂、皖之交者，可以專有此九江一名也。惟在史記書中所舉之九江，則顯屬專指在鄂、皖之交大江以北者而言。本書亦不再涉及鄂西之亦有九江。後人有定禹貢九江在鄂西不在鄂東者，本書亦不復加以辨正。此乃著書體例所限，否則將茫無歸宿，亦爲篇幅所不容也。

又禹貢雖爲戰國時代之晚出書，而其山水地名則不必一一皆晚出。本書專就史記夏本紀特立禹貢山水名三卷，然遇此山水地名之散見於史記他篇者，亦連帶備列。如「梁山」一名，亦見於周本紀及晉世家。「首山」一名，又見於晉世家及伯夷傳。「孟津」一名，又見於周本紀及齊世家。「汶水」一名，又見仲尼弟子傳。凡此之例，不勝縷舉，是皆可見其地名之早出。此三卷中

諸地名之孰早孰晚，本書雖未詳爲論列，然讀者自可因本書之所舉而體會得之。

亦有同地異名，而列爲一條說之者。如夏本紀有明都，司馬相如傳有孟諸，乃同一澤名。殷本紀有阮國，宋世家有阮，周本紀有耆國，乃同一國名。又如齊世家有沛邱，楚世家有涇丘，乃同一地名。如此之類，本書皆徑自歸併爲一條，不再分列牽引互證。凡屬地名之異同分合，尤爲本書深切用心之處，讀者所宜細玩也。

本書凡列一地名，除史記各篇涉及此地名之文句必備錄外，宋裴駟史記集解，唐司馬貞史記索隱，張守節史記正義，此三家注之涉及此地名者，亦必一一附注於各條之下。張守節正義後世傳鈔有遺奪，日本瀧川氏爲史記會注考證，據彼邦舊本，增入數百處，本書亦采其注地名者一一增入。由此三家，上溯之於杜預、班固，可見前人釋地，自有條貫可以追尋。惟因中國地域之遼廓，史迹之悠長，操觚者憑其一人一時之精力，疏繆難免。雖以班氏之漢志，後人尋瑕摘疵，亦何止數十百處，更何論於三家之注？凡屬史記地名，有爲三家所同得者，亦有爲三家所同失者。又有一家、兩家得之，而其他一家、兩家失之者。此當精究史記原文，旁考百家載籍，斟酌情理，平心思索，則紛紜之中，自可發得其真是之所在。本書於三家注，決不意存輕蔑，亦非墨守盲從。取捨權衡，其事既艱，亦有盡棄舊注，獨標新義，則更不敢率爾出之。此皆有待於讀者之

心領善體也。

三家注所最難整理之一端，則多在地名異同分合之處。既有異地而同名，復有同地而異名，三家注文有注於此則得，而移於彼則失者。亦有注於此爲失，而移於彼則得者。姑舉岸門一地爲例。魏世家：「哀王五年，走犀首岸門。」韓世家：「韓宣惠王十九年，秦大破韓岸門。」秦本紀：「惠文十一年，敗韓岸門。」蓋此年秦大破韓、魏之聯軍於岸門也。魏、韓兩世家裴駟集解並引徐廣云：「潁陰有岸亭。」張守節正義兩處皆有注云：「岸門在許州長社縣西北十八里，今名西武亭。」裴、張兩家注同指一地，皆得之。惟司馬貞索隱魏世家注引劉氏云：「河東皮氏縣有岸頭亭」，此實有失。然考之六國表：「秦孝公二十三年，與晉戰岸門。」秦本紀：「秦孝公二十四年，與晉戰雁門。」索隱：「紀年云：『與魏戰岸門』，此云『雁門』，恐聲誤也。」蓋同一事，而本紀誤後一年。此事當在古河東，今山西境。魏世家索隱引劉伯莊之說，若以移注此地，則實得之，惟以說魏世家惠文時事則非。正義注此岸門同於魏、韓兩世家，（惟「十八里」作「二十八里」）則仍復有失。裴駟集解僅注魏、韓兩世家，不復於此有注，此亦未是。蓋戰國時，本有兩岸門，徐廣引潁陰之岸亭謂即戰國之岸門，是也。至張守節時，已無此岸亭，而僅有西武亭之名矣。劉伯莊引河東皮氏之岸頭亭謂即戰國之岸門，亦是也。建元以來侯者年表張次公爲岸頭

侯，索隱引晉灼說之爲「河東皮氏縣之亭名」。此余所謂地名沿革，皆有痕迹可尋也。可知三家之說，均非嚮壁虛造。惟不知岸門實有兩地，秦孝公時與秦惠文時先後敗魏、韓於岸門，實應分屬兩地，而三家不加分別，此則失之。若非司馬貞引劉伯莊說以誤注魏世家，則後人將僅知有許昌一岸門，不知皮氏復有一岸門矣。此三家注之所以同爲不可忽也。

試再舉一例。觀與觀澤、觀津本屬一地異名，其地屢見於六國表、田齊世家、魏世家、張儀傳、樂毅傳、春申君傳及平準書各篇，裴駟集解引徐廣曰：「屬東郡」，是也。此當在今山東觀城縣西。而張守節正義云：「括地志：『觀津城在冀川棗陽縣東南二十五里。』」本趙邑，今屬魏，此則在今河北武邑縣東南。蓋張氏不知此觀津與觀與觀澤乃一地異名而誤。然觀津實有異地同名者，則在今河北武邑縣境。史記穰侯傳、樂毅傳、外戚世家、魏其侯傳各篇皆是。如樂毅傳：「齊湣王西擢三晉於觀津」，此當在今之山東。又：「趙封樂毅於觀津」，此當在今之河北。裴駟魏世家集解只釋觀，未釋觀津。觀國之在山東者，杜預已及之。觀津縣之在河北者，又爲班固地理志所明載，而司馬貞索隱引其說。今覈之史記各篇所述，會通之於「同地異名」與「異地同名」之兩例，則三家之注得失互見。本書既定觀與觀津、觀澤爲同地之異名而從徐廣、裴駟之說，又定觀津有同名而地在河北者，則從司馬貞、張守節之說。前後分列爲兩條，前一條上

承杜預，後一條上承班固，而將張守節正義誤注魏世家觀津之文移注穰侯傳、外戚世家與魏其侯傳；又分載樂毅傳中之兩觀津，一列前條，一列後條；一切糾紛，皆可解決。若備引後代各家考釋，有關此一地名之種種爭辯，而一一判其是非，則將文繁不勝，亦爲本書體例所不取也。本書編排之用意，在求辭簡義豐，使讀者可以不煩旁牽他引而一目瞭然。然苟讀者不知本書此一編排之體例，則亦仍將模糊恍惚而不明其間曲折與細微之所在矣。故特發其義旨於此。讀者於每一地名之下，必先細誦所引史記各篇之原文，又分別推尋三家之注語，始知本書於每一地名下之案語，莫不有本有據，而特加以分別條理之功。視其外貌，若徒見鈔錄，不復有旁稽博考、駁議爭辨之迹，而實非可以輕易獲得此案語也。

又如樂毅傳：「趙封樂毅於觀津，號爲望諸君。」本書定望諸乃澤名，附諸禹貢山水名中卷明都、孟諸條之後。又據水經注定望諸在河北之觀津，可爲前舉觀津相證。而索隱注此條，云其地「在齊，蓋趙有之」，此非有確證也。故本書疑不之從。本書所列地名，多有分在異卷而可互相研尋闡發者，姑舉此例，其他不能縷述。讀者檢本書後附索引，自可恣意牽連，自爲貫串也。

又如越世家：「商於、析、鄆、宋胡之地」，此一語引見於夏殷地名商於條下，又見於楚地名析與鄆兩條之下，又見於宋胡一條之下，一語凡四見，不憚重複。而楚地名同卷胡字條下引十

二諸侯年表、楚世家、陳杞世家、老莊申韓傳各篇，因其與越世家之胡乃屬同名異地，故不再引越世家之文，蓋越世家與商於、析、酈並舉之胡在西楚，屬南陽；而十二諸侯年表、楚、陳世家、老莊申韓傳之胡在東楚，屬汝南。越世家裴駰集解引徐廣，云在汝陰，與楚世家張守節正義引括地志，云在偃城者同屬一地，此乃在東之胡，以之注十二諸侯年表及楚、陳世家、老莊申韓傳則得之，今以注越世家在西之胡則誤。故本書以越世家文列前一條，而裴駰集解之注越世家者，則移列後一條。讀者於此條，遂僅見有裴氏越世家之注，而不見有越世家之原文。此本與觀津之後一條同例。然觀津兩條前後緊相承接，讀者尙易悟見，而楚世家此條胡字，則與前宋胡一條，相隔有六十條之多。緣本書體例，凡列地名，皆從史記原文先後排列，讀者見此一條胡字，不易聯想及於六十條前之胡字，更不易聯想及於夏殷地名及楚地名中之商於、析、酈諸條。苟非先揭明本書編纂之體例，則誠將使讀者有迷惘失從大惑不解之苦。故不憚辭費，特爲說明於此也。

本書亦有「參見某條」、「參讀某條」之例。然此例不宜濫用，否則頭緒紛繁，徒亂心目，而實無補於讀者之尋究。如前舉觀津條，不加注「參讀望諸條」。此條胡地名下，不加注「參見商於、析、酈、宋胡諸條」。然讀者見樂毅傳有「封樂毅於觀津，爲望諸君」之語，自當參讀望



諸與觀津兩條而合并求之。讀者見裴氏之越世家注，自當翻查越世家之原文。則本書體例雖力求簡淨，而血脈相通，光影交映之處，固已昭示讀者以自爲尋究之線索矣。

亦有三家注全失之，並有爲三家注所全未涉及者，本書不得不別爲尋求。然亦有實難稽考，僅可付之闕如者。讀者隨文可見，不煩舉例。

自宋迄清，學者精治地理，代有名家。上自禹貢，下歷春秋、戰國，乃至班固漢志，其勦爲專書者多矣。至其散見於文集、筆記者，則更屬夥頤。本書僅求義足，不取文備。參考所及，不復繁稱博引，更不願漫肆駁詰，以自顯己是。間有述及某家姓名及其著作名者，此則就行文之便，或著或否，未有定例可立也。

至在本書以前作者先成諸考，如黃帝地名、三苗疆域、周初地理、楚辭地名諸篇，以及其他各散篇所獲結論，亦皆扼要散入本書各地名之下。惟因創闢之見，道前人之所未道，非暢竭論之，殊不足以見其底蘊與曲折，而本書體例，則不能詳引先成諸考之原文。俟後當再彙刊此諸篇，獨立成書，以與本書並行，便讀者之兼觀。①然本書中亦多有與先成諸考相關，而爲先成諸

① 編者案：作者於民國七十一年彙集上述諸篇及其他古地論文，編爲古史地理論叢一書，今收入全集第三十六冊，讀者可參觀。

考所未及者。觸類旁通，是在讀者。

本書體例，凡屬同一地名，其後見者皆依次駢列於先見同地名之下。如前舉「九江」一名，先見於夏本紀禹貢篇，其後見於陳涉世家、項羽本紀、黥布傳、淮南衡山傳、貨殖傳、河渠書者，皆依次駢列，以後即不分別再出是也。然惟漢侯邑名四卷爲例外。如「下相」一名，已先見於梁宋地名卷，高祖功臣侯表「下相侯冷耳」一條亦附列，而於漢侯邑名第一卷中，「下相」一名又再出，是也。漢侯邑名四卷，共四百六十八邑，與他篇重複再出者八十九邑，比數占六分之一弱。獨第一卷最多，於一百七十七邑名中，複出五十五邑，比數占三一強。第二卷八十三邑中，複出十五邑，比數占五一強。第三卷六十五邑中複出六邑，第四卷一百四十三邑中複出十三邑，所占比數皆甚少。本書所以於侯邑名不憚重複別出者，爲便讀者可以會合而觀，分類而求，或可於漢初之侯邑分布中發現其時之社會背景以及經濟情況，或其他意義，亦不失爲考史方法中一新途徑。又或取史、漢兩書之侯邑表合并研究，並可連類及於東漢以下。自來治史者，於歷代封邑，除考其地名所在以外，尙少注意及於其他牽連之事項，或其背後蘊藏之意義，此乃本書所以於侯邑名四卷中，不憚重複別出，以求保存當時侯邑分布之全貌一項微意所在也。要之，本書用意亦在爲治史者開出許多門徑與其方便，固不僅爲每一地名之易檢易查，亦不專限於本序文之所

陳，此則貴於讀者對此書之善爲運用也。

民國三十八年，大陸變色，余隻身流亡來香港。此書在大陸，早已排版，原稿亦留在排版之書肆，余倉促間不能攜帶其已排之清樣，又不克索取原稿。到港後久不見出版，乃幾度轉輾向大陸乞取，而杳無回音。最近港某書肆乃將此排版付印，而又減去作者之姓名，改爲由「某書肆編纂」。不知此書非眾手可成，竊自比於古人所謂一家之言，案語中多有余一人之獨見。抑且本書之編排，亦有其獨特之用心。苟不加以說明，讀者得此書，而不明其編纂之體例，仍將多費推求，而不獲善爲援用，此尤爲余之所深憾也。

學者處亂世，能有著作已不易，其著作之能獲保存流傳亦甚難。抑且作者之姓名，亦可爲人滅去。而余之此書，幸能流傳於海外，當世以及後代博雅君子，果曾寓目及於余之先成諸考者，當仍能揣測其書作者之究爲何人，可不煩余之覩縷。而余之終能親見此書之流傳，又能於事隔二十六年之後，重爲此書增足其前所未成之序例，此固余一人之私幸。讀者觀於此書首尾二十六年間之經過，顯晦無常，存亡莫保，抑亦可爲亂世學者種種艱難曲折攝下此一角之小影。而凡所遭遇，其艱難曲折，當尚有遠出於此之上者，亦不止余一人爲然。讀此書者，亦必與余有同感也。

又此稿成後，余去成都凡六年，其間曾就記憶所及，於本書改定數十處，勝利回滬後，付某書肆挖改重排。而當時未留副本，時久遺忘。今不知此本固已照余成都時所改改定否？書成倉促，恐多疏繆，惟待博雅君子爲余續定。亂世著述，事難盡善，讀者其諒之。

本書後附地名總目一卷、地名索引一卷，乃此次重印由孫君鼎宸所代編。王君恢亦爲余製索引一卷。因孫君兩卷先成，今用孫君原稿，而謹向兩君特著感謝之意於此。

中華民國五十五年四月本書作者錢穆識於九龍沙田和風台寓廬

# 史記地名考 上

## 卷一 中國與四裔

### 中國

①辰星仲春分，夕出郊奎、婁、胃東五舍，爲齊；仲夏夏至，夕出郊東井、輿鬼、柳東七舍，爲楚；仲秋秋分，夕出郊角、亢、氐、房東四舍，爲漢；仲冬冬至，晨出郊東方，與尾、箕、斗、牽牛俱西，爲中國。

②及秦并吞三晉、燕、代，自河山以南者中國。（正義：「河，黃河。山，華山。從華山及黃河以南爲中國也。」）

③中國於四海內則在東南，爲陽；其西北則胡、貉、月氏諸衣旃裘引弓之民，爲陰。

④秦以兵滅六王，并中國。

⑤中國山川東北流，其維，首在隴、蜀，尾沒於勃、碣。（天官書）

⑥中國之虞與荆蠻句吳兄弟也。

⑦其一虞，在中國；其一吳，在夷蠻。（吳世家）

⑧秦穆公辟遠，不與中國會盟。楚成王夷狄自置。獨齊爲中國會盟。（齊世家）

⑨熊渠曰：「我蠻夷也，不與中國之號諡。」

⑩武王曰：「我蠻夷也，欲以觀中國之政。」

⑪鎮爾南方夷越之亂，無侵中國。（楚世家）

⑫上取江陵木以爲船，一船之載當中國數十兩車。（淮南傳）

⑬中國無事，秦得燒掇焚杆君之國。（張儀傳）

⑭中國之路絕，上蔡之郡壞。（楚世家）

⑮韓、魏，中國之處而天下之樞也，欲霸，必親中國以爲天下樞。（范雎傳）

⑯居於涇、渭之間，侵暴中國。

⑰匈奴得寬，復稍度河南與中國界於故塞。（匈奴傳）

⑱番禺負山險，阻南海，東西數千里，頗有中國人相輔。（南越傳）

⑲中國之人以億計，地方萬里，居天下之膏腴。

⑳吾不起中國，故王此。使我居中國，何渠不若漢？（陸賈傳）

㉑東甌請舉國徙中國，乃來處江、淮間。（東越傳）

㉒先列中國名山大川，因而推之，及海外。

㉓儒者所謂中國，於天下乃八十一分居其一分耳。（孟荀傳）

## 赤縣神州 九州

中國名曰赤縣神州。赤縣神州內自有九州，禹之序九州是也。中國外如赤縣神州者九，乃所謂

九州。（孟荀傳）

## 裊海 大瀛海

中國外如赤縣神州者九，乃所謂九州。於是有裊海環之。如此者九，乃有大瀛海環其外，天地之際焉。（孟荀傳）

## 冀州

①禹行自冀州始。（夏本紀）

②昂、畢，冀州。（天官書）

【集解】孔安國曰：「冀州，堯所都也。」鄭玄曰：「兩河間曰冀州。」

【正義】黃河自勝州東，直南至華陰，即東至懷州南，又東北至平州碣石山入海也。東河之西，南河之東，南河之北，皆冀州也。（夏本紀）

〔案〕黃帝殺蚩尤於中冀之野，此冀州之名所本。

## 雍州

①黑水、西河惟雍州。（夏本紀）

②東井、輿鬼，雍州。（天官書）

③自古以雍州積高，神明之隲，故立時郊上帝，諸神祠皆聚云。（封禪書）

④秦孝公據殽、函之固，擁雍州之地。（秦始皇本紀、陳涉世家。）



【集解】孔安國曰：「西距黑水，東據河。龍門之河在冀州西。」（夏本紀）  
【案】雍州得名，蓋本於秦之雍都，此亦禹貢「九州」之名晚起之一證。

## 幽州

尾箕，幽州。（天官書）

## 幽陵

①顯項北至幽陵。

②舜流共工於幽陵。（五帝本紀）

【集解】馬融曰：「幽陵，北裔也。」

【正義】尚書及大戴禮皆作「幽州」。括地志云：「故龔城在檀州燕樂縣界。故老傳云舜流共工幽州，居此城。」

## 幽都

①堯命和叔居北方，曰幽都。（五帝本紀）

②絕道不周，會食幽都。（司馬相如傳）

【索隱】案：山海經曰：「北海之內有山名幽都。」（五帝本紀）

〔案〕幽陵、幽都皆言其在北，未必確有其地。幽州之名，亦取義於此。

## 并州

營室至東壁，并州。（天官書）

## 益州

①觜觿、參，益州。（天官書）

②滇王離難西南夷，舉國降，以爲益州郡。（西南夷傳）

③置益州、越巂、牂牁、沈黎、汶山郡，欲地接以前通大夏。（大宛傳）

【正義】括地志云：「漢武帝置十三州，改梁州爲益州廣漢。廣漢，今益州咎縣是也。分今河內、上黨、雲中。」然按星經，益州，魏地，畢、觜、參之分，今河內、上黨、雲中是。

未詳也。（天官書）

〔案〕漢益州郡治滇池，皆經營西南夷新闢地，故莽曰就新，非禹貢梁州所及。後人誤謂改梁為益，又說華陽、黑水皆遠包雲南邊外，則漢置益州之說，又將何解？

## 青州

①海、岱維青州。（夏本紀）

②虛、危，青州。（天官書）

【集解】鄭玄曰：「東自海，西至岱。」

【正義】案：舜分青州爲營州、遼西及遼東。（夏本紀）

〔案〕禹貢青州合登、萊、濟南地，蓋當齊之分野。秦滅諸侯爲齊郡地，猶未分；漢始分。

周禮職方：「正東曰青州。」則并徐言之。

## 青丘

秋田乎青丘。（司馬相如傳）

【正義】服虔云：「青丘國在海東三百里。」郭云：「青丘，山名。上有田，亦有國，出九尾狐，在海外。」

〔案〕東方色青，青州、青丘，取義一也。

## 蟠木

顓頊東至蟠木。（五帝本紀）

【集解】駟案：海外經曰：「東海中有山焉，名曰度索。上有大桃樹，屈蟠三千里。」

〔案〕東方常青，故有蟠木，不必為桃。

## 東原

東原底平。（夏本紀）

【集解】鄭玄曰：「東原，地名。今東平郡即東原。」

【正義】廣平曰原。徐州在東，故曰東原。

〔案〕正義說是。

## 豫州

①荆、河惟豫州。（夏本紀）

②房、心，豫州。（天官書）

【集解】孔安國曰：「西南至荆山，北距河水。」（夏本紀）

## 沅州

①濟、河維沅州。（夏本紀）

②角、亢、氐，沅州。（天官書）

【集解】鄭玄曰：「言沅州之界在此兩水（濟、河）之間。」（夏本紀）

## 中州

①衡，股中州、濟之間。

②丙、丁，江、淮、海岱也。戊、己，中州、河、濟也。庚、辛，華山以西。壬、癸，恆山以

北。（天官書）

## 梁州

華陽、黑水惟梁州。（夏本紀）

【集解】孔安國曰：「東據華山之南，西距黑水。」

〔案〕秦人棧道千里，通於蜀漢，梁州之名，蓋本橋梁，司馬相如「梁孫原」是也。則雍、梁州之名，皆戰國秦人語。

## 揚州

①淮、海維揚州。（夏本紀）

②大江之南，五湖之間，其人輕心。揚州保疆，三代要服，不及以政。（三王世家）

③斗，江、湖。牽牛、婺女，揚州。（天官書）

【集解】孔安國曰：「北據淮，南距海。」（夏本紀）

〔案〕利病書卷二十八引范守己揚譚：「古揚州兼吳、越言。秦并天下，置九江、會稽二郡。

漢武帝分置十三州，復為揚州，領會稽、吳郡、豫章六郡；廣陵、江都諸縣不在其內。漢武分置徐州，領琅邪、東海、臨淮三郡，楚國、廣陵、泗水、六安四國。後漢徐州領東海、琅邪、彭城、廣陵、下邳五郡；廣陵、江都諸縣，俱在部內。則今之揚州，乃徐州故地。古揚州先在歷陽，今和州；後治曲阿，今丹陽；最後治建康，又治會稽，尤與江都無涉。」今考揚州之名，殆本揚越。

## 北戶 北嚮戶

① 秦地南至北嚮戶。

② 南盡北戶。（秦始皇本紀）

【集解】駢案：『吳都賦曰：「開北戶以向日。」劉逵曰：「日南之北戶，猶日北之南戶也。」』

## 北發

舜南撫交趾、北發，西戎、析枝、渠廋、氐、羌。（五帝本紀）

【索隱】北發當云「北戶」，南方有地名北戶。又按漢書，北發是北方國名，今以北發爲南

方之國，誤也。

〔案〕錢大昕云：「大戴少閒篇『海外肅慎、北發、渠搜、氐、羌來服』之文凡四見，而『南撫交趾』僅一見，其文又不相屬，則非以南、北對舉。漢書公孫弘傳武帝制詞有『北發渠搜，南撫交趾』語，始誤。渠搜，西域國，以為北方，亦未通。」今按：此云「南撫交趾、北發」，則如索隱說。

## 玄闕

遺屯騎於玄闕。（司馬相如傳）

【集解】漢書音義曰：「玄闕，北極之山。」

## 夷

鎮爾南方夷越之亂，無侵中國。（楚世家）

## 九夷



南取漢中，包九夷，制鄢郢。（李斯傳）

【索隱】九夷即屬楚之夷也。

【正義】夷謂并巴、蜀，收上郡，取漢中，伐義渠、丹犁是也。九夷本東夷九種，此言者，文體然也。

## 東夷

紂爲黎山之會，東夷叛之。（楚世家）

## 九夷

昔武王克商，通道九夷、百蠻，使各以其方賄來貢。（孔子世家）

【集解】王肅曰：「九夷，東方夷有九種也。」

## 北夷

①北夷方七百里。（蘇秦傳）

②匈奴新服北夷，來爲邊害。（田叔傳）

【索隱】謂山戎、北狄附齊者。（蘇秦傳）

## 和夷

和夷底績。（夏本紀）

【集解】馬融曰：「和夷，地名也。」

〔案〕水經注：「河水東過山都縣東北。河北有和城，即郡國志所謂武當縣之和城聚，山都縣舊嘗治此。」考山都故城，今襄陽縣西北；武當故城，今均縣北。禹貢和夷當在今武當山境。

## 蠻

燕北迫蠻貉。（燕世家）

## 蠻

① 封熊繹於楚蠻。

② 熊渠三子皆在江上楚蠻之地。

③ 楚曰：「吾蠻夷也。」（楚世家）

## 百蠻

昔武王克商，通道九夷、百蠻，使各以其方賄來貢。（孔子世家）

## 犬戎 犬夷

① 西伯伐犬戎。（周本紀）

② 文王伐崇、密須、犬夷，大作豐邑。（齊世家）

③ 西伯昌伐吠夷氏。（匈奴傳）

④ 穆王將征犬戎。

⑤ 申侯與緡、西夷、犬戎攻幽王。（周本紀）

【集解】徐廣曰：「一作『吠』。」（周本紀）

【索隱】韋昭云：「吠夷，春秋以爲犬戎。」小顏云：「即昆夷也。」（匈奴傳）

【正義】山海經云：「黃帝生苗龍，苗龍生融吾，融吾生并明，并明生白犬。白犬有二，是爲犬戎。」說文云：「赤狄本犬種」，故字從犬。又後漢書云：「犬戎，槃瓠之後也」，今長沙武陵之郡大半是也。又毛詩疏云「犬戎昆夷」是也。（周本紀）

【案】犬戎先與有崇、密須相連爲辭，後與申、緄並結爲伍，其踞地可推，不當以長沙武陵說之。

## 緄戎

自隴以西有緄諸、緄戎、翟獫之戎。（匈奴傳）

【正義】緄，音昆。字當作「混」。顏師古云：「混夷也。」韋昭云：「春秋以爲犬戎。」

## 戎 西戎

①公劉發迹於西戎。（司馬相如傳）

②戎王使由余於秦。由余，能晉言。秦用由余謀伐戎王，益國十二，開地千里，遂霸西戎。

〔秦本紀〕

③繆公西取由余於戎，并國二十，遂霸西戎。〔李斯傳〕

④穆公得由余，西戎八國服於秦。〔匈奴傳〕

⑤惠文王五，北遊戎地，至河上。始皇三十三，西北取戎爲三十四縣。〔六國表〕

## 姜氏之戎

宣王戰於千畝，敗績於姜氏之戎。〔周本紀〕

【集解】韋昭曰：「西夷別種，四嶽之後也。」

〔案〕此戎應在河東，今山西西南境，所謂「公劉發迹西戎」者，不必定指涇、渭之上流也。

## 析枝

①西戎、析枝、渠廋、氐、羌。〔五帝本紀〕

②織皮昆侖、析支、渠搜、西戎即序。〔夏本紀〕

【索隱】鄭玄曰：「山名，在西戎。」王肅曰：「析支在河關西。」（夏本紀）大戴禮云：「鮮支、渠搜」，則鮮支當此析支也。「鮮」、「析」音相近。（五帝本紀）

〔案〕司馬彪曰：「西羌自析支以西，濱於河首左右居，河水屈而東北流，逕於析支之地，是為河曲羌。」蓋在今甘肅臨洮以西，至臨夏境。

## 渠廋 渠搜

①西戎、析支、渠廋、氐、羌。（五帝本紀）

②織皮昆侖、析支、渠搜、西戎即序。（夏本紀）

【索隱】鄭玄以為渠搜，山名，在西戎。地理志朔方有渠搜縣。（夏本紀）

〔案〕禹貢渠搜與漢渠搜不同，當在今陝、甘境。

## 羌

①西戎、析支、渠廋、氐、羌。（五帝本紀）

②庸、蜀、羌、髳、微、緄、彭、濮人。（周本紀）

③秦地西至臨洮、羌中。（秦始皇本紀）

④南越反，西羌侵邊，發三河以西騎擊西羌。（平準書）

⑤漢誅羌，滅南越，番禺以西至蜀南者置初郡十七。（平準書）

⑥降羌燹。（主父偃傳）

⑦羌燹入獻。（淮南傳）

⑧匈奴右方王將居西方，直上郡以西，接月氏、氏、羌。漢西置酒泉郡以隔絕胡與羌通路。

（匈奴傳）

⑨還，並南山，欲從羌中歸。

⑩匈奴右方居鹽澤以東，至隴西長城，南接羌，隔漢道。

⑪月氏餘眾保南山羌，號小月氏。（大宛傳）

【集解】孔安國曰：「羌在西蜀。」（周本紀。按：書疏：「叟，蜀夷別名。後漢書與平元年劉焉遣叟兵五千助馬騰、劉範。」）

【索隱】說文云：「羌，西方牧羊人。」續漢書云：「羌，三苗姜姓之別，舜徙于三危，今河關之西南羌是也。」（匈奴傳）

【正義】隴右岷、洮、叢等州以西，羌也。（周本紀）括地志云：「羌中，從臨洮西南芳州扶

松府以西，並古諸羌地也。」（秦始皇本紀）

〔案〕秦始皇本紀：「十八年，端和將河內，羌虜伐趙。十九年，王翦、羌虜盡定趙地。」

戰國末羌尚有居河內者，武王所會，不必遠在岷、洮。

## 西羌

禹興於西羌。（六國表）

【集解】皇甫謐曰：「孟子稱禹生石紐，西夷人也。傳曰『禹生自西羌』是也。」

【正義】禹生於茂州汶川縣，本冉駹國，皆西羌。

## 西王母

①周繆王使造父御，西巡狩，見西王母。（趙世家）

②長老傳聞條枝有弱水、西王母，而未嘗見。（大宛傳）

【索隱】譙周云：「余嘗聞之，代俗以東西陰陽所出入，宗其神，謂之王父母。或曰地名，



在西域，有何據乎？」（趙世家）

## 山戎

①舜北（？）山戎。（五帝本紀）

②唐虞以上有山戎。（匈奴傳）

③齊釐二十五，山戎伐齊。（十二諸侯年表）

④山戎越燕伐齊，齊釐公與戰於齊郊。（匈奴傳）

⑤齊桓二十三，伐山戎，爲燕也。（十二諸侯年表）

⑥山戎伐燕，齊桓公救燕，北伐山戎，過孤竹。（封禪書，又齊世家、燕世家。）

【集解】服虔曰：「山戎，北狄，蓋今鮮卑也。」何休曰：「山戎者，戎中之別名也。」

（齊世家）

【索隱】服虔云：「蓋今鮮卑是也。」（封禪書）

【正義】左傳莊三十年：「齊人伐山戎」，杜預云：「山戎、北戎、無終三名也。」括地志云：「幽州漁陽縣，本北戎無終子國。」（匈奴傳）

〔索〕燕為南燕。山戎越燕伐齊，應在今晉、豫交界太行山中。此即唐虞以來所謂山戎也。

## 北戎

①齊釐二十五年，北戎伐齊。（齊世家）

②鄭莊三十八，北戎伐齊，鄭救齊。（鄭世家）

〔索〕此北戎即山戎也。

## 山戎

燕北有東胡、山戎。（匈奴傳）

〔索〕此山戎乃始在今河北省東北境，與後世烏桓、鮮卑相當。

## 息慎

①舜北山戎、發、息慎。（五帝本紀）

②成王既伐東夷，息慎來賀。（周本紀）

【集解】鄭玄曰：「息慎，或謂之肅慎，東北夷。」（五帝本紀）

〔案〕左傳：「肅慎、燕、亳，吾北土也。」其時所指肅慎尚在今河北省境，與南燕、殷亳相去不遠。

## 肅慎

①有隼集於陳廷，仲尼曰：「此肅慎之矢也。」（孔子世家）

②邪與肅慎爲隣。（司馬相如傳）

【正義】肅慎國記云：「肅慎，其地在夫餘國東北，可六十日行。」（孔子世家）括地志云：

「昧鞞國，古肅慎也，亦曰挹婁，在京東北八千四百里，南去扶餘千五百里，東及北各抵大海。（司馬相如傳）其國南有白山，鳥獸草木皆白。」（夏本紀）

## 離枝

齊桓公北伐山戎，離枝、孤竹。（齊世家）

【集解】駟案：「地理志云：「令支縣有孤竹城」，疑離枝即令支也，「令」、「離」聲相

近。

【索隱】離枝，古國名。秦以離支爲縣，地理志遼西令支縣有孤竹城。

〔案〕漢遼西郡令支，今河北遷安縣西。然桓公伐山戎救燕，乃南燕；築五鹿、中牟、鄴諸城，以衛諸夏；皆近在今河南境。其自誇齊履所至，北曰無棣，疑當時齊師未嘗至此孤竹令支，殆出戰國後傳說也。

## 孤竹

①伯夷、叔齊在孤竹。（周本紀）

②伯夷、叔齊，孤竹君之二子。（伯夷傳）

③齊桓公伐山戎，次於孤竹。（秦本紀）

④桓公北伐山戎，過孤竹。（封禪書，又齊世家。）

⑤北伐山戎、離枝、孤竹。（齊世家）

【集解】應劭曰：「在遼西令支。」（周本紀）

【索隱】地理志云：「遼西令支縣有孤竹城。」應劭曰：「蓋伯夷之國，君姓墨胎氏。」

〔伯夷傳〕爾雅曰：「孤竹、北戶、西王母、日下謂之四荒。」〔齊世家〕

【正義】括地志云：「孤竹故城在平州盧龍縣南十二里，〔封禪書注引作「二十里」〕。殷時諸侯

孤竹國，姓墨氏。」〔周本紀〕

〔案〕水經注：「肥如城西十里，有濡水，南流逕孤竹城西，右合玄水。玄水自肥如來，西南逕孤竹城北，西入濡水。」孤竹城，今河北盧龍縣南。又有孤竹山，在縣西，殆出附會。謂齊桓伐山戎過此，亦不可信；說詳「離支」條。又殷後分封，有目夷氏，或即墨胎氏。其國疑在大河北岸，齊伐山戎至太行所經。

## 戎翟

①幽王爲太室之盟，戎翟叛之。〔楚世家〕

②叔帶與戎翟謀伐襄王。〔周本紀、齊世家。〕

③襄王降翟師以伐鄭。

④惠后開翟人入周，襄王出奔鄭。〔周本紀、鄭世家。〕

⑤齊使管仲平戎於周。

⑥桓公四十二，戎伐周。（齊世家）

〔案〕此戎翟在河南。

## 陸渾

①戎狄或居於陸渾。（匈奴傳）

②楚莊王伐陸渾之戎。（周本紀）

③楚莊八，伐陸渾至雒。（十二諸侯年表、楚世家。）

【集解】服虔曰：「陸渾戎在洛西南。」（楚世家）徐廣曰：「一爲『陸邑』。」（匈奴傳）

案：地理志，陸渾縣屬弘農郡。（周本紀）

【索隱】春秋左氏：「秦、晉遷陸渾之戎於伊川。」杜預以爲「允姓之戎居陸，在秦、晉間，二國誘而徙之伊川，遂從戎號，今陸渾縣」是也。（匈奴傳）

【正義】杜預云：「允姓（楚世家注引作「尹姓」。）之戎居陸渾，在秦西北，秦、晉誘徙伊川，今洛州陸渾縣。」後漢書云：「陸渾戎自瓜州遷於伊川。」括地志云：「故麻城謂之蠻中，在汝州梁縣界。」左傳：「單浮餘圍蠻氏」，杜預云：「城在河南新城東南，伊洛之戎陸渾蠻」

氏城也。俗以「麻」、「蠻」聲近故耳。」「新城，今伊闕縣是。」（周本紀）

〔案〕陸渾故城，今嵩縣東北。蠻城，今臨汝縣西南。左成六陸渾蠻氏從晉侵宋，是蠻氏即陸渾之戎之證。昭十六楚殺戎蠻子嘉，遂取蠻氏。翌年，晉荀吳滅陸渾，其酋奔楚。自後晉城汝濱而守之；晉、楚劃汝為界。蓋此蠻在嵩山山脈中，西北至伊水，東南至汝源，皆其居，其地與陸渾相接。漢志：「河南郡新城，惠帝四年置。蠻中，故戎蠻子國。」後漢志：「新城，有鄭聚，古鄭氏，今名蠻中。」水經汝水注：「俗稱麻解城。」

## 陸

陸賈，楚人。（陸賈傳）

【索隱】案：陳留風俗傳云：「陸氏，春秋時陸渾國之後。奔楚，賈其後。」又陸氏譜云：「齊宣公友子達食采於陸鄉，號陸侯。」

## 狄

①衛懿九，翟伐衛，齊桓伐翟。（衛世家）

②桓公二十八，衛文公有狄亂，告急於齊。

③齊昭公六，翟侵齊。

④靈公，戎姬嬖。（齊世家）

〔案〕此河北之狄。

## 防風氏

①禹致群神於會稽山，防風氏後至，禹殺之，其節專車。

②客曰：「防風何守？」仲尼曰：「汪罔氏之君守封禺之山。」（孔子世家）

〔案〕左昭五：「莒牟夷以牟婁及防、茲來奔。」杜注：「平昌縣西南有防亭，姑幕縣東北有茲亭。」皆在今諸城縣西北安丘縣西南境。

## 封禺

①汪罔氏之君守封禺之山。（孔子世家）

②既守封禺，奉禹之祀。



③甌人葆守封禺。（自序）

【集解】韋昭曰：「封，封山；禺，禺山。在吳郡永安縣。」闕案：晉太康元年改永安爲武康縣，今屬吳興郡。（孔子世家）

【索隱】封禺之山，今在武康縣也。（自序）

【索】禺山，今浙江武康縣東南三十里，然此特後人謂會稽在浙江而附會說之，未足信據。

今考左定四：「祝佗曰：『武王分魯公以封父之繁弱。』」漢置封丘縣，其在春秋爲長丘，又稱延鄉。郡國志注劉昭曰：「封丘有狄溝，敗狄於長丘」，是也。陳留風俗傳：「高祖厄於延鄉，有翟母免其難，故以延鄉爲封丘，封翟母。」封丘之名，本於封父，風俗傳之說，殊不可信。然延鄉有翟，斯亦一證。（互詳「衍」字條。）蓋「封父」、「封禺」音轉字譌，亦稱長丘，又號延鄉，皆以長翟得名；狄溝之名，更爲確據。又封邱縣東北十八里有淳于岡，湮於河。古淳于國在今山東安邱縣東北三十里，古防亭亦同在安邱境，疑防風氏本在今山東安丘、諸城海濱之地，其守封禺則在河南省大河北岸。其族善用弓矢以資獵，所謂「封父繁弱」，猶之肅慎之楛矢矣。

## 釐姓

汪罔氏之君守封禺之山，爲釐姓。（孔子世家）

【索隱】釐，音僂。家語云「姓漆」，蓋誤。系本無漆姓。

〔案〕水經注：「濟水又東南逕釐城東。春秋經書：『公會鄭伯於時來。』左傳所謂『釐』也。京相璠曰：『今滎陽縣東四十里，有故釐城。』今河南舊滎澤縣東，與封丘相近。

## 汪罔

汪罔氏之君守封禺之山，爲釐姓。在虞、夏、商爲汪罔，於周爲長翟。（孔子世家）

## 長翟 鄭瞞

①於周爲長翟，今謂之大人。（孔子世家）

②惠公二，長翟來。（齊世家）

③文公十一，敗翟於鹹，獲長翟裔如。初，宋武公敗翟於長丘，獲長翟緣斯。晉滅潞，獲裔如弟

勢如。齊惠公二，鄭瞞伐齊，齊獲其弟榮如。衛人獲其季弟簡如。鄭瞞遂亡。（魯世家）

④昭公四，宋敗長翟緣斯於長丘。（宋世家）

【集解】服虔曰：「鄭瞞，長翟國名。」（魯世家）駟案：「魯世家云宋武公之世，獲緣斯。宋世家云昭公，未詳。」

【索隱】蓋此「昭」當爲「武」。（宋世家）

【案】宋武公爲昭公九世祖。宋昭四當魯文十一，乃獲喬如之歲；獲緣斯者當爲宋武公，魯世家所載近是。

## 狄

①田儋，狄人。

②周市徇地至狄。（陳涉世家、田儋傳。）

【集解】徐廣曰：「今樂安臨濟縣。」

【正義】淄州高苑縣西北狄故縣城。（田儋傳）

【案】今高苑縣西北。戰國策：「田單攻狄，五月不下」，是也。或曰即長狄所居。

## 翟

- ① 蒲邊秦，屈邊翟。
- ② 重耳奔翟。
- ③ 晉北邊翟。
- ④ 重耳奔狄。狄，其母國也。
- ⑤ 厲公初立，秦與翟謀伐晉。
- ⑥ 悼公使魏絳和戎，戎大親附。悼公曰：「自吾用魏絳和戎、翟。」（晉世家）
- ⑦ 魏武九，翟敗魏於澮。（六國表、魏世家）
- ⑧ 夢帝屬我一翟犬。
- ⑨ 主君之子將克二國於翟，皆子姓也。
- ⑩ 翟犬者，代之先也。（魏世家）
- ⑪ 簡、襄主之烈，計胡、翟之利。
- ⑫ 吾欲繼襄主之跡，開於胡、翟之鄉。（趙世家）

〔案〕此翟大部在山西境。

## 白翟

①晉文公攘戎翟，居於河內圖、洛之間，號曰赤翟、白翟。（匈奴傳）

②西賈秦、翟。（貨殖傳）

③秦與戎翟同俗。（魏世家）

【索隱】按：左傳云：「晉師敗翟於箕，郤缺獲白翟子。」杜氏以爲「白翟之別種，故西河郡有白部胡」。又國語云：「桓公西征，攘白翟之地，遂至于西河。」

【正義】括地志云：「延、銀、綏三州，白翟地。」（匈奴傳）又：翟、隰、石等州部落稽也。（貨殖傳）

〔案〕此翟大部在今陝西。

## 赤翟

晉文公攘戎翟，居於河內圖、洛之間，號曰赤翟、白翟。（匈奴傳）

【索隱】案：左傳云：「晉師滅赤狄潞氏。」杜氏以「潞，赤翟之別種也，今上黨潞縣」。又春秋地名云：「今日赤涉胡。」

【正義】括地志云：「潞州，本赤狄地。」按：文言「圖、洛之間號赤狄」，未詳。  
〔案〕史文蓋指赤翟居河內，白翟在國、洛間。

## 焦僈

焦僈氏三尺。（孔子世家）

【集解】韋昭曰：「焦僈，西南蠻之別名也。」案：括地志：「在大秦國北也。」

## 長夷

舜東（？）長（夷）、鳥夷。（五帝本紀）

【索隱】「長」下少一「夷」字，長夷也。

## 鳥夷

①舜東(?)長夷、鳥夷。(五帝本紀)

②鳥夷皮服。(夏本紀)

【集解】鄭玄曰：「鳥夷，東北之民搏食鳥獸者。」(夏本紀)

【正義】注「鳥」或作「島」。括地志云：「百濟國西南海中有大島十五所，皆置邑，有人居，屬百濟。又倭國西南大海中島居凡百餘小國，在京南萬三千五百里。」按：武后改倭國爲日本國。(五帝本紀)

〔案〕「鳥夷」後譌為「島夷」，正義本之為說。

## 郁夷 嵎夷

①堯命羲仲居郁夷。(五帝本紀)

②嵎夷既略。(夏本紀)

【集解】駁案：「郁夷」，尚書作「嵎夷」。孔安國曰：「東表之地稱嵎夷。」

【索隱】郁夷亦地之別名也。(五帝本紀)「嵎夷」，今文尚書及帝命驗並作「禺鍬」，在遼西。

「鍬」，古「夷」字也。(夏本紀)

【正義】禹貢青州云：「嵎夷既略。」按：嵎夷，青州也。（五帝本紀）

〔案〕顏師古曰：「嵎夷，地名，即陽谷所在。」

## 陽谷

堯命羲仲居郁夷，曰陽谷。（五帝本紀）

【集解】孔安國曰：「日出於陽谷。」

【索隱】史記舊本作「湯谷」，今並依尚書字。案：淮南子曰：「日出湯谷，浴於咸池」，則湯谷亦有他證。

【正義】日所出處，名曰陽明之谷。

〔案〕宋書州郡志：「丹徒縣本古朱方，後名陽谷，秦改曰丹徒。」是朱方亦日出處也。古代地名多有隨地理智識之展擴而推遷愈遠者，於是古人所謂陽谷，後世遂至無可指實。

## 湯谷

右以湯谷爲界。（司馬相如傳）



【正義】海外經云：「湯谷在黑齒北，上有扶桑木，水中十日所浴。」張揖云：「日所出也。」  
許慎云：「熱如湯。」

## 西土

堯命和仲居西土。（五帝本紀）

【集解】徐廣曰：「一無『土』字。以爲西者，今天水之西縣也。」駱案：鄭玄曰：「西者，隴西之西，今人謂之兌山。」

〔案〕史文混稱「西土」，而注說者必確指為天水西縣，大誤。

## 西方

鄭桓公曰：「吾欲居西方，何如？」（鄭世家）

【索隱】國語曰：「公曰：『謝西之九州何如？』」韋昭曰：「謝，申伯之國。謝西有九州。二千五百家爲州。」其說蓋異此。

〔案〕此即目謝西九州為西方。

## 昧谷

堯命和仲居西土，曰昧谷。（五帝本紀）

【集解】徐廣曰：「一作『柳谷』。」駟案：孔安國曰：「日入于谷而天下冥，故曰昧谷。」

## 流沙

①顓頊西至流沙。（五帝本紀）

②弱水至於合黎，餘波入於流沙。（夏本紀）

③始皇琅邪刻石：「皇帝之土，西涉流沙。」（秦始皇本紀）

④涉流沙兮四夷服。（樂書）

【集解】鄭玄曰：「地理志流沙在張掖居延縣西北，名居延澤。地記曰：『弱水西流入合黎山腹，餘波入于流沙。』」馬融、王肅皆云合黎、流沙是地名。

【索隱】地理志：「張掖居延縣西北有居延澤，古文以爲流沙。」廣志：「流沙在玉門關外，

有居延澤、居延城。」又山海經云：「流沙出鍾山，西南行昆侖墟入海。」按：是地兼有水，故一云地名，一云水名，馬、鄭不同，抑有由也。（夏本紀）

【正義】括地志云：「居延海南，甘州張掖縣東北千六十四里是。」（五帝本紀）

〔案〕居延海在今寧夏額濟納舊土爾扈特旗北境，分東西二泊：東曰索果諾爾，西曰嘎順諾爾；為張掖河所匯。張掖河即古弱水也。漢書、水經注皆謂流沙即居延。顏師古云：「流沙在敦煌西八十里。」郭義恭廣志：「流沙在玉門關外，南北二十里，東西數百里。」晉書：「張駿使楊宣越流沙，伐龜茲、鄯善。」魏書：「太平真君三年，沮渠無諱度流沙，據鄯善。」與漢志異。然最先所謂流沙，殆係關涉西方之傳說，未必確有所指。

## 流沙

桓公西伐大夏，涉流沙。（封禪書，又齊世家。）

〔案〕此流沙在今山西境。今平陸縣東二十里傳巖前有沙澗水，或是也。

## 不周

絕道不周。（司馬相如傳）

【集解】駰案：漢書音義曰：「不周山在崑崙東南。」

【索】楚辭：「路不周以左轉，指西海以為期。」淮南天文訓：「昔共工與顓頊爭為帝，怒而觸不周之山。」山海經：「大荒之隅，有山而不合，名曰不周。」蓋既謂有不合之山，又謂共工觸之使不合也；此皆神話，無可證實。

## 交趾 南交

①顓頊南至交趾。

②舜南撫交趾。

③堯命羲叔居南交。（五帝本紀）

【索隱】南方地有名交趾者。

【正義】交州也。

【索】漢交趾郡治羸樓，今安南東京州西。後漢交州刺史治龍編，今安南河內省。

## 椒丘

出乎椒丘之闕。(司馬相如傳)

【集解】郭璞曰：「椒丘，丘名，見楚辭。」

【索隱】服虔云：「丘名也。」案：兩山俱起，象雙闕，故云「椒丘之闕」。楚詞曰：「馳椒丘且焉止息」，是也。



## 卷二 上古地名

### 阪泉

黃帝與炎帝戰於阪泉之野。（五帝本紀）

【集解】皇甫謐曰：「在上谷。」

【正義】括地志云：「阪泉，今名黃帝泉，在嬀州懷戎縣東五十六里。出五里至涿鹿東北，與涿水合。又有涿鹿故城，在嬀州東南五十里，本黃帝所都也。晉太康地志云：『涿鹿城東一里有阪泉，上有黃帝祠。』」

〔案〕唐懷戎縣，今察哈爾省懷來縣治，黃帝、炎帝何緣會戰於此？阪泉與涿鹿相近，當在今山西解縣、安邑境。考安邑縣東南三十二里有吳山，跨夏縣、平陸縣界；一名虞山，又名

吳阪，亦名虞坂、鹽坂。水經注：「虞城北對長坂二十里許，謂之虞坂。」隋書地理志：「夏縣有虞坂」，是也。所謂「阪泉之野」，恐當在此。

〔又案〕逸周書嘗麥解：「赤帝命蚩尤于少昊，以臨四方。蚩尤放逐帝于涿鹿。黃帝乃執蚩尤殺之。」史記解稱蚩尤曰阪泉氏。是黃帝戰阪泉與涿鹿，皆對蚩尤。阪泉、涿鹿，亦必近在一處。

## 涿鹿

① 黃帝邑於涿鹿之阿。

② 黃帝與蚩尤戰於涿鹿之野。

③ 司馬遷北過涿鹿。（五帝本紀）

【集解】服虔曰：「涿鹿，山名，在涿郡。」張晏曰：「涿鹿在上谷。」

【索隱】或作「濁鹿」。按：地理志上谷有涿鹿縣。

【正義】廣平曰阿。涿鹿故城在涿鹿山下。涿鹿山在嬀州東南五十里，山側有涿鹿城，即黃帝、堯、舜之都。



〔案〕注家說涿鹿在今察哈爾省之涿鹿縣，黃帝豈遽遠跡至此？索隱「涿鹿」或作「濁鹿」，疑即山西解縣之濁澤也。寰宇記：「安邑縣南十八里有蚩尤城。」安邑縣志：「鹽池東南二里許，有蚩尤村。」則黃帝戰蚩尤之傳說，最先當溯源於此。

〔又案〕史文惟言「涿鹿之野」、「涿鹿之阿」，並無涿鹿山。水經注：「涿水出涿鹿山」，其說後起。今宣化境並有崆峒、熊耳、釜山、歷山、嬀河、涿鹿諸名，豈可一一據之以論古史？

## 空桐 空峒

①黃帝西至空桐，登雞頭。（五帝本紀）

②上遂郊雍，至隴西，西登空桐。（孝武本紀、封禪書。）

③司馬遷西至空桐。（五帝本紀）

【集解】應劭曰：「空桐，山名。」韋昭曰：「在隴右。」（五帝本紀）

〔案〕崆峒山，今河南臨汝縣西南六十里，上有廣成子廟，下有廣成墓及城。廣成澤在縣西四十里。莊子言黃帝問道空同；遊襄城，登具茨，見大隗，迷於襄城之野；皆與此山接壤。

## 空桐氏 空同氏

①契爲子姓，其後分封，以國爲姓，有空桐氏。（殷本紀）

②趙襄子娶空同氏。（趙世家）

〔案〕左哀二十六：「宋大尹興空澤之甲，奉公自空桐入如沃宮。」杜注：「梁國虞縣東南有地名空桐。」別詳「桐宮」條。不知趙襄子娶空同氏是此否？

## 雞頭

①黃帝西至空桐，登雞頭。（五帝本紀）

②始皇二十七，巡隴西、北地，出雞頭山。（秦始皇本紀）

【索隱】山名也。後漢王孟塞雞頭道，在隴西。一曰崆峒山之別名。

【正義】括地志云：「空桐山在肅州福祿縣東南六十里。」又云：「笄頭山一名崆峒山，在原州平高縣西百里，禹貢涇水所出。輿地志云：『或即雞頭山也。』酈元云：『蓋大隴山異名也。』」按：二處崆峒皆云黃帝登之，未詳孰是。（五帝本紀）

〔案〕雞頭一名筭頭，一作𡵓頭，一作汧屯，又名零屯，一名薄洛。淮南地形訓：「涇出薄洛之山。」漢志：「涇陽縣，𡵓頭山在西，涇水所出。」括地志、元和志、寰宇記皆云雞頭山在平高縣西百里，與今涇水發源處不合。「西」當作「南」，山當在今平涼西北固原界。又隋書地理志：「福祿縣有崆峒山」，今高臺縣界，其地於漢屬酒泉郡，非秦版圖所及。至黃帝登崆峒，則在河南。

## 熊湘

①黃帝南至江，登熊湘。（五帝本紀）

②桓公南伐至召陵，登熊耳山以望江、漢。（封禪書。又齊世家作「熊山」。）

【集解】駟案：封禪書曰：「南伐至于召陵，登熊山。」地理志曰：「湘山在長沙益陽縣。」  
（五帝本紀）

【索隱】荊州記順陽、益陽二縣東北有熊耳山，東西各一峯，如熊耳狀，因以爲名。齊桓公、太史公並登之。或云弘農熊耳，非也。（封禪書）

【正義】括地志云：「熊耳山在商州洛縣西十里，齊桓公登之以望江、漢也。湘山一名鰲山，

「在岳州巴陵縣南十八里。」（五帝本紀）

〔索〕熊湘乃一山耳。豈有熊在豫，湘在楚，而可一言以蔽曰「登熊湘」乎？索隱云「順陽、益陽二縣東北有熊耳」者，考順陽故城，今淅川縣東。漢志熊耳山出三水，汧水其一。今汧水源出內鄉縣之熊耳山，內鄉東北接南召境。索隱蓋謂齊桓登熊耳山當在此。今索隱此條必有誤字，蓋後人妄加「益陽」字，以此熊耳即熊湘，遂以為在長沙之益陽耳。今考「襄」、「相」聲義皆通，楚人所謂湘江，即今之襄水，並不在湖南。而齊桓登熊耳，則尚不如索隱所說。屈完謂：「楚方城以為城，江、漢以為溝。」方城在葉縣境，若齊師已踰葉，當直趨南陽、新野，無緣迂道而至內鄉。蓋召陵不在今南召，而在今鄧城。熊湘山當在葉縣東北襄城境。襄城，王莽更名相成。此「相」、「襄」可通，而此地可有「湘」名之一證。又楚策莊辛說楚襄王：「蔡聖侯南遊高陂，北陵巫山，食湘波之魚，抱妾擁嬖，馳騁高蔡之中。」高蔡即上蔡也。汝水自襄城東南流至上蔡，此必汝水有「湘」名矣。此地有「湘」名二證也。然則熊湘正當在今襄城縣境。莊子謂「黃帝遊襄城之野，而七聖皆迷」。今襄城縣南五里有首山山脈，迤邐直接嵩、華，舊說黃帝所遊，疑即熊湘，而後人迷失其名耳。齊桓南伐至召陵，而登此山，地望亦合。謂「望江、漢」，此文章誇飾之辭。又考襄城亦名長

沙，詳彼條，可互參。

## 熊耳

①熊耳、外方、桐柏至於負尾。

②又道雒自熊耳。（夏本紀）

【集解】鄭玄曰：「地理志熊耳在盧氏東。」

【索隱】熊耳山在弘農盧氏縣東，伊水所出。

【正義】熊耳山在虢州盧氏縣南五十里，洛所經。

〔案〕今盧氏縣南。

## 湘山

①始皇西南渡淮水，之衡山、南郡。浮江，至湘山祠。

②使刑徒三千人皆伐湘山樹，自南郡由武關歸。（秦始皇本紀）

③後五年，始皇南至湘山，遂登會稽。

④天下名山五，太室、恆山、泰山、會稽、湘山。（封禪書）

【索隱】地理志湘山在長沙。（封禪書）

【正義】括地志云：「黃陵廟在岳州湘陰縣北五十七里，舜二妃之神。二妃塚在湘陰北一百六十里青草山上。盛弘之荊州記云：『青草湖南有青草山，湖因山名焉。』列女傳云：『舜陟方，死於蒼梧。二妃死於江、湘之間，因葬焉。』」按：湘山者，乃青草山。山近湘水，廟在山南，故言湘山祠。（秦始皇本紀）

〔案〕史言「浮江至湘山祠」，乃至湘山行祠事，非言至湘山廟。青草山亦並無湘山之名。正義曲說，不可信。湘山當為近湘之山。「湘」即「裏」，即漢水也；正在南郡浮江者。古人漢亦稱江，不必指大江。自此乃經武關，至長安。封禪書言：「後五年，始皇南至湘山，遂登會稽」，考始皇本紀，乃三十七年事。謂：「行至雲夢，望祀虞舜於九疑山。浮江下」云云。是封禪書湘山正在雲夢，今湖北境。秦博士曰：「堯女，舜之妻，而葬此。」故於是望祀虞舜。今必謂湘山在洞庭，則封禪書與始皇紀不能合，正緣誤於「湘」字必指湖南湘水耳。

## 釜山

黃帝北逐葷粥，合符釜山。（五帝本紀）

【索隱】洞冥記稱東方朔云：「東海大明之墟有釜山。」

【正義】括地志云：「釜山在嬀州懷戎縣北三里，山上有舜廟。」

〔案〕河南閿鄉縣南三十五里有荆山，山下有鑄鼎原，云即黃帝採首陽之銅鑄鼎處。其山亦名覆釜山。又河南偃師縣南四十里緱氏山，一名覆釜堆，相傳周靈王太子晉登仙之所；又縣西北二十里有首陽山。黃帝釜山當在此二處。

## 軒轅之丘

黃帝居軒轅之丘。（五帝本紀）

【集解】皇甫謐曰：「黃帝受國於有熊，居軒轅之丘。」

## 有熊

閔天之徒求有熊九駟。（周本紀）

【正義】括地志云：「鄭州新鄭縣，本有熊氏之墟。」

〔案〕軒轅之丘，今河南新鄭縣西北，即古有熊氏地也。郡國志：「河南尹新鄭，黃帝之所都。」通典：「新鄭，祝融之墟。」今新鄭縣城東南二十里有黃水，下流與洧水合。左襄二十八，鄭伯有送勞魯公於黃崖，杜預曰黃崖以黃水而名。水經注：「黃水出太山南黃泉。」太山在新鄭縣西北二十五里，一名自然山。「自然」即「有熊」字譌。然則稱黃帝，以其居黃水得名。又新鄭縣西南四十里有大隗山，今名具茨山，莊子：「黃帝將見大隗具茨之山，至於襄城之野，而七聖皆迷」，是也。

## 江水

青陽降居江水，昌意降居若水。（五帝本紀）

【索隱】江水、若水皆在蜀。水經曰：「水出旄牛徼外，東南至故關爲若水，南過邛都，又東北至朱提縣爲瀘江水」，是蜀有此二水也。

【正義】括地志云：「安陽故城在豫州新息縣西南八十里。應劭云：『古江國也。』地理志



亦云：『安陽，古江國也。』

## 江氏

①秦後分封，有江氏。（秦本紀）

②江、黃、胡、沈之屬。（陳杞世家）

③穆王三年，滅江。（十二諸侯年表、楚世家。）

〔案〕漢志汝南郡安陽，應劭曰：「故江國。」故城今正陽縣西南。水經注有青陂水入淮，在今息縣北。或「青陽」之名本此。又大戴帝繫篇作「青陽降居沘水」。沘水即澧水，今名沙河，今河南魯山、葉縣、舞陽境，其下流入汝。或汝亦得江稱也。

## 若水

昌意降居若水。（五帝本紀）

〔索隱〕若水在蜀。水經曰：「水出旄牛徼外，東南至故關爲若水。」（五帝本紀）張揖曰：「至犍道入江。」（司馬相如傳）

〔案〕左傳二十五年：「秦、晉伐郤，過析隈」，注：「郤在商密，秦、楚界上小國。析，楚邑，一名白羽，今南鄉析縣。」析邑因析水為名。析水與丹水合，若水非丹即析，地因水名曰郤，猶鄆、鄆之例。郤於漢為丹水縣，縣有順陽鄉，哀帝以封孔光。水經均水注：「均水南逕順陽縣西，漢哀帝更為博山縣，明帝復曰順陽。應劭曰：『縣在順水之陽。』今於是縣，則無聞於順水矣。」考易傳：「若，順也。」「順陽」蓋猶「若陽」，順水即若水。楚世家：「楚之先祖出自帝顓頊高陽。高陽，黃帝之孫，昌意之子。」楚之先居丹陽，正此丹、析之間，則昌意居若水在丹、析明矣。又漢武時有若陽侯，漢表注在平氏。平氏，今桐柏縣西。蓋其地本亦有名若之水。古山川地名，往往隨民族而遷徙，故同名，實多可以從此推求古民族遷徙之跡象。後人不明此意，說古史地名者，每好偏舉一偏遠者為主。故昌意降居若水，必在西蜀；黃帝戰於涿鹿，必在察哈爾。如是則古史盡成飄忽無可捉摸之神話矣。

## 若水

① 西至沫，若水，南至梓柯為徼。

② 乃關沫，若。（司馬相如傳）

〔案〕漢志：「若水出旄牛徼外，南至大苻入繩。」即今鴉磬江。

## 橋山

### ①黃帝葬橋山。（五帝本紀）

②北巡朔方，還祭黃帝冢橋山，澤兵須如。（孝武本紀、封禪書。）

〔集解〕駢案：皇覽曰：「黃帝冢在上郡橋山。」

〔索隱〕地理志橋山在上郡同陽縣（陽周），山有黃帝冢也。

〔正義〕括地志云：「黃帝陵在寧州羅川縣東八十里子午山。地理志云上郡陽周縣橋山南有

黃帝冢。」按：陽周，隋改爲羅川。爾雅云山銳而高曰橋也。（五帝本紀）

〔案〕後魏陽周縣，隋改羅川，今甘肅正寧縣北，子午山在其東。其東北當陝西中部縣，乃漢翟道縣，屬左馮翊；又東北至鄜縣，始爲漢上郡境。漢陽周屬上郡，據水經注：「走馬水出西南長城北，陽周縣故城南橋山。山上有黃帝冢。昔段颎追羌出橋門，門即橋山之長城門也。」陽周在走馬水北，應爲今安定縣北界。漢志：「陽周，橋山在南。」清一統志：「疑今安定縣北八十里有高柏山，即漢志橋山。」惟武帝巡朔方而還，蓋行秦人所爲直道。直道經

今中部縣西北二百里子午嶺，接甘肅合水縣界，沮水出其北。疑漢人所謂橋山當指此，故漢志入之上郡陽周之南。明統志：「子午山在合水縣東五十里，一名橋山。南達耀州，北抵鹽州，東接延安，縣互八百餘里。」甘肅通志：「山長千餘里，北入大漠，南盡分水。其東水皆東南流，為延安界；其西水皆西南流，為慶陽界。直南直北，皆隨地異名。」冊府元龜：「唐大曆五年，鄜坊節度使上言：『坊州有軒轅黃帝陵，請置廟列祀典。』」寰宇記：「橋山在坊州西二里。」唐、宋坊州即今中部縣，則移而近漢馮翊界矣。正寧縣志：「橋山在縣東七十里，一名子午山，又名橫山。」則在漢北地界矣。似皆失之。

## 高陽

①帝顓頊高陽。（五帝本紀）

②昌邑未拔，西過高陽。（高祖本紀）

③梁北界泰山，西至高陽。（梁孝王世家）

④酈商，高陽人。（酈商傳）

⑤酈食其，陳留高陽人。（酈生傳）

【集解】皇甫謐曰：「帝顓頊都帝丘，今東郡濮陽是也。」（五帝本紀）文穎曰：「高陽，聚邑

名也，屬陳留圉縣。」瓚曰：「陳留傳曰在雍丘西南。」（高祖本紀）駟案：司馬彪曰「圉有

高陽亭」也。（梁孝王世家）徐廣曰：「今在圉縣。」（酈生傳）

【索隱】張晏曰：「帝顓頊高陽者，所興地名也。」（五帝本紀）圉縣屬陳留。高陽，鄉名。

（梁孝王世家）

【正義】陳留風俗傳云：「高陽在雍丘西南。」括地志云：「圉城在汴州雍丘縣西南。食其

墓在雍西南二十八里。」（酈生傳）

【案】今杞縣西。地理志陳留郡無高陽縣，蓋以鄉名而著於時。金史地理志杞縣有圉城鎮，

明志開封府杞縣西有故高陽城，南有廢圉縣，是也。

## 高辛

帝嚳高辛氏。（五帝本紀）

【集解】張晏曰：「高陽、高辛皆所興之地名。」皇甫謐曰：「都亳，今河南偃師是。」

【索隱】宋衷曰：「高辛，地名。」

〔案〕方輿紀要河南陳留縣東北三十五里有莘城，又山東曹縣北十八里亦有莘城；似乃一地，疑即高辛邑也。左傳城濮之戰，晉侯登有莘之虛以望是也。又縣南十五里有空桑城。路史云：「空桑氏以地記高陽所居。」地紀云：「空桑南杞而北陳留，各三十里。」然則帝顓頊與帝嚳固近在百里內。

〔又案〕夏本紀鯀為帝顓頊之後，索隱：「連山易云：『鯀封於崇』，故國語謂之『崇伯鯀』。」崇即嵩也。索隱：「世本：『鯀取有莘氏女，是生高密。』」宋忠曰：「高密，禹所封國。」地望皆近。

〔又案〕春秋隱二年：「公會戎於潛。」杜注：「陳留濟陽縣東南有戎城。」方輿紀要：「濟陽城在曹縣西南七十里。」水經注：「濟濟自濟陽縣故城南，東逕戎城北。」舊說帝嚳次妃有娥氏女，竊疑「娥」即「戎」，亦與莘地毘鄰。

〔又案〕清一統志：「高辛城在商邱縣南，今名高辛里。」元和志：「高辛故城在穀熟縣西南四十五里，帝嚳初封於此。」則殆以帝嚳為商人之祖，故遂於商亳之南有高辛城也。

禹，姒姓，其後分封，用國爲姓，有辛氏。（夏本紀）

〔索〕詩大雅：「鑽女維莘」，在陝西郿陽，乃姒姓國。世本「鯨納有莘氏女」，孟子「伊尹耕有莘之野」，此莘在山東曹縣北。又左莊三十二年：「有神降于莘」，杜注：「號地。」元和志：「莘野在碭石縣西十五里。」今河南陝縣東南五十里是也。其他古地名莘者尚多：如左僖二十八：「晉侯登有莘之虛」，在河南陳留。左桓十六，衛盜殺急子於莘，在山東莘縣。又春秋莊十：「荊敗楚師於莘」，今河南汝南縣。「辛」即「莘」也。古辛氏之分布殆甚廣，此所指當係河南陝縣一帶為近是，其後散而之四方也。

## 有莘氏

伊尹爲有莘氏媵臣。（殷本紀）

〔正義〕括地志云：「古莘國在汴州陳留縣東五里，故莘城是也。陳留風俗傳云：『陳留外黃有莘昌亭，本宋地，莘氏邑也。』」

## 有莘氏

周閼天之徒求有莘氏美女。（周本紀）

【正義】括地志云：「古莘國城在同州河西縣南二十里。世本云：『莘國，姒姓，夏禹之後。』」

〔案〕今陝西郿陽縣南二十里。應劭曰：「莘國在洽之陽」，是也。武王母太姒為莘國女，詩曰：「鑽女維莘」，是也。夏本紀禹後封國有莘氏，殆即莘，惟不知在宋，抑在秦？

## 虞 虞吳

①虞舜。（五帝本紀）

②昭襄五十三，伐魏，取吳城。（秦本紀）

【索隱】虞，國名，在河東大陽。（五帝本紀）

【正義】括地志云：「故虞城在陝州河北縣東北五十里虞山之上，亦名吳山，周武王封弟虞仲於周之北故夏墟吳城，即此城也。」（秦本紀）酈元注水經云：「幹橋東北有虞城，堯以女嬪於虞之地也。」又宋州虞城大襄國所封之邑，（「大襄」疑「虞思」二字之誤，見路史國名紀。）杜預云：「舜後諸侯也。」又越州餘姚縣，顧野王云：「舜後支庶所封之地。舜，姚姓，故名



餘姚。縣西七十里有漢上虞故縣。」會稽舊記云：「舜，上虞人，去虞三十里有姚丘，即舜所生也。」括地志又云：「姚墟在濮州雷澤縣東十三里。」（五帝本紀）

〔案〕正義各說，不過以後世名虞者推測說之。帝王世紀：「舜都蒲阪」，則在河東。然蒲阪與大陽亦非一地，而大陽之虞，乃周初封國，則不知虞舜之虞果在此否？惟會其大體而觀，則虞先在河東為近是。

## 虞

①虞、芮有獄不能決。（周本紀）

②西伯斷虞、芮之訟。（齊世家）

③封虞仲於周之北故夏虛。

④晉獻公滅周北虞公，以開晉伐虢。（吳世家）

⑤晉假道於虞伐虢。

⑥晉滅虢，還，襲滅虞。（晉世家）

⑦晉獻公滅虞、虢。（秦本紀）

⑧號爲虞卿。（平原君虞卿傳）

【集解】駢案：地理志虞在河東太陽縣。（周本紀）

【案】虞城，今平樂縣東北六十里，一名吳城。地理志：「大陽，吳山在西，上有吳城」，是也。

## 虞

①陳胡公滿，虞帝舜後。舜子商均爲封國。夏后之時，或失或續。（陳紀世家）

②少康奔有虞，有虞妻以二女，而邑之於綸。（吳世家）

③攻蒙、虞，取之。（絳侯周勃世家）

④漢王西過梁地，至虞。（高祖本紀、韓布傳）

⑤攻下邑以西，至虞。（曹相國世家）

【索隱】案：商均所封虞，即今之梁國虞城是也。夏代猶封虞思、虞遂。（陳紀世家）

【正義】虞城縣在宋州北五十里，古虞國，商均所封。（曹世家）

【案】今虞城縣西南。左哀元：「伍員曰：『少康逃奔有虞。』」

虞丘

虞丘相進之於楚莊王。（循吏傳）

吳姚

吳廣納其女娃嬴。孟姚也。（趙世家）

【索隱】孟姚，吳廣女，舜之後。虞在河東太陽山西，有上虞城是，亦曰吳城。「虞」、「吳」音相近，故舜後亦姓吳，非獨太伯、虞仲之裔。

嬀汭

①舜飭下二女於嬀汭。

②舜居嬀汭。（五帝本紀）

③舜爲庶人，堯妻之二女，居於嬀汭。（陳紀世家）

【集解】孔安國曰：「舜所居嬀水之汭。」

【索隱】皇甫謐云：「嬀水在河東虞縣歷山西。汭，水涯也，猶洛汭、渭汭然也。」

【正義】括地志云：「嬀源汭水出蒲州河東南山。許慎云：『水涯曰汭。』案：『地記云：『河東郡青山東山中有二泉，下南流者嬀水，北流者汭水。二水異原，合流出谷，西注河。嬀水北曰汭也。』又云：『河東縣二里故蒲坂城，舜所都也。城中有舜廟，城外有舜宅及二妃壇。』」（五帝本紀）

〔案〕嬀汭水，今山西永濟縣南六十里，源出歷山，西流入河。

## 三苗

①三苗在江淮、荊州。（五帝本紀）

②三苗服九黎之德。（曆書）

③三苗氏左洞庭，右彭蠡。（孫子吳起傳）

④舜舞有苗，禹袒裸國。（趙世家）

【集解】馬融曰：「三苗，國名也。」

【正義】按：洞庭，湖名，在岳州巴陵西南一里，南與青草湖連。彭蠡，湖名，在江州潯陽

## 擊

縣東南五十二里。以天子在北，故洞庭在西爲左，彭蠡在東爲右。今江州、鄂州、岳州，三苗之地也。「淮」，讀曰「匯」，今彭蠡湖也。本屬荊州。尚書云：「南入于江，東匯澤爲彭蠡」，是也。（五帝本紀）又：孔安國云：「三苗，縉雲氏之後諸侯也。」（潛書）

〔案〕西伯戡黎，至春秋有黎國，皆在山西，古上黨地。又平陸有茅津、茅城，「茅」疑即「苗」也。黃帝之與蚩尤，虞、夏之與三苗，疑所爭皆在今山西西南境。彭蠡在西者，雷山臨大河，亦名蒲山；又有雷水；「雷」即「蠡」也，「蒲」即「彭」也。大河兩岸自龍門以下，迄於雷首，其水湍急，盤旋成淵，名「蒲」名「彭」之地匪一。河東之有雷首，猶大江之有雷池。舊說又曰「舜都潘」，考古者不得其處，其實即猶云「舜漁雷澤而都蒲阪」。「潘」即「鄩」也，與「雷」與「蒲」，所指皆一。河之有鄩，亦猶江之有鄩，亦急水成淵之義。蓋河水至此折而東流，急成漩，為大螺形，故曰「彭蠡」。北堂書鈔引淮南子謂之「彭離」。洞庭在東，今不能確說，疑即古樊澤。

庸、蜀、羌、髳、微、纁、彭、濮人。（周本紀）

【集解】孔安國曰：「髡、微在巴蜀。」（案：《書疏》：「巴在蜀東偏，漢巴郡所治。」）

【正義】姚府以南，古髡國之地。有髡州。

【案】唐置西濮州，更名髡州，亦名牟州，後沒於蒙氏，故治在今雲南牟定縣。周武王會師，豈得恢遠至此？陝州有茅津，茅戎所居，蓋「髡」、「茅」古今字通。又「茅」、「蠻」音轉，荆楚皆稱「蠻」。武王所會之髡，非在豫、陝附近，即在南陽西南荆山、漢水間，略當庸、濮、纘、彭諸族之北也。

【又案】上考髡族居地，正當古三苗疆境。「苗」、「髡」亦音轉相通。蓋周初之髡，即虞、夏之苗，就當時言，已見為僻在西南。後人則言南，必踰湘；言西，必越隴；遂致差失。

### 三危

①舜遷三苗於三危。（《五帝本紀》）

②三危既度，三苗大序。

③道黑水，至於三危。（《夏本紀》）

④直徑馳乎三危。（司馬相如傳）

【索隱】鄭玄引河圖及地說云：「三危山在鳥鼠西南，與岷山相連。」（夏本紀）

【正義】括地志云：「三危山有三峯，故曰三危，俗亦名卑羽山，在沙州燉煌縣東南三十里。」（五帝本紀）

〔案〕郡國志隴西郡首陽縣注：「地道記曰：『有三危，三苗所處。』」首陽，今渭源縣東北。鳥鼠山，今渭源縣西。岷山，今岷縣南。則三危居可知。又考漢永光二年，隴西羌反，馮奉世討之，屯首陽西極上。如淳曰：「西極，山名也。」郭璞注淮南地形：「三危，西極之山名。」則三危山即漢馮奉世所登之西極山。陸德明莊子音義：「三危，今屬天水郡。」亦指此言。今失其名，無可確指。至敦煌卑羽，則自漢人拓迹，移而至此。當從索隱。

## 西極

左蒼梧，右西極。（司馬相如傳）

【集解】郭璞曰：「西極，國也。」

【正義】爾雅云：「西至於闕國爲極。」在長安西，故言右。

〔索〕爾雅以幽國為西極，尚在索隱所指西極之東。

## 崇山

①舜放驩兜於崇山。（五帝本紀）

②吾欲往乎南嶧。歷唐堯於崇山。（司馬相如傳）

〔正義〕張云：「崇山，狄山也。海外經云：『狄山，帝堯葬其陽。』」（司馬相如傳）

## 羽山 羽

①蒙、羽其藝。（夏本紀）

②舜殛鯀於羽山。（五帝本紀）

〔索隱〕羽山在東海祝其縣南，殛鯀之地。（夏本紀）

〔正義〕括地志云：「羽山在沂州臨沂縣界。」（五帝本紀）

〔案〕羽山，今山東郯城縣東北七十里，接江蘇贛榆縣西北境。



## 歷山

舜耕歷山。（五帝本紀）

【集解】鄭玄曰：「在河東。」

【正義】括地志云：「蒲州河東縣雷首山，一名中條山，亦名歷山，亦名首陽山，亦名蒲山，亦名襄山，亦名甘棗山，亦名猪山，亦名狗頭山，亦名薄山，亦名吳山。此山西起雷首山，東至吳坂，凡十一名，隨州縣分之。歷山南有舜井。」又云：「越州餘姚縣有歷山舜井，濮州雷澤縣有歷山舜井，二所又有姚墟，云生舜處也。及嬭州歷山舜井，皆云舜所耕處，未詳也。」

〔案〕漢成帝幸河汾，登歷觀，揚雄上河東賦云：「登歷觀而遙望，喜虞氏之所耕。」郡國志注：「蒲坂縣南二十里有歷山。」今永濟縣東南六十里。

## 歷下 歷城

①齊王建三十九，秦兵次於歷下。（田齊世家）

②韓信破齊歷下軍，遂取臨菑。（曹相國世家、淮陰侯傳、田儼傳。）

③復博、奉高、蛇丘、歷城。（孝武本紀、封禪書。）

【集解】徐廣曰：「濟南歷城縣。」（淮陰侯傳）

【索】今歷城縣（濟南）南五里有歷山，又名千佛山。曾鞏謂：「舜耕歷山，漁雷澤，陶河濱，作什器於壽丘，就時負夏，諸地皆在魯、衛間，歷山不宜獨在河東。」孟子謂：「舜，東夷之人」，則歷山應在齊。然地名遷徙，往往自為結集，援以相證，未必可恃也。

## 雷澤 雷夏

①舜漁雷澤。（五帝本紀、貨殖傳。）

②雷夏既澤。（夏本紀）

【集解】地理志曰雷澤在濟陰城陽縣西北。（夏本紀）鄭玄曰：「雷夏，兗州澤，今屬濟陰。」

（五帝本紀）

【正義】括地志云：「雷夏澤在濮州雷澤縣郭外西北。」（五帝本紀）

【索】雷澤，今鄆城縣南，接荷澤縣界。又考禹貢雷夏在兗州，固無可疑；然河東有雷首

山，又有雷水，說者亦稱之雷澤，則舜漁雷澤，未必即禹貢之雷澤。又禹貢既有雷夏，又有大野，復有河澤，三者相毘近。「雷夏既澤」，惟見於禹貢，其名不必甚早。

## 壽丘

舜作什器於壽丘。（五帝本紀）

【集解】皇甫謐曰：「在魯東門之北。」

【索隱】壽丘，地名，黃帝生處。

【案】集解、索隱說皆不可信，壽丘今無考。

## 負夏

舜就時負夏。（五帝本紀）

【集解】鄭玄曰：「負夏，衛地。」

【索隱】尚書大傳曰：「販於頓丘，就時負夏」，孟子曰：「遷於負夏」，是也。

【案】舊說負夏即瑕邱，衛地，當近濮陽。又陽夏，今太康。疑「負夏」猶云「北夏」，老

子「萬物負陰而抱陽」是也。或指安邑大夏，不必在濮陽。

## 蒼梧

### ①舜崩蒼梧之野。（五帝本紀）

### ②獨不聞天子之上林乎？左蒼梧，右西極。（司馬相如傳）

【集解】山海經曰：「蒼梧山，帝舜葬于陽，丹朱葬於陰。」（五帝本紀）

〔案〕上林賦：「左蒼梧，右西極。」是謂蒼梧在上林東，並不指湖南零陵為蒼梧也。方輿紀要：「河南內鄉縣西南百二十里，有丹水城。南去丹水二百步。」范汪荊州記曰：「丹水縣，堯子朱所封，亦曰丹朱城。」山海經謂舜與丹朱葬相近，恐蒼梧當近此。淮南修務訓：「舜南征有苗，道死蒼梧。」文選注引六韜：「堯與有苗戰於丹水之浦。」呂覽召類：「堯戰於丹水之浦，以服南蠻。」淮南兵略訓同。論衡儒增：「堯伐丹水。」又恢國：「堯有丹水之師。」是古謂三苗在丹水。舜征有苗，留葬蒼梧，必與丹水相近。後人謂有苗在洞庭，已誤；亦豈有南征洞庭，而道死道州零陵之理？左哀四：「楚右師軍於蒼野」，杜預注：「蒼野在上洛縣。」水經注：「丹水自蒼野，東歷苑和山。」疑蒼梧之野即蒼野，在今陝西商

## 蒼梧

縣東南，菟和山西境。故司馬氏云「左蒼梧」也。又帝王世紀：「堯女女瑩，舜次妃，封於商，生九子，義均號商均。」路史：「商洛有堯女墓，今城東有九子墓。」此亦傳說之可資旁證者。所謂舜葬九疑，殆亦由九子墓而來。西極山在甘肅，即三危山，詳「三危」條。

①楚南有洞庭、蒼梧。（蘇秦傳）

②九疑、蒼梧以南至儋耳者，與江南大同俗。（貨殖傳）

③及蒼梧秦王有連。

④蒼梧王趙光，越王同姓。

⑤出零陵，或下離水，或抵蒼梧。（南越傳）

【索隱】蒼梧，地名。地理志有蒼梧郡。

【正義】蒼梧山在道州南。（蘇秦傳）

〔案〕蒼梧國本秦桂林郡地，淮南稱有浯，後為蒼梧郡，治廣信，今廣西蒼梧縣治。蒼梧乃地域名，非山名，後人乃謂九疑山亦名蒼梧山，殊非。

## 九疑

① 舜崩蒼梧之野。葬於江南九疑。（五帝本紀）

② 過虞舜於九疑。（司馬相如傳）

③ 始皇三十七，行至雲夢，望祀虞舜於九疑山。（秦始皇本紀）

④ 太史公窺九疑。（自序）

⑤ 自陳以西，南至九疑，東帶江、淮、穀、泗，薄會稽，爲梁、楚、吳、淮南、長沙國。（漢

興以來諸侯年表）

⑥ 九疑、蒼梧以南至儋耳者，與江南大同俗。（貨殖傳）

【集解】駰案：皇覽曰：「舜冢在零陵營浦縣。其山九谿皆相似，故曰九疑。」（五帝本紀）

【索隱】山海經云：「南方蒼梧之邱，蒼梧之泉，在營道南，其山九峯皆似，故曰九疑。」

（自序）

【正義】括地志云：「九疑山在永州唐興縣東南一百里。皇覽冢墓記云舜冢在零陵郡營浦縣

九疑山。」（秦始皇本紀）又：九疑山，零陵營道縣，舜所葬處。（司馬相如傳）

〔案〕九疑山，今湖南寧遠縣南六十里，此不得曰在江南。漢零陵縣在今廣西全縣北，距九疑非近，不得曰是為零陵。蒼梧郡治廣信，距九疑尤遠，不得曰在蒼梧之野。文穎曰：「其山半在蒼梧，半在零陵。」水經注：「九疑山盤基蒼梧之野，峰秀數郡之間。」此皆文辭虛飾，強為牽連，猶國策蘇秦之辭：「楚南有洞庭、蒼梧。」洞庭、蒼梧，南北相隔何啻千里？豈得一概而言之！蓋九疑、蒼梧之類，本非南方地名。自楚人遠拓，而往者每每以北方雅名勝跡，移之南土，故蒼梧、九疑、零陵，各在一方。今曰「崩蒼梧之野。葬江南九疑，是為零陵」，仍并蒼梧、九疑、零陵為一，而猶益之曰「江南」；若一一以實地掩之，則幾成汗漫荒唐之辭矣。又考鄧德明南康記說五嶺，三曰九真都龐嶺。方以智疑九真太遠，非是。今案：水經注：「鍾水出桂陽南平縣部山，部山即部龍之嶠，五嶺之第三嶺也。」「部龍」即「都龐」字譌。山在今湖南藍山縣南，正與九疑連麓。然則南康記所謂九真，即九疑也。武帝置九真郡，今安南境。是零陵、九真（即九疑。）又隨漢人遠迹而移至日南。則烏見自漢以前，九真九疑之必在零陵耶？（今湖北漢陽亦有九真山。）

## 零陵

①舜葬江南九疑，是爲零陵。（五帝本紀）

②出零陵，或下離水，或抵蒼梧。（南越傳）

【集解】駰案：「皇覽曰：『舜冢在零陵營浦縣。』」（五帝本紀）

〔案〕舜冢不遠至湖南零陵，不僅無此事實，即古人傳說所指，亦決不在此。水經沅水注：「夷水又東南流，與零水合。零水，即沅水也。其水東逕新城郡之沅鄉縣，縣分房陵立，謂之沅水。又東歷幹鄉，謂之幹水。晉武立上黃縣，治幹鄉。」漢有沅陵侯，沅陵即零陵也。沅鄉廢縣，在今湖北保康縣南。房陵故城，今房縣治。左文十一年：「楚成大心敗麇師於防渚」，即此。尚書謂：「舜陟方乃死」，「房」、「防」、「方」，古字通用。隋書地理志：「鄖鄉有防山。」又光遷有房山。又括地志：「竹山縣東南有方城山。」鄖、房、竹山，皆境地相接。鄖縣東北為河南淅川縣，有丹水故城，並有古丹朱墓。秦始皇至雲夢，而望祀虞舜於九疑山，以同在今湖北西北部漢水流域也。屈原居漢北，其為離騷，頗及虞舜，亦為地望之近。

〔又案〕墨子：「舜西教乎七戎，道死，葬南己之市。」呂覽安死篇亦言：「舜葬紀市。」楚舊都稱紀鄖，以別於昭王所遷之鄖鄖。舜葬零陵，實近鄖鄖。諸家言舜葬紀市，殆亦自



此而起。

## 房陵

①嫪毐舍人，遷蜀四千餘家，家房陵。（秦始皇本紀）

②孝景時濟川王明遷房陵。（梁孝王世家）

③武帝時常山王勃遷房陵。（五宗世家）

④濟川恭王買遷房陵。（漢興以來諸侯年表）

【正義】括地志云：「房陵即今房州房陵縣，古楚漢中郡地也，是巴蜀之境。地理志云房陵縣屬漢中郡，在益州部，接東南一千三百一十里也。」（秦始皇本紀）

〔案〕今湖北房縣治，春秋麇國地。



## 卷二 禹貢山水名上

### 九山

道九山。（夏本紀）

【索隱】汧、壺口、砥柱、太行、西傾、熊耳、嶓冢、內方、岐，是九山也。古分爲三條，故地理志有北條之荆山。馬融以汧爲北條，西傾爲中條，嶓冢爲南條。鄭玄分四列，汧爲陰列，西傾次陰列，嶓冢爲陽列，岐山次陽列。

〔案〕岐山一列，尚在嶓冢北，不得如鄭說。當以馬氏爲是。

### 崑崙 崑崙

①織皮昆侖、析支、渠搜，西戎即序。（夏本紀）

②西望崑崙之軌。（司馬相如傳）

③漢使窮河源，河源出于窶，其山多玉石，天子案古圖書，名河所出山曰崑崙云。

④太史公曰：『禹本紀言「河出崑崙，其高二千五百餘里」，今自張騫使大夏之後，窮河源，惡覩本紀所謂崑崙者乎？』（大宛傳）

【索隱】鄭玄以爲昆侖、析支、渠搜三山皆在西戎。王肅曰：「昆侖在臨羌西。」今按：地理志金城臨羌縣有昆侖祠，敦煌廣至縣有昆侖障。（夏本紀）

【正義】括地志云：「崑崙在肅州酒泉縣南八十里。十六國春秋後魏昭成帝建國十年，涼張駿、酒泉太守馬岌上言：『酒泉南山，即崑崙之體。周穆王見西王母，樂而忘歸，即謂此山。有石室，王母堂，珠璣鏤飾，煥若神宮。』又刪丹西河名云弱水，禹貢崑崙在臨羌之西，即此明矣。」括地志云：「又阿憐達山亦名建末達山，亦名崑崙山。恆河出其南吐師子口，經天竺入達山。嬌水今名爲潒海，出書於西河北隅吐馬口，經安息、大夏國入西海。黃海出東北隅吐牛口，東北流經濫澤，潛出大積石山，至華山北，東入海。其三河去山入海各三萬里。此謂大崑崙，肅州謂小崑崙也。『禹本紀云：「河出崑崙二千五百餘里，日月

所相隱避爲光明也。』（司馬相如傳）

## 昆山

①斬常山而守之，代馬胡犬不東下，昆山之玉不出。（趙世家）

②陛下致昆山之玉。（李斯傳）

③玉櫃隻雉，出於昆山。（龜策傳）

【正義】昆岡在于闐國東北四百里，其岡出玉。（李斯傳）

〔案〕漢志：「金城郡臨羌西北塞外，有弱水、崑崙山祠。」此殆即馬岌所謂「酒泉南山即崑崙之體」也。隋書地理志福祿縣有崑崙山。明統志：「崑崙山在肅州西南二百五十里，世呼雪山。」西陲今略：「崑崙山在卯來泉堡西南一百八十里，俗呼雪達巴。東北又有小雪達巴，即祈連山。祈連至北漸卑，故加『小』云。」又云：「嘉峪關西二十里，地名大草灘。灘南有山，名崑崙，此蓋古之崑崙。明統志所云，乃祈連之西麓耳。」又漢志：「敦煌郡廣至，宜禾都尉治崑崙障。」廣至故城，今甘肅安西縣西，許慎說文謂「河出敦煌塞外崑崙山」是也。今安西南山亦呼雪山，又名祈連山，蓋與酒泉南祈連雪山一脈。漢人所指

崑崙，要之在此敦煌、酒泉南祈連山中。自後通西域，窮河源，乃始名于闐山為昆侖。然河西四郡乃漢武所闢，則戰國以來所謂昆侖，尚不在此。水經注：「河水南出龍門口，又南逕梁山原。東有三累山，其山層密三成，故俗以『三累』名山。案：爾雅：『山三成為崑崙丘。』斯山豈亦崑崙丘乎？」龍門既為大禹所鑿，故河謂出崑崙，猶其曰河出龍門。然則最先所指崑崙，或即此三累之山，亦情理所有。山在今韓城縣西北。又昆山以產玉名，其先所指，決不甚遠。或藍田山出玉，其地為驪戎所踞。或驪戎即犬戎昆夷，故其山亦稱昆山；以產驪馬，而稱驪山。如是則崑崙、昆山，最先皆在今陝西東部昆夷地也。

## 積石

①道河積石。（夏本紀、河渠書。）

②浮於積石。（夏本紀）

【集解】孔安國曰：「積石山在金城西南，河所經也。」

【索隱】積石在金城河關縣西南。又：「漢書西域傳云：『河有兩源：一出葱嶺，一出于闐。于闐河北流，與葱嶺河合，東注蒲昌海，一名鹽澤。其水停居，冬夏不增減，其南出積石，

爲中國河。」是河源發崑崙，禹導河自積石而加功也。

【正義】括地志云：「積石山今名小積石（石）山，在河州枹罕縣西七里。河州在京西一千四百七十二里。」（夏本紀）

〔案〕漢志：「金城河關，積石山在西南羌中。」河關故城，今臨夏縣西。積石山，在臨夏縣西北。水經注謂之唐述山。諸家多以此爲小積石，別有大積石，去此尚千餘里。其說蓋本漢書西域傳。歐陽忞與地廣記謂：「張騫窮河源，乃意度之，非實見蒲昌海與積石河通流也。」河源在吐蕃境，漢時未通中國，則歐陽說是也。又議指積石在今臨夏，誤始杜佑通典，謂在龍支縣界。（青海西寧縣，與臨夏接界。）然後漢書郡國志：「隴西郡河關縣，積石山在西南。」又桓帝紀：「燒當羌叛，段熲追擊於積石」，注：「在鄯州龍支縣南，即禹貢『導河積石』。」是皆在唐人置積石軍於澆河故城前。則杜佑說實有本，不僅據唐事爲說也。

## 西傾

西傾因桓是來。（夏本紀）

【集解】鄭玄曰：「地理志西傾山在隴西臨洮。」

【正義】括地志云：「西傾山今嶺臺山，在洮州臨洮縣西南三百三十六里。」

〔案〕西傾山，今青海同德縣境，東北去甘肅臨潭縣三百餘里。

## 桓

西傾因桓是來，浮於潛。（夏本紀）

【索隱】桓水出蜀郡岐山西南，行羌中入海也。

〔案〕漢志：「廣漢郡向氏道，白水出徼外，東至葭萌入漢，過郡一，行九百五十里。」宋書：「白水自西傾至陰平界。氏居水上者，為白水氏。」此水今稱白龍江，源出今甘肅岷縣西南，經西固、武都，至四川昭化入嘉陵江。後人以嘉陵江為潛，因以此當桓水。今知嘉陵非潛；自西傾來者，亦斷無紆回自隴抵蜀，再自蜀入漢中之理。索隱說更誤。

## 朱圉

西傾、朱圉、鳥鼠至於太華。（夏本紀）



【集解】鄭玄曰：「地理志云朱圉在漢陽南。」

【索隱】圉，一作「圍」。朱圉山在天水冀縣南。

【案】漢志：「天水冀，禹貢朱圉山在縣南梧中聚。」今甘谷縣西南三十里。惟禹貢謂「西傾、朱圉、鳥鼠」，則朱圉似應在西傾、鳥鼠間。

## 終南

終南、敦物至於鳥鼠。（夏本紀）

【集解】鄭玄曰：「地理志終南、敦物皆在右扶風武功也。」

【索隱】案：左傳中南山，杜預以爲終南山。地理志云：「太一山，古文以爲終南」，在扶風武功縣東。

【正義】括地志云：「終南山，一名中南山，一名太一山，一名南山，一名橘山，一名楚山，一名泰山，一名周南山，一名地脯山，在雍州萬年縣南五十里。」

【案】漢志：「武功，大壺山在縣東，古文以爲終南。」今曰太白山，在武功縣南九十里。其在長安縣南者，古稱南山，漢書東方朔傳：「南山，天下之阻」，是也。其後并稱終南，

乃以太白為終南之一峯。至左昭四：「晉司馬侯曰：『四嶽、三塗、陽城、大室、荆山、中南，九州之險。』」諸山皆相近，而注家亦誤以中南即終南為說，非也。

## 南山

秦文公伐南山大梓。（秦本紀）

【正義】括地志云：「大梓樹在岐州陳倉縣南十里倉山上。漢、魏、晉因秦，武都郡立怒特祠，是大梓牛神也。」

## 南山

① 南山巫祠南山秦中。秦中者，二世皇帝。（封禪書）

② 雖錮南山猶有郤。（張釋之傳）

③ 謝病屏居藍田南山之下。（魏其侯傳）

④ 屏野居藍田南山中。（李將軍傳）

⑤ 南山峨峨。（司馬相如傳）

## 南山

①還，並南山，欲從羌中歸。

②月氏餘眾保南山羌，號小月氏。

③渾邪降，西並南山至鹽澤空無匈奴。（大宛傳）

【正義】南山即連終南山，從京南東至華山過河，東北連延至海，即中條山也。從京南連接至葱嶺萬餘里，故云「並南山」也。西域傳云：「其南山東出金城，與漢南山屬焉。」

## 敦物

終南、敦物至於鳥鼠。（夏本紀）

【集解】鄭玄曰：「地理志終南、敦物皆在右扶風武功也。」

【索隱】華山，古文以爲敦物。

【案】既曰「終南、敦物至於鳥鼠」，又曰「西傾、朱圉、鳥鼠至於太華」，則敦物不得爲太華。漢志：「武功有垂山，古文以爲敦物」，索隱自據此。「華」字乃「垂」訛。

## 鳥鼠

①終南、敦物至於鳥鼠。

②西傾、朱圜、鳥鼠至於太華。

③道渭自鳥鼠同穴。（夏本紀）

【集解】孔安國曰：「鳥鼠山，渭水所出，在隴西之西。」

【索隱】鳥鼠山在隴西首陽縣西南。

【正義】括地志云：「鳥鼠山，今名青雀山，在渭州渭源縣西七十六里。山海經云：『鳥鼠同穴之山，渭水出焉。』郭璞注云：『今在隴西首陽縣西南。山有鳥鼠同穴。』」

〔案〕今渭源縣西。

## 華山 西岳

①縱馬於華山之陽。（周本紀、留侯世家。）

②馬散華山之陽。

③何必華山之騷耳？（樂書）

④秦武公伐彭戲氏，至於華山下。（秦本紀）

⑤秦武元，伐彭至華山。（十二諸侯年表）

⑥斬華爲城，因河爲津，據億丈之城，臨不測之谿以爲固。（秦始皇本紀）

⑦踐華爲城，因河爲池。（陳涉世家）

⑧天下名山八，五在中國，華山、首山、太室、泰山、東萊。（孝武本紀、封禪書。）

⑨八月，巡狩至西岳。西岳，華山也。（封禪書）

⑩用昏建者杓；杓，自華以西南。

⑪庚、辛，華山以西。

⑫自華以南，氣下黑上赤。（天官書）

〔案〕山海經：「夸父之山，北有桃林，其中多馬。」「華騶」即以「華」名。「盜騶」之「騶」，蓋與騶戎、騶山有關。

## 太華

①西傾、朱圉、鳥鼠至於太華。（夏本紀）

②夏桀之居，左河濟，右太華。（孫吳傳）

【集解】鄭玄曰：「地理志云太華山在弘農華陰南。」

【索隱】太華即敦物山。

【正義】華山在華州華陰縣界（周本紀作「南」。）八里。（夏本紀）

〔案〕太華山，今華陰縣南十里。

## 山東

文公四年，冬十二月，晉兵先下山東，而以原封趙衰。（晉世家）

〔案〕此言太行山東也。

## 山東

①蘇秦約從山東六國兵攻秦。（楚世家）

②秦甲必不敢出函谷以害山東。（蘇秦傳）

③至今閉關十五年，不敢窺兵於山東。（范睢傳）

④山東、河內可得而一。（楚世家）

⑤山東之士被甲蒙冑以會戰，秦人捐甲徒褐以趨敵。（張儀傳）

⑥陳勝、吳廣等作亂，起於山東。（李斯傳）

⑦軍吏士卒皆山東之人。（高祖本紀）

⑧使布出上計，山東非漢之有。（黥布傳）

⑨山東雖亂，秦之故地可全而有。

⑩群臣皆山東人，爭言不如都周。（劉敬傳）

⑪梁招延四方豪傑，自山以東游說之士，莫不畢至。（梁孝王世家）

⑫四瀆皆在山東。（封禪書）

⑬河間王好儒學，山東諸儒多從之遊。（五宗世家）

⑭漕從山東西，歲百餘萬石。

⑮張湯言：「通褒斜道，漢中之穀可致，山東從沔無限，便於砥柱之漕。」（河渠書）

⑯興十萬餘人建衛朔方，轉漕甚遠，自山東咸被其勞。

⑪ 山東漕益歲六百萬石。（平準書）

【正義】謂華山之東。（楚世家）又：山東，謂河南之東，山南之東及江南、淮南。（河渠書）

## 山東

齊必入朝秦。秦欲已得乎山東，則必舉兵而嚮趙矣。今山東之建國，莫彊於趙。（蘇秦傳）

〔案〕既曰「秦欲已得乎山東，則必舉兵嚮趙」，似山東專指齊言；又曰「山東建國，莫彊如趙」，則山東仍指華山以東言也。要之，山東乃大名，而所指容有異。

## 山西

① 蕭何填撫山西。（自序）

② 山西饒材、竹、穀、繡、旄、玉石；山東多魚、鹽、漆、絲、聲色。

③ 山東食海鹽，山西食鹽鹵。（貨殖傳）

【正義】謂華山之西也。（自序）



## 山南山北

所亡於秦者，山南山北，河外河內，大縣數十，名都數百。（魏世家）

【正義】山，華山也。華山之東南，七國時鄧州屬韓，汝州屬魏。華山之北，同、華、銀、綏並魏地也。

## 外方

熊耳、外方、桐柏至於負尾。（夏本紀）

【集解】鄭玄曰：「地理志外方在潁川嵩高山。」

【索隱】潁川嵩高縣嵩高山，古文尙書亦以爲外方山。

## 中嶽 太室 嵩高

①先禮中嶽，封於泰山。（司馬相如傳）

②中岳，嵩高也。（封禪書）

③昔三代之君皆在河洛之間，故嵩高爲中岳，而四岳各如其方。

④自穀以東，名山五。曰太室。太室，嵩高也。（封禪書）

⑤幽王爲太室之盟。（楚世家）

⑥天下名山八，五在中國，華山、首山、太室、泰山、東萊。

⑦禮登中嶽太室。以三百戶封太室奉祠，命曰崇高。邑。（孝武本紀、封禪書。）

⑧嵩高、三河之郊，氣正赤。（天官書）

【集解】文穎曰：「崧高山在潁川陽城縣。」（孝武本紀）

【正義】括地志云：「嵩山，亦名太室，亦名外方也。在洛州陽城縣西北。」（封禪書、夏本紀）

作「北」。顏師古云：「以崇奉崧高山，故謂之崇高也。」（孝武本紀）

〔案〕嵩山，今登封縣北，古曰外方，亦曰太室。其西曰少室，相去十七里。嵩高故城，今

登封縣治。

## 桐柏

①熊耳、外方、桐柏至於負尾。

②道淮自桐柏。〔夏本紀〕

【集解】鄭玄曰：「桐柏山在南陽平氏東南。」

【索隱】桐柏山一名大復山，在南陽平氏縣東南。

【正義】括地志云：「桐柏山在唐州東南五十里，淮水出焉。」

〔案〕今桐柏縣西南三十里。

## 負尾

熊耳、外方、桐柏至於負尾。〔夏本紀〕

【集解】鄭玄曰：「地理志陪尾在江夏安陸縣東北，若橫尾者。」

【索隱】陪尾山在江夏安陸縣東北，地理志謂之橫尾山。「負」音「陪」也。

【正義】括地志云：「橫尾山，古陪尾山也，在安州安陸縣北六十里。」

〔案〕橫尾山，今湖北安陸縣北六十里。注家以此即禹貢負尾者，皆本漢志為說。惟禹貢導山，皆為治水，而安陸橫尾，非淮所經，故後之說者改主今山東泗水縣東五十里之陪尾山，為泗水所源。謂泗之與淮，猶伊之與洛也。

## 汶山 岷山

①汶、嶓既藝。

②汶山之陽，至於衡山。

③汶山道江，東別爲沱。（夏本紀）

【集解】鄭玄曰：「地理志岷山在蜀郡湔氐道。」

【索隱】「汶」，一作「嶓」，又作「岐」。岐山，封禪書「云瀆」（此下脫「山」字），在蜀郡

湔氐道西徼，江水所出。

【正義】括地志云：「岷山在岷州溢洛（樂）南一里，連綿至蜀二千里，皆名岷山。」

【案】秦漢湔氐道，今四川松潘縣西北。漢志謂：「嶓山在西徼外，江水所出。」然禹貢汶

山，實不在此。昔人蓋指今嘉陵江為江源。漢志：「隴西氐道，禹貢漾水所出。」又：「

西縣，禹貢嶓冢山，西漢所出。」此實即禹貢汶山之與江源也。嶓冢在寧羌，與汶山相

近，故曰：「汶、嶓既藝。」江、漢發源，計其大小長短，亦略相當，故曰「江、漢朝宗於

海」，亦不為之軒輊。自秦、漢遠迹，乃始以今之岷江為江源，以嘉陵江稱西漢水，於是

汶山移至松潘，而隴西之岷，則改為嶓冢。故漢有東西，而嶓冢亦有二處。其蜀郡湔氐道之名，亦自隴西氏道移來。因有湔水，故曰湔氐道，益證其間之關係矣。今則所知江源益遠，即岷江亦不為江源，而漢水於是遂為長江之一支流。古人「江、漢朝宗」之義，始不為今人所知矣。

## 汶山

①蜀地之甲，乘船浮於汶，乘夏水而下江，五日至郢。（蘇秦傳）

②秦西有巴蜀，大船起於汶山，浮江以下，至楚三千餘里。不至十日而距扞關。（張儀傳）

【索隱】即江所出之岷山。（蘇秦傳）

〔案〕漢志：「漢水出西縣嶓冢東南，至江州入江，行二千七百六十里。」此云「大船起於汶山，浮江至楚三千餘里」，即指西漢水嘉陵江言。又曰「五日至郢」，「不十日而距扞關」，皆指今嘉陵，不指岷江言之。可知其時所謂汶，非在今之松潘也。

## 汶山 瀆山

①自華以西，名山七，曰瀆山。瀆山，蜀之汶山也。（封禪書）

②太史公西瞻蜀之岷山。（河渠書）

③汶山之下，沃野，下有蹲鴟，至死不飢。（貨殖傳）

④以冉駹爲汶山郡。（西南夷傳）

【集解】應劭曰：「今蜀郡岷江。」（西南夷傳）

【索隱】郭璞云：「山在汶陽郡廣陽縣，一名瀆山也。」

【正義】括地志云：「岷山在茂州汶川縣。」（夏本紀）邛州臨邛縣其地肥沃，平野有大芋。

華陽國志云汶山郡安上縣有大芋如蹲鴟也。（貨殖傳）

【案】漢蜀郡汶江縣，今茂縣北。元鼎六年置汶山郡，後罷爲蜀郡北部都尉，治岷山，在茂縣東南。臨邛，今邛崃縣治。則邛崃山，漢人亦謂之岷山也。大抵汶山之名，又自臨邛漸移而北，至茂至松潘耳。

## 岷 嶓冢

①汶、嶓既藝。

②道蟠冢，至於荆山。（夏本紀）

【集解】鄭玄曰：「蟠冢山在漢陽西。」

【索隱】蟠冢山在隴西縣，漢水所出也。

【正義】蟠冢山在梁州金牛縣東二十八里。

〔案〕蟠冢山，今陝西寧羌縣北。水經注：「漢中記曰：『蟠冢以東，水皆東流；蟠冢以西，水皆西流。故俗以蟠冢為分水嶺也。』」金牛廢縣，在寧羌東北。漢志：「隴西郡西縣，為貢蟠冢山，西漢所出，東南至江州入江。」山在今天水西南六十里。西漢水即嘉陵江也。蓋古人以嘉陵江為江源，則隴西蟠冢實即岐山。後人知江源不在此，乃以此為西漢水，而岐山亦改稱蟠冢。水經注又以漾水之名亦歸西漢，於是舛錯逾多矣。

## 荊州

①荆及衡陽維荊州。（夏本紀）

②柳、七星、張，三河。翼、軫，荊州。（天官書）

【集解】孔安國曰：「北據荆山，南及衡山之陽。」（夏本紀）

〔案〕此謂荆山及衡山之陽為荊州也。荊州即以荆山得名。

## 荆山

①道嶠冢，至於荆山。（夏本紀）

②昔我先王熊繹辟在荆山。（楚世家）

③荆、河惟豫州。（夏本紀）

〔集解〕鄭玄曰：「地理志荆山在南郡臨沮。」

〔正義〕括地志云：「荆山在襄州荆山縣西八十里。」又云：「荆山縣本漢臨沮縣地也。沮

水即漢水也。」按：縣，孫叔敖激沮水為雲夢澤是也。（夏本紀）

〔案〕荆山，今南漳縣西八十里。南都賦注：「漢水至荆山，東別流為滄浪之水。」

## 荆

①六年，封劉賈為荊王，王淮東五十二城。（高祖本紀、荊燕世家。）

②荆，都吳。初王劉賈，國除，更為吳國，王濞。（漢興以來諸侯年表）



【索隱】乃王吳地，在淮東也。姚察案：「虞喜云：『總言吳，別言荆者，以山命國也。今西南有荆山，在陽羨界。賈封吳地而號荆王，指取此義。』」太康地理志：「陽羨縣，本名荆溪。」（高祖本紀）

〔案〕劉賈、劉交分王楚、王韓信之故地，一在淮東，一在淮西；一稱荆王，一稱楚王。蓋荆、楚分稱，未必取名於陽羨之荆。史稱「太伯奔荆蠻」，豈亦由荆溪哉？

## 荆吳

①荆吳、鄭、衛之音。（司馬相如傳）

②劉賈爲布所襲，喪其荆吳。（自序）

〔案〕「荆吳、鄭、衛之音」下云：「鄢郢繽紛，激楚結風」，蓋鄢郢乃舊楚，荆吳則東楚。所謂「四面皆楚歌」，漢人之楚，即吳也。

## 荆蠻

①太伯、虞仲亡如荆蠻。（周本紀）

②太伯奔荆蠻，文身斷髮。（吳世家）

【索隱】荆者，楚之舊號，以州言之曰荆。蠻者，閩也，南夷之名；蠻亦稱越。地在楚、越之界，故稱荆蠻。（吳世家）

【正義】太伯奔吳，所居城在蘇州北五十里常州、無錫縣界梅里村，其城及冢見存。而云「亡荆蠻」者，楚滅越，其地屬楚；秦滅楚，其地屬秦；秦諱「楚」，改曰「荆」，故通號吳越之地爲荆。及北人書史加云「蠻」，勢之然也。（周本紀）

〔案〕荆蠻猶言荆吳，皆秦、漢人語。

## 荆山

①道汧及岐，至於荆山，踰於河。

②荆、岐已旅。（夏本紀）

③黃帝采首山銅，鑄鼎荆山下。（孝武本紀、封禪書）

【集解】孔安國曰：「荆在岐東，非荊州之荆。」（夏本紀）晉灼曰：「荆山在馮翊懷德縣。」

（孝武本紀）

【正義】括地志云：「荆山在雍州富平縣，今名掘陵原。」案：雍州荆山即黃帝及禹鑄鼎地也。襄州荆山縣西荆山即卞和得玉璞者。（夏本紀）

〔案〕漢志：「左馮翊懷德，禹貢北條荆山在南，下有彊梁原。」寰宇記引水經注：「洛水東南歷彊梁原，俗謂之朝坂。」同州志：「華原在朝邑縣西，繞北而東，以絕於河，古河孺也。一名朝坂，亦謂之華原山。蓋華原即朝坂，即彊梁原。荆山之麓，直抵河孺，故禹貢曰『至於荆山，逾於河』也。」

## 衡山

①汶山之陽，至於衡山。

②荆及衡陽維荊州。（夏本紀）

【集解】孔安國曰：「北據荆山，南及衡山之陽。」

【索隱】在長沙湘南縣東南。廣雅云：「岫嶠謂之衡山。」（夏本紀）

【正義】括地志云：「衡山，一名岫嶠山，（封禪書）在衡州湘潭縣西四十一里。」（夏本紀、封

禪書。）

〔案〕衡山在河南南召縣南，見山海經。又漢書地理志：「南陽郡雒，衡山，灋水所出。」馬融廣成頌：「面據衡陰。」此謂荆山及衡山之陽為荊州也。

## 衡山

①始皇還，過彭城，西南渡淮水，之衡山、南郡。浮江，至湘山祠。（秦始皇本紀）

②五月，巡狩至南岳。南岳，衡山也。（封禪書）

〔案〕始皇自彭城渡淮之衡山，當為今安徽之霍山。漢文帝分淮南地，立衡山國，即以此山名。封禪書：「元封五年冬，巡南郡，至江陵而東。登禮濤之天柱山，號曰南岳。」可知衡山即天柱。至隋開皇九年，始詔定長沙衡山為南岳。注家以岫嶽說此處衡山，大誤。

## 衡山

①項羽立吳芮為衡山王，都郢。（項羽本紀、高祖本紀。）

②漢立黥布為淮南王，九江、廬江、衡山、豫章郡皆屬布。（黥布傳）

③十二年，立淮南厲王子三人為淮南、衡山、廬江王。（孝文本紀）

④孝景徙衡山王王濟北，廬江王徙爲衡山王，王江北。（淮南衡山傳）

⑤二年秋，衡山雨雹。

⑥後二年，衡山國、河東、雲中郡民疫。（孝景本紀）

⑦武帝封膠東王子慶於故衡山地，爲六安王。（五宗世家）

【正義】衡山國，今衡州。（孝景本紀）

〔案〕隋置衡州。唐復置，尋改衡山郡，治今湖南衡陽縣。西漢衡山國在安徽，正義說大誤。

## 衡山

衡山、九江、江南豫章、長沙，是南楚也。（貨殖傳）

【集解】徐廣曰：「都邾。邾，縣，屬江夏。」

【正義】故邾城在潭州東南百二十里。

〔案〕此明云衡山、九江在江北，豫章、長沙在江南，正義說誤。

## 衡山

楚共二十一年，伐吳至衡山。（十二諸侯年表、吳世家。）

【集解】杜預曰：「吳與烏程縣南也。」

【索隱】左傳襄三年曰：「楚子重伐吳，爲簡之師克鳩茲，至于衡山」也。（吳世家）

【案】鳩茲，杜注：「在丹陽蕪湖縣東，今皋夷也。」今勾茲港在蕪湖縣東四十里。烏程，今吳興；楚不能越吳而至。郡國志劉昭注引或說，乃丹陽縣橫山；亦見方輿勝覽。在今當塗縣東北六十里，亦名橫望山。「衡」與「橫」通，或是也。

## 內方

內方至於大別。（夏本紀）

【集解】鄭玄曰：「地理志內方在竟陵，名立章山。」

【索隱】內方山在竟陵縣東北。

【正義】括地志云：「章山在荊州長林縣東北六十里。今漢水附章山之東，與經史符會。」

〔案〕章山，今鍾祥縣西南。

## 大別

內方至於大別。（夏本紀）

【集解】大別在廬江安豐縣。

【索隱】大別山在六安國安豐縣，今土人謂之甌山。

【正義】大別山，今沙洲在山上，漢江經其左，今俗猶云甌山。注云「在安豐」，非漢所經也。

〔案〕漢志：「六安國安豐，禹貢大別山在西南。」今安徽霍邱縣西南八十里，接河南固始縣界。然此非漢水所經，與禹貢「導滌東流為漢，又東為滄浪之水，過三澨至於大別，南入於江」之文不合。元和志：「魯山，一名大別山，在今漢陽縣東北。」然水經注謂之古翼際山，不謂之大別。又左定四：「吳伐楚，子常濟漢而陳，自小別至於大別。」今翼際山尚在漢水西岸，與「子常濟漢」之文又不合；則謂大別在漢陽者，復非也。正義甌山，今漢川縣東南，漢水東岸，較為近情。而或又以為乃小別山，此皆推測說之。後人以班說較

早，故紛紛為解難。沈垚曰：「大別山在光州（橫川）西南，黃州（黃岡）西北，漢陽東北，霍邱西南。班志屬之安豐，但據山之東北言；若論其西南，則直至漢水入江處，故商城西南麻城黃陂之山，古人皆目為大別。」此似可釋安豐非漢所經之嫌。然班志言地，亦時有疎失，未可盡據。循禹貢導山原文，熊耳、外方、桐柏至陪尾為一條，嶧冢、荆山、內方至大別為一條，岷山、衡山至敷淺原為又一條，今之大別山脈不與外方、桐柏同條，則當與衡山、敷淺原並列，不得與嶧冢、荆山、內方為序。若大別必遵班說，則內方決不當為安陸之章山。班志於此，必有一誤，未能俱洽。後人必委曲說之，殊無謂也。餘詳「敷淺原」條。

## 敷淺原

過九江，至於敷淺原。（夏本紀）

【集解】徐廣曰：「『淺』，一作『滅』。」駟案：國語（當作「孔安國」）。曰：「敷淺原一名博陽山，在豫章。」

〔案〕漢志：「豫章郡歷陵，博陽山，博陽川在南。古文以為傳淺原。」歷陵，王莽改蒲



亭。唐有蒲塘驛，即今德安縣治。杜佑通典云：「江州潯陽縣蒲塘驛，即漢歷陵也。驛前有數淺原，原西數十里有數陽山。」晁以道云：「饒州鄱陽縣界中有歷陵故縣。」後人因疑歷陵在晉時與餘汗、鄡陽俱屬鄱陽郡，而柴桑屬武昌，歷陵不應轉在柴桑之西；或杜氏特以蒲亭、蒲塘而附會說之；其析山與原為二處，亦非是。然晁說亦無據。恐柴桑屬武昌，依長江之下游。歷陵屬鄱陽，跨彭蠡之兩岸。杜說未必虛。朱子九江彭蠡辨以廬山為數淺原，亦以意推之，無可證信。則不如仍依舊說，以傳淺原在德安界為是。惟班志亦時有誤，不足盡恃。經云：「過九江，至於數淺原。」又曰：「過九江，至於東陵。」東陵在江北，數淺原亦不應在江南。上文云：「岷山之陽，至於衡山。」衡山即南陽雒衡山，澧水所出，亦在江北。數淺原似更不當越至江南。考漢志：「九江郡有博鄉，侯國。莽曰揚陸。」故城今安徽霍邱縣南。博陽山與博鄉同以「博」名。「莽曰揚陸」者，「數」、「揚」聲義相逼。則「傳」、「博」、「數」、「揚」，皆本一源。今霍邱縣西南八十里，即大別山。以地形言之，自岷、衡至大別，明為一脈，而與嶧、荆、內方判為二列。然則今之大別，即古之博陽；謂之數淺原者，殆指其山脈之邐迤就盡，原阜未平而言。班志於六安國安豐曰：「禹貢大別山在西南。」蓋即由博陽數淺原而謫，後人遂相

沿目此為大別，而博陽移至豫章江南，遂致衡山、九江諸地，亦積疑塞晦，不可復理矣。又東陵在黃梅北，敷淺原在霍邱南，正為今大別山脈迤東之南北兩極端也。此亦云「過九江」者，蓋事略之辭。

## 東陵

過九江，至於東陵。（夏本紀）

【集解】孔安國曰：「東陵，地名。」

〔案〕漢志：「廬江郡金蘭，西北有東陵鄉，淮水所出。」水經注：「江水東過蕪春縣南，蕪水從北東注之。又東過下雉縣北，利水從東陵西南注之。利水出廬江郡東陵鄉。江夏有西陵縣，故是言東矣。尚書『江水過九江，至於東陵』者也。西南流，水積為湖。湖西有青林山，故謂之青林湖。湖水西流，謂之青林水。又西南歷尋陽，分為二水：一水東流，通大雷。一水西南流，注於江，所謂利水也。」今考下雉，今陽新縣東南；利水入江，尚在其下游，當今廣濟縣境。今青林山在廣濟縣東南六十里，則東陵應在今廣濟東北及黃梅縣境也。又水經決水注：「決水又西北，灌水注之。其水導源廬江金蘭縣西北東陵鄉大蘇山，

即淮水也。許慎曰：『出零婁縣。』俗謂之澮水。褚先生所謂『神龜出於江、灌之間，嘉林之中』，蓋謂此水。』胡朏明據此，定金蘭在固始西南，直黃梅之北。錢坫則謂大蘇山即東陵，今商城縣東南五十里。如是，則東陵去江太遠，與「江自東陵東迤北會于雁」之文不合。廬江東陵與江夏西陵相為東西，不應北至商城、固始間。阮元以金蘭即豫章郡治，後改為舒。漢舒地直達大江洲渚。禹貢東陵實指至此東迤為南江，又失之太東。亦由誤以分江水為南江而強說之也。

## 東陵

召平，故秦東陵侯。（蕭相國世家）

〔案〕秦東陵侯似是關內侯居秦者。

## 吳岳

①自華以西，名山七，曰吳岳。

②四大冢鴻岐吳岳，皆有管禾。（封禪書）

【集解】徐廣曰：「在汧。」

【索隱】案：地理志汧有垂山，無岳山。

〔案〕吳岳，今隴縣南。職方：「雍州山鎮曰嶽山。」漢地理志：「汧縣吳山，古文以為汧山。」郡國志：「汧縣有吳嶽山，本名汧。」

## 吳陽

雍旁故有吳陽武時。秦靈公作吳陽上時，祭黃帝；下時，祭炎帝。（封禪書）

【索隱】吳陽，地名，蓋在岳之南。

## 汧

道汧及岐，至於荊山。（夏本紀）

【集解】鄭玄曰：「地理志汧在右扶風也。」

【索隱】「汧」，一作「岍」。案：有汧水，故其字或從「山」，或從「水」，猶岐山然也。

【正義】括地志云：「汧山在隴州汧源縣西六十里。其山東鄰汶、岫，西接隴岡，汧水出

焉。」

〔案〕漢志、郡國志皆以汧即吳山；通典、元和志、寰宇記皆謂別有岍山，與吳山不相蒙。蓋本出一脈，今陝西隴縣西。

## 汧

①周孝王使非子主馬於汧、渭之間，邑之秦，號曰秦嬴。

②秦文公東獵汧，至汧、渭之會。曰：「昔周邑我先秦嬴於此。」乃卜居之。（秦本紀）

③秦文公東獵汧、渭之間，卜居之而吉。（封禪書）

④西定汧。還下郿、頻陽。（絳侯世家）

⑤汧、洛之屬，爲小川，亦皆歲禱賽。（封禪書）

〔索隱〕地理志汧水出汧縣西北入渭。皇甫謐云「文公徙都汧」也。（封禪書）

〔正義〕括地志云：「汧水源出隴州汧源縣西南汧山，東入渭。（封禪書）故汧城在隴州汧源」

縣東南三里。帝王世紀云：『秦襄公二年徙都汧』，即此城。」又：括地志云：「郿縣故

城在岐州郿縣東北十五里。秦文公東獵汧、渭之會，卜居之，乃營邑焉，即此城也。」

〔秦本紀〕

〔案〕汧水，今隴縣東南，經汧陽、寶雞東入渭。汧縣故城，今隴縣南。元和志：「秦文公所都。」據文公語，此即非子舊邑。元和志：「隴州東南二十五里，有秦城」，是也。爾雅：「水決之澤為汧。」水經：「汧水出汧縣之蒲谷鄉弦中谷，決為弦蒲數。」隴州志：「濱水之地，自州以東至汧陽、寶雞幾二百里，謂之汧水，雖隆冬蔬草常青，宜為牧地之美者。」後世注家乃以天水隴西秦亭、秦谷說非子所居，失實殊遠。

汧洛二淵

汧、洛二淵，鳴澤之屬，為小川，亦皆歲禱賽。（封禪書）

【正義】地理志云二川源在慶州華池縣西子午嶺東，二川合，因名也。

〔案〕汧、洛二淵，疑即指汧、洛二水言。正義說別有二川，在華池縣，今甘肅合水縣東北。子午山，在合水縣東五十里。元和志：「華池水在合水縣東北七十里。」未知是否？

岳山

①自華以西，名山七。曰岳山。

②四大豕鴻、岐、吳、岳，皆有嘗禾。（封禪書）

【集解】徐廣曰：「武功縣有大壺山，又有岳山。」

〔案〕漢志：「右扶風武功，垂山，古文以為敦物，在縣東。」「垂」當為「岳」字之譌，今曰武功山，在武功縣南一百里，北連太白山。

## 岳嶠山

蒲山、岳嶠山之屬，爲小山，亦皆歲禱賽。（封禪書）

【集解】徐廣曰：「嶠，音先許反。」

## 梁山

①治梁及岐。（夏本紀）

②晉景十四，梁山崩。（十二諸侯年表、晉世家。）

③岐、梁山、涇、漆之北，有義渠、大荔、烏氏、胸衍之戎。（匈奴傳）

【集解】梁山在左馮翊夏陽。

【正義】梁山在同州韓城縣東南十九里。（夏本紀）

〔案〕春秋成五公羊傳：「梁山者，河上之山也。」水經注：「河水南逕梁山原東。山在馮翊夏陽縣之西，臨於河上。」古稱大禹治河，始龍門。龍門、梁山皆在今陝西韓城縣。蓋治梁山，即猶云開龍門。龍門兼跨雍、冀二州，則梁山亦然，蓋如橋梁之駕於河上。後人疑雍州山不當載於冀州，謂梁山乃山西離石縣東北呂梁山，仍是得失參半。

## 梁山

古公去豳，度漆、沮，踰梁山。（周本紀）

【正義】括地志云：「梁山在雍州好時縣西北十八里。」鄭玄云：「岐山西南。」然則梁山橫長，其東當（櫟）陽，西北臨河，其西當岐山東北，自豳適周，當踰之矣。

〔案〕郿蓋山西汾旁之邑。古公者，山西絳縣西北有古山、古水，其流入汾；古公蓋自此渡河津，踰韓城縣梁山，而耕殖於漆、沮二水間，即今洛水與石川河間之平原也。



## 梁山宮

始皇三十五，幸梁山宮。（秦始皇本紀）

【集解】徐廣曰：「在好時。」

【正義】括地志云：「俗名望宮山，在雍州好時縣西十二里，北去梁山九里。」

〔案〕梁山，今乾縣西北五里。徐廣說據漢志，亦見水經渭水注。舊說謂孟子「太王去邠，踰梁山，邑於岐山之下」，即此。然按之地勢事情，均不合。蓋邠、邲地望皆誤，因並梁山而不得其處。

## 龍門

①禹鑿龍門，通大夏。（李斯傳）

②浮於積石，至於龍門西河。（夏本紀）

③道河積石，至於龍門。（夏本紀、河渠書。）

④龍門、碣石北多馬、牛、羊、旃裘、筋角。（貨殖傳）

⑤秦惠文君十二，初臘。會龍門。（六國表）

⑥司馬遷生龍門。（自序）

⑦太史公北自龍門，至於朔方。（河渠書）

【集解】孔安國曰：「龍門山在河東之西界。」（夏本紀）徐廣曰：「在馮翊夏陽縣。」（自序）

【索隱】龍門山在左馮翊夏陽縣西北。（夏本紀）

【正義】括地志云：「龍門在同州韓城縣北五十里。其山更黃河，夏禹所鑿者也。」（河渠書注）

「爲鑿廣八十步。」龍門山在夏陽縣，遷即漢夏陽縣人也，至唐改曰韓城縣。」（自序）

【案】龍門山，今陝西韓城縣東北，黃河西岸跨山西河津縣界。

## 岐

①治梁及岐。

②荆、岐已旅。

③道汧及岐，至於荆山。（夏本紀）

【集解】徐廣曰：「岐山在扶風美陽西北，其南有周原。」（周本紀）

## 岐

【正義】括地志云：「岐山在岐州岐山縣東北十里。」（夏本紀）

〔案〕梁山在韓城，荆山在朝邑。岐山蓋九嵎、嵯峨也。

①古公去豳，度漆、沮，踰梁山，止於岐下。（周本紀）

②太王去豳，杖馬箠居岐。（劉敬傳）

③大王、王季在岐。（貨殖傳）

④文王自岐下徙都豐。（周本紀）

⑤成王有岐陽之蒐。（楚世家）

〔案〕漢志：「右扶風安陵，惠帝置。」關駟曰：「本周之程邑。」括地志：「安陵故城在咸陽縣東二十一里。」周書稱文王在程，作程寤，程典，字又作「郢」，即孟子所謂畢郢也。又名鮮原，詩大雅：「度其鮮原，居岐之陽。」然則文王居岐，正在咸陽。上推古公，亦復如此；不當遠在鳳翔岐山。今就岐陽、鮮原之說求之，岐山斷為九嵎、嵯峨無疑。

## 岐西

①平王封秦襄公，賜之岐以西之地。曰：「戎無道，侵奪我岐、豐之地，秦能攻逐戎，即有其地。」

②秦文公遂收周餘民有之，地至岐，岐以東獻之周。（秦本紀）

③秦襄十二，伐戎至岐而死。（十二諸侯年表、匈奴傳。）

【正義】岐山在岐州。高誘云「秦襄公救周有功，受周故地酆鄜，列爲諸侯」也。（匈奴傳）

〔案〕周、秦兩本紀屢言「岐豐」，又曰「岐畢」，又曰「岐以西與秦，岐以東仍周」，證岐山近在宗周。若岐在美陽，豈平王東遷，秦文獻地，尙全有豐鎬之舊境乎？昔人注地之疏率有此類。又成王、宣王皆蒐岐陽；幽王時三川竭，岐山崩。若岐山遠在鳳翔，周王不亟往蒐獵；三川乃涇、洛、渭三川，會於下流，亦與鳳翔岐山不涉。又按：毛詩秦風疏孔穎達云：「本紀曰：『賜襄公以西之地。』文公遂收周餘民有之，地至岐，岐以東獻之周。」案：終南之山，在岐之東南。大夫之戒襄公，已引終南為喻，則襄公亦得岐東，非惟自岐以西也。如本紀言，文公獻岐東於周，則秦之東境終不過岐；而春秋之時，秦境東至於

河，復是何世得之？本紀之言不可信。」今案：孔氏之疑，亦緣不知岐山地望。至春秋時秦地至河，則因晉惠所獻。蓋岐東之地，自平王之東，晉穀攜王與虢公而得之，其事見於竹書，史所不詳。

## 岐

①昔我穆公自岐、雍之間，修德行武，東平晉亂，以河爲界。

②繆公亡善馬，岐下野人食之。

③岐下食善馬者三百人，馳冒晉軍脫繆公。（秦本紀）

【正義】括地志云：「野人塢在岐州雍縣東北二十里。」案：野人盜馬食處，因名焉。

〔案〕雍縣，今鳳翔縣南；岐山，今岐山縣東北；近在數十里間。恐此所謂「岐、雍之間」者，岐尚在岐周、豐岐之岐。「岐、雍之間」，即岐以西也。野人塢之類，皆後人增飾，不足爲據。

## 岐山

①自華以西，名山七。曰華山、薄山、岳山、岐山、吳岳、鴻冢、濱山。

②四大冢、鴻、岐、吳、岳，皆有嘗禾。（封禪書）

【索隱】地理志岐山在美陽縣西北也。

〔案〕今岐山縣東北。不知何時移豐岐、畢岐之岐於此？周初史迹，東西差失矣！

## 岐

獲周餘珍收龜於岐。（司馬相如傳）

【集解】岐，水名也。

〔案〕今麟遊縣西。

## 壺口

冀州：既載壺口。（夏本紀）

【集解】地理志壺口在河東北屈。

【正義】括地志云：「壺口山在慈州吉昌縣西南五十里冀州境也。」

〔案〕今吉縣西北。

## 雷首

壺口、雷首。（夏本紀）

【索隱】雷首山在河東蒲坂縣東南。

【正義】括地志云：「雷首山在蒲州河東縣。」

〔案〕今永濟縣南。

## 首山

①天下名山八，五在中國。華山、首山、太室、泰山、東萊。

②黃帝采首山銅，鑄鼎於荆山下。（孝武本紀、封禪書）

③趙盾常田首山。（晉世家）

【集解】晉灼曰：「地理志首山屬河東蒲坂。」（孝武本紀）又：徐廣曰：「蒲坂縣有雷首山。」  
（晉世家）

## 首陽山

①伯夷醜周，餓死首陽山。（游俠傳）

②遂餓死於首陽山。（伯夷傳）

【集解】馬融曰：「首陽山在河東蒲坂華山之北，河曲之中。」

【正義】曹大家注幽通賦云：「夷齊餓於首陽山，在隴西首。」又戴延之西征記云：「洛陽東北首陽山有夷齊祠。」今在偃師縣西北。又孟子云：「夷、齊避紂，居北海之濱。」說文云首陽山在遼西。史傳及諸書，夷、齊餓於首陽凡五所，各有案據，先後不詳。莊子云：「伯夷、叔齊西至岐陽，見周武王伐殷，曰：『不若避之以紜吾行。』」二子北至於首陽之山，遂餓餓而死。」又下詩「登彼西山」，是今清源縣首陽山，在岐陽西北，明即夷、齊餓死處也。（伯夷傳）

〔案〕首陽乃首山之陽耳。後世紛紛有首陽山，皆附會依託，不可據。

## 首



并蒲、衍、首、垣，以臨仁、平邱、黃、濟陽嬰城。（春申君傳）

【索隱】首蓋牛首。

〔案〕牛首，春秋鄭邑，今河南通許縣西北，與蒲、衍地望不合；索隱非也。

## 薄山 襄山

自華以西，名山七。曰薄山。薄山者，襄山也。（封禪書）

【集解】徐廣曰：「蒲阪縣有襄山，或字誤也。」

【索隱】應劭云：「襄山在潼關北十餘里。」穆天子傳云：「自河首襄山。」酈元水經云：

「薄山統目與襄山不殊，在今芮城北，與中條山相連。」

【正義】括地志云：「薄山亦名襄山，一名寸棘山，一名渠山，一名雷首山，一名獨頭山，一名首陽山，一名吳山，一名條山，在陝州芮縣城北十里。」此山西起雷山，東至吳坂，凡十名，以州縣分之，多在蒲州。今史文云：「自華以西」，未詳也。

〔案〕山稱「雷」者，即急水迴旋成螺之義，如古彭蠡之稱大雷也。「襄」者，水勢之騰驤；「薄」者，水流之衝薄；皆一義。大河自此折而東，其南即潼關也。「潼」亦急水衝

撞之義。

## 霍太山

①蜚廉爲壇霍太山。

②遂葬於霍太山。（秦本紀）

③余霍泰山山陽侯天使也。（趙世家）

【集解】駢案：地理志霍太山在河東虞縣。皇甫謐云：「去虞縣十五里有蜚廉塚。」（秦本紀）

徐廣曰：「在河東永安縣。」（趙世家）

〔案〕霍太山，今霍縣東北。

## 太嶽 嶽陽 嶽鄙

①壺口、雷首至於太嶽。

②既修太原，至於嶽陽。（夏本紀）

③武王曰：「我南望三塗，北望嶽鄙。」（周本紀）

【集解】孔安國曰：「太嶽在上黨西也。」又太嶽在太原西南。

【索隱】即霍太山也。

【正義】括地志云：「太嶽，霍山也，在沁州沁源縣西七八十里。」（夏本紀）

## 砥柱

①東至砥柱。

②砥柱、析城至於王屋。（夏本紀）

③南到華陰，東下砥柱。

④漕從山東西，更砥柱之限，敗亡甚多。

⑤張湯言：「通褒斜道，從沔無限，便於砥柱之漕。」（河渠書）

⑥番係欲省砥柱之漕，穿汾、河渠以溉田。（平準書）

【索隱】水經云：砥柱山在河東太陽縣南河水中也。

【正義】括地志云：「底柱山，俗名三門山，硤石縣東北五十里黃河之中。」孔安國云：「

底柱，山名。河水分流，包山而過，山見水中，若柱然也。在西虢之界。」（夏本紀）

〔索〕今平陸縣東五十里大河中流。

## 析城

砥柱、析城至於王屋。（夏本紀）

〔索隱〕析城山在河東濩澤縣西南。

〔正義〕括地志云：「析城縣在澤州西南七十里。注水經云：『析城山甚高峻，上平坦，有

二水，東濁西清，左右不生草木。』」

〔索〕今陽城縣西南。

## 王屋

砥柱、析城至於王屋。（夏本紀）

〔索隱〕王屋山在河東垣縣東北。

〔正義〕括地志云：「王屋山在懷州王屋縣北十里。古今地名云：『山方七百里，山高萬

仞，本冀州之河陽山也。』」

〔案〕今陽城縣西南一百里，在析城西，與禹貢序次不合。

## 太行

- ①太行、常山至於碣石。（夏本紀）
- ②殷紂之國，左孟門，右太行。（孫吳傳）
- ③桓公西伐大夏，涉流沙，東馬懸車登太行，至卑耳山。（齊世家）
- ④莊公以兵隨欒盈，上太行，入孟門。（齊世家、晉世家。）
- ⑤晉平十，伐齊至高唐，報太行之役。（十二諸侯年表）
- ⑥韓桓惠十，秦擊我太行。（六國表、韓世家。）
- ⑦（同年）秦昭四十四年，白起攻南陽太行道，絕之。（白起傳）
- ⑧我起乎少曲，一日而斷太行。（蘇秦傳）
- ⑨北守太行之道，則上黨之師不下。
- ⑩決羊腸之險，塞太行之道，又斬范、中行之塗，六國不得合從。（范雎蔡澤傳）
- ⑪杜太行之道，距蜚狐之口。（酈生傳）

【集解】韋昭曰：「在河內野王北。」（鄭生傳）

【索隱】太行山在河內山陽縣西北。

【正義】括地志云：「太行山在懷州河內縣北二十五里，有羊腸坂。」（夏本紀）

【案】太行山，今山西晉城縣南。絲互燕、晉，山以百數，雖隨地異名，皆古太行也。

## 大邳

①東過雒汭，至於大邳。（夏本紀、河渠書。）

②太史公東窺洛汭、大邳。（河渠書）

【索隱】爾雅云：「山一成曰邳。」或以爲成臯山是。（夏本紀）

【正義】孔安國云：「山再成曰邳。」（河渠書）括地志云：「大邳山，今名黎陽東山，又曰

青壇山，在衛州黎陽南七里。張揖云今成臯，非也。」（夏本紀）

【案】水經注：「河水東逕成臯大伾山下。鄭康成曰：『地喉也。沆出伾際。在河內修武、

武德之界。濟、沆之水與滎播澤出入自此。』然則大伾即是山矣。伾北即經所謂『濟水從北來注之』者也。今濟水自溫縣入河，所入者秦溝水耳，即濟、沆之故漬矣。成臯縣故城

在任上，滎帶任阜，絕岸峻周，高四十許丈。」又：「濟水東過成皋縣北」，注：「晉地道志曰：『濟自大任入河，與河水鬪，南決為滎澤。』」又：「濟水東合滎潰，潰首受河水，有石門，謂之滎口。蓋故滎，播所導，自此始。門南際河，有陽嘉三年故碑云：『伊、洛合注大河，南則緣山，東過大任，回流北岸，其勢鬱懷濤怒，湍急激疾，一有決溢，彌原淹野。』」今據「太史公東窺洛汭、大任」之語，知古人自司馬遷下逮東漢陽嘉河臣，皆以大任近洛汭，即成皋山。此古說也。下至晉人，並守勿變。惟鄭康成謂「在修武、武德之界」，舉河北岸言之，其辭足以生疑。漢書臣瓚注：「今修武、武德無此山，成皋縣山又不一成。今黎陽山臨河，豈是乎？」不知一成、再成，本無定說；黎陽山本無大任之名，故臣瓚亦未敢確指。後人乃羣遵瓚說，絕棄舊誼，殊為失之。大任山今在河南舊汜水縣西北一里，西去洛口纔四十里。黎陽山在今濬縣東南二十里。

## 碣石

①夾右碣石，入於海。

②太行、常山至於碣石，入於海。（夏本紀）

③龍門、碣石北多馬、牛、羊、旃裘、筋角。（貨殖傳）

④始皇三十二，之碣石，刻碣石門。（秦始皇本紀）

⑤二世元年，東巡碣石，並海南，歷泰山，至會稽。（封禪書）

⑥既封禪泰山，乃並海上，北至碣石，巡自遼西，歷北邊至九原。（孝武本紀、封禪書）

⑦後三年，游碣石，考入海方士。（封禪書）

【集解】孔安國曰：「碣石，海畔山也。」

【索隱】地理志云：「碣石山在北平驪城縣西南。」太康地理志云：「樂浪遼城縣有碣石山，長城所起。」又水經云：「在遼西臨渝縣南水中。」蓋碣石山有二，此云「夾右碣石，入於海」，當非北平之碣石。（夏本紀）

【正義】碣石山在平州盧龍縣。（貨殖傳）

【案】碣石傳說不一。漢志驪成，今亦無的所。後魏地形志、隋志、括地志、通典、通考諸書皆言盧龍，然盧龍不濱海，縣志亦無此山。文穎言在遼縣，即今昌黎境。漢志遼縣有碣石水，不言有山。明一統志謂碣石在昌黎西北五十里，則今稱書院山也。府志則謂今縣北十里之仙人臺山。惟顧氏肇域志謂山東無棣縣北六十里馬谷山，即古碣石；此山在古九河



之下，合於禹貢「入河」、「入海」之文。又通鑑地理通釋云：「秦長城起自碣石。此在高麗界中，當名左碣石；禹貢碣石為右碣石。」

## 碣石

①燕南有碣石、雁門之饒。（蘇秦傳）

②燕亦勃、碣之間一都會也。（貨殖傳）

【索隱】戰國策碣石山在常山九門縣。地理志大碣石山在右北平驪城縣西南是也。（蘇秦傳）

〔案〕九門故城，今薊城縣西北。是碣石當與恆山連麓。

## 碣石宮

燕昭王築碣石宮。（孟子荀卿傳）

【正義】碣石宮在幽州薊縣西三十里甯臺之東。

〔案〕碣石宮，清一統志在宛平縣西。

## 勃碣

①自華以南，氣下黑上赤。嵩高、三河之郊，氣正赤。恆山之北，氣下黑上青。勃、碣、海岱之間，氣皆黑。江、淮之間，氣皆白。

②中國山川東北流，其維，首在隴、蜀，尾沒於勃、碣。（天官書）

## 蒙

蔡、蒙旅平。（夏本紀）

【索隱】此非徐州之蒙，在蜀郡青衣縣。青衣後改爲漢嘉。

【正義】括地志云：「蒙山在雅州嚴道縣南十里。」

〔案〕漢志：「蜀郡青衣，禹貢蒙山在西。」青衣，今雅安縣北。然禹貢江源乃指嘉陵江，則蒙山決不在雅安。

## 蒙

蒙、羽其藝。（夏本紀）

【集解】鄭玄曰：「蒙、羽，二山名。」

【索隱】蒙山在泰山蒙陰縣西。（按漢志，當云在「西南」。）

〔案〕今蒙陰縣南，接費縣界。

## 蒙 蒙澤

①宋萬殺潛公於蒙澤。（宋世家）

②莊子，蒙人。（老莊申韓傳）

③攻蒙、虞取之。（周勃世家）

【集解】賈逵曰：「蒙澤，宋澤名也。」杜預曰：「宋地，梁國有蒙縣。」

〔案〕蒙縣故城，今商邱縣東北。蒙澤，疑即孟諸澤。

## 漆園

莊周爲蒙漆園吏。（老莊申韓傳）

【正義】括地志云：「漆園故城在曹州冤句縣北十七里。」按：其城古屬蒙縣。

〔案〕冤句，今荷澤縣地。漆園故城，當在今山東荷澤縣北。蒙縣故城，在今河南商邱縣東北。或說漆園即在蒙縣故城中，史稱為蒙之漆園吏，則不得至荷澤。蓋孔安國已謂「明都澤謂河東北」，此蓋即以蒙為明都孟諸，故亦得謂在冤句也。（參看「明都孟諸」條。）閻若璩則謂「蒙漆園吏」當是「宋漆園吏」之字謄。又安徽定遠縣東亦有漆園，蓋以游濠梁而來。

卷四 禹貢山水名中

九川

道九川。（夏本紀）

【索隱】弱、黑、河、灋、江、沅、淮、渭、洛爲九川。

〔案〕九川：弱水、黑水、河、漾、江、沅、淮、渭、洛。索隱有脫字。

河

四瀆者，江、河、淮、濟也。（封禪書）

河

- ①唐在河、汾之東，方百里。（晉世家）
- ②昔三代之君皆在河、洛之間。（封禪書）
- ③太史公見父於河、洛之間。（自序）
- ④周公以殷餘民封康叔爲衛君，居河、淇間故商墟。（衛世家）
- ⑤衡，殷中州河、濟之間。
- ⑥戊、己，中州河、濟也。（天官書）
- ⑦淮北，常山已南，河、濟之間千樹荻。（貨殖傳）
- ⑧獨維之東土，河、濟之南可居。（鄭世家）

## 河

- ①康公命太公曰：「東至海，西至河。」（齊世家）
- ②齊有清濟、濁河可以爲固。（蘇秦傳）
- ③齊景公時，晉伐阿、甄，而燕侵河上。（司馬穰苴傳）
- ④河北不師，所以備燕。（蘇秦傳）

⑤河北之地隨先王而舉之濟上。（樂毅傳）

⑥燕日敗亡，卒至河上。（田單傳）

⑦逐燕，北至河上。（樂毅傳）

⑧彭越將兵北居河上。（彭越傳）

⑨項籍殺宋義於河上。（黥布傳）

【正義】黃河又一源從洛、魏二州界北流入海，亦齊西北界。河北謂滄、博等州，在漯河之北。（蘇秦傳）河上，黃河南岸地，即滄、德二州北界。（司馬遷傳）彭越居河上，在滑州。

（彭越傳）

## 河

①趙肅十八，齊、魏伐趙，趙決河水灌之。（六國表、趙世家、田齊世家。）

②趙惠文十八，再之衛東陽，決河水，伐魏氏。大遼，漳水出。

③二十一，徙漳水。二十七，再徙漳水。河水出，大遼。（趙世家）

## 西河

①浮於積石，至於龍門西河。（夏本紀）

②吳起爲西河守。（吳起傳）

③西河之守，臣之所進也。（魏世家）

④魏盡入西河及上郡於秦。（匈奴傳）

⑤秦人拱手而取西河之外。（秦始皇本紀）

⑥秦告趙欲爲好會於西河外滎池。（藺相如傳）

⑦惠文二十，與秦昭王遇西河外。（趙世家）

⑧涉西河，虜魏王。（淮陰侯傳）

【正義】河在冀州西，故云西河也。（夏本紀）

〔案〕自戰國魏文侯已有西河郡，然魏之西河，自焦、號、桃林之塞至抵關、洛，其界最廣。秦以其東界併入內史，西界併入上郡。漢分置者，特秦上郡所屬地。



## 西河

①郊雍，通回中道，巡之。春，至鳴澤，從西河歸。（封禪書）

②度西河，至高闕。（衛霍傳）

③漢使因杆將軍敖出西河，與彊弩都尉會涿涂山。（匈奴傳）

④負海之粟致之西河。（淮南傳）

⑤朔方、西河、河西、酒泉皆引河及川谷以溉田。（河渠書）

⑥上郡、朔方、西河、河西開田官，斥塞卒六十萬人戍田之。（平準書）

⑦西河郭公仲。（游俠傳）

【正義】即雲中郡之西河，云勝州東河也。（衛霍傳）

## 西河

①衛靈公問伐蒲，孔子曰：「其男子有死之志，婦人有保西河之志。」（孔子世家）

②王精繳蘭臺，飲馬西河，定魏大梁，此一發之樂也。（楚世家）

【索隱】曰此西河在衛地，非魏之西河也。（孔子世家）

## 西河

子夏居西河教授。（仲尼弟子傳、儒林傳。）

【索隱】在河東郡之西界，蓋近龍門。劉氏云：「今同州河西縣有子夏石室學堂在也。」

【正義】西河郡，今汾州也。爾雅云：「兩河間曰冀州。」禮記云：「自東河至於西河。」

河東故號龍門河爲西河，漢因爲西河郡，汾州也，子夏所教處。括地志云：「竭泉山一名隱

泉山，在汾州堰城縣北四十里。」（仲尼弟子傳）

〔案〕子夏居西河，亦衛地。索隱、正義皆誤。

## 南河

①舜讓避丹朱於南河之南。（五帝本紀）

②浮於江、沱、涿、（於）漢，踰於雒，至於南河。（夏本紀）

【集解】劉熙曰：「南河，九河之最在南者。」

【正義】括地志云：「故堯城在濮州鄆城縣東北十五里。」竹書云「昔堯德衰，爲舜所囚也。又有偃朱故城，在縣西北十五里。」竹書云「舜囚堯，復偃塞丹朱，使不與父相見也。」按：濮州北臨濮，大川也。河在堯都之南，故曰南河，禹貢「至于南河」是也。其偃朱城所居，即「舜讓避丹朱於南河之南」處也。（五帝本紀）

〔案〕河曲以北，秦、晉分界，大率謂之西河。河曲之南，折而東經周、鄭之界，則為南河。更折而東北，穿入衛、齊界，則為東河。集解、正義說皆非。

## 南河

晉文公假道於衛，不許。更從南河度，救宋。（衛康叔世家。案：晉世家作「自河南渡」，誤倒。）

【集解】服虔曰：「南河，濟南之東南流河也。」杜預曰：「從汲郡南度，出衛南。」

## 棘津

呂尚困於棘津。（游俠傳）

【集解】徐廣曰：「在廣川。」

【正義】古亦謂之石濟津，故南津。

〔案〕左昭十七：「晉荀吳帥師涉自棘津。」水經注：「棘津亦謂之濟津，故南津也。晉自南河濟，即此。」河水於是亦有濟津之名。地在今延津縣東北，故胙城之北，汲縣之南七里；已湮。

## 北河

①惠文五，游至北河。

②昭襄二十，王之上郡、北河。（秦本紀）

③始皇三十六，遷北河榆中三萬家。（秦始皇本紀、六國表。）

④發天下丁男以守北河。

⑤使天下蜚芻輓粟，起於東睡、琅邪負海之郡，轉輸北河，率三十鍾致一石。

⑥秦時嘗發三十萬眾築北河。（主父偃傳）

⑦絕梓領，梁北河。（衛霍傳）

【正義】案：北河，靈、夏州黃河也。（秦本紀）謂北河勝州也。（秦始皇本紀）括地志云：「梁

北河在靈州界。」（衛霍傳）

## 河內

- ①殷人都河內。（貨殖傳）
- ②獻公時，晉疆，西有河西，北邊翟，東至河內。（晉世家）
- ③襄王以河內地與晉。（周本紀）
- ④周襄王賜晉河內陽樊之地。（晉世家）
- ⑤晉文公攘戎翟，居於河內圖、洛之間。（匈奴傳）
- ⑥西門豹引漳溉鄴，以富魏之河內。（河渠書）
- ⑦西門豹守鄴，而河內稱治。（魏世家）
- ⑧魏獻河東。拔魏河內，取城大小六十餘。（穰侯傳。案：此在昭十八。）
- ⑨昭二十一，攻魏河內，魏獻安邑。（秦本紀）
- ⑩（同年）魏納安邑及河內。（六國表）
- ⑪河外、河內。

⑫城垓津以臨河內，河內共，汲必危。（魏世家）

⑬舉河內，拔燕、酸棗、虛、桃，入邢。（春申君傳）

⑭山東、河內可得而一。（楚世家）

⑮始皇十八，端和將河內，羌癘伐趙。（秦始皇本紀）

⑯項羽立司馬卬爲殷王，王河內，都朝歌。（項羽本紀）

⑰殷王司馬卬降漢，地爲河內郡。（秦楚之際月表）

【索隱】河內，河曲也。內，音納。（晉世家）大河在鄴東，故名鄴爲河內。（魏世家）

【正義】古帝王之都多在河東、河北，故呼河北爲河內，河南爲河外。又云：河從龍門南至華陰，東至衛州，折東北入海，曲繞冀州，故言河內云也。又：河外謂華州以東至虢、陝，河內謂蒲州以東至懷、衛也。（魏世家）

〔案〕河內西阻王屋諸山，與河東分隔，北則太行蔽之。漢河內郡治懷，今武陟縣西南。

## 河外

河外、河內。（魏世家）

【正義】河外謂華州以東至虢、陝。

## 河外

① 河外割則道不通。

② 魏軍河外。（蘇秦傳）

③ 梁效河外。（蘇秦傳）

【索隱】河外謂陝及曲沃等處也。

【正義】河外，同、華等地也。（蘇秦傳）

## 河外

① 魏哀二十三年，秦復予魏河外及封陵爲和。（魏世家）

②（同年）韓襄十六，秦與韓河外及武遂。（韓世家）

【正義】河外、虢、曲沃等地。（秦本紀）

〔案〕秦本紀：「秦與韓、魏河北及封陵以和。」而正義注不解「河北」而解「河外」，疑

秦紀本作「河外」。此河外即河北，或本秦人言之。

## 河外

①莊襄四，五國擊秦，秦卻之河外。（秦本紀）

②魏公子率五國兵破秦軍於河外。（信陵君傳）

【正義】河外，陝、華二州也。（秦本紀）

## 河外

①魏北有河外，卷、衍、酸棗。（蘇秦傳）

②秦下兵攻河外，據卷、衍、酸棗。（張儀傳）

【正義】河外謂河南地，即卷、衍、燕、酸棗。（張儀傳）

## 河外

一軍軍成皋，驅韓梁軍於河外。（張儀傳）



【正義】河外謂鄭、滑州，北臨河。

## 河外

悼襄五，慶舍將東陽河外師，守河梁。（趙世家）

【正義】河外，河南岸魏州地也。

## 河東

①昔唐人都河東。（貨殖傳）

②秦昭十七，魏入河東地方四百里。（六國表、魏世家。按：《秦本紀》：「是年，秦以垣爲蒲阪、皮氏。」索隱：「『爲』當爲『易』。」河東四百里，秦蓋以垣易之。）

③穰侯封四歲，魏獻河東方四百里。（穰侯傳）

④昭王拜王稽爲河東守。（范雎傳）

⑤韓信定魏地，置三郡，曰河東、太原、上黨。（高祖本紀。按：《月表》：「漢滅趙歇，地屬漢，爲太原郡。」）

⑥韓信虜魏豹，地屬漢，爲河東、上黨郡。（秦楚之際月表）

⑦韓信虜豹，定魏爲河東郡。（淮陰侯傳）

⑧河東吾股肱郡。（季布傳）

⑨河東渠田廢，予越人。（河渠書）

〔案〕漢河東郡治安邑，今夏縣北。

## 河東

昭襄二十二，伐齊。河東爲九縣。（秦本紀）

〔案〕衛有西河，齊亦有河東。

## 三河

①柳、七星、張，三河。

②嵩高、三河之郊，氣正赤。（天官書）

③三河在天下之中，若鼎足，王者所更居。地狹人眾，都國諸侯所聚會，故其俗纖儉習事。

④三河、宛、陳好農重民，加以商賈。（貨殖傳）

⑤悉發關內兵，收三河士。（高祖本紀）

⑥發三河以西騎擊西羌。（平準書）

⑦使刺舉三河。（田叔傳）

【集解】韋昭曰：「河南、河東、河內。」（高祖本紀）

## 河西

①獻公時，晉疆，西有河西，與秦接境。

②夷吾賂秦，曰：「得入，以晉河西地與秦。」（晉世家）

③夷吾請割晉之河西八城入秦。

④夷吾獻河西地，是時秦地東至河。

⑤秦出子二年，庶長改迎獻公於河西而立之。

⑥秦往者君臣乖亂，晉復奪秦河西地。

⑦惠文君八，魏納河西地。（秦本紀）

⑧ 魏襄王予秦河西之地。（魏世家）

⑨ 肅侯二十一，趙疵與秦戰，敗，秦殺疵河西，取代蘭、離石。（趙世家）

⑩ 予嫪毐山陽地，又以河西太原郡爲毐國。（秦始皇本紀。集解：徐廣曰：「『河』，一作『汾』。」）

【正義】謂同、華等州地。又：河，即龍門河也。又：西者，秦州西縣，秦之舊地。時獻公在西縣，故迎立之。（秦本紀）

〔案〕篇中河西皆一義，正義忽以西縣釋獻公居，大誤。秦先不在西縣，已辨見「西垂」條。

## 河西

① 渾邪王以眾降，遂開河西、酒泉之地。（衛霍傳）

② 渾邪王降漢，而金城、河西西並南山至鹽澤空無匈奴。（大宛傳）

③ 漢已得渾邪王，則隴西、北地、河西益少胡寇。（匈奴傳）

④ 朔方、西河、河西、酒泉皆引河及川谷以溉田。（河渠書）

⑤ 上郡、朔方、西河、河西開田官，斥塞卒六十萬人戍田之。（平準書）

【正義】河謂隴右蘭州之西河也。謂涼、肅等州。（衛霍傳）

## 河源

①鹽澤潛行地下，其南則河源出焉。

②漢使窮河源，河源出于真。

③天子名河所出山曰崑崙云。（大宛傳）

【集解】鄧展曰：「尚書曰：『導河積石』，是爲河源出于積石。積石在金城河關，不言出于崑崙也。」

【索隱】案：漢書西南夷傳（當爲「西域傳」）。云：「河有兩源：一出葱嶺山，一出真。」山海經云：「河出崑崙東北隅。」郭璞云：「河出崑崙，潛行地下，至葱嶺山于真國，復分流歧出，合而東注勃澤；已而復行積石，爲中國河。」勃澤，即鹽澤也。又：案山海經：「河出崑崙東北隅。」西域傳云：「南出積石山爲中國河。」積石本非河之發源，猶尚書「導洛自熊耳」，然其實出于葱嶺山，乃東經熊耳。今推此義，河亦然矣。則河源本崑崙而潛流至于真，又東流至積石，始入中國，則山海經並禹貢各互舉耳。

## 盟津

①東至砥柱，又東至於盟津。（夏本紀）

②東下砥柱，及孟津、雒汭。（河渠書）

③武王東觀兵，至於孟津。諸侯不期而會者八百。（周本紀、齊世家。）

④武王有盟津之誓。（楚世家）

【集解】孔安國曰：「在洛北。」

【索隱】「盟」，古「孟」字。孟津在河陰。十三州記云：「河陽縣在於河上，即孟津」，是也。

【正義】杜預云：「盟，河內郡河陽縣南孟津也，在洛陽城北。都道所湊，古今爲津，武王渡之，近代呼爲武濟。」括地志云：「盟津，周武王伐紂，與八百諸侯會盟津。亦曰孟津，又曰富平津。水經云小平津，今云河陽津是也。」（夏本紀）孟津在洛州河陽縣南門外。

（河渠書）

〔案〕今孟縣南十八里。

## 河陽

①晉文公召襄王，會河陽、踐土。（周本紀）

②晉侯會諸侯於溫，使人言周襄王狩於河陽。（晉世家）

③踐土之會，實召周天子，而春秋諱之曰：「天王狩於河陽。」（孔子世家）

④秦宣公四年，與晉戰河陽，勝之。（秦本紀）

⑤惠文十一，與魏氏伐宋，得河陽於魏。（趙世家）

⑥河陽侯。（高祖功臣侯年表）

【集解】賈逵曰：「河陽，晉之溫也。」（周本紀）

〔案〕河陽故城，今河南孟縣西三十五里許，武王會諸侯於盟津是也。

## 河雍

昭襄十八，攻垣、河雍，決橋取之。（秦本紀）

【集解】徐廣曰：「汲冢紀年云：『魏哀王二十四年，改河陽曰河雍。』」

## 金堤

孝文十二年，河決東郡金堤。（漢興以來將相名臣年表、封禪書。）

【集解】駢案：漢書音義曰：「在東郡界。」（封禪書）

〔案〕時漢興未四十年，所謂金堤，當係秦前物。今河南濬縣西南，及滑縣東。

## 瓠子

①元光三年，河決於瓠子。（漢興以來將相名臣年表）

②河決瓠子，東南注鉅野，通於淮、泗。（河渠書）

③自河決瓠子後二十餘歲，歲數不登，而梁、楚之地尤甚。

④卒塞瓠子，築宮其上，名曰宣房宮。（河渠書）

⑤過祠泰山。還至瓠子，自臨塞決河。（孝武本紀、封禪書。）

【集解】服虔曰：「瓠子，堤名。」蘇林曰：「在甄城以南，濮陽以北，廣百步，深五丈

許。」瓚曰：「所決河名。」（孝武本紀）



〔案〕瓠子河故漬，今濮陽縣南。

## 鉅野

①彭越常漁鉅野澤中。（彭越傳）

②彭越去之巨野中爲盜。（樊布傳）

③出鉅野，與鍾離昧戰。（酈商傳）

④自鴻溝以東，芒、碭以北，屬巨野，此梁、宋也。（貨殖傳）

⑤河決瓠子，東南注鉅野。

⑥吾山平兮鉅野溢。（河渠書）

【正義】括地志云：「鄆州鉅野縣東北大澤是。」（河渠書）

〔案〕鉅野澤，今鉅野縣北五里，亦曰巨澤，禹貢、職方曰大野。寰宇記：「南北三百里，東西百餘里。元至元末爲河水所決，遂涸。」

〔又案〕今鉅野縣西至荷澤縣界，不過九十里；定陶東北鉅野縣界，不過四十里，地望甚近。

## 大野

①大野既都。（夏本紀）

②魯哀十四春，狩大野。（孔子世家）

【集解】鄭玄曰：「大野在山陽鉅野北，名鉅野澤。」（夏本紀）服虔曰：「大野，藪名，魯田圃之常處，蓋今鉅野是也。」（孔子世家）

【正義】括地志云：「獲麟堆在鄆州鉅野縣東十二里。宗國都城記：『鉅野故城東十里澤中有土臺，廣輪四五十步，俗云獲麟堆，去魯城可三百餘里。』」（孔子世家）

## 廣野

沛公以酈食其爲廣野君。（高祖本紀）

【索隱】韋昭云：「在山陽。」

〔案〕韋說蓋以廣野即大野。

## 吾山

功無已時兮吾山平。吾山平兮鉅野溢。(河渠書)

【集解】徐廣曰：「東郡東阿有魚山，或者是乎？」

〔案〕今東阿縣西八里，大清河之西。

## 宣房 宣防 宣房宮

①卒塞瓠子，築宮其上，名曰宣房宮。

②宣房塞兮萬福來。

③其著者在宣房。

④余從負薪塞宣房。(河渠書)

⑤爰及宣防，決瀆通溝。(自序)

〔案〕今濮陽縣西南。

## 二渠

①河所從來高，水湍悍，難行平地，乃廋二渠以引其河。

②道河北行二渠，復禹舊迹。（河渠書）

【集解】案：漢書音義曰：「廋，分也。二渠，其一出貝丘西南二折者也，其一則漯川。」

【索隱】「廋」，漢書作「灑」。韋昭云：「疏決爲灑。」廋，即分其流泄其怒是也。二渠，其一則漯川，其二王莽時遂空也。

〔案〕黃河自今河南滑縣，經河北濮陽西北、清豐南、南樂西北、大名南，入山東館陶界。此西漢以前經行之道。漢書武紀：「元光三年春，河水徙，從頓邱東南流入勃海。夏，又決濮陽。」蓋頓邱決口奪漯川之道，東北至千乘入海也。漯川狹小不能容，故又自長壽津溢而東，以決於濮陽，則東南注鉅野，而北瀆之流微矣。及宣房塞，復導河北行二渠，則正流全歸北瀆，餘波仍爲漯川。北瀆王莽時空，故俗名是瀆爲王莽河。

## 九河

①禹鑿龍門，通大夏，疏九河。（李斯傳）

②九河既道。（夏本紀）

③北過降水，至於大陸，北播爲九河。（夏本紀、河渠書。）

【集解】馬融曰：「九河名徒駭、太史、馬頰、覆釜、胡蘇、簡、潔、鉤盤、鬲津。」（夏本紀）

【案】九河自漢人已不能確指。許商言：「有徒駭、胡蘇、鬲津，今見在成平、東光、鬲縣界中。自鬲津以北至徒駭間，相去二百餘里。」此西漢人言九河之大概。地理志云：「渤海成平，有序池河，民曰徒駭河。」則班氏復以徒駭爲津沱，與許商復異。

## 逆河

北播爲九河，同爲逆河，入于海。（夏本紀、河渠書。）

【集解】鄭玄曰：「下尾合名曰逆河，言相逆受也。」（夏本紀）

【案】逆河即九河會爲一河入海處，以海潮逆上名。當在今天津以東，久爲海水所沒，無其地矣。

## 勃海 渤海

①播爲九河，同爲逆河，入於勃海。（河渠書）

②齊北有勃海之利。（高祖本紀）

③齊涉勃海。（蘇秦傳）

④樓船將軍楊僕從齊浮渤海。（朝鮮傳）

⑤八神，六在齊北，並勃海。

⑥三神山傳在勃海中。

⑦上臨勃海，將以望祀蓬萊之屬。（封禪書）

【集解】瓚曰：「禹貢曰：『夾右碣石入于海。』然則河口之入海乃在碣石。武帝元光二年，河徙東郡，更注勃海。禹時不注勃海也。」（封禪書）

【索隱】崔浩云：「勃，旁跌也。旁跌出者，橫在齊北，故齊都賦云：『海旁出爲勃，名曰勃海郡。』」（高祖本紀）

〔案〕漢勃海郡治浮陽，今滄縣東南四十里。

## 渭

① 道渭自鳥鼠同穴。

② 涇屬渭汭。（夏本紀）

③ 出入涇、渭。（司馬相如傳）

④ 關東漕粟從渭中上，時有難處。引渭穿渠，徑，易漕。

⑤ 斜水通渭。（河渠書）

⑥ 渭川千畝竹。（貨殖傳）

【索隱】張揖曰：「渭水出隴西首陽縣鳥鼠同穴山，東北至華陰入河。」（司馬相如傳）

【正義】渭水源出渭原縣西七十六里鳥鼠山，今名青雀山。渭有三源，並出鳥鼠山，東流入

河。（夏本紀）

〔案〕渭水出今甘肅渭源縣北，至陝西潼關縣北入河。淮南子：「渭水多力宜黍。」

## 渭南

①秦宣公作密時於渭南，祭青帝。（封禪書。案：六國表作「渭陽」。）

②躁公十三年，義渠來伐，至渭南。（秦本紀。案：應據表作「渭陽」。）

③漢二年，置渭南、河上、中地郡。（高祖本紀）

【集解】徐廣曰：「後曰京兆。」（高祖本紀）

## 渭北

張武軍渭北。（孝文本紀）

## 渭陽

西伯獵，果遇太公於渭之陽。（齊世家）

【正義】括地志云：「茲泉水源出岐州岐山縣西南凡谷。呂氏春秋云：『太公釣於茲泉，遇文王。』酈元云：『磻溪中有泉，謂之茲泉。今人謂之凡谷。水次有磻石，是有磻溪之稱也。其水北流十二里注于渭。』說苑云：『呂望年七十釣于渭渚。』」

〔案〕磻溪水，今寶雞縣東南。「齊、許、申、呂由太姜」，則太公乃周室外戚。垂釣之說



既不可信，更無論其地望。

## 渭陽

①秦躁十三，義渠來侵，至渭陽。（六國表。案：秦本紀作「渭南」，字譌。）

②孝文十六，上始見渭陽五帝。（漢興以來將相名臣年表）

③作渭陽五帝廟。

④文帝親拜霸、渭之會，以郊見渭陽五帝。五帝廟南臨渭，北穿蒲池溝水。（封禪書）

## 涇

①涇屬渭汭。

②渭東北至於涇。（夏本紀）

③武王放逐戎夷涇、洛之北。

④岐、梁山、涇、漆之北有義渠、大荔、烏氏、朐衍之戎。

⑤犬戎殺周幽王驪山下，遂取周之焦穫，而居于涇、渭之間。（匈奴傳）

⑥晉厲公率諸侯伐秦，追至涇而還。（秦本紀、十二諸侯年表、晉世家。）

⑦晉悼公伐秦，渡涇，至絳林而還。（秦本紀、晉世家。）

⑧韓水工鄭國說秦，令鑿涇水自中山西邸瓠口爲渠。（河渠書）

⑨南帶涇、渭。（范雎傳）

⑩南有涇、渭之沃。（刺客傳）

⑪出入涇、渭。（司馬相如傳）

⑫涇、渭非大川，以近咸陽，得比山川祠。（封禪書）

【集解】鄭玄曰：「地理志涇水出安定涇陽。」（夏本紀）

【索隱】張揖曰：「涇水出安定涇陽縣笄頭山，東至陽陵入渭。」（司馬相如傳）

【正義】括地志云：「涇水源出原州百泉縣西南笄頭山涇谷，東南流入渭也。」（夏本紀）

〔案〕涇水源出今甘肅固原縣南，隆德縣東北六盤山，至陝西高陵縣西南入渭。

## 洛

①西伯獻洛西之地。（殷本紀）

②武王放逐戎夷涇、洛之北。

③晉文公攘戎翟，居於河內圖、洛之間。（匈奴傳）

④魏築長城，自鄭濱洛以北。

⑤秦簡公灇洛，城重泉。

⑥孝公十二，東地渡洛。（秦本紀）

⑦秦鑿涇水自中山西邸瓠口爲渠，並北山東注洛。

⑧臨晉民願穿洛以溉重泉以東萬餘頃故鹵地。於是穿渠，自徵引洛水至商顏下，名龍首渠。

（河渠書）

【集解】徐廣曰：「洛在上郡、馮翊間。」（匈奴傳）又曰：「出馮翊懷德縣。」（河渠書）

【索隱】晉灼曰：「洛水在馮翊懷德縣，東南入渭。」又案：水經云出上郡彫陰泰昌山，過

華陰入渭，即漆沮水也。（匈奴傳）

【正義】洛水一名漆沮水，在同州洛西之地，謂洛西及丹坊等州也。（殷本紀）

【案】洛水出陝西靖邊縣，南至朝邑界入河。周官：「雍州浸曰渭、洛。」源流繇遠，與

涇、渭相埒。韋昭以爲三川舊與漆、沮合，故可通名。又漢志：「左馮翊懷德，禹貢北條

荆山在南，下有彊梁原。洛水東南入渭，雍州藩。」今富平縣有懷德城。禹貢雖指辨之，謂：「朝邑實西漢之懷德。今富平無洛水，朝邑有洛水；一證也。同州志云：『華原在朝邑縣西，繞縣西而北而東，以絕於河，古河壩也。一名朝坂。』即彊梁原，為荆山之麓。禹貢曰：『至於荆山，逾於河。』若富平，東距河二百里，與禹貢原文不合；二證也。」又朝邑縣志：「洛水舊自縣南趙渡鎮經華陰縣西北葫蘆灘入渭。明成化中改流，東過趙渡鎮，徑趨河。」則入渭、入河之疑亦解。

## 洛

汧、洛二淵，鳴澤之屬，為小川，亦皆歲禱賽。（封禪書）

【正義】括地志云：「洛水源出慶州洛源縣白於山，南流入渭。」又云：「商州洛南縣西冢嶺山，東北流入河。」按：有三（一）洛水，未知祠何者。

〔索〕唐洛源縣，今甘肅慶陽縣東北。此洛水即「湫洛」之「洛」，在關內，秦人所祠。至商州之洛，乃「伊洛」之「洛」，在關外；非此所指。

## 上雒

西河之外，上雒之地。（蘇秦傳）

〔案〕此上雒在西河外，則洛亦「涇洛」之「洛」。注家皆以伊、洛上源之地說之，誤。

## 漆

①漆、沮既從。

②渭東過漆、沮，入於河。（夏本紀）

③公劉自漆、沮度渭，取材用。

④古公去豳，度漆、沮，踰梁山。（周本紀）

⑤涇、漆之北有義渠、大荔、烏氏、朐衍之戎。（匈奴傳）

【集解】孔安國曰：「漆、沮，二水名，亦曰洛水，出馮翊北。」（夏本紀）徐廣曰：「水在杜陽岐山，杜陽縣在扶風。」（周本紀）

【索隱】漆水出右扶風漆縣西。

【正義】括地志云：「漆水源出岐州普聞縣東南岐漆山漆溪，東入渭。」〔夏本紀〕  
〔索〕詳「沮」字條。

## 漆

擊趙賁、內史保於咸陽。北攻漆。（絳侯世家）

【正義】括地志云：「豳州新平縣，即漢漆縣也。」

〔索〕漢漆縣屬右扶風，今郿縣治。

## 沮

①漆、沮既從。

②渭東過漆、沮，入於河。（夏本紀）

【索隱】沮水，地理志無文，而水經以沮水出北地直路縣，東過馮翊祿祿縣入洛。說文亦以漆、沮各是一水名。孔安國獨以爲一，又云是洛水。

【正義】沮水一名石川水，源出雍州富平縣，東入櫟陽縣南。漢高帝於櫟陽置萬年縣。十三

州地理志云：「萬年縣南有涇、渭，北有小河，即沮水也。」詩云古公去邠，度漆、沮，即此二水。

〔案〕漆水源出今同官縣東北，下游為富平縣石川河，至交口鎮入渭。沮水源出中部縣西北；舊說與漆水會於耀縣南。然今沮水入洛，不抵富平，如水經說。正義沮水即漆水，或今宜君縣界別有小水名沮，東會漆水，故名漆沮；要之與中部之沮水不得相混。詩大雅：「民之初生，自土漆、沮」；周頌：「猗與漆、沮，潛有多魚」；此即古公踰邠度漆、沮是也。漢志：「右扶風漆縣，漆水在縣西。」此緣周初邠岐之地望已失，故漢人指鳳翔附近之山，謂之岐山；又翠岐山附近之水，而謂之漆水耳；不惟與禹貢漆、沮無涉，亦復與周初史實不侔。

## 灃

①灃水所同。

②渭東會於灃。（夏本紀）

③鄠、獫、潏。（司馬相如傳）

④灊、產、長水、澧、潯、渭，皆非大川，以近咸陽，盡得比山川祠。（封禪書）

【索隱】張揖曰：「豐水出鄠縣南山豐谷。」（司馬相如傳）東北過上林苑。（夏本紀）北入渭。

（司馬相如傳）

【正義】括地志云：「豐水源在雍州長安縣西南山豐谷。」（封禪書）又云：「雍州鄠縣終南

山，豐水出焉，北入渭也。」（夏本紀）

〔案〕豐水源出今鄠縣東南終南山，至咸陽縣東南入渭。詩大雅：「豐水東注，維禹之績。」

渭南諸川當以豐為大。漢代鄭當時所開漕渠及靈輶、富民、昆明諸渠，皆橫絕豐、鎬等水。漢志：「鄠水北過上林苑入渭。」則是北流而非東注，蓋水脈已非舊矣。

## 伊

①雒東會於伊。

②伊、雒、澗，澗既入於河。（夏本紀）

③自雒延於伊，居易毋固，其有夏之居。（周本紀）

【集解】孔安國曰：「伊出陸渾山。伊、洛會於洛陽之南。」



【索隱】伊水出弘農盧氏縣東。

【正義】伊水出虢州盧氏縣東轡山，東北流入洛。（夏本紀）

〔案〕伊水出盧氏縣熊耳山，至偃師縣西南五里合洛水。

## 雒 各 汭

①道雒自熊耳。

②伊、雒、澗，澗既入於河。

③太康失國，兄弟五人，須於洛汭。（夏本紀）

④自洛汭延於伊汭，其有夏之居。（周本紀）

⑤東過雒汭，至於大邳。

⑥及孟津，雒汭，至於大邳。

⑦太史公東窺洛汭、大邳。（河渠書）

【集解】孔安國曰：「洛出上洛山。」又曰：「導雒熊耳，在宜陽西，合河於鞏之東也。」

【索隱】洛水出弘農上洛縣冢嶺山。

【正義】括地志云：「洛水出商州洛南縣西冢嶺山，東北流經洛州郭內，又會合伊水。」

（夏本紀）

〔案〕洛水源出陝西雒南縣北五里秦嶺，東流入河南界。經洛陽縣南合瀍、澗；偃師縣南合伊水；至舊汜水縣西北入河。

## 洛渠

太史公迎河，行淮、泗、濟、漯、洛渠。（河渠書）

〔案〕洛渠在洛陽縣西南二十五里，引洛水入渠溉田。

## 澗

①雒東北會於澗、澗。

②伊、雒、澗、澗既入於河。（夏本紀）

【集解】孔安國曰：「澗出河南北山。」

【索隱】澗水出河南穀城縣督亭北，東南流入于洛。

## 澗

【正義】澗水出洛州新安縣東，南流至洛州郭內，南入洛。

〔案〕澗水源出舊孟津縣西、洛陽縣西北之邛山。

①伊、雒、澗既入於河。

②雒東北會於澗、澗。（夏本紀）

【集解】孔安國曰：「澗出澗池山。」

【索隱】澗水出弘農新安縣東。

【正義】澗水源出洛州新安縣東白石山，東北與穀水合流，經洛州郭內，東流入洛也。

〔案〕澗水出舊澗池縣北；穀水出澗池東，東流合澗水。

## 滎

①道沔水，東爲濟，入於河，洑爲滎。

②滎播既都。（夏本紀）

【集解】孔安國曰：「滎澤在敖倉東南。」

【索隱】播是水播溢之義，滎是澤名。左傳云：「狄及衛戰於滎澤。」鄭玄云：「今塞爲平地，滎陽人猶謂其處爲滎播。」

【正義】案：濟水入河而南，截度河南岸溢爲滎澤，在鄭州滎澤縣西北四里。今無水，成平地。

## 熒澤

有鄭地，得垣雍，決熒澤水灌大梁，大梁必亡。（魏世家）

## 滎口

決滎口，魏無大梁。（蘇秦傳）

〔案〕古滎澤，今河南舊滎澤縣治南。

## 沅水

道沈水，東爲濟。（夏本紀）

【集解】鄭玄曰：「地理志沈水出河東垣縣王屋山，東至河內武德入河，洑爲滎。」

【索隱】水經云：「自河東垣縣王屋山東流爲沈水。」

【正義】括地志云：「沈水出懷州王屋縣北十里王屋山頂，巖下石泉亭不流，其深不測，至縣西北二里平地，其源重發，而東南流，爲汜水。」水經云：「汜東至溫縣西北爲沛水，又南當鞏之南，北入于河。」

【案】濟水出今濟源縣西王屋山。山海經：「王屋之山，潞水出焉。」郭注：「『潞』、『沈』聲近，即沈水也。」至溫縣境入河。

## 荷澤

### ①道荷澤。

②沈水入河，洑爲滎，又東至於荷。（夏本紀）

【集解】孔安國曰：「荷澤在胡陵。」

【索隱】荷澤在濟陰定陶縣東。

【正義】括地志云：「荷澤在曹州濟陰縣東北九十里定陶城東，今名龍池，亦名九卿陂。」

【案】荷澤，今定陶縣北。胡陵，今魚臺縣東；北有荷水，而非澤所鍾。蓋定陶其澤，而胡陵其流耳。

## 荷

浮於淮、泗，通於河。（夏本紀）

【案】說文引書作「荷」，即荷也。自淮而泗，自泗而荷，然後由荷入濟，以達於河也。

## 明都 孟諸

①道荷澤，被明都。（夏本紀）

②浮渤澥，遊孟諸。（司馬相如傳）

【集解】孔安國曰：「明都，澤名，在荷東北。」（夏本紀）郭璞曰：「孟諸，宋之藪澤名。」

（司馬相如傳）

【索隱】明都，音「孟豬」。孟豬澤在梁國睢陽縣東北。爾雅、左傳謂之「孟諸」，今文亦

爲然，唯周禮稱「望諸」，皆此地之一名。（夏本紀）

【正義】周禮職方氏：「青州藪曰望諸」，鄭玄云：「孟諸也。」（司馬相如傳）

【案】孟諸，今河南商邱縣東北，接虞城縣界。爾雅：「十藪」，宋有孟諸。」左傳二十八，楚子玉夢河神賜之孟諸之麋是也。禹貢明都在豫州，其爲孟諸甚密。惟周官職方望諸在青州，則非睢陽之孟諸。司馬相如賦：「浮渤海，遊孟諸」，似孟諸亦在青不在豫。孔氏謂河在胡陵，明都在其東北，則今南陽、獨山諸湖，上連梁山。禹貢之大野在徐州；而職方則分以爲青州藪曰望諸，兗州藪曰大野。孔氏乃以釋職方者說禹貢。

## 望諸

封樂毅於觀津，號曰望諸君。（樂毅傳）

【索隱】望諸，澤名，在齊。戰國策「望」作「藍」。

【案】水經注：「南武強湖，今武邑縣西北。」豈樂毅封武邑，而亦號此爲望諸乎？索隱云

「在齊」，未詳。

## 濟

①四瀆，江、淮、河、濟也。

②天下大川祠二，曰濟，曰淮。（封禪書）

③道沅水，東爲濟，入於河，洑爲滎。

④浮於濟、漯。（夏本紀）

⑤太史公迎河，行淮、泗、濟、漯。（河渠書）

⑥齊有清濟、濁河可以爲固。（蘇秦傳）

【集解】孔安國曰：「濟在溫西北。」

【索隱】濟水出河東垣縣王屋山東，其流至濟陰，故應劭云：「濟水出平原漯陰縣東。」（夏

本紀）風俗通云：「濟廟在臨邑。」（封禪書）

【正義】濟、漯二水上承黃河，並溜、青之北流入海。（蘇秦傳）

【案】濟水一名沅水，其故道本越河而南，東流入山東境，與黃河並行入海，故曰「濟、河間爲沅州」也。今其下游爲黃河所佔，河、濟遂不分。



## 濟西

- ① 齊惠元，取魯濟西之田。（十二諸侯年表）
- ② 有濟西，趙之阿東國危。（田齊世家）
- ③ 濟西不師，所以備趙。（蘇秦傳）
- ④ 昭襄二十三，五國破齊濟西。（秦本紀、六國表、魏世家、田齊世家。）
- ⑤ 樂毅并護趙、楚、韓、魏、燕之兵伐齊，破之濟西。
- ⑥ 河北之地隨先王而舉之濟上。（樂毅傳）

## 濟東 大河郡

- ① 中六年，立梁孝王子彭離爲濟東王。（孝景本紀）
- ② 元鼎元，濟東地入漢，爲大河郡。（漢興以來諸侯年表、梁孝王世家。）

## 濟北

- ① 齊以爲亡南陽之害小，得濟北之利大；棄南陽，斷右壤，定濟北，計猶爲之。（魯仲連傳）

② 孺子見我濟北，穀城山下黃石即我矣。（留侯世家）

③ 項羽立田安爲濟北王，都博陽。（項羽本紀、田儼傳。）

④ 遂取臨菑，還定濟北郡。（曹相國世家）

⑤ 孝文二年，立東牟侯爲濟北王。（孝文本紀）

⑥ 十六年，復以安都侯志爲濟北王。（齊悼惠王世家）

⑦ 景三年，徙濟北王志爲菑川王。（孝景本紀）

〔案〕田安都博陽，即漢博縣，屬泰山郡，故城在今泰安縣東南。西漢濟北國都盧，故城今長清縣南；後漢和帝分泰山，置濟北國，亦都盧。

## 濟陰

① 沛公使彭越下濟陰。（彭越傳）

② 中六年，立梁孝王子不識爲濟陰王。（孝景本紀）

③ 國除，地入漢，爲濟陰郡。（梁孝王世家）

【正義】地理志云：「濟陰國屬兗州。」案：今曹州是也。（孝景本紀）

〔案〕漢濟陰郡治定陶。

## 濟川

①七年，更名梁曰呂，呂曰濟川。（呂后本紀）

②中六年，立梁孝王子明爲濟川王。（孝景本紀、梁孝王世家。）

〔案〕漢志濟陰郡有呂都縣，即呂后時濟川王都，今荷澤縣西南呂陵集。孝景時梁分爲五，

其一濟川，應劭曰：「今陳留濟陽縣。」（水經濟水注引。）是陳留郡即濟川國也。後國除，

當爲濟川郡。元狩初，移治陳留，乃改陳留郡。

## 濟南

①濟南伏生。（晁錯傳）

②高后立呂台爲呂王，割齊之濟南郡爲呂王奉邑。（齊悼惠王世家）

③孝文分齊爲濟南國。（漢興以來諸侯年表）

④孝文十六，辟光爲濟南王。（齊悼惠王世家）

⑤ 濟南王辟光。（孝景本紀）

⑥ 濟南人公玉帶上黃帝時明堂圖。（封禪書）

【正義】括地志云：「濟南故城在淄川長山縣西北三十里。」（孝景本紀。齊悼惠王世家作「三十五里。」）

〔案〕漢濟南郡治東平陵，今歷城縣東。

## 濟陽

① 決白馬之口，魏無外黃、濟陽。（蘇秦傳）

② 秦并蒲、衍、首、垣，以臨仁、平丘、黃、濟陽嬰城而魏氏服。（春申君傳）

③ 攻濟陽，下戶牖。（夏侯嬰傳）

④ 起宛朐，攻濟陽。（靳歙傳）

【正義】濟陽故城在曹州冤朐縣西南三十五里。（蘇秦傳）

〔案〕今河南東仁（蘭封）縣東北五十里。紀年：「梁惠王十二，楚師出河水，以水長垣之外。三十年，梁城濟陽。」殆亦以受災最甚也。

漯

①浮於濟、漯。（夏本紀）

②太史公迎河，行淮、泗、濟、漯。（河渠書）

【集解】鄭玄曰：「地理志云漯水出東郡東武陽。」

【索隱】應劭曰：「至千乘縣入海。」（夏本紀）

〔案〕東武陽，今山東朝城縣西。千乘，今高苑縣北。古漯河即徒駭故道，俗名大土河。

漯陰

還定濟北郡，攻著、漯陰、平原、鬲、盧。（曹相國世家）

【索隱】漯陰屬平原。

〔案〕今臨邑縣西，本齊犂邑，亦曰犂邱，又名隰。

汶

①浮於汶。

② 濟東至於荷，又東北會於汶。（夏本紀）

③ 如有復我者，必在汶上矣。（仲尼弟子傳）

④ 薊邱之植，植於汶篁。（樂毅傳）

⑤ 令奉高作明堂汶上。（孝武本紀、封禪書。）

⑥ 泰山下引汶水。（河渠書）

⑦ 太史公北涉汶、泗，講業齊、魯之都。（自序）

【集解】鄭玄曰：「地理志汶水出泰山郡萊蕪縣原山，西南入濟。」（夏本紀）

【正義】汶水源出兗州博城縣東北原山，西南入洸。（樂毅傳）

〔案〕汶水出今萊蕪縣東北八十里原山之陽，至東平縣入濟。元人引汶絕濟，為會通河。明永樂中，又築戴村壩，遏汶出南旺，資運入濟，故道遂淤。

## 汶陽

① 釐公元，以汶陽鄆封季友。（魯世家）

② 魯成二，齊歸魯汶陽。（十二諸侯年表）

③定公十，會於夾谷。齊歸所侵魯鄆、汶陽、龜陰之田。（孔子世家）

【集解】賈逵曰：「汶陽、鄆，魯二邑。」杜預曰：「汶陽，汶水北地也。」

【索隱】鄆在汶水之北，則「汶陽」非邑。（魯世家）又：左傳：「鄆、譚及龜陰之田」，則

三田皆在汶陽也。（孔子世家）

〔案〕漢汶陽縣故城在今寧陽縣東北，非此汶陽，洵如索隱之辨。

## 濰

①濰、淄既道。（夏本紀）

②與信夾濰水陳。（淮陰侯傳）

【集解】鄭玄曰：「地理志濰水出琅邪。」（夏本紀）徐廣曰：「出東莞而東北流，至北海都

昌縣入海。」（淮陰侯傳）

【索隱】地理志濰水出琅邪箕縣北，至都昌入海。徐所引蓋據水經，與此小不同。（淮陰侯傳）

【正義】括地志云：「密州莒縣山，濰水所出。」（夏本紀）

〔案〕濰水出今莒縣東北，北流至昌邑縣北入海。水經注：「濰水北逕高密故城西，即韓信

斬龍且處。」

## 溜蓄

① 濰、溜既道。(夏本紀)

② 於齊，則通蓄、濟之間。(河渠書)

【集解】鄭玄曰：「地理志溜水出泰山萊蕪縣原山。」

【正義】括地志云：「淄州淄川縣東北七十里原山，溜水所出。」(夏本紀)

【案】溜水源出今博山縣西二十五里原山之陰。齊乘：「溜多伏流，潦則薄崖，旱則濡軌，俗謂之『九乾十八漏』。」

## 降水

北過降水，至於大陸。(夏本紀、河渠書)

【集解】鄭玄曰：「地理志降水在信都南。」(按：志文但云出信都。)

【索隱】地理志絳水字從糸，出信都國，與盧池、漳河水並流入海。



【正義】括地志云：「降水源出潞州屯留縣西南方，（河渠書作「方山」。）東北流冀州入海。」

（夏本紀）

【案】絳水出今屯留縣西南八十里盤秀山，至潞城縣界交漳村入漳水。

## 衡漳

單懷致功，至於衡漳。（夏本紀）

【集解】孔安國曰：「漳水橫流。」

【索隱】王肅云：「衡、漳，二水名。」地理志清漳水出上黨沾縣東北，至阜城縣入河。濁漳水出上黨長子縣東，至鄴入清漳也。

【正義】衡漳水在瀛州東北百二十五里平舒縣界也。

【案】東平舒故城，今河北大城縣治。水經注：「漳水枝清逕東平舒縣故城南。」通鑑地理通釋：「漳水北流至德州長河縣、瀛州平舒縣入於河。周定王五年，河徙而東，故漳水不入河而自達於海，是也。此水道提綱所謂漳之正清。清康熙間，導清水過大名，東合衡水，濟運，漳遂南徙，此道絕流。今棗強、阜城、交河、青縣境內皆存枯瀆。」

## 漳水

① 西門豹引漳水溉鄴。（河渠書）

② 趙成二十四，魏歸趙邯鄲，趙與魏盟漳水上。（六國表、趙世家、魏世家。）

③ 我先王長南藩之地，屬阻漳、滏之險，立長城。（趙世家）

④ 道河內，倍鄴、朝歌，絕漳、滏水，與趙兵決於邯鄲之郊，是知伯之禍也，秦又不敢。（魏

世家）

⑤ 惠文二十一，趙徙漳水武平西。二十七，徙漳水武平南。（趙世家）

⑥ 王翳數十萬眾距漳、鄴。（刺客傳）

【正義】括地志云：「漳水一名濁漳水，源出潞州長子縣西力黃山。地理志云濁漳水出長子

鹿谷山，東至鄴，入清漳。」按：力黃、鹿谷二山，北鹿也。（河渠書）又：漳水源出潞州

武安縣三門山也。（魏世家）

## 河漳

①趙南有河漳。

②趙涉河（漳）。

③秦甲渡河踰漳，據番吾，則兵必戰於邯鄲之下。（蘇秦傳）

④秦、趙戰於河漳之上。（張儀傳）

⑤邯鄲亦漳、河之間一都會也。（貨殖傳）

【正義】「河」字一作「清」，即漳河也，在潞州。（蘇秦傳）又：「洺水本名漳水，邯鄲在其地。」（貨殖傳）

【案】濁漳水源出今長子縣西五十里發鳩山東，一名鹿谷山。又寰宇記：「洺水亦名漳水，源出武安縣西北三門山。溢水出武安縣南三十里鼓山，（一名溢山。）至臨漳縣西入漳。」正義以「漳、溢」之漳為洺水，故曰「漳水出武安」。

## 漳南

項羽軍漳南。（項羽本紀）

【正義】括地志云：「濁漳水一名漳水，今俗名柳河，在邢州平鄉縣南。」注水經云漳水一名

大漳水，兼有潞水之目也。」

〔案〕古漳水自曲周流經平鄉東，廣宗西入鉅鹿界。

## 十二渠

①西門豹發民鑿十二渠，引河水溉民田。

②十二渠經絕馳道，漢長吏以爲十二渠橋絕馳道，欲合渠水。（滑稽傳）

【正義】括地志云：「按：橫渠首接漳水，蓋西門豹、史起所鑿之渠也。左思魏賦云：『西門溉其前，史起濯其後』也。」

〔案〕西門渠，今臨漳縣西南。後漢書：「元初二年，修理西門豹所分漳水為支渠，以溉民田。」寰宇記：「一名安澤陂。齊天保五年，僕射魏收為碑存焉，今湮。」

## 大陸

①大陸既爲。（夏本紀）

②北過降水，至於大陸。（夏本紀、河渠書。）

【集解】大陸澤在鉅鹿。

【索隱】地理志云大陸在鉅鹿郡。爾雅云：「晉有大陸。」（夏本紀）

【正義】大陸澤在邢州及趙州界，一名廣阿澤，一名鉅鹿澤也。（河渠書）

〔案〕大陸澤一名鉅鹿，一名廣阿，又名大麓，今河北任縣東北，與鉅鹿、隆平二縣接界。

## 雍沮

雷夏既澤，雍、沮會同。（夏本紀）

【集解】鄭玄曰：「雍水、沮水相觸而合入此澤（雷夏）中。」

【索隱】爾雅云：「水自河出爲雍。」

【正義】雍、沮二水在雷澤西北平地也。

〔案〕宋時河決曹、濮間，雍、沮源適當其衝，久而泥滓填淤，二水遂涸。



## 卷五 禹貢山水名下

江

①四瀆，江、淮、河、濟也。

②江水，祠蜀。（封禪書）

【索隱】風俗通云：「江出嶧山，嶧山廟在江都。」地理志江都有江水祠。蓋漢初祠之  
源，後祠之於委也。

【正義】括地志云：「江濱祠在益州成都縣南八里。秦并天下，江水祠蜀。」

江漢

江漢朝宗於海。（夏本紀）

【正義】括地志云：「江水源出岷州南岷山，南流至益州，即東南流入蜀，至瀘州，東流經三峽，過荊州，與漢水合。」

〔案〕古人謂江源乃今四川之嘉陵江，則與漢水源流不甚相遠，故不分軒輊，並稱「江漢」。  
詳「岷山道江」條。

## 江

①昭王南巡，卒於江上。（周本紀）

②熊渠甚得江、漢間民和，三子句亶王、鄂王、越章王，皆在江上楚蠻之地。（楚世家）

③鄭桓公曰：「吾欲南之江上。」曰：「周衰，楚必興，非鄭之利。」（鄭世家）

④楚疆，陵江、漢間小國。

⑤周之子孫封於江、漢之間者，楚盡滅之。（楚世家）

⑥周之子孫在漢川者，楚盡滅之。（伍子胥傳）

⑦昭王曰：「自吾先王受封，望不過江、漢。」（楚世家）



⑧楚汝、穎以爲險，江、漢以爲池，阻之以鄧林，緣之以方城。（禮書）

⑨桓公南伐至召陵，登熊耳山以望江、漢。（封禪書）

⑩屈完曰：「楚方城以爲城，江、漢以爲溝。」（齊世家）

⑪始皇自彭城西南渡淮水，之衡山、南郡。浮江，至湘山祠。（秦始皇本紀）

⑫悉發關內兵，收三河士，南浮江、漢以下。（高祖本紀）

〔案〕此諸條「江」字多指漢，如「昭王卒江上」，即漢也。齊桓登熊耳望漢，而兼及江；江、漢爲池，楚之險塞對北言之，亦言漢，而兼及江；秦皇浮江，即浮漢；漢兵浮江、漢，即浮漢。

## 江淮

①越已滅吳，不能正江淮北；楚東侵，廣地至泗上。（楚世家）

②江淮以南，無凍餓之人，亦無千金之家。（貨殖傳）

③越兵橫行於江淮東，諸侯畢賀。（越世家）

④丙、丁，江淮、海岱也。

⑤ 江淮之間氣皆白。（天官書）

⑥ 古之封禪，江淮之間，一茅三脊，所以爲藉。（封禪書）

⑦ 楚介江淮。（十二諸侯年表）

⑧ 東方則通鴻溝、江淮之間。（河渠書）

⑨ 嚴助、朱買臣等招來東甌，事兩越，江淮之間蕭然。（平準書）

⑩ 東甌請舉國徙中國，乃來處江淮之間。（東越傳）

⑪ 東越多阻，閩越悍，數反覆，詔皆將其民徙處江淮間。（東越傳）

⑫ 山東被河菑，令飢民得流就食江淮間。（平準書）

## 江海

私吳、越之富而擅江海之利。（楚世家）

## 江南

① 大江之南，五湖之間。（三王世家）

②江南、泗上不足以待越。

③楚敗越。越散，諸族子或爲君，或爲王，濱於江南海上。（越世家）

④始皇二十五，王翦定荊江南地，降越君，置會稽郡。（秦始皇本紀）

⑤黥布走江南，隨之番陽。（黥布傳）

⑥吳王濞亡走，保於江南丹徒。（絳侯世家）

## 江南

①舜葬江南九疑。（五帝本紀）

②君遷之江南。（鄭世家）

③妾請子母俱遷江南，毋爲秦所魚肉。（張儀傳）

④項王遷逐義帝置江南。（淮陰侯傳）

⑤江南火耕水耨。（平準書）

⑥江南卑濕，丈夫早夭。多竹木。（貨殖傳）

⑦江南金錫不爲用。（李斯傳）

⑧江南出柎、梓、薑、桂、金、錫、連、丹沙、犀、璚瑁、珠璣、齒革。（貨殖傳）

## 江南

衡山、九江、江南豫章、長沙，是南楚也。（貨殖傳）

【集解】徐廣曰：「高帝所置。江南者，丹陽也，秦置爲鄣郡，武帝改名丹陽。」

【正義】案：徐說非。秦置鄣郡在湖州長城縣西南八十里，鄣郡故城是也。漢改爲丹陽郡，徙郡宛城，今宣州地也。上言吳有章山之銅，明是東楚之地。此言大江之南豫章、長沙二郡，南楚之地耳。徐、裴以爲江南丹陽郡屬南楚，誤之甚矣。

## 江東

①越國亂，故楚南塞厲門而郡江東。（橘里子甘茂傳）

②春申君請封於江東，因城故吳墟。（春申君傳）

③吳亦江東一都會也。（貨殖傳）

④江東人矯子庸疵。（仲尼弟子傳）

## 江旁

①楚襄王二十三，秦所拔楚江旁反秦。（六國表）

②楚復西取秦所拔江旁十五邑以爲郡，距秦。（楚世家）

## 江

澹臺滅明南游至江。（仲尼弟子傳）

【索隱】今吳國東南澹臺湖，即其遺跡所在也。

## 江

吳王取子胥尸，浮之江中。吳人爲之祠於江上。（伍子胥傳）

【正義】吳地記曰：「越軍於蘇州東南三十里三江口，又向下三里，臨江北岸立壇，祭子胥，後因立廟於此江上。今其側有浦名上壇浦。至晉會稽太守陳豹，移廟吳郭東門內。」

## 九江

①九江甚中。

②過九江，至於敷淺原。

③過九江，至於東陵。（夏本紀）

④太史公南登廬山，觀禹疏九江。（河渠書）

【集解】鄭玄曰：「地理志九江在尋陽南，皆東合爲大江。」

【索隱】案：「尋陽記：『九江者，烏江、蚌江、烏白江、嘉靡江、源江、映江、廩江、提江、箇江。』又張濱九江圖所載有三里、五畎、烏土、白蚌。九江之名不同。（夏本紀）」

〔案〕漢志：「豫章郡尋陽，禹貢九江在南，皆東合爲大江。」漢廬江郡無江以南地。尋陽，今黃梅縣北，而九江在其南，殆即今廣濟、黃梅、宿松、望江諸縣境之江水也。太史公登廬山，觀禹疏九江，則漢時猶有九江故道。若以湖漢九水爲九江，則與江之經流不涉，亦與經文「過九江，而後東迤北會於匯」者悖。若以洞庭爲九江，則何以先云「江、漢朝宗」，而後乃云「九江孔殷」？又經云：「九江納錫大龜。」通典廣濟縣蔡山出大

龜；褚先生云：「神龜出於江、淮之間」；皆其證。

## 九江

①汝陰人鄧宗徇九江郡。（陳涉世家）

②英布爲九江王，都六。（項羽本紀、黥布傳。）

③周殷叛楚，以舒屠六，舉九江兵。（項羽本紀）

④周殷反楚，舉九江。（荆燕世家、黥布傳。）

⑤黥布爲淮南王，九江、廬江、衡山、豫章郡皆屬布。（黥布傳）

⑥淮南國除爲九江郡。

⑦結九江之浦，絕豫章之口。（淮南衡山傳）

⑧汝南、九江引淮。（河渠書）

⑨衡山、九江、江南豫章、長沙，是南楚也。（貨殖傳）

【集解】徐廣曰：「又爲六安國，以陳縣爲都。」（淮南衡山傳）

【正義】九江郡壽州也。楚考烈王二十二年，自陳徙壽春，號郢。至王負芻爲秦所滅，於是

置九江郡。應劭云：「自廬江、尋陽分爲北江。」（項羽本紀）九江，郡，都陰陵。陰陵故城在濠州定遠縣西六十五里。（貨殖傳）

〔案〕前漢九江郡治壽春；淮南王亦都壽春。後漢九江治陰陵。

## 彭蠡

①漢南入於江，東匯澤爲彭蠡，東爲北江，入於海。

②彭蠡既都。（夏本紀）

③三苗氏左洞庭，右彭蠡。（孫吳傳）

④上巡南郡，至江陵而東。登禮潛之天柱山。浮江，自尋陽出樅陽，過彭蠡，祀其名山川。北至琅瑯。（孝武本紀、封禪書）

【集解】鄭玄曰：「地理志彭蠡澤在豫章彭澤西。」

【正義】括地志云：「彭蠡湖在江州潯陽縣東南五十二里。」（夏本紀）

〔案〕禹貢謂漢水東匯澤爲彭蠡，又東爲北江，則禹貢彭蠡在江北岸也。後人自以今鄱湖爲彭蠡，乃曰橫截而南入於鄱陽，又橫截而北流爲北江，於文於實，皆不可通。又武帝自尋



陽出樅陽，而過彭蠡。樅陽，今懷寧縣（安慶）東，彭蠡豈得在彭澤？「彭蠡」者，乃水流湍急成大螺旋之稱，初非專名。今自尋陽至樅陽，大江北岸一帶，湖泊縣互，於古皆彭蠡也。今安徽宿松縣境有雷水，亦曰雷池，曰大雷江、大雷口。「大雷」之稱，亦猶「彭蠡」矣。至「三苗左洞庭，右彭蠡」，亦非今洞庭彭蠡，並非禹貢彭蠡也。

## 尋陽

①登禮潛之天柱山。浮江，自尋陽出樅陽。（孝武本紀、封禪書。）

②南收衡山以擊廬江，有尋陽之船，守下雉之城。（淮南衡山傳）

〔案〕通典：「漢尋陽舊縣在江北，今蕲春郡界，晉溫嶠移於江南。」故城今黃梅縣北。

## 樅陽

浮江，自尋陽出樅陽，過彭蠡。（孝武本紀、封禪書。）

〔集解〕駟案：地理志廬江有樅陽縣。（孝武本紀）

〔案〕今桐城縣東南一百二十里有樅陽上、下鎮，西去懷寧（安慶）六十里。明初設稅課局於

此。

## 三江

①三江既入。（夏本紀）

②於吳，則通渠三江、五湖。（河渠書）

③吳有三江、五湖之利。（貨殖傳）

【索隱】韋昭云：「三江謂松江、錢塘江、浦陽江。」案：地理志有南江、中江、北江，是爲三江。其南江從會稽吳縣南，東入海。中江從丹陽蕪湖東北至會稽陽羨縣，東入海。北

江從會稽毗陵縣北，東入海。（夏本紀）

## 三渚

還爲越王擒三渚之浦。（春申君傳）

【集解】駟案：「戰國策曰：「三江之浦。」

【正義】吳俗傳云：「越王從三江北岸立壇，殺白馬祭子胥，乃開渠由三浦入破吳王於姑蘇，

敗于隧也。」

〔案〕「吳有三江、五湖」，特江湖紛歧錯出之謂，非必確有所指。禹貢則以江、漢分占吳地三江之二。所以然者，以其時誤認嘉陵江為江源，故曰：「江、漢朝宗於海」，而不為分軒輊主從；故曰：「導漾東流為漢，東為北江，入於海。導江東為中江，入於海。」蓋謂江、漢下流分占吳地三江之二也。班氏猶知經意，曰：「北江在毗陵北，東入海。中江出蕪湖西，至陽羨入海。」又益之以南江，曰：「在吳縣南，東入海。」而於三江皆確說之，曰：「揚州川。」是揚州有三江，非江、漢有三江也。然漢會稽郡既有吳縣、無錫縣，豈得曰「北江在毗陵北，東入海」？又豈得曰「中江至陽羨入海」乎？是班志縱有合於禹貢之所謂中江、北江，而禹貢之中江、北江恐未必有合於吳地三江之真矣。至鄭玄始曰：（見孔疏引。）「三江分於彭蠡為三孔，東入海。」是謂大江自分三江入海，與禹貢僅有中江、北江之意大背。於是後人乃始以班志之分江水為南江以遷就之。班志：「丹揚石城，分江水首受江，東至餘姚入海。」與會稽吳縣下之南江各不相涉。石城，今安徽貴池縣西七十里。自此至餘姚，覈以地形，殊不類有南江之迹，烏得空以古今水道變易為說？是班志分江水本文已可疑，何論又強合之於會稽吳縣之南江！此所謂亡羊之逐，歧而又歧也。

若其歧中之尤歧者，則見禹貢以大江為中江，漢水為北江，而不明禹貢之文義，無中生有，又強於江、漢本身尋一南江；或以為即九江，或以為即彭蠡；皆說之於彭蠡以上，種種臆測，其為迷失，猶視鄭注更遠矣。

## 北江

東匯澤為彭蠡，東為北江，入於海。（夏本紀）

【集解】孔安國曰：「自彭蠡，江分為三道入震澤，遂為北江而入海。」

【索】漢志：「會稽郡 毗陵，北江在北，東入海。」即今大江。孔安國注：「入震澤，遂為北江」，殊誤。

## 中江

汝山道江，東別為沱，又東至於醴，過九江，東迤北會於匯，東為中江，入於海。（夏本紀）

【正義】括地志云：「禹貢三江俱會於彭蠡，合為一江，入於海。」

【索】漢志：「丹揚郡 蕪湖，中江出西南，東至陽羨入海。」傳寅云：「班氏所指中江，今

## 震澤

蕪湖斷港也。自宜興縣航太湖，逕漂陽至鄧步，凡兩日水路。自鄧步登岸，小市名東壩，陸行十八里至銀林。復行水路，係大江支港，行百餘里乃至蕪湖界，即入大江。」此道自楊行審作五堰，施輕舸饋糧，江流始狹；其後遂絕。明初又濬之，蘇、浙運道經東壩直達金陵。永樂初，運道廢，改作土壩。嘉靖三十五年，又作下壩，東、西二壩，相隔十里許，統名東壩，在今高淳縣東南。

震澤致定。（夏本紀）

【集解】孔安國曰：「震澤，吳南太湖名。」

【索隱】地理志云：「會稽吳縣，具區在其西，古文以爲震澤。」又左傳稱「笠澤」，亦謂此也。

## 五湖

①吳有三江、五湖之利。（貨殖傳）

②吳去晉而歸，與越戰於五湖。（仲尼弟子傳）

③大江之南，五湖之間。

④三江、五湖有漁鹽之利，銅山之富，天下所仰。（三世家）

⑤於吳，則通渠三江、五湖。

⑥太史公上姑蘇，望五湖。（河渠書）

【集解】韋昭曰：「五湖，湖名耳，實一湖，今太湖是也，在吳西南。」

【索隱】五湖，郭璞江賦云：「具區、兆瀾、彭蠡、青草、洞庭。」又云：「太湖周五百里，故曰五湖。」（河渠書）

【案】爾雅：「十數：『吳、越之間有具區。』」周禮：「揚州數曰具區，其浸五湖。」漢志：「吳縣，具區澤在西，揚州數，古文以為震澤。」依周禮，則數、浸相異，具區非五湖；依漢志，則數、澤無別，震澤即具區。職方之說，殊不可據。如荊州浸潁、湛，豫州浸波、澨，青州浸沂、沭，兗州浸盧、維，雍州浸渭、洛，幽州浸菑、時，冀州浸汾、潞，并州浸涑、易，皆以小川為浸；烏得揚州之浸，獨為太湖？若謂太湖外，別有五湖，則湖泊亦與川流有異，仍與潁澨、波澨之水不類。職方之文，難為典要。而後人據職方之論，

## 沱

疑震澤乃數而非浸，與太湖不同；則禹貢、班志寧有捨棄太湖獨說震澤之理？五湖當如韋說，震澤當如班志，蓋一而非二。

①沱、潞已道。

②浮於江、沱、潞、（於）漢。

③汶山道江，東別爲沱。（夏本紀）

【集解】孔安國曰：「沱，江別名。」鄭玄曰：「水出江爲沱。」

【索隱】沱由蜀郡郫縣西，東入江。故爾雅云：「水自江出爲沱。」

【正義】括地志云：「繁江水受郫江。禹貢曰：『岷山導江，東別爲沱。』源出益州新繁縣。」

【案】禹貢道江岷山不在今松潘境，（已辨於「汶山」條。）則沱非郫江可知。禹貢所謂「東別爲沱」，殆指今渠江諸水而言。

漢

① 江、漢朝宗於海。（夏本紀）

② 吳與唐、蔡西伐楚，至於漢水。楚拒吳，夾水陣。（吳世家、楚世家、伍子胥傳。）

③ 漢中之甲，乘船出於巴，乘夏水而下漢，四日而至五渚。（蘇秦傳）

④ 西方則通渠漢水、雲夢之野。（河渠書）

【正義】括地志云：「漢水源出梁州金牛縣東二十八里蟠冢山。」（夏本紀）

漢

王取武關、蜀、漢之地。（楚世家）

【正義】漢，漢中郡。

〔案〕漢漢中郡先治南鄭，今南鄭縣東。

漢中



①楚自漢中，南有巴、黔中。（秦本紀）

②楚嘗與秦構難，戰於漢中。

③殺屈匄，遂取丹陽、漢中之地。（張儀傳、屈原傳）

④惠王南取漢中。（李斯傳）

⑤懷王十七，秦敗楚將屈匄，遂取漢中之郡。（楚世家）

⑥（同年）秦惠二十六，取漢中地。（穰子傳）

⑦（同年）惠文後十三，攻楚漢中，置漢中郡。（秦本紀）

⑧昭襄十三，任鄙爲漢中守。（六國表、白起傳）

⑨漢中之甲，乘船出於巴，乘夏水而下漢，四日而至五渚。（蘇秦傳）

⑩項羽立沛公爲漢王，王巴、蜀、漢中。（項羽本紀、高祖本紀）

⑪沛公爲漢王，王巴、蜀。厚遺項伯，使請漢中地。（留侯世家）

⑫曹參從至漢中。（曹相國世家）

⑬張湯言：「褒水通沔，穿褒斜道，則漢中之穀可致。」（河渠書）

⑭南陽、漢中以往郡，各以地比給初郡。（平準書）

⑮ 沔，祠漢中。（封禪書）

【索隱】其地在秦之山南，楚之西北，漢水南之地，名曰漢中也。

【正義】今梁州也，在漢水北。（張儀傳）

## 漢北

楚頃襄十九，與秦漢北及上庸地。（六國表、楚世家。）

【正義】謂割房、金、均三州及漢水之北與秦。（楚世家）

## 潛

① 沱、潛已道。

② 浮於江、沱、潛、（於）漢，逾於洛，至於南河。

③ 浮於潛，踰於沔，入於渭，亂於河。（夏本紀）

【集解】孔安國曰：「潛，水名。」鄭玄曰：「水出漢爲潛。」

【索隱】「潛」，亦作「潛」。潛出漢中安陽縣西，北入漢。故爾雅云：「水自漢出爲潛。」

【正義】括地志云：「潛水一名復水，今名龍門水，源出利州綿谷縣東龍門山大石穴下也。」

〔案〕漢志：「漢中郡安陽，鬻水出西南，北入漢。在谷水出北，南入漢。」安陽，今成固縣東。在谷水，即今潛水。漢志所謂漢，即今沔水。鬻即漢源也。此於嘉陵江、（即禹貢所謂江。）南江、宕水、巴水諸水（即禹貢所謂沔。）皆近，故曰：「沔、涪已道。」又曰：「浮於潛，踰於沔，入於渭，亂於河。」此即古之褒斜道也。然水出漢皆為涪，不專指安陽一水。如堵水入漢，亦可得涪名，則所謂「浮於江、沔、涪、漢」，（史文此處衍「於」字。）逾於洛，至於南河」是也。自江、沔之實已失，則此諸語均難索解。至正義所說「復水出利州綿谷縣」者，綿谷今四川廣源縣；蓋漢人既以嘉陵江為西漢水，故水入嘉陵江者，亦得潛名矣。

## 沔

① 踰於沔。（夏本紀）

② 沔，祠漢中。（封禪書）

③ 褒水通沔，從沔無限。（河渠書）

【集解】孔安國曰：「漢上水爲沔。」鄭玄曰：「或謂漢爲沔。」（夏本紀）

【索隱】水經云：「沔水出武都沮縣」，注云：「東南注漢。所謂漢水」，故祠之漢中。樂彥云：「漢女者，漢神是也。」（封禪書）

【案】沮縣，今略陽。沔水出沔縣西北略陽縣境，爲漢水別源；於沔縣西南入漢水，名曰沮口。

## 瀼

嶓冢道瀼，東流爲漢。（夏本紀）

【集解】鄭玄曰：「地理志瀼水出隴西氐道，至武都爲漢，至江夏謂之夏水。」

【索隱】水經云：「瀼水出隴西氐道縣嶓冢山，東至武都沮縣爲漢水。」山海經亦以漢出嶓冢山。故孔安國云：「泉始出山爲瀼水，東南流爲沔水，至漢中東行爲漢水。」

【正義】括地志云：「嶓冢山水始出山沮洳，故曰沮水。東南爲瀼水，又爲沔水，至漢中爲漢水，至均州爲滄浪水。始欲出大江爲夏口，又爲沔口。漢江一名沔江也。」

【案】漢水源出陝西寧羌縣北嶓冢山，東流爲沔，其流始大，與隴西水無涉。班志以嶓冢屬

隴西，謂西漢水所出；又曰：「養水出氐道，至武都（略陽）為漢」；皆與禹貢原文不合。

## 蒼浪之水 滄浪水

東流爲漢，又東爲蒼浪之水。（夏本紀）

【索隱】馬融、鄭玄皆以滄浪爲夏水，即漢河之別流也。漁父謂曰：「滄浪之水清兮，可以濯吾纓」，是此水也。

【正義】括地志云：「均州武當縣有滄浪水。庾仲雍漢水記云：『武當縣西四十里漢水中有洲，名滄浪洲』也。地記云：「水出荆山，東南流爲滄浪水。」」

〔案〕滄浪洲，今均縣北。

## 三澨

又東流爲滄浪之水，過三澨，入於大別。（夏本紀）

【集解】孔安國曰：「三澨，水名。」鄭玄曰：「在江夏竟陵之界。」

【索隱】水經云：「三澨，地名，在南郡郢縣北。」孔安國、鄭玄以爲水名。今竟陵有三參

水，俗云是三澁水。

〔索〕說文：「澁，埤增水邊土，人所止者。」左文十六有句澁，宣四有漳澁，定四有雍澁，又昭二十三有蓬澁。胡朏明云：「三澁當在清水入漢處，一在襄城北，即大隄；一在樊城南；一在三洲口東；皆襄陽縣地，在郢縣之北。」索隱本作「鄖縣」，殆係字譌。郢縣故城，今宜城縣東北。

## 雲夢

雲夢土爲治。（夏本紀）

〔集解〕孔安國曰：「雲夢之澤在江南，其中有平土丘。」

〔索隱〕按：雲土、夢本二澤名。左傳云：「昭王寢於雲中」，又：「楚子、鄭伯田于江南之夢」，則是二澤各別也。韋昭曰：「雲土今爲縣，屬江夏南郡華容。」今案：地理志云「江夏有雲杜縣」是。

## 雲夢

①江陵故郢都，東有雲夢之饒。（貨殖傳）

②楚有七澤，一曰雲夢，方九百里，其中有山。（司馬相如傳）

③吳入郢。昭王亡至雲夢，盜擊王，王走郢。鄢公與王出奔隨。（楚世家、伍子胥傳）

④三十六年，行至雲夢，望祀虞舜於九疑山。浮江下。（秦始皇本紀）

⑤六年，僞遊雲夢，會諸侯於陳。（高祖本紀、陳丞相世家）

⑥西方則通渠漢水、雲夢之野。（河渠書）

【索隱】裴駰云：「孫叔敖激沮水作此澤。」張揖云：「楚藪也，在南郡華容縣。」郭璞曰：「江夏安陸有雲夢城，南郡枝江亦有雲夢城，華容縣又有巴邱湖，俗云即古雲夢澤也。」則張揖云在華容者，指此湖也。今案：安陸東見有雲夢城、雲夢縣，而枝江亦有，蓋縣名遠取此澤，故有城也。（司馬相如傳）

〔案〕索隱本史記作「雲土夢」。王逸楚辭注：「夢，澤中也。」蓋楚人名澤為「夢」。左傳「田於江南之夢」，即江南之澤。「雲夢」猶言「雲澤」，「雲土夢」猶「雲土澤」；亦有單言「雲」者，如漢水單稱漢，荆山單稱荆。楚雲夢最先當在今安陸縣南，東南接雲夢縣界；其他名雲夢者皆晚起。

## 醴

又東至於醴，過九江，至於東陵。（夏本紀）

【集解】孔安國及馬融、王肅皆以醴爲水名。鄭玄曰：「醴，陵名也。大阜曰陵。長沙有醴陵縣。」

【索隱】按：騷人所歌「濯余佩於醴浦」，明醴是水。又虞喜志林以醴是江、沅之別流，而「醴」字作「澧」也。

【案】山海經云：「洞庭之山，帝之二女居之，是常遊於江淵。澧、沅之風，交瀟湘之淵，是在九江之間。」洞庭山，今應山縣西四十里。沅疑即澧水；湘即襄江，即漢水。澧、沅並稱，應爲澧之支流，其下游即古之雲夢；又東則爲九江。後人以湖南醴陵及澧水說之，於是以九江爲洞庭，以東陵爲巴陵，種種入歧矣。又考漢志：「南陽雒，衡山，澧水所出，東入汝。」是河南亦有澧。

## 黑水



華陽、黑水惟梁州。〔夏本紀〕

【正義】括地志云：「黑水源出梁州城固縣西北太山。」

〔案〕水經注：「水出北山，南流入漢。諸葛亮牋云：『朝發南鄭，暮宿黑水。』」是也。水在今陝西城固縣北。經文謂東自華陽，西迄黑水，其南則為梁州也。後之說者，羣以雲南金沙江說之，非是。

## 黑水

黑水、西河惟雍州。〔夏本紀〕

【索隱】地理志益州滇池有黑水祠。鄭玄引地說云：「三危山，黑水出其南。」山海經：「黑水出崑崙墟西北隅」也。

〔案〕此亦正義所舉梁州城固縣黑水也。經文謂東自西河以西，南自黑水以北為雍州。西河為雍、冀之界，黑水為雍、梁之交。

## 黑水

道黑水，至於三危，入於南海。（夏本紀）

【正義】括地志云：「黑水源出伊吳縣北百二十里，又南流二十里而絕。」按：黑水源在伊州，從伊州東南三千餘里至鄯州，鄯州東南四百餘里至河州，入黃河。河州有小積石山，即禹貢「浮於積石，至於龍門」者。然黃河源從西南下，出大崑崙東北隅，東北流經于闐，入鹽澤，即東南潛行入吐谷渾界大積石山，又東北流，至小積石山，又東北流，來處極遠。其黑水，當洪水時合從黃河而行，何得入於南海？

〔案〕禹貢三危當在今甘肅渭源、岷縣間。漢書司馬相如傳張揖注：「三危山在鳥鼠山西，與岷山相近，黑水出其南陂」，是也。河圖括地象亦云然。今考輿圖，其地水南流者惟白龍江。漢志隴西羌道有羌水，入白水。水經注：「羌水出羌中參狼谷。」「參狼」或即「三危」之譌歟？山海經、水經注、元和志、寰宇記皆謂羌水即白水；漢志則分羌水、白水為二。今考黑水、湔水異源合流，而湔水亦號黃水。以彼例此，或羌水、白水異源合流，而羌水亦號黑水也。羌水又名墊江。「墊江」之義，猶云「弱水」。此緣昔人皆以黑水、弱水目塞外水，故既號黑水，亦稱墊江耳。云「入南海」者，禹貢目嘉陵江為江源，自此以往，水道不甚晰亦宜。

## 成固

鄧公，成固人。（袁盎晁錯傳）

【正義】梁州成固縣也。括地志云：「成固故城在梁州成固縣東六里。」  
〔索〕今城固縣西北。

## 淮

①淮、沂其治。（夏本紀）

②四瀆，江、淮、河、濟也。

③天下大川祠二，曰濟，曰淮。（封禪書）

④汝南、九江引淮。

⑤河決瓠子，東南注鉅野，通於淮、泗。

⑥鬻桑浮兮淮、泗滿。（河渠書）

⑦淮、泗之間不東。（越世家）

⑧絕淮、泗口，塞吳餉道。（吳王濞傳）

⑨爰都彭城，以疆淮、泗。（自序）

⑩魏東有淮、潁、潁、潁、無胥。  
（蘇秦傳）

【素隱】水經云：「淮水出南陽平氏縣胎簪山，北過桐柏山。」（夏本紀）風俗通云：「淮廟

在平氏。  
〔封禪書〕

〔案〕淮水出今桐柏縣西三十里。

淮南

①荆將項燕立昌平君爲荆王，反秦於淮南。（秦始皇本紀）

②孰能爲我使淮南。

③隨何與二十人俱，使淮南。

④楚使項聲、龍且攻淮南。

⑤淮南王至，上方踞牀洗。

⑥布爲淮南王，都六，九江、廬江、衡山、豫章郡皆屬。

⑦漢立英布爲淮南王，都壽春。後更立高祖子厲。（漢興以來諸侯年表）

⑧黥布反，立子長爲淮南王，王黥布故地，凡四郡。（淮南傳）

⑨徙衡山王吳芮王長沙。衡山屬淮南國。（秦楚之際月表）

⑩願循江、淮而上，收淮南、長沙，入武關。（吳王濞傳）

⑪城陽共王徙王淮南。四年，復還王城陽。（齊悼惠王世家）

⑫十二年，立淮南厲王子三人爲淮南、衡山、廬江王。（孝文本紀）

⑬漢定百年之間，淮南分爲三。

⑭吳、淮南、長沙無南邊郡。（漢興以來諸侯年表）

⑮淮南王安反，國除爲九江郡。（淮南傳）

⑯巴俞宋蔡，淮南于遮。（司馬相如傳）

## 淮北

①句踐渡淮南，以淮上地與楚。（越世家）

②以求楚之淮北。

③楚與秦、三晉、燕共伐齊，取淮北。（楚世家）

④淮北、宋地，楚、魏之所欲。（樂毅傳）

⑤黃歇封春申君，賜淮北地十二縣。

⑥淮北地邊齊，請以爲郡。（春申君傳）

⑦有淮北，楚之東國危。

⑧齊南割楚之淮北。（田齊世家）

⑨還定淮北，凡五十二縣。（灌嬰傳）

⑩淮北、常山以南，河、濟之間千樹萩。（貨殖傳）

【正義】淮北，徐、泗也。（田齊世家）

## 淮陰

①韓信，淮陰人。（淮陰侯傳）

②六年，封韓信爲淮陰侯。（高祖本紀）

③淮陰枚生。（鄒陽傳）

【正義】楚州淮陰縣也。城北臨淮水。（淮陰侯傳）

〔案〕今淮陰縣東南。

## 下鄉 南昌亭

從其下鄉南昌亭長寄食。（淮陰侯傳）

【集解】張晏曰：「下鄉，縣，屬淮陰也。」

【索隱】案：「楚漢春秋」南昌」作「新昌」。

〔案〕寰宇記：「古南昌亭在山陽縣西三十五里。」今淮陰縣東南。下鄉恐非縣名。

## 淮陽

①張良學禮淮陽。（留侯世家）

②淮陽，天下勁兵處。（韓王信傳）

③淮陽天下交，勁兵處。（魏其武安傳）

④淮陽，楚地之郊。（汲黯傳）

【正義】今陳州也。（留侯世家）

〔案〕今河南淮陽縣治。

## 淮陽

①高祖封淮陽國，都陳。（漢興以來諸侯年表）

②孝惠後宮子彊封淮陽王。（呂后本紀）

③孝文三，復置淮陽國。（漢興以來諸侯年表）

④孝文次子代王武徙爲淮陽王。

⑤淮陽王武徙爲梁王。（梁孝王世家）

⑥孝景前二年，皇子餘爲淮陽王。（五宗世家）

⑦三年，徙淮陽王餘爲魯王。（孝景本紀）

【集解】韋昭曰：「今陳留郡。」（呂后本紀）徐廣曰：「都陳。」（梁孝王世家）

【正義】淮陽國今陳州。（孝景本紀）即古陳國城也。（梁孝王世家）

〔案〕晉地道記：「陳城西南角有淮陽城，漢淮陽王故治。」今淮陽縣西南。



## 淮陽

高祖封梁國，都淮陽。（漢興以來諸侯年表）

〔案〕梁王彭越都定陶。孝文子梁孝王武徙都睢陽，「淮陽」乃字謄。

## 淮東 淮西

①六年，分韓信地爲二國。劉賈爲荊王，王淮東。弟交爲楚王，王淮西。（高祖本紀）

②劉賈爲荊王，王淮東五十二城；交爲楚王，王淮西三十六城。（荊燕世家）

〔索隱〕表云：「劉賈都吳。」又漢書：「以東陽郡封賈」，東陽即臨淮，故云「王淮東」。

〔正義〕淮以西徐、泗、濠等州也。（荊燕世家）

## 淮夷

①淮夷蠙珠泉魚。（夏本紀）

②周成王少時，管、蔡作亂，淮夷畔周。（齊世家）

③管、蔡、武庚等果率淮夷而反。

④淮夷、徐戎亦並興反。（魯世家）

⑤周公東伐淮夷，殘奄。（周本紀）

⑥寧淮夷東土。（魯世家）

【集解】孔安國曰：「淮浦之夷，徐州之戎，並起爲寇。」（魯世家）

【正義】括地志云：「泗水徐城縣北三十里古徐國，中即淮夷。」（周本紀）

## 沂

①淮、沂其治。

②道淮桐柏，東會於泗、沂，入於海。（夏本紀）

③沂、泗水以北，宜五穀、桑麻、六畜，地小人眾，數被水旱之害，民好畜藏。（貨殖傳）

④晉兵圍臨菑，盡燒屠其郭中。東至膠，南至沂，齊皆城守。（晉世家）

【集解】鄭玄曰：「地理志沂水出泰山蓋縣。」孔安國曰：「淮與泗、沂二水合入海也。」

【索隱】沂水出泰山蓋縣汶山，南過下邳縣入泗。（夏本紀）

〔案〕沂水源出今山東蒙陰縣北，南至江蘇邳縣境。

## 沂

①季平子請遷沂上。（魯世家）

②曾蒧曰：「浴乎沂，風乎舞雩。」（仲尼弟子傳）

【集解】杜預曰：「魯城南自有沂水。」（魯世家）

〔案〕此稱西沂水，源出曲阜縣東南尼山之麓，經曲阜縣南，東合於泗。

## 泗

①泗濱浮磬。

②浮於淮、泗，通於河。

③淮東會泗、沂，東入於海。（夏本紀）

④還，過彭城，欲出周鼎泗水下。（秦始皇本紀）

⑤漢軍皆走，相隨入穀、泗水。（項羽本紀）

⑥宋太丘社亡，而鼎沒泗水彭城下。

⑦新垣平言：「周鼎亡在泗水，今河溢通泗。」（封禪書）

⑧河決於瓠子，東南注鉅野，通於淮、泗。

⑨鬲桑浮兮淮、泗滿。（河渠書）

【集解】鄭玄曰：「泗水出濟陰乘氏。」孔安國曰：「淮與泗、沂二水合入海也。」

【正義】括地志云：「泗水源在兗州泗水縣東陪尾山。其源有四道，因以爲名。」又云：「泗水至彭城呂梁，出石磬。」（夏本紀）

〔案〕泗水源出今山東泗水縣東陪尾山，西流經曲阜，合沂水；南至濟寧，合洸水，入運河故道。自濟寧南經鄒、滕至江蘇境；歷宿遷、泗陽，至淮陰縣入淮。

## 泗上

①孔子葬魯城北泗上。（孔子世家）

②鄒、魯濱洙、泗，俗好儒，備於禮，其民齷齪。頗有桑麻。（貨殖傳）

【集解】駢案：「皇覽曰：『孔子冢去城一里。冢埜百畝。』」（孔子世家）

## 泗上

- ①越與魯泗東方百里。（越世家）
  - ②越滅吳，不能正江、淮北；楚東侵，廣地至泗上。（楚世家）
  - ③江南、泗上不足以待越。（越世家）
  - ④若夫泗上十二諸侯。（楚世家）
  - ⑤東取，泗上十二諸侯皆來朝。
  - ⑥泗上諸侯鄒、魯之君皆稱臣。（田齊世家）
  - ⑦舉宋而東指，則泗上十二諸侯盡王之有。（張儀傳）
  - ⑧齊人南面攻楚，泗上必舉。此皆平原四達，膏腴之地。（春申君傳）
  - ⑨案齊之故，有膠、泗之地。（淮陰侯傳）
- 【索隱】邊近泗水之側，當戰國之時有十二諸侯，宋、魯、邾、莒之比也。（張儀傳）

## 泗水亭

①高祖爲泗水亭長。（高祖本紀）

②還，過沛泗上亭，與高祖語。（夏侯嬰傳）

【集解】徐廣曰：「沛縣有泗水亭。」（蕭相國世家）

【正義】括地志云：「泗水亭在徐州沛縣東一百步，有高祖廟也。」（高祖本紀）

## 泗水郡

①蕭何給泗水卒史。（蕭相國世家）

②秦泗川監平將兵圍豐，沛公破之。引兵至薛，泗川守壯敗於薛，走至戚。（高祖本紀）

③曹參擊泗水守軍薛郭西。（曹相國世家）

④周勃東定楚地泗川、東海郡，凡得二十二縣。（絳侯世家）

⑤周勃定泗水、東海。（高祖功臣年表）

⑥擊泗水監豐下。（樊噲傳）

⑦殺泗水守。拔薛西。（秦楚之際月表）

⑧周昌、周苛爲泗水卒史。（張丞相傳）

⑨孝武元鼎三，初置泗水國，都郟。（漢興以來諸侯年表）

⑩武帝封常山王子商三萬戶，爲泗水王。（五宗世家）

【集解】文穎曰：「泗川，今沛郡也，高祖更名沛。」徐廣曰：「泗水屬東海。」又曰：「沛縣有泗水亭。秦以沛爲泗水郡。」

〔索〕秦泗水郡，漢更名沛，治相，今安徽宿縣西北。





## 卷六 夏殷地名

### 夏

①自洛納延於伊納，居易毋固，其有夏之居。

②伊、洛竭而夏亡。（周本紀）

③夏桀之居，左河、濟，右泰、華，伊闕在其南，羊腸在其北。（孫吳傳）

④潁川、南陽，夏人之居。南陽至今謂之「夏人」。（貨殖傳）

⑤夏路以左，不足以備秦。（越世家）

⑥陳在楚、夏之交。

⑦陳、夏千畝漆。（貨殖傳）

【集解】徐廣曰：「夏居河南，初在陽城，後居陽翟。」韋昭曰：「禹都陽城，伊、洛所

近。」(周本紀)瓚曰：「夏桀之居，今河南城爲直之。」(孫吳傳)

【索隱】劉氏云：「楚適諸夏，路出方城，人向北行，以西爲左。」(越世家)

【正義】括地志云：「自禹至太康與唐、虞皆不易都城。」然則居陽城爲禹避商均時之都也。帝王世紀云：「禹封夏伯，今河南。」汲冢古文云：「太康居斟尋，羿亦居之，桀又居之。」括地志云：「故鄆城在洛州鞏縣西南五十八里。」(周本紀)

## 夏臺 鈞臺

①桀囚湯夏臺。(夏本紀)

②夏啟有鈞臺之饗。(楚世家)

【索隱】獄名。夏曰鈞臺。皇甫謐云：「地在陽翟」，是也。(夏本紀)

【集解】杜預曰：「河南陽翟縣南有鈞臺陂。」(楚世家)

〔案〕今禹縣南。

## 夏墟

封虞仲於周之北故夏虛。（吳世家）

【集解】徐廣曰：「在河東太陽縣。」

【索隱】夏都安邑，虞仲都太陽之虞城，在安邑南，故曰夏虛。

〔案〕虞城，今平陸縣東北六十里。

## 大夏

①遷實沈於大夏，唐人是因。（鄭世家）

②禹鑿龍門，通大夏。（秦始皇本紀、李斯傳。）

③桓公西伐大夏，涉流沙，束馬懸車，上卑耳之山。（封禪書、齊世家。）

④瑯邪刻石曰：北過大夏。（秦始皇本紀）

【集解】服虔曰：「大夏在汾、澮之間。」杜預曰：「大夏，今晉陽縣。」（鄭世家）  
〔案〕卑耳山，今平陸縣西北。唐，今翼城縣南。大夏以服虔說為是，杜說非也。

## 卑耳

①齊桓公西伐大夏，涉流沙，束馬懸車，上卑耳之山。（封禪書）

②束馬懸車登太行，至卑耳山。（齊世家）

【集解】韋昭曰：「卑耳即齊語所謂『辟耳』。」

【索隱】卑耳，山名，在河東大陽。又「辟」音「辟」，賈逵云：「山險也。」（封禪書）

〔案〕今山西平陸縣西北。

## 塗山

①禹娶塗山。（夏本紀）

②禹之興也以塗山。（外戚世家）

③穆王有塗山之會。（楚世家）

【集解】孔安國曰：「塗山，國名。」（夏本紀）

【索隱】韋昭云：「塗山，國名，禹所娶，在今九江。」應劭曰：「九江當塗有禹墟。」（外戚）

世家）杜預云：「塗山在壽春東北」，皇甫謐云：「今九江當塗有禹廟」，則塗山在江南

也。系本曰：「塗山氏女名女媧」，是禹娶塗山氏號女媧也。（夏本紀）

## 三塗

南望三塗。(周本紀)

【索隱】杜預曰：三塗在陸渾南。

〔案〕今嵩縣西南。漢武帝紀，武帝祀中嶽，見夏后啟母石。水經注：「伊水出陸渾縣之西，南王母澗，澗北山上有王母祠，即古三塗山也。」禹娶塗山氏女傳說，當指此。

## 陽城

①禹避舜之子商均於陽城。(夏本紀)

②韓文二，伐鄭，取陽城。(六國表、鄭世家、韓世家。)

③秦取韓陽城負黍。(周本紀、秦本紀。)

④陳勝，陽城人。(陳涉世家)

⑤沛公戰雒陽東，不利，還至陽城。(高祖本紀)

⑥漢王至河南，韓信急擊韓王昌陽城。(韓王信傳)

【集解】劉熙曰：「今潁川陽城是也。」（夏本紀）

【索隱】韋昭云：「陽城屬潁川」，地理志屬汝南。蓋陽城舊屬汝南。

【正義】括地志云：「陽城，洛州縣也。」（周本紀）今河南府縣也。（秦本紀。案：「府」字誤。以

唐書地理志考之，或應作「告成」二字。）又云：夏禹所都。（高祖本紀）即河南陽城縣也。（陳涉世家）

【案】左昭四：「晉司馬侯曰：『陽城、太室，九州之險。』」則陽城本山名。傳說禹所避是也。漢潁川陽城縣以山得名。城邑之興，蓋起戰國。故城今登封縣東南，山在登封縣東北。

## 陽城

與南陽守薊戰陽城郭東，陷陣。（曹相國世家、樊噲傳。）

【集解】徐廣曰：「陽城在南陽。」應劭云：「今堵陽。」

【索隱】堵陽是南陽之縣。（曹相國世家）

【案】今河南裕縣東六里。

## 箕山

①益讓禹子啟，避居箕山之陽。（夏本紀）

②太史公登箕山，其上有許由冢。（伯夷傳）

【集解】駢案：『孟子「陽」字作「陰」。』劉熙曰：「密高之北。」

【正義】案：「陽」即陽城也。括地志云：「陽城縣在箕山北十三里。」又恐「箕」字誤，本是「嵩」字。陽城縣在嵩山南二十三里，則爲嵩山之陽也。（夏本紀）又：『皇甫謐高士傳云：

「許由遁於中嶽潁水之陽，箕山之下，洗耳於潁水濱。許由歿，葬此山，亦名許由山。」

在洛州陽城縣南十三里。（伯夷傳）

〔案〕箕山，今登封縣東南，不得云「密高之北」。

## 有扈

啟即天子位，有扈氏不服。（夏本紀）

【索隱】地理志曰：『扶風郿縣是扈國。』

【正義】括地志云：「雍州南鄠縣本夏之扈國也。地理志云：『鄠縣，古扈國，有戶亭。』」  
訓纂云：「戶、扈、鄠三字，一也。」  
〔案〕鄠，今陝西鄠縣治；然疑有扈不在此。

## 扈

①晉靈公初立，諸侯會趙盾，盟於扈。

②成公與楚莊王爭疆，會諸侯於扈。（晉世家）

【集解】杜預曰：「鄭地。滎陽卷縣西北有扈亭。」

〔案〕今河南舊原武縣西北。水經注：「河水逕卷之扈亭。紀年：『晉出公時，河絕於扈』，是也。」疑有扈氏亦在此。舊說在陝西鄠縣，殊無據。左昭元：「夏有觀、扈。」觀即觀

津，今山東觀城縣西。

## 甘

啟伐有扈，戰於甘。（夏本紀）



【集解】馬融曰：「甘，有扈氏南郊地名。」

【索隱】夏啟所伐，鄆南有甘亭。

〔案〕東周惠王子、襄王弟叔帶封於甘，左傳稱甘昭公。括地志云：「故甘城在洛州河南縣西南二十五里。」洛陽記云：「河南縣西南二十五里，有水出焉，北流入洛山，上有甘城，即甘公采邑。」今洛陽縣西南。又考竹書，殷王武丁居於河，學於甘盤。則先尚有甘，為近河之邑，或即「啟戰於甘」之甘。

## 陽夏

①吳廣，陽夏人。（陳涉世家）

②項王南走陽夏。（彭越傳）

③漢王追項王至陽夏南。（項羽本紀、留侯世家。）

④楚發兵距漢陽夏。（高祖本紀）

⑤陽夏侯陳豨。（高祖功臣年表）

【索隱】韋昭云：「縣名，屬淮陽，後屬陳。」（高祖本紀）

【正義】括地志云：「陳州太康縣，本漢陽夏縣也。續漢書郡國志云：「陽夏縣屬陳國。」案：太康縣城夏后太康所築，隋改陽夏爲太康。」（項羽本紀）

〔案〕今太康縣治。

## 過

昔有過氏殺斟灌以伐斟尋。（吳世家）

【集解】賈逵曰：「過，國名也。」

【索隱】過，寒浞之子澆所封國也。猗姓國。晉地道記曰：「東萊掖縣有過鄉，北有過城，是古之過國者也。」

〔案〕今山東掖縣北。然斟灌、斟尋皆近在今河南境，而說者羣以山東濱海地推之；則此過疑亦不在掖縣。寒浞處澆於過，處豷於戈。戈在宋、鄭之間，疑過或「韋、顧」之顧，今山東范縣東南五十里。

## 斟戈

禹後分封，以國爲姓，有斟戈氏。（夏本紀）

【索隱】按：左傳、系本皆云斟灌氏。

## 斟灌

昔有過氏殺斟灌以伐斟尋。（吳世家）

【集解】賈逵曰：「斟灌，夏同姓也。」

【索隱】按：地理志北海壽光縣，應劭云：「古斟灌，禹後，今灌亭是也。」

【案】臣瓚漢書注：「汲郡古文：『相居斟灌』，東郡灌是也。」左昭元：「夏有觀、扈。」

## 觀 觀津 觀澤

①魏惠三，齊伐魏觀津。

②（同年）齊威十一，伐魏，取觀。（六國表）

③魏惠三，齊敗魏觀。（魏世家）

④齊敗魏於濁澤，圍惠王，惠王請獻觀以和。（田齊世家）

⑤趙武靈九，齊敗趙，魏觀澤。（六國表、趙世家。）

⑥齊湣七，與宋攻魏，敗之觀澤。（六國表、田齊世家。）

⑦魏哀二，齊敗魏觀津。（六國表、魏世家、張儀傳。）

⑧齊湣王西摧三晉於觀津。（樂毅傳）

⑨觀津人朱英。（春申君傳）

⑩河決觀，梁、楚之地數困。（平準書）

【集解】徐廣曰：「觀，縣名也。屬東郡。光武改曰衛，公國。（平準書）今衛縣也。」

（魏世家）

【正義】魏州魏城縣，（春申君傳注作「觀城縣」，是也。）古之觀國。國語云：「觀國，夏啟子太

康第五弟之所封也，夏衰，滅之。」（魏世家）括地志云：「觀澤故城在魏州頓邱縣東十八

里也。」（趙世家）

【案】左昭元：「夏有觀，扈。」杜注：「觀國，今頓邱衛縣。」楚語：「啟有五觀。」平

準書：「河決觀。」觀臨河津，故亦曰觀津。漢置畔觀縣，故城今山東觀城縣西。

## 觀津

①秦取趙氏觀津，且與趙觀津。（懷侯傳）

②趙封樂毅於觀津。（樂毅傳）

③竇太后，趙清河觀津人。

④竇皇后親葬觀津。（外戚世家）

⑤竇嬰父世觀津人。（魏其侯傳）

【索隱】地理志觀津，縣名，屬信都。漢初屬清河。（樂毅傳）

【正義】括地志云：「觀津城在冀州棗陽縣東南（外戚世家作「棗陽縣東北」）。二十五里。」（魏世家）又：觀津在冀州武邑縣東南二十五里。（樂毅傳）又：括地志云：「竇少君墓在冀州武邑縣東南二十七里。」（外戚世家）

〔案〕今河北武邑縣東南。

## 斟尋

①禹後分封，以國爲姓，有斟尋氏。（夏本紀）

②昔有過氏殺斟灌以伐斟尋。（吳世家）

【集解】徐廣曰：「一云『斟氏、尋氏』。」（夏本紀）賈逵曰斟尋，夏同姓也。（吳世家）

【索隱】系本「尋」作「斟」。（夏本紀）按：地理志北海平壽縣，應劭云：「故斟尋，禹後，今斟城是也。」「斟」與「斟」同。（吳世家）

【案】左昭二十三：「王師、晉師圍郟、鄆。」杜注：「鞏縣西南有地名郟中。」郡國志：「鞏有尋谷水。」其水東入洛。入洛處謂之洛口，張儀傳「塞斜谷之口」是也。尋城，今鞏縣西南。尋水，今偃師縣東北，與鞏縣接界。汲冢古文：「太康居斟尋，羿亦居之，桀又居之。」書序：「太康失國，兄弟五人，須於洛汭。」

## 斜谷

楚下兵三川，塞斜谷之口。（張儀傳）

【集解】徐廣曰：「一作『尋』。」成臯鞏縣有尋口。」

【索隱】「尋」、「斜」聲相近，故其名惑也。戰國策作「轅轅、緱氏之口」，亦其地相近

也。斜谷，地名。

【正義】括地志云：「溫泉水即尋，源出洛州鞏縣西南四十里。」注水經云：「鄆城水出北山鄆溪。又有故鄆城，在鞏縣西南五十八里。」按：洛州緱氏縣東南四十里，與鄆溪相近之地。

## 伊闕

①夏桀之居，伊闕在其南。（孫吳傳）

②出伊闕攻秦，令秦無得通陽城。（周本紀）

③昭襄十四，白起攻韓，魏於伊闕。（秦本紀、六國表、楚世家、魏世家、韓世家、白起傳。）

④下潁川兵塞轅轅、伊闕之道。（淮南傳）

【正義】括地志云：「伊闕山在洛州南十九里。」注水經云：「昔大禹疏龍門以通水，兩山相對，望之若闕，伊水歷其間，故謂之伊闕。」按：今洛南猶謂之龍門也。（秦本紀）

## 羊腸

①夏桀之居，伊闕在其南，羊腸在其北。（吳起傳）

②昔魏伐趙，斷羊腸，拔閼與，趙分而爲二。（魏世家）

③羊腸之西，句注之南。（趙世家）

【集解】皇甫謐曰：「壺關有羊腸阪，在太原晉陽西北九十里。」（吳起傳）

【正義】太行山坂道名，南屬懷州，北屬澤州。（趙世家）又羊腸坂道在太行山上，南口懷

州，北口潞州。（魏世家）

〔案〕羊腸坂，南者在晉城縣南天井關之南；北在壺關縣東南，所謂「夏桀之居，羊腸在北」，亦指此羊腸言。皇甫謐誤以夏居安邑，故謂羊腸在晉陽。

## 仍

①帝相之妃后緡方娠，逃於有仍而生少康。少康爲有仍牧正。（吳世家）

②桀爲有仍之會，有緡叛之。（楚世家）

【集解】賈逵曰：「有仍，國名。」（吳世家）

〔案〕左傳「仍叔」，穀梁作「任叔」。「任」、「仍」，古文通。任，太皞後，風姓，今



山東濟寧縣。

## 綸

少康奔有虞，有虞妻少康而邑之於綸。（吳世家）

【集解】賈逵曰：「綸，虞邑。」

〔案〕今河南虞城縣東南。

## 有緡

桀爲有仍之會，有緡叛之。（楚世家）

【集解】賈逵曰：「緡，國名。」

## 東緡

攻爰戚、東緡。（絳侯周勃世家）

【集解】徐廣曰：「屬山陽。」

【索隱】戶牖，東緡。音「昏」，是屬陳留者。屬山陽者音「旻」。

【正義】括地志云：「東緡故城，在兗州金鄉縣界。」

【案】今金鄉縣東北二十里。春秋僖二十三年：「齊侯伐宋，圍緡」，即夏有緡也。

## 鳴條

①桀走鳴條。（夏本紀）

②桀敗於有娥之虛，奔於鳴條。（殷本紀）

③湯敗桀於鳴條。（秦本紀）

【集解】孔安國曰：「地在安邑之西。」鄭玄曰：「南夷地名。」（夏本紀）

【正義】括地志云：「高涯原在蒲州安邑縣北三十里南坡口，即古鳴條陌也。鳴條戰地，在

安邑西。」（殷本紀）

【案】太平御覽八二引許慎淮南注：「鳴條在今陳留平邱。」尚書疏：「陳留平邱有鳴條亭

是也。」桀敗於有娥之虛，奔於鳴條，在此為合。又舊說昆吾、夏桀同以乙卯日亡。昆吾

宅舊許，亦與陳留平邱接壤。桀自此奔三鬲，則在定陶。

## 杞

①禹，姒姓，其後分封，有杞氏。（夏本紀）

②湯伐桀，封其後於杞。（留侯世家）

③周封夏後於杞。（夏本紀、樂書。）

④周武王克殷，求禹後，得東樓公，封于杞。（陳杞世家）

⑤孔子曰：「夏禮吾能言之，杞不足徵也。」（孔子世家）

⑥楚惠四十四，滅杞。杞，夏之後。（六國表、楚世家。）

【集解】宋忠曰：「杞，今陳留雍邱縣。」

【索隱】地理志云：「雍丘縣，故杞國，周武王封禹後爲東樓公」，是也。春秋時杞已遷東國，故左氏隱四年傳云：「莒人伐杞，取牟婁。」牟婁者，東邑也。僖十四年傳云：「杞遷緣陵。」地理志北海有營陵，淳于公之縣。臣瓚云：「即春秋緣陵。」又：州，國名。杞後改國號曰州而稱淳于公，故春秋桓五年經云：「州公如曹」，傳曰：「淳于公如曹」，是也。（陳杞世家）

【正義】括地志云：「汴州雍丘縣，古杞國城也。周武王封禹後，號東樓公也。」（夏本紀）

## 雍丘

①宋景三十一，鄭國宋，宋敗鄭於雍丘。（十二諸侯年表）

②韓景元，伐鄭，取雍丘。（六國表、鄭世家、韓世家。）

③秦攻魏雍丘、山陽城。（秦始皇本紀）

④項羽、沛公攻定陶未下，西略地至雍丘，大破秦軍，斬李由。還攻外黃。（項羽本紀、高祖本紀。）

⑤沛公、項羽斬三川守李由於雍丘。（秦楚之際月表）

⑥曹參取臨濟，南救雍丘，擊李由軍。

⑦參以中尉圍取雍丘。（曹相國世家）

〔案〕雍丘故城，今河南杞縣治。營陵故城，今山東昌樂縣東南。淳于故城，今安丘縣東北三十里。左襄二十九，晉人城杞之淳于，杞又遷都淳于是也。

## 有男氏

禹，姒姓，其後分封，以國爲姓，有男氏。（夏本紀）

【索隱】系本「男」作「南」。

〔案〕水經注引韓嬰詩序：「南在南陽、南郡之間。」逸書史記篇有有南氏。詩出車：「王

命南仲。」

## 彤城氏

禹後分封，以國爲姓，有彤城氏。（夏本紀）

【索隱】系本不云彤城。按：周有彤伯，蓋彤城氏之後。

## 彤

①魏惠二十一，與秦遇彤。（六國表、魏世家）

②秦孝二十四，商君反，死彤地。（六國表）

【索隱】形，地名。商君死形地。劉氏云：「阡陌道」，非也。

〔案〕尚書顧命：「乃同召形伯。」胡三省謂秦、魏會形，即形伯國，當在鄭縣界。舊志華縣西南有古形城。

〔又案〕商君傳：「殺之於鄭黽池。」徐廣曰：「『黽』，或作『彭』。」索隱引鹽鐵論：「商君困於彭池。」水經穀水注：「黽池，亦或謂之彭池。」「形地」必「彭池」之誤；亦如惠文後五年，誤書「戎地」為「戎池」也。鞅果死形，不須加「地」字。

## 褒

①禹後分封，以國爲姓，有褒氏。（夏本紀）

②幽王嬖愛褒姒。（周本紀）

③漢王之國，良送至褒中。（留侯世家）

【索隱】褒，國名，夏同姓，姓姒氏。（周本紀）系本不云褒。（夏本紀）

【正義】括地志云：「褒國故城在梁州褒城縣東二百步，古褒國也。」（周本紀）又云：「褒谷在梁州褒城縣北五十里南中山。號曰石牛道。蜀賦以石門在漢中之西、褒中之北是。」

（留侯世家）

〔案〕褒中故城，今陝西褒城縣東南。

## 褒斜道

①張湯言：「抵蜀從故道，多阪，回遠。穿褒斜道，少阪，近四百里；褒水通沔，斜水通渭。漕從南陽上沔入褒，褒之絕水至斜，間百餘里，以車轉，從斜下渭。如此，漢中穀可致。」

②褒斜材木竹箭之饒，擬於巴蜀。

③發數萬人作褒斜道五百餘里。道果便近，而水湍石，不可漕。（河渠書）

④巴蜀四塞，棧道千里，無所不通，惟褒斜綰轂其口。（貨殖傳）

【集解】韋昭曰：「褒中縣也。斜，谷名。」瓚曰：「褒，斜，二水名。」

【正義】括地志云：「斜水源出褒城縣西北九十里衙嶺山，與褒水同源而派流。」褒城即褒中縣也。（河渠書）

〔案〕褒斜道一名石牛道。斜谷在郿縣西南三十里，入谷口二百二十里抵鳳縣界；出連雲棧，復百五十里出谷，抵褒城；長四百七十里。谷口有關，曰斜谷關。

繒

①禹爲姒姓，其後分封，以國爲姓，有繒氏。（夏本紀）

②申侯與繒、西夷大戎攻幽王。（周本紀）

〔案〕左哀四：「楚人謀北方，致方城之外於繒闕。」此必繒之故國與申接壤。正義謂卽嶧縣之繒，則聲氣不相及矣。

繒

①魯哀七，會吳王於繒。（十二諸侯年表、孔子世家。）

②吳北敗齊師於艾陵。至繒，召魯哀公，徵百牢。（吳世家）

③靳歙略地東至繒、郟、下邳。（靳歙傳）

④胸、繒以北，俗則齊。（貨殖傳）

【集解】杜預曰：「琅邪繒縣。」（吳世家）

【正義】國語云：「繒，姒姓，夏禹後。」括地志云：「繒縣在沂州承縣，古侯國。」（周本）



〔紀〕地理志云：「緡縣屬東海郡也。」〔孔子世家〕

〔案〕今嶧縣東八十里。

## 冥氏

禹，姒姓，其後分封，以國爲姓，有冥氏。〔夏本紀〕

【正義】括地志云：「故鄆城在陝州河北縣東十里，虞邑也。杜預云：『河東太陽有鄆城』，是也。」〔楚世家〕

〔案〕左傳二：「荀息假道於虞，曰：『冀爲不道，入自顛軫，伐鄆三門。』」〔杜注：「鄆，虞邑。」〕括地志：「故鄆城在平陸縣東十里。」〔寰宇記：「在縣東北二十里。」〕今山西平陸縣東北二十里，此冥氏或是也。

## 殷

### ①殷契。

### ②契後分封有殷氏。〔殷本紀〕

③殷人都河內。（貨殖傳）

④殷紂之國，左孟門，右太行，常山在其北，大河經其南。（孫吳傳）

⑤武王使其弟管叔鮮、蔡叔度相祿父治殷。（周本紀）

⑥趙將司馬卬定河內，有功，立爲殷王，王河內，都朝歌。（項羽本紀、高祖本紀）

⑦王卬於殷。（自序）

⑧沛公以宛守爲殷侯。（高祖本紀）

【索隱】契始封商，其後裔盤庚遷殷，殷在鄴南，遂爲天下號。

【正義】括地志云：「相州安陽本盤庚所都，即北冢殷墟，南（北）去朝歌城百三十六里。

（案：股本紀正義作「百四十六里」，此據高祖本紀。）南去鄴四十里，西南三十里有洹水，南岸三里  
有安陽城，西有城名殷墟，所謂北冢者也。」今案：洹水在相州北四里，安陽城即相州外  
城。（股本紀）

## 殷虛

①項羽與章邯期殷虛。（秦楚之際月表）

②項羽與章邯期洹水南殷虛上。（項羽本紀）

【集解】駟案：應劭曰：「洹水在湯陰界。殷虛，故殷都也。」瓚曰：「洹水在今安陽縣北，去朝歌殷都一百五十里。然則此殷虛非朝歌也。汲冢古文曰：『盤庚遷於此』，汲冢曰：『殷虛南去鄴三十里』，是舊殷虛，然則朝歌非盤庚所遷者。」

【索隱】案：釋例云：「洹水出汲郡林慮縣，東北至長樂入清水」，是也。汲冢古文云：「盤庚自奄遷于北冢，曰殷虛，南去鄴州三十里」，是殷虛南舊地名號北冢也。（項羽本紀）  
〔案〕此即今安陽小屯發見商人龜甲骨片者。

## 北殷氏

契後分封有北殷氏。（殷本紀）

【索隱】北殷氏蓋秦寧公所伐亳主，湯之後也。

## 洹水

①項羽與期洹水南殷虛上。（項羽本紀）

②令天下將相會於洹水之上。（蘇秦傳）

〔案〕左成十七，聲伯夢涉洹水，自今山西長子流經河南林縣、安陽、內黃，入衛河。

## 商丘 商墟

①遷閼伯於商丘。（鄭世家）

②周公以殷餘民封康叔爲衛君，居河、淇間故商墟。（衛世家）

③河竭而商亡。（周本紀）

【集解】賈逵曰：「商邱在漳南。」（鄭世家）韋昭曰：「商人都衛，河水所經也。」（周本紀）

杜預曰：「商邱，宋地。」（鄭世家）

【索隱】宋忠云：「今定昌也。」（衛世家）

〔案〕「章」、「商」聲近，商即以漳得名，賈說是。後人皆知宋爲商丘，遂不知商之在漳矣。帝王世紀：「顓頊自窮桑徙商丘。」寰宇記：「濮州，顓頊遺墟，古曰帝丘，亦曰商丘。」紀年：「夏后相出居商丘。」左傳：「相奪予享。」蓋衛即處相故墟也。方輿紀要：「舊濮陽城東有商丘。」商墟即商丘也。

## 商

①契封於商。（殷本紀）

②孝公十一，城商塞。（六國表）

③秦封衛鞅爲列侯，號商君。（秦本紀、楚世家。）

④衛鞅既破魏，秦封之於商十五邑，號爲商君。（商君傳）

【集解】鄭玄曰：「商國在太華之陽。」皇甫謐曰：「今上洛商是也。」（殷本紀）徐廣曰：

「弘農商縣。」

【索隱】於、商，二縣名，在弘農。（商君傳）

【正義】括地志云：「商州東八十里。（秦本紀作「八十九里」。）商洛縣，本商邑，古之商國。」

（殷本紀）鞅所封也。（秦本紀）又：於商在鄧州內鄉縣東七里，古於邑。（商君傳）

【案】左文十，楚使子西爲商公。商洛故城，今陝西商縣東。商君封商，徐廣說是；索隱、

正義皆牽說南陽商於，恐非。謂契封於商在此，更不可信。

# 奄

周公東伐淮夷，殘奄。（周本紀）

【集解】鄭玄曰：「奄國在淮夷之北。」

【正義】兗州曲阜縣奄至，即奄國之地也。

【案】今本竹書紀年：「南庚自庇遷於奄。」尚書盤庚云：「盤庚涉河以民遷。」正義引汲冢古文：「盤庚自奄遷於殷。」殷在河北，則奄在河南可知。孟子：「周公相武王誅紂，伐奄，三年討其君。」尚書多士：「昔朕來自奄。」多方：「王來自奄，至於宗周。」知周初商國自殷外，猶以奄為要。左昭元：「周有徐、奄。」知奄當近徐，則在殷、徐之間。左昭九：「蒲姑、商奄，吾東土也。」又定四：「使之職事於魯，因商奄之民。」此皆商奄連文，疑奄即商之異名。左襄九：「陶唐氏之火正閼伯居商丘，相土因之。」蓋「奄」即「閼」之聲譌，則商奄即商宋，今歸德也。史記稱「盤庚渡河南，復居成湯之故居」，實則此乃南庚事；盤庚則重複自成湯故居渡河而北耳。漢藝文志：「禮古經出魯奄中。」此必伯禽封魯，多商奄遺民，故魯地亦有名奄者。許氏說文作「邲」，云：「周公

所誅邾國，在魯。「正義本之，殊不足守。鄭玄亦僅據淮夷、奄、連、文，約略推說。蓋奄之故土，許、鄭皆已不能確指，而鄭較近是。」

## 商阪

韓西有宜陽、商阪之塞。（蘇秦傳）

【索隱】劉氏云：「商阪之塞，蓋在商、洛之間，適秦、楚之險塞也。」

【正義】商阪即商山也，在商洛縣南一里，亦曰楚山，武關在焉。

〔案〕商山，今商縣東，丹水之南，路通武關。

## 商於

①商於、析、鄆、宋、胡之地。（越世家）

②故秦所分楚、商於之地方六百里。（楚世家）

③臣請獻商於之地六百里。（張儀傳、屈原傳）

【集解】商於之地在今順陽郡南鄉、丹水二縣，有商城在於中，故謂之商於。

【索隱】地理志丹水及商屬弘農，魏晉始分置順陽郡，商城、丹水俱隸之。（楚世家）又：商於屬南陽，楚之西南。（越世家）劉氏云：「商，今之商州，有古商城，其西二百餘里有古於城。」（張儀傳）

【正義】括地志云：「商洛縣則古商國城也。荊州圖副云：『鄧州內鄉縣東七里於村，即於中地也。』」括地志又云：「鄧州內鄉縣楚邑也。」（越世家）

〔案〕通典：「今內鄉縣東七里有於村，亦曰於中，即古商於地。」今淅川縣西。方輿紀要謂：「商即商州，自商州至內鄉六百里皆古商於地」，蓋得之。

## 於中

曲沃、於中，以至無假之關者三千七百里。（越世家）

〔案〕曲沃在陝。「曲沃、於中」猶云「自曲沃以迄於中」，即猶云「商於」也。自此再折而東，以至無假之關。

## 商顏



穿渠，自徵引洛水至商顏下。爲井渠以絕商顏。（河渠書）

【集解】或曰商顏，山名。

〔案〕今陝西大荔縣北十里，接朝邑縣界，有商原，即古商顏。

## 有城

①契母簡狄，有城氏之女。（殷本紀）

②殷之興也以有城。（外戚世家）

③桀敗於有城之虛，奔鳴條。（殷本紀）

【集解】駟案：淮南子曰：「有城在不周之北。」（殷本紀）

【索隱】有城，國名。（外戚世家）

【正義】案：「記云：『桀敗於有城之墟』，有城當在蒲州。」（殷本紀）

〔案〕有城，說在「高辛」條。「桀敗於有城之墟」，與下文「湯伐三畧」在曹州濟陰縣古定陶，地亦相接。正義誤說鳴條，故曰有城在蒲州。

## 子氏

契封於商，賜姓子氏。（殷本紀）

【正義】括地志云：「故子城在渭州華城縣東北八十里，蓋子姓之別邑。」

〔案〕商之先世，恐不在西土。

## 亳

①自契至湯八遷，始居亳。

②湯居亳，從先王居。（殷本紀）

③擊秦軍，出亳南。破河間守軍於杠里。（樊鄴滕灌傳）

【集解】孔安國曰：「契父帝嚳都亳，湯自商邱遷焉。」皇甫謐曰：「梁國穀熟爲南亳，即

湯都也。」

【正義】括地志云：「宋州穀熟縣西南三十五里（樊鄴滕灌傳注作「四十里」，貨殖傳注作「四十五里」）。」

南亳故城，即湯都也。宋州北五十里大蒙城爲景亳，湯所盟地，因景山爲名。」湯即位，

都南亳，後徙西亳。括地志云：「亳邑故城在洛州偃師縣西十四里，本帝嚳之墟，商湯之都，盤庚亦徙都之。」（殷本紀）

〔案〕南亳城，今商邱縣西南。景亳亦作「薄」，今商邱縣西北。孟子云：「湯居亳，與葛鄰。」皇甫謐云：「寧陵葛鄉去湯地七十里。」若湯居偃師，則去寧陵八百餘里。又孟子曰：「伊尹放太甲於桐。」桐在今虞城縣，去偃師亦八百餘里。湯亳仍屬穀熟方近。

## 亳

既葬伊尹於亳。（殷本紀）

〔集解〕駟案：皇覽曰：「伊尹冢在濟陰己氏平利鄉，亳近己氏。」

〔正義〕括地志云：「伊尹墓在洛州偃師縣西北八里。又云宋州楚邱縣西北十五里有伊尹墓，恐非也。」

〔案〕己氏即楚邱，今曹縣東南，與虞城、商邱接界。

## 亳

①商湯有景亳之命。（楚世家）

②堯作游成陽，舜漁於雷澤，湯止於亳。其俗猶有先王遺風。（貨殖傳）

③公子禦說奔亳。（宋世家）

④亳人薄忌。（孝武本紀）

【集解】服虔曰：「亳，宋邑。」杜預曰：「蒙縣西北有亳城也。」（宋世家）徐廣曰：「今

梁國薄縣。」（貨殖傳）

【索隱】亳，山陽縣名。（孝武本紀）

【案】此即北亳，又謂蒙薄是也。

## 亳

①盤庚涉河南，治亳。（殷本紀）

②擊秦軍亳南、開封東北。（靳歙傳）

【集解】鄭玄曰：「治於亳之殷地，商家自此徙，而改號曰殷亳。」皇甫謐曰：「今偃師是也。」（殷本紀）

〔案〕史文謂：「盤庚之時，殷已都河北，盤庚渡河南，復居成湯之故居。」今據竹書，則盤庚已居洹水南殷墟，未渡河南；成湯亦未都偃師。至謂契父帝嚳已都偃師之亳，更無據。尚書：「三亳阪尹。」偃師乃周初以處殷頑，因亦有亳名；而後人乃由此誤說。

## 亳

①作事必於東南，收功實者常於西北。禹興於西羌，湯起於亳，周以豐、鎬，秦用雍州，漢興自蜀、漢。（六國表序）

②秦寧公遣兵伐蕩社。與亳戰，亳王奔戎，遂滅蕩社。（秦本紀）

【集解】徐廣曰：「京兆杜縣有亳亭。」皇甫謐云：「亳王號湯，西夷之國也。」（秦本紀）  
〔案〕今長安縣西南。湯亳疑不在此。

## 蕩社 蕩氏

①秦寧公二年，遣兵伐蕩社。三年，與亳戰，亳王奔戎，遂滅蕩社。

②十二年，伐蕩氏，取之。（秦本紀）

【集解】徐廣曰：「『蕩』，音『湯』。『社』，一作『杜』。」

【索隱】西戎之君號曰亳王，蓋成湯之胤。其邑曰蕩社。徐廣云一作「湯杜」，言湯邑在杜縣之界，故曰湯杜也。

【正義】括地志云：「雍州三原縣有湯陵。又有湯臺，在始平縣西北八里。」按：其國蓋在三原始平之界矣。

【案】左襄二十四：「范宣子曰：『勾之祖，自虞以上為陶唐氏，在夏為御龍氏，在商為豕韋氏，在周為唐杜氏。』疑此蕩杜即唐杜。「湯」亦「唐」也。武帝作建章宮，其西有唐中池數十里。湯、唐之在關中，蓋跨渭南北均有之。

## 社亳

於社亳有三社主之祠。（封禪書）

【集解】韋昭曰：「湯所都。」瓚曰：「濟陰薄縣是。」

【索隱】徐廣曰：「京兆杜縣有亳亭，則『社』字誤，合作『杜亳』。」案：秦寧公與亳王戰，亳王奔戎，遂滅湯社。皇甫謐亦云：「周桓王時自有亳王號湯，非殷也。」案：謂

杜、亳二邑有三社主之祠也。

〔案〕封禪書：「杜主，故周之右將軍，其在秦中，最小鬼之神者。」

## 杜

①秦武公初縣杜、鄠。（秦本紀）

②六公子戮死於杜。（秦始皇本紀）

③十公主砒死於杜。（李斯傳）

④夏太后獨別葬杜東。（呂不韋傳）

⑤二世葬杜南宜春苑中。（秦始皇本紀）

⑥漢王從杜南入蝕中。（高祖本紀）

⑦張湯，杜人。（酷吏傳）

⑧安陵、杜杜氏。（貨殖傳）

⑨蘇建，杜陵人。（衛霍傳）

【集解】駟案：地理志京兆有杜縣。（秦本紀）

【索隱】地理志杜陵，故杜伯國，有杜主祠。（封禪書）

【正義】括地志云：「下杜故城在雍州長安縣東南九里。（秦本紀）杜祠，長安縣西南二十五

里。（封禪書）杜陵故城萬年縣東南十五里。漢杜陵縣，漢宣帝陵邑也，北去宣帝陵五里。

廟記云故杜伯國。」（高祖本紀）夏太后陵在萬年縣東南三十五里。（呂不韋傳）

〔案〕杜縣故城，今長安縣東南。下杜城在故杜縣西。宣帝紀：「曾孫尤樂杜、鄠之間，率常在下杜」，是也。正義以「秦武公初縣杜、鄠」為下杜，恐非。

## 杜平

①秦孝七，與魏惠王會杜平。（秦本紀、六國表、魏世家。）

②灌嬰食杜平鄉。（灌嬰傳）

【正義】在同州澄城縣界。（秦本紀）

## 杜陽

封小令尹以杜陽。（樗里甘茂傳）



【索隱】杜陽，秦之地。

〔案〕杜陽無考。杜平、杜郵皆在渭北，則渭北有湯陵、湯臺，（正義說，見前。）又多名「杜」之地，疑此皆殷人移殖之迹，皆唐杜氏也。

## 杜衍

杜周，南陽杜衍人。（酷吏傳）

【索隱】地名也。

〔案〕今南陽縣西南二十三里。

## 葛

①湯始伐葛。（殷本紀）

②桓公內寵葛嬴生昭公。（齊世家）

【集解】地理志曰：「葛，今梁國寧陵之葛鄉。」（殷本紀）

〔案〕今河南寧陵縣北。水經派水注：「戰國屬魏，以封信陵君。」

## 葛

孝成王十九，趙與燕易士，燕以葛、武陽、平舒與趙。（趙世家）

【集解】徐廣曰：「葛城在高陽。」

【正義】括地志云：「故葛城又名西河城，在瀛州高陽縣西北五十里。」

【案】今河北安新縣治。

## 葛

齊宣四十四，伐魯、葛及安陵。（田齊世家）

【正義】長葛故城在許州長葛縣北十二里，鄭之葛邑也。

【案】六國表作「伐魯、莒及安陽」。正義以魯城在許昌，遂并以河南境地說之，在今長葛縣北，非魯境，正義殆非也。

## 信陵

①魏公子信陵君。

②魏亦復以信陵奉公子。（信陵君傳）

【索隱】地理志無信陵，或曰是鄉邑名。

〔案〕據水經注，即寧陵葛鄉。

## 昆吾

①陸終生子六人，一曰昆吾。

②昆吾，夏時嘗爲侯伯，桀之時湯滅之。（楚世家）

③昔之傳天數者，高辛之前，重、黎；於唐、虞，羲、和；有夏，昆吾；殷商，巫咸；周室，史佚、萇弘。（天官書）

④夏桀荒淫，諸侯昆吾氏爲亂。（殷本紀）

【集解】虞翻曰：「昆吾名樊，己姓，討昆吾。」世本曰：「昆吾者，衛是也。」（楚世家）  
（天官書正義同。）

【索隱】宋忠曰：「昆吾，國名，己姓所出。」左傳曰：「衛侯夢見披髮登昆吾之觀。」今

濮陽城中有昆吾臺是。

【正義】括地志云：「濮陽縣，古昆吾國也。昆吾故城在縣西三十里，臺在縣西百步，即昆吾墟也。」（楚世家）

〔案〕濮陽，今濮陽縣西南。

## 昆吾

皇祖昆吾舊許是宅。（楚世家）

〔案〕許國，今許昌縣西南。

## 三爨

湯伐三爨。（殷本紀）

【集解】孔安國曰：「三爨，國名，今定陶也。」

【正義】括地志云：「曹州濟陰縣即古定陶也，東有三爨亭是也。」

〔案〕當在今曹縣西南。

## 三巖

陵三巖之危。（司馬相如傳）

【集解】漢書音義曰：「三巖，三成之山。」

## 泰卷

湯歸至於泰卷陶。（殷本紀）

【索隱】鄒誕生「卷」作「餉」，又作「洞」，則「卷」當爲「垆」，與尙書同。其下「陶」字是衍耳。解尙書者以大垆今定陶是也，舊本或傍記其地名，後人轉寫，遂衍斯字。

## 南巢

成湯有南巢之伐，以殄夏亂。（律書）

【正義】南巢，今廬州巢縣。淮南子云：「湯伐桀，放之歷山，與末喜同舟浮江，奔南巢之山而死。」按：巢即山名，古巢伯之國。云南巢者，在中國之南也。

〔索〕古人下「東」、「西」、「南」、「北」字，不當以後人目光繩之。此云南巢，即廬州巢縣是也。司馬貞疑曰：「南巢，其國蓋遠。謂巢伯來朝，乃居之淮南楚地。」曲說無據。

## 巢 居巢 居鄴

①吳諸樊十三，伐楚，迫巢門，傷射以薨。（十二諸侯年表）

②平王十，太子建母在居巢，開吳。吳攻楚，滅鍾離、居巢。（楚世家）

③王僚八，公子光敗楚師，迎楚故太子建母於居巢以歸。（吳世家）

④王僚九，拔楚居巢、鍾離。（吳世家、伍子胥傳）

⑤闔廬六，敗楚豫章，取楚之居巢。（十二諸侯年表、吳世家、伍子胥傳）

⑥惠王二，子西召故平王太子建之子勝於吳，以爲巢大夫，號曰白公。（楚世家）

⑦居鄴人范增。（項羽本紀）

【索隱】地理志居巢屬廬江。（吳世家）楚縣也。古國。桀奔南巢，其國蓋遠。尚書序「巢伯來朝」，蓋因居之淮南楚地。（伍子胥傳）又：「荀悅漢紀：「范增，阜陵人。」（項羽本紀）

【正義】廬州巢縣是也。（楚世家）

〔案〕春秋文十二：「楚人圍巢。」昭二十四：「吳滅巢。」今安徽巢縣東北五里。白公勝不居巢，特以巢為封號。

## 桐宮

①伊尹放太甲於桐宮。（殷本紀）

②太甲居桐。（自序）

【正義】晉太康地記云：「尸鄉南有亳坂，東有城，太甲所放處也。按：尸鄉在洛州偃師縣西南五里也。（殷本紀）

〔案〕左哀二十六，宋北門曰桐門。因虞城南五里有桐邑，門以所向之邑名。（郡國志）「虞有空桐地，有桐地，有桐亭」，是也。太甲桐宮在此。

## 傲

帝仲丁遷于傲。（殷本紀）

【集解】皇甫謐曰：「或云河南敖倉是。」

【索隱】「敖」，亦作「囂」，並音「敖」。

【正義】括地志云：「滎陽故城在鄭州滎澤縣西南十七里，殷時敖地也。」

【案】敖山在河南舊滎澤縣西北河陰廢縣境內。字亦作「囂」。左宣十二：「晉師在敖、郛之間。」

## 敖倉

①田臧令諸將守滎陽城，自以精兵西迎秦軍於敖倉。（陳涉世家）

②漢軍滎陽，南築甬道屬之河，以取敖倉粟。（項羽本紀、高祖本紀。）

③據敖倉之粟，塞成臯之口。（酈布傳、酈食其傳。）

④敖倉，天下轉輸久，其下乃有藏粟甚多。（酈食其傳）

⑤疾西據雒陽武庫，食敖倉粟。（吳王濞傳）

【集解】瓚曰：「敖，地名，在滎陽西北山，臨河有太倉。」（項羽本紀）

【索隱】案：太康地記云：「秦建敖倉於成臯。又立庾，故亦云『敖庾』也。」（酈布傳）



## 相

【正義】孟康云：「敖，地名，在滎陽西北，山上臨河有大倉。」（高祖本紀）括地志云：「敖倉在鄭州滎陽縣西（酈食其傳「西」作「四」。）十五里，縣（當依酈食其傳作「石」。）門之東，北臨汴水，南帶三皇山。秦時置倉于敖山上，故名敖倉云。」（項羽本紀）

河亶甲居相。（殷本紀）

【集解】孔安國曰：「地名，在河北。」

【正義】括地志云：「故殷城在相州內黃縣東南十三里，即河亶甲所築都之，故名殷城也。」

【案】內黃在古河東，非河北，則正義說誤也。通典：「相州治安陽縣，河亶甲居相，即其地。」此在今安陽縣南。又相縣故城，今安陽縣西，帝王世紀謂「亶甲城在安陽西北五里洹水南岸」是也。此二說實近。要之，河亶甲居相，當在今安陽西南，與盤庚以下殷墟為近。

## 相

①魏攻留、方與、銓、湖陵、碭、蕭、相，故宋必盡。（春申君傳）

②章邯定楚地，屠相，至碭。（高祖本紀）

③還定竹邑、相、蕭、留。（曹相國世家）

④降留、薛、沛、鄼、蕭、相。（灌嬰傳）

【索隱】韋昭云：「相，沛縣。」

【正義】括地志云：「故相城在徐州符離縣西北九十里。及輿地志云：『宋共公自睢陽徙相

子城，又還睢陽。』」（曹相國世家）

【案】今宿縣西北。元和志：「蓋相土舊都。」

## 邢

祖乙遷於邢。（殷本紀）

【索隱】「邢」音「耿」。近代本亦作「耿」。今河東皮氏縣有耿鄉。

【正義】括地志云：「絳州龍門縣東南十二里耿城，故耿國也。」

【案】水經注：「汾水西逕耿鄉城北，故殷都也。祖乙自相徙此。」索隱、正義皆本為說。

## 邢

今河津縣南十二里有古耿城是也。疑殷都不遠遷及此。祖乙所都，當在河內平皋邢丘。水經沁水注：「朱溝逕懷城南，又東逕殷城北。郭緣生述征記曰：『懷縣有殷城，或謂楚漢之際，殷王印治之』，非也。紀年云：『秦師伐鄭，次於懷，城殷』，即是城也。然則殷之為名久矣。竊疑殷城之名，即起祖乙耳。

①衛人迎桓公弟晉於邢而立之。（衛世家）

②申公巫臣奔晉，以為邢大夫。（十二諸侯年表、晉世家。）

【集解】賈逵曰：「邢，周公之胤，姬姓國。」（衛世家）又曰：「邢，晉邑。」（晉世家）

【案】左隱四：「衛人逆公子晉於邢。」左隱五：「曲沃以鄭人、邢人伐翼。」舊說以河北邢臺說之，既與衛、鄭皆遠，更不能及晉。宣十五：「晉敗赤狄於曲梁，始滅潞。」其前河北之邢臺，何緣與山西曲沃晉翼相通？然則狄滅邢，殆亦河內之邢矣。郡國志：「河內平皋有邢丘，故邢國。周公子所封。」周公之胤，凡蔣、邢、茅、胙，封地皆近。及邢國既遷，其故地乃稱邢邱。宣六：「赤狄圍邢邱。」襄八：「晉會諸侯邢邱。」昭五：「

子產相鄭，會晉邢邱。」皆是也。邢遷於夷儀，郡國志：「東郡聊城有夷儀聚。」故城今聊城縣西南十二里。齊師、宋師、曹師次於聶北以救邢，聶即攝城。左昭二十：「晏子曰：『聊、攝以東。』」注：「聊、攝，齊西界。」今博平縣西。又河北清豐縣東北有故聶城，地亦相當。邢之所遷，與衛正近，故衛復滅之。其後地入晉。左定九：「齊伐晉夷儀，晉車千乘在中牟」，是也。齊桓公築五鹿、中牟，鄴以衛諸夏，若邢遷夷儀在邢臺，是尚遠在五鹿、中牟、鄴北，何衛之及？應劭謂：「邢侯自襄國徙平皋，即夷儀」，亦失之。巫臣封邢大夫，不知是邢丘抑夷儀？

## 邢丘

①伐魏，拔懷。後二歲，拔邢邱。（范曄傳）

②昭襄四十一，攻魏，取邢丘、懷。（秦本紀。案：六國表作「廩丘」，魏世家作「鄆丘」。）

③舉河內，拔燕、酸棗、虛、桃，入邢。（春申君傳）

④秦固有懷、茅、邢丘。（魏世家）

⑤秦嘗攻韓，圍邢丘、上黨。（白起傳）

⑥韓昭六，伐東周，取陵觀，邢丘。（韓世家。案：六國表作「廩丘」。）

【集解】徐廣曰：「邢丘在平皋。」駟案：韓詩外傳武王伐紂，到于邢丘，勒兵於寧，更名邢丘曰懷，寧曰修武。

【正義】括地志：「平皋故城本邢丘邑，漢置平皋縣，在懷州武德縣（白起王翦列傳作「武陵縣」，乃字譌。）東南二十里。」（秦本紀）以其在河之臬地也。（魏世家）

〔案〕平皋故城，今溫縣東。春秋晉邢丘，左宣六：「赤狄伐晉，圍邢丘」，是也。武德，今武陟縣東南。

〔又案〕魏世家：「秦拔魏懷」，在安釐九；「拔邢丘」，在安釐十一。又無忌謂魏王曰：「秦固有懷、茅、邢丘。」則懷與邢丘非一。

## 傳險

①傅說爲胥靡，築於傳險。

②武丁得傅說於傳險中。（殷本紀）

③傅說匿於傳險。（游俠傳）

【集解】徐廣曰：「尸子云傅巖在北海之洲。」孔安國曰：「傅氏之巖在虞、虢之界，通道所經，有澗水壤道，常使胥靡刑人築護此道。」

【正義】（括地）志云：「傅險即傳說版築之處，在今陝州河北縣北七里，即虞國、虢國之界。又有傳說祠。」注水經云：『沙澗水北（出）虞山，（東）南經傅巖，傳說隱室前，俗名聖人窟。』」（殷本紀）

〔案〕今山西平陸縣東二十五里。

## 朝歌

①紂爲朝歌北鄙之音。（樂書）

②齊莊四，伐晉，取朝歌。（十二諸侯年表）

③齊莊以兵隨欒盈，上太行，入孟門。欒盈敗，齊兵還，取朝歌。（齊世家、晉世家。）

④范、中行走朝歌。（晉世家、趙世家。）

⑤晉趙鞅圍范、中行於朝歌。（燕世家、趙世家。）

⑥邑號朝歌，墨子迴車。（鄒陽傳）

⑦魏文侯太子擊逢田子方於朝歌。（魏世家）

⑧秦始皇六，拔魏朝歌。衛從濮陽徙野王。（六國表、魏世家）

⑨司馬卬爲殷王，王河內，都朝歌。（項羽本紀、高祖本紀）

【集解】賈逵曰：「晉邑。」（齊世家）

【正義】朝歌在衛州東北七十三里，本妹邑。（周本紀）

〔案〕今淇縣東北；古商都沫邑，入周爲衛國。

## 沙丘

①紂廣沙丘苑臺。（殷本紀）

②李兌囚主父於沙邱。（范雎傳）

③武靈王餓死沙丘宮。（趙世家、樂毅傳）

④齊之北地去沙邱，鉅鹿斂三百里。（趙世家）

⑤溫、軹地薄人眾，猶有沙丘紂淫地餘民。（貨殖傳）

⑥始皇至沙丘崩。（封禪書、李斯傳）

⑦始皇崩於沙丘平臺。(秦始皇本紀)

【集解】駢案：爾雅曰：「池邐，沙丘也。」地理志曰：「在鉅鹿東北七十里。」

【正義】括地志云：「沙丘臺在邢州平鄉東北二十里。」(范曄纂澤傳、封禪書作「三十里」，始皇本紀

又作「四十里」。) 竹書紀年云：『自盤庚徙殷，至紂之滅，七百七十三年，更不徙都。』紂時

稍大其邑，南距朝歌，北據邯鄲及沙丘，皆爲離宮別館。』(殷本紀)

〔案〕今河北平鄉縣東北。

## 牧野

①武王至於商郊牧野。(周本紀)

②伐紂，至牧野。(魯世家)

③紂發兵距周牧野。(殷本紀)

④武王制紂於牧野。(蘇秦傳)

⑤汝獨未聞牧野之語乎？(樂書)

【集解】鄭玄曰：「牧野，紂南郊地名也。」(殷本紀)



【正義】括地志云：「衛州城，故老云周武王伐紂至于商郊牧野，乃築此城。酈元注水經云：『自朝歌南至清水，土地平行，據皋跨澤，悉牧野也。』」（周本紀）又：今衛州所理汲縣，即牧野之地。（樂書）

〔案〕牧野，今淇縣南。說文作「母」。

## 鹿臺

①紂厚稅以實鹿臺之錢。

②紂兵敗走，入鹿臺。（殷本紀）

【集解】瓚曰：「鹿臺，臺名，今在朝歌城中」徐廣曰：「『鹿』，一作『麋』。」

【正義】括地志云：「鹿臺在衛縣西南二十二里。」

## 鉅橋

紂盈鉅橋之粟。（殷本紀）

【正義】服虔曰：「鉅橋，倉名。許慎曰：『鉅鹿水之大橋，有漕粟也。』」

〔案〕今濰縣西五十里有鉅橋鄉。

## 孟門

①上太行，入孟門。（齊世家）

②殷紂之國，左孟門，右太行。（吳起傳）

【集解】賈逵曰：「孟門、太行皆晉山隘也。」

【索隱】孟門山在朝歌東北。（齊世家）又：劉氏按：「紂都朝歌，今孟山在其西。今言左，則東邊別有孟門也。」（吳起傳）

〔案〕左襄二十三：「取朝歌，入孟門，登太行」，則孟門明在朝歌西。或疑即白陘，為太行第三陘；今輝縣西。

## 九侯

紂以西伯昌、九侯、鄂侯爲三公。（殷本紀、魯仲連傳。）

【集解】徐廣曰：「一作『鬼侯』。鄴縣有九侯城。」

【索隱】「九」，鄒誕生音「仇」。

【正義】括地志云：「相州滏陽縣西南五十里有九侯城，亦名鬼侯城，蓋殷時九侯城也。」

（殷本紀）

【案】司馬彪曰：「鄴西有九侯城。」當在今臨漳縣西。

## 邶

文王伐邶。（周本紀）

【集解】徐廣曰：「邶城在野王縣西北，音『于』。」

【正義】括地志云：「故邶城在懷州河內縣西北二十七里，古邶國城也。左傳云：『邶、

晉、應、韓，武之穆也。』」

【案】邶故城，今為邶臺鎮，在沁陽縣西北三十里。

## 汙水

項羽擊秦兵汙水上。（項羽本紀）

【集解】徐廣曰：「在鄴西。」

【索隱】郡國志鄴縣有汙城。酈元云：「汙水出武安山東南，經汙城北入漳。」

【正義】括地志云：「汙水源出懷州河內縣北太行山。」

〔案〕今臨漳縣西。

## 羗里

①紂囚西伯羗里。（殷本紀、周本紀、齊世家、魯仲連傳。）

②西伯拘羗里。（自序）

【集解】駟案：地理志曰：河內湯陰有羗里城。

【正義】羗城在相州湯陰縣北九里。（殷本紀）

〔案〕今湯陰縣北；亦名羗里。

## 玁 狁 耆

①西伯伐玁國。（殷本紀）

②西伯昌修德滅隗。（宋世家）

③明年，敗耆國。（周本紀）

【集解】徐廣曰：「『飢』，一作『隗』，又作『耆』。」（殷本紀）

【索隱】耆，即黎也。鄒誕生云：「本或作『耆』，音『黎』。」孔安國云：「黎在上黨東北，即今之黎亭。」（宋世家）

【正義】括地志云：「故黎城，黎侯國也，在潞州黎城縣東北十八里。」（周本紀）

【案】左宣十五，潞鄆舒奔黎氏地，晉滅潞，立黎侯而還。杜注：「上黨壺關縣有黎亭。」

漢志上黨壺關縣，應劭曰：「黎侯國也，今黎亭是。」續志：「壺關有黎亭，故黎國。」

劉昭曰：「文王戡黎即此。」今長治縣西南。又上黨記：「潞縣東北八十里，有黎城。」

括地志：「黎國在黎城縣東北十八里。」今黎城縣，與長治相去幾二百里。寰宇記以黎城為晉滅潞所立，或是也。

## 九黎

①少皞之衰也，九黎亂德。

②其後三苗服九黎之德。（曆書）

【集解】駟案：漢書音義曰：「少皞時諸作亂者。」

## 黎山

紂爲黎山之會，東夷叛之。（楚世家）

【集解】服虔曰：「黎，東夷國名也，子姓。」

〔案〕漢志魏郡黎陽，晉灼曰：「黎山在其南。」臣瓚曰：「今黎陽縣山臨河，乃大伾也。」

（此誤，辨詳「大邳」。）今河南濬縣東南二十里。自此以東，古東夷地；自此以西，蓋古苗疆也。

## 邶

歌邶、鄘、衛。（吳世家）

〔案〕鄭氏詩箋：「周初自紂朝歌而北爲邶國。」今湯陰縣東南三十里有邶城鎮。

## 鄆

歌邶、鄆、衛。（吳世家）

〔案〕通典：「鄆城在新鄉縣西南三十二里。」今汲縣東南。

## 來氏

契後分封，有來氏。（殷本紀）

〔案〕左襄十四：「齊人以邾寄衛侯。」玉篇：「梁陽東邾城，齊滅之。」或此來氏即邾。

## 箕

箕子。（宋世家）

【集解】馬融曰：「箕，國名也。」

【索隱】杜預云：「梁國蒙縣有箕子冢。」

〔案〕今山西榆社縣南三十里，有故箕城；又潞城縣東有微子城；昔人疑為箕、微二國封

地，蓋近是。

## 比干墓

武王命閔天封比干之墓。（周本紀）

【正義】括地志云：「比干墓在衛州汲縣北十里二百五十步。」

〔案〕北魏書：「太和十八年，自鄴南巡，過比干墓。」今汲縣北。

## 稚氏

契後分封，有稚氏。（殷本紀）

【索隱】案：系本子姓無稚氏。

## 目夷氏

契後分封，有目夷氏。（殷本紀）



## 卷七 周地名

### 周

① 太王 亶父 亡走岐下，豳人悉從呂焉，作周。（匈奴傳）

② 文王改制，爰周 邳隆。（司馬相如傳）

【正義】因太王所居周原，因號曰周。地理志云：「右扶風（美陽）縣，岐山（在）西北中水鄉，周太王所邑。」括地志云：「故周城一名美陽城，在雍州武功縣西北二十五里，即太王城也。」（周本紀）

〔案〕就岐山地望言之，則岐周在咸陽渭北，不在武功。

### 周

①武王至于周。

②營周居於雒邑。（周本紀）

③成王朝步自周，至豐。（魯世家）

【集解】馬融曰：「周，鎬京也。」（魯世家）

【正義】周，鎬京也。（周本紀）

〔案〕周本紀下云：「『我南望三塗，北望嶽鄙，顧唐有河，粵唐雒、伊，毋遠天室。』營周居於雒邑而後去。」然後曰：「縱馬於華山之陽，牧牛於桃林之虛。」則武王至周，明非鎬京；蓋即指成周。馬融說「成王朝步自周」為鎬京，則得之。

## 周

①周人都河南。（貨殖傳）

②封虞仲於周北故夏虛。

③晉獻公滅周北虞公。（吳世家）

④群臣皆山東人，爭言不如都周。（劉敬傳）

〔案〕此河南之周。

## 周

歌秦。曰：「此之謂夏聲。其周之舊乎？」（吳世家）

〔案〕此陝西之周。

## 周

周公旦。（魯世家）

【集解】譙周曰：「以太王所居周地爲其采邑，故謂周公。」

【索隱】周，地名，在岐山之陽，本太王所居，後以爲周公之采邑，故曰周公。即今扶風雍東北故周城也。

〔案〕郡國志：「美陽有周城。」水經注：「岐水屈逕周城南，城在岐山之陽。又歷周原下，北則中水鄉成周聚，故曰有周也。」其地今岐山縣東北。又有召亭，在今岐山縣西南。此必西周盛世，周、召二公采地所在，因以得名；然未必即周公始封。至岐山之名，則又因

周名而增飾也。

## 宗周

成王自奄歸，在宗周。（周本紀）

【正義】鎬京也。

## 成周

①周公營成周雒邑。（魯世家、劉敬傳。）

②武庚祿父作亂，欲攻成周。（衛世家）

③周公病，將沒，曰：「必葬我成周，以明吾不敢離成王。」周公既卒，成王亦讓，葬周公於畢，從文王，以明不敢臣周公。（魯世家）

④晉文公入襄王成周。（鄭世家）

【索隱】成周，洛陽。（衛世家）

## 東西周

①及周之衰，分而爲兩。（劉敬傳）

②趙成侯八，與韓分周以爲兩。（趙世家）

③王赧時東、西周分治。（周本紀）

④我下軹，道南陽，封冀，包兩周。（蘇秦傳）

⑤秦莊襄王滅東、西周。（周本紀）

【集解】徐廣曰：「周比亡之時，凡七縣，河南、洛陽、穀城、平陰、偃師、鞏、緱氏。」

【索隱】西周，河南也。東周，鞏也。王赧微弱，西周與東周分主政理，各居一都，故曰東、西周。案：高誘曰：「西周王城，今河南。東周成周，故洛陽之地。」（周本紀）

【正義】公羊傳云：「東周者何？成周也。西周者何？王城也。」按：周自平王東遷，以下十二王皆都王城，至敬王乃遷都成周，王赧又居王城也。（劉敬傳）兩周，王城及鞏。（蘇秦傳）

【案】河南、洛陽，漢二縣名，東西相距四十里。河南，古邲郛地，是為王城。洛陽，古成

周城，是為下都。蓋武王克商，定鼎於郊鄩。至成王卜澗水東、澗水西，而宅洛邑，王城是也；又於澗水東卜之，亦吉，遷殷頑民居之，則下都是也。平王東遷，居王城。至敬王與子朝爭立，出奔，晉定公使魏舒率諸侯之大夫會於狄泉，城成周居王。時子朝在王城，故荏弘云：「西王天棄之，東王必大克。」蓋以成周在王城東故也。成周本王城、下都之總號，至是以下都為成周，以別於王城焉。敬王既遷成周，而王城其後遂名河南。至考王，封其弟桓公於河南，以續周公之官職。至孫惠公，乃封少子於鞏，號東周惠公；蓋以鞏別於河南而為東、西也。其後鞏入於韓，遂以雒陽與河南為東、西周。王赧立，東、西周分理，又徙都西周，則舊王城，即河南也。平王以前，以雒邑與豐鎬為東、西，故雒邑稱東都，亦稱王城；敬王以下，以洛陽與河南分東、西，故洛陽稱下都，又稱成周；考王以下，則王城為西周，而鞏與雒陽為東周。高誘、司馬貞各得其一，而剖之未晰也。

## 西周

### ①王赧徙都西周。（周本紀）

### ②西周之地，絕長補短，不過百里。名為天下共主。（楚世家）

③魏昭十二，與秦王會西周。（六國表、魏世家）

【正義】即王城也。今河南郡城也。（魏世家）西周武公居焉。（周本紀）

## 東周

①東周惠公。（周本紀）

②韓昭六，伐東周。（韓世家）

③蘇秦，東周雒陽人。

④臣棄老母於東周。

⑤周人之俗，治產業，力工商，逐什二以爲務。（蘇秦傳）

⑥周人以商賈爲資，而劇孟以任俠顯。（游俠傳）

⑦周人織。（貨殖傳）

⑧過雒陽，聞周人愛老人。（扁鵲傳）

【索隱】考王封其弟于河南，爲桓公。卒，子威公立。卒，子惠公立。長子曰西周公。又封少子於鞏，仍襲父號曰東周惠公。於是有東、西二周也。按：世本：「西周桓公名揭，居河」

南；東周惠公名班，居洛陽」，是也。（周本紀。案：據史記，東周惠公封鞏，其時周王尙居洛陽；至王赧乃遷西周。世本以東周公居洛陽，誤。）

【正義】河南鞏縣。（韓世家）又：敬王以子朝之亂從王城東遷雒陽故城，乃號東周，以王城爲西周。（蘇秦傳）又：郭緣生述征記：「鞏縣，周地，鞏伯邑。史記周顯王二年，西周惠公封少子班於鞏，爲東周惠公也。子武公，爲秦所滅。」（周本紀）  
〔案〕惠公封鞏，與河南桓公爲東、西周公。其後王赧遷河南西周，而雒陽亦爲東周公地，故亦名東周。

## 周南

①爲歌周南、召南。（吳世家）

②太史公留滯周南。（自序）

【集解】徐廣曰：「摯虞曰：古之周南，今之洛陽。」

【索隱】張晏曰：「自陝以東，皆周南之地也。」（自序）



## 周

漢求周苗裔，封號周子南君。（周本紀）

【正義】括地志云：「周承休城一名梁雀塢，在汝州梁縣東北二十六里。」

〔索〕承休故城，今河南臨汝縣東。

## 郃

①舜封棄於郃。（周本紀）

②周興而邑郃，立后稷之祠。（封禪書）

③周之先自后稷，堯封之郃。（劉敞傳）

【集解】徐廣曰：「今釐鄉在扶風。」

【正義】括地志云：「故釐城一名武功城，在雍州（武功）縣西南二十二里，（劉敞傳注引作「二十三里」）古郃國，后稷所封也。有后稷及姜原祠。」說文云：「郃，炎帝之後，姜姓所封國，弃外家也。」（「說文」以下，見劉敞傳注。）毛萇云：「郃，姜嫄國也。」（周本紀）

〔案〕注家皆以陝西之驪說郛，亦由郿、岐地望已失而誤。今山西稷山縣南五十里有稷山，一名稷神山，俗呼稷王山，相傳為后稷始教稼穡地。左宣十五：「晉侯治兵於稷」，是也。周陽城在聞喜縣東二十九里。古山、古水在絳縣西北。蓋古公所居董澤，在聞喜縣東北四十里。疑詩云「篤公劉」，「篤」、「董」聲轉而譌。左傳：「魏、駘、芮、岐、畢，吾西土也。」岐、畢近在河西，魏、芮則在河東；駘即有郿，不能獨至武功之驪。疑駘之得名，以古臺駘氏之所處，則正與上述稷山、周陽、古水、董澤地望相近。論周人之始起者，當於此尋之。

## 豳

- ①公劉子慶節國於豳。（周本紀）
- ②公劉避桀居豳。太王以狄伐，去豳居岐。（劉敬傳）
- ③公劉變於西戎，邑於豳。
- ④太王亶父亡走岐下，而豳人悉從。（匈奴傳）
- ⑤古公去豳，度漆、沮。（周本紀）

⑥歌豳。曰：「其周公之東乎？」（吳世家）

【集解】徐廣曰：「新平漆縣之東北有豳亭。」

【索隱】豳即邠也。

【正義】括地志云：「豳州新平縣即漢漆沮縣，詩豳國，公劉所邑之地也。」（周本紀）

【案】邠乃汾旁之邑，如鄆、鄆、鄆之例。歌豳而曰「周公之東」，知豳不在扶風漆縣。

## 邠

①公劉適邠。（貨殖傳）

②孟軻稱太王去邠。（孟子荀卿傳）

【案】詩稱「篤公劉」，疑猶古公劉父之例，「篤」、「古」皆地名。左文六：「蒐於董。」疑「篤」、「董」聲轉字譌；今開喜縣東北四十里。古山、古水，今新絳縣西北。后稷始起稷山，今稷山縣南。地望皆近。自河東踰梁山，走馬朝邑，（「來朝走馬」。）而至漆沮，今陝西富平境，則在岐山之下矣。自此渡渭南，則為豐鎬。此西周遷徙邠、岐間之真相也。自邠、岐地望迷失，遂於周初地理紛紛解說，而終不可通。

## 幽

武王登幽之阜，以望商邑。（周本紀）

【正義】括地志云：「幽州三水縣西十里有幽原，周先公劉所都之地也。幽城在此原上。」蓋武王登此城望商邑。

〔案〕唐三水縣乃今陝西枸邑縣，豈能登此以望商邑？且按史文，其時武王尚未還至鎬。據周書，作「升汾之阜」。後漢郡國志：「潁川襄城縣有汾丘」，殆武王登此以望河南之故商邑耳。武王克紂，蓋渡河南至商宋之野，而至成周，自此返鎬。

## 崇豐

①文王伐崇。（周本紀）

②文王伐崇、密須、犬夷，大作豐邑。（齊世家）

③文王作豐邑。（周本紀、貨殖傳）

④自岐下徙都豐。（周本紀）

⑤周文王都豐。（秦始皇本紀）

⑥文王在豐，武王在鎬，百里之君。（孔子世家）

⑦武王伐紂，營雒邑，復居於豐、鄩。（匈奴傳）

⑧王朝步自周，至豐。

⑨周公在豐，病，將沒。（魯世家）

⑩康王有豐宮之朝。（楚世家）

⑪平王去豐、鄩，東徙雒邑。（匈奴傳）

⑫平王曰：「戎無道，侵奪我岐、豐之地。」（秦本紀）

【集解】徐廣曰：「豐在京兆鄠縣東，有靈臺。」（涓本紀）馬融曰：「豐，文王廟所在。」

（魯世家）服虔曰：「豐宮，成王廟所在也。」杜預曰：「豐在始平鄠縣東，有靈臺，康王

於是朝諸侯。」（楚世家）

【索隱】豐，文王所作邑。後武王都鎬，於豐立文王廟。按：豐在鄠縣東，臨豐水，東去鎬

二十五里也。（魯世家）

【正義】皇甫謐曰：「崇，夏鯀封。虞、夏、商、周皆有崇國，崇國蓋在豐、鎬之間。」詩云：

『既伐于崇，作邑于豐』，是國之地也。」括地志云：「周豐宮，周文王宮也，在雍州郿縣東三十五里。」（周本紀）

〔案〕豐，今郿縣東。武王改邑於鎬，每遇大事，如伐商、作洛之類，皆步自宗周而往，以其事告於豐廟。皇甫謐謂繇封崇在此，恐未可信。

## 豐

秦襄公以女弟繆嬴爲豐王妻。（秦本紀）

〔案〕是時周尚未失豐岐，此豐王當在豐水上游南山中，蓋亦戎王也。

## 豐

秦文公伐南山大梓，豐大特。（秦本紀）

【集解】徐廣曰：「今武都故道有怒特祠。」

【正義】錄異傳云：「秦文公時，雍南山有大梓樹，文公伐之，中有一青牛出，走入豐水中。其後牛出豐水中，故置髦頭。漢、魏、晉因之。武都郡立怒特祠，是大梓牛神也。」

## 鎬

①文王在豐，武王在鎬，百里之君。（孔子世家）

②武王都鎬。（秦始皇本紀）

③武王治鎬。（貨殖傳）

【集解】徐廣曰：「鎬在上林昆明北，有鎬池，去豐二十五里。皆在長安南數十里。」（周本紀）

【正義】鎬在雍州西南三十二里。（周本紀）

〔案〕周鎬京，今長安縣西南。三輔決錄：「鎬在豐水東，豐在鎬水西，相去二十五里。」

## 畢

①武王上祭于畢。（周本紀）

②成王葬周公於畢，從文王。（魯世家）

③太史公曰：所謂「周公葬我畢」，畢在鎬東南杜中。（周本紀）

【集解】馬融曰：「畢，文王墓地名也。」（周本紀）

【正義】括地志云：「周公墓在雍州咸陽北十三里畢原上。」（魯世家）

【案】畢原，今長安縣西南。漢書臣瓚注：「汲郡古文：『畢西於豐三十里。』」括地志：

「畢原在萬年縣（即今西安縣治。）西南二十八里。」又有畢原在咸陽縣北。左傳富辰曰：「

畢，文之昭也。」杜注：「畢在長安西北。」水經注：「三秦記曰：『長安城北有平原，

廣數百里。』」通典：「初，王季都之，後畢公高封焉。」元和志：「亦謂之畢陌，漢朝

諸陵竝在其上。」咸陽縣志：「亦名咸陽原，亦謂之咸陽北阪。」此非文、武、周公所

葬。

## 畢

①魏之先，畢公高之後。

②武王伐紂，而高封於畢。（魏世家）

【集解】杜預曰：「畢在長安縣西北。」（魏世家）

【索隱】左傳富辰說文王之子十六國，有畢、原、豐、郇。



【正義】括地志云：「畢原在雍州萬年縣西南二十八里。」（魏世家）

## 雒邑

①武王營周居於雒邑。（周本紀、匈奴傳。）

②成王七年二月，使太保召公先之雒相土。其三月，周公往營成周雒邑，卜居焉。（魯世家）

③周公營成周洛邑，以此爲天下之中，諸侯四方納貢職，道里均。（劉敬傳）

④平王東遷雒邑。（周本紀、秦本紀、匈奴傳。）

⑤戎狄至洛邑，伐周襄王。（匈奴傳）

【正義】括地志云：「故王城一名河南城，本郊鄆，周公新（劉敬傳注作「所」。）築，即雒誥云『我卜澗水東，澗水西』者也，（「雒誥」句見秦本紀。）在洛州河南縣北九里苑內東北隅。自平王以下十二王，皆都此城；至敬王乃遷都成周；至赧王又居王城也。帝王世紀云：『王城西有郊鄆陌。』左傳云：『成王定鼎於郊鄆。』京相璠地名云：『郊，山名。鄆，邑名。』」（周本紀）

【案】今洛陽縣西五里。

## 雒陽

①蘇秦，東周雒陽人。（蘇秦傳）

②呂不韋食河南洛陽十萬戶。（呂不韋傳）

③項羽立瑕邱申陽爲河南王，都雒陽。（項羽本紀）

④雒陽東有城皋，西有穀、睢，倍河，向伊、雒，其固亦足恃。其中小，不過數百里，田地薄，四面受敵，非用武之國。（留侯世家）

⑤吾行天下，獨見洛陽與曲逆。（陳丞相世家）

⑥雒陽有武庫、敖倉，天下衝阨，漢國之大都。先帝以來，無子王於雒陽者。（三王世家）

⑦洛陽有武庫、敖倉，當關口，天下咽喉。自先帝傳不爲置王。（滑稽傳）

⑧洛陽東賈齊、魯，南賈梁、楚。

⑨洛陽街居在齊、秦、楚、趙之中，貧人學事富家，相矜以久賈，數過邑不入門。（貨殖傳）

⑩桑弘羊，雒陽賈人子。（平準書）

【正義】括地志云：「洛陽故城在洛州洛陽縣東北（劉敞傳注引無「北」字。）二十六里，周公所

築，即成周城也。輿地志云：『成周之地，秦莊襄王以爲洛陽縣，三川守理之。後漢都洛陽，改爲『雒』。』（周本紀）

〔案〕今洛陽縣東北三十里。

## 雒陽南宮

高祖置酒雒陽南宮。（高祖本紀）

【正義】括地志云：『南宮在雒州雒陽縣東北二十六里洛陽故城中。輿地志云：『秦時已有南宮。』』

〔案〕沈欽韓云：『秦雖都關中，猶放周東都之制。』

## 郊鄆

周成王定鼎於郊鄆。（楚世家）

【集解】杜預曰：『郊鄆今河南，縣西有郊鄆陌。武王遷之，成王定之。』

【索隱】案周書，郊，雒北山名。鄆，謂田厚鄆，故以名焉。

〔案〕北邙山，一名邙山，「周營王城，北枕邙山」是也；今洛陽縣北。左桓七：「邊盟，向之民於邙」，杜注：「邙，王城。」則邙邙亦即指王城言。

## 驪戎

①周閔天之徒求驪戎之文馬。（周本紀）

②晉獻五，伐驪戎，得姬。（十二諸侯年表、晉世家。）

【集解】韋昭曰：「西戎之別在驪山也。」（晉世家）

【正義】括地志云：「驪戎故城在雍州新豐縣東南十六里，殷、周時驪戎國城也。」（周本紀）

〔案〕今臨潼縣東。

## 酈山 麗山

①申侯言：「昔我先酈山之女，爲戎胥軒妻。」

②西戎犬戎與申侯伐周，殺幽王酈山下。（秦本紀）

③犬戎殺幽王酈山下。（周本紀）

④昭襄四十二，宣太后葬芷陽酈山。（秦本紀）

⑤二世葬始皇酈山。（秦始皇本紀）

⑥布論輸麗山，麗山之徒數十萬人。（縣志傳）

【正義】申侯之先，娶於酈山。（秦本紀）酈山在雍州新豐縣南十四里。（秦本紀）驪山之陽即藍田山。（周本紀）

〔案〕今臨潼縣東南，與藍田縣藍田山相連。

## 麗邑 酈邑

①始皇十六，置麗邑。（秦始皇本紀、六國表。）

②始皇葬酈邑。（秦始皇本紀）

## 新豐

高祖十，更命酈邑曰新豐。（高祖本紀）

【正義】括地志云：「新豐故城在雍州新豐縣西南四里，漢新豐宮也。」

〔案〕今臨潼縣東北。

## 芮

①虞、芮有獄不能決。（周本紀）

②西伯斷虞、芮之訟。（齊世家）

【集解】芮在馮翊臨晉縣。

【正義】括地志云：「故芮城縣西二十里，（此應云「故芮城在芮城縣西二十里」。）古芮國也。晉太康地記云：「虞西百四十里有芮城。」括地志云：「又閼原在河北縣西六十五里。詩云：『虞、芮質厥成。』二國君相讓所爭地以爲閼原，至今尚在。」注引地理志：芮在臨晉者，恐疎。然閼原在河東，復與虞、芮相接，臨晉在河西同州，非臨晉芮城明矣。（周本紀）

## 芮

①秦德公元，梁伯、芮伯來朝。

②成公元，梁伯、芮伯來朝。

③繆公二十，滅梁、芮。（秦本紀）

【索隱】芮，姬姓。芮國，馮翊臨晉。

【正義】括地志云：「南芮鄉故城在同州朝邑縣南三十里，又有北芮城，皆古芮伯國。鄭玄云：『周同姓之國，在畿內，爲王卿士者。』左傳云：『桓公三年，芮伯出居魏。』今

按：州芮城縣界有芮國城，（「州」上脫一字。唐書地理志：「芮城縣武德初屬芮州，貞觀時屬陝州。」當是

「陝」字。）蓋是殷末虞、芮爭田之芮國是也。

【案】今山西芮城縣西二十里有芮村，相傳即古虞、芮爭田之芮。魏書地形志：「河北縣有芮城」，是也。又陝西朝邑縣南有芮城，漢志：「臨晉有芮鄉，故芮國」，是也。正義既辨虞、芮爭田在河東，此又言在河西，何其疏！秦滅梁、芮，與虞、芮爭田，不必一芮。古國遷徙不常，亦不必一地。

## 芮

景公寵妾芮姬生子荼，立，是爲晏孺子。悼公遷晏孺子，而逐孺子母芮子。（齊世家）

【索隱】左傳：「鬻婁之子荼嬖」，則荼母姓婁。此作「芮姬」，不同。譙周依左氏作「鬻」

「姒」，鄒誕生本作「芮姁」。

## 密須

①西伯伐密須。（周本紀）

②文王伐崇、密須、大夷。（齊世家）

③共王游於涇上，密康公從。共王滅密。（周本紀）

【集解】應劭曰：「密須氏，姁姓之國。」瓚曰：「安定陰密縣是。」（周本紀）

【索隱】郡國志密須在東郡廩丘縣北，今日顧城。密須，姁姓，在河南密縣東，故密城是也。與安定姁姓密國各不同。（齊世家）

【正義】括地志云：「陰密故城在涇州鶉觚縣西，其東接縣城，即古密國。」杜預云：「姁姓國，在安定陰密縣」也。（周本紀）

【案】西伯初用師，豈即遠至隴西？秦宣公作密時，近在渭南，此密亦在渭南何疑！索隱說亦誤。



## 密

密姬生懿公。（齊世家）

〔案〕索隱東郡康丘縣北顧城有密須。顧城，今范縣南三十里，詩商頌：「韋、顧既伐」，是也。

## 姒

①臺駘宣汾、洮，處太原。國於汾川。沈、姒、葷、黃實守其祀。晉主汾川而滅之。（鄭世家）

②武王母太姒。（管蔡世家）

【正義】國語云：「杞、緡二國，姒姓，夏禹之後。太姒，文王之妃，武王之母。」禹後姒氏之女也。太姒之家在郃之陽，在渭之涘。文王親迎于渭。（管蔡世家）

## 庸

①庸、蜀、羌、髳、微、纁、彭、濮人。（周本紀）

②熊渠甚得江、漢間民和，乃與兵伐庸。（楚世家）

③楚莊王，滅庸。（十二諸侯年表、楚世家。）

【集解】庸，濮在江、漢之南。（周本紀）杜預曰：「庸，今上庸。」（楚世家）

【正義】括地志云：「房州竹山縣，（下注又作「竹邑縣」。）本漢上庸縣，古之庸國。昔周武王伐紂，庸蠻在焉。」（楚世家）

【索】上庸故城，今湖北竹山縣東四十里。

## 上庸

①昭王三，與楚會黃棘，與楚上庸。（秦本紀、六國表。）

②今將以上庸地六縣賂楚。（楚世家、張儀傳。）

③懷王與秦盟約於黃棘，秦復與楚上庸。

④襄王十九，割上庸、漢北地予秦。（楚世家）

⑤昭二十七，擊楚，楚與秦漢北及上庸地。（六國表）

⑥昭三十四，與魏、韓上庸地爲一郡，南陽免臣遷居之。（秦本紀）

⑦濟東王彭離遷上庸。（漢興以來諸侯年表、梁孝王世家。）

【集解】駟案：地理志漢中有上庸縣。

【正義】括地志云：「上庸，今房州竹邑縣及金州是也。」（秦本紀）

【案】上庸本楚地，蓋秦敗楚屈丐所取；黃棘之會，復以歸楚；越後二十四年，而復取之。

【又案】六國表：「秦昭三十四年，魏與秦南陽以和。」魏世家同。無秦與韓、魏上庸事。

蓋此處文字有誤，當是「與韓、魏和，以上庸地為南陽郡」。「免臣遷居之」，即遷居上庸也。

## 微

庸、蜀、羌、鬲、微、繡、彭、濮人。（周本紀）

【集解】鬲、微在巴蜀。

【正義】戎府之南，古微、繡、彭三國之地。有微州。

【案】唐置西利州，更名微州，尋廢；故治在今雲南大姚縣北，周初決不能及。國名記：「夏后氏後有微」，註曰：「郿，子爵，本扶風郿陽。春秋：『莊公築郿』，公羊傳作『

『微』。然則古「微」、「郿」同音通用。然此微疑尚非陝西之郿。考楚祖畢姓，或「畢」、「微」同音，則微、縑、彭、濮皆在漢域。

## 微

微子開。宋世家

【集解】孔安國曰：「微，畿內國名。」

〔案〕今潞城縣東。魏書地形志：「上黨郡壺關縣有微子城。」

## 縑

庸、蜀、羌、髳、微、縑、彭、濮人。周本紀

【集解】孔安國曰：「縑，彭在西北。」〔案〕書疏：「『在西北』者，在東蜀之西北也。」

【正義】戎府之南，古微、縑、彭三國之地。有廬府。

〔案〕湖北南漳縣東北五十里，有中廬城，春秋時盧戎國。左傳文十六年，楚伐庸，自廬以往，即此。



〔案〕今白水縣東北。

## 彭 彭戲氏

①秦武公伐彭戲氏，至於華山下。（秦本紀）

②秦武元，伐彭，至華山。（十二諸侯年表）

【正義】彭戲，戎號。蓋同州彭衙故城是也。（秦本紀）

## 彭

彭侯。（高祖功臣侯表）

【索隱】漢表屬東海郡。

## 濮

庸、蜀、羌、髳、微、繡、彭、濮人。（周本紀）

【集解】庸、濮在江漢之南。

【正義】濮在楚西南。有濮州。

〔案〕隋於濮陽郡置濮州，今猶為濮縣。唐有羈縻州曰濮，當在甘肅舊慶陽府境。又唐置西濮州，更名繫州，在今雲南牟定縣。然周武王不獲恢復至此，會於盟津之濮，殆亦在漢水附近，周之東南。左文十六：「庸人率羣蠻以叛楚，麇人率百濮聚於遷。楚出師，旬有五日，百濮乃罷。自廬以往，侵庸。」是則當時濮族亦與庸、廬、彭諸族相近也。楚世家：「楚武王與隨人盟而去。於是始開濮地而有之。」蓋濮族當是雜居楚、隨之間。或此族本與濮陽之濮相通，古人往來無常，然要之亦不能大遠遠。

## 濮

①叔堪避難於濮。

②武王與隨人盟，於是始開濮地而有之。（楚世家）

【集解】杜預曰：「建寧郡南有濮夷。」

【正義】按：建寧，晉郡，在蜀南，與蠻相近。劉伯莊云：「濮在楚西南。」孔安國云：「庸、濮在漢之南。」按：成公元年：「楚地千里」，孔說是也。

## 濮

①衛殺州吁於濮。（衛世家）

②魏哀七，擊齊，虜聲子於濮。（六國表）

③王又割濮磨之北。（春申君傳）

【集解】服虔曰：「濮，陳地。」

【索隱】賈逵云：「濮，陳地。」按：濮水首受河，又受汴，汴亦受河，東北至離狐分爲二，俱東北至鉅野入濟。則濮在曹、衛之間，賈言陳地，非也。若據地理志陳留封邱縣濮水受沛（濟），當言陳留水也。（衛世家）

【案】水經注：「濮出封丘者，首受濟；別出酸棗者，首受河。」在濮陽南者，此受河之濮；在封丘西南者，此受濟之濮。自黃河遷，濮流亦湮。服、賈謂陳地水，誤矣。

## 濮

①桑間濮上之音。



②衛靈公將之晉，至於濮水之上舍。（樂書）

【集解】徐廣曰：「濮水北於鉅野入濟。」（春申君傳）

【正義】括地志云：「在曹州離狐縣界，即師延投處。」

〔案〕離狐故城，今荷澤縣西北。

## 康

周公封康叔爲衛君。（管蔡世家、衛世家。）

【索隱】孔安國曰：「康，畿內國名，地闕。」（管蔡世家）宋忠曰：「康叔從康徙封衛。」

（衛世家）

〔案〕水經注：「潁水東，歷康城南，夏少康故邑也。魏明帝封尚書衛臻爲康鄉侯，邑於此。」故城今禹縣西北。康叔初封應在此。

## 管

①武王封弟叔鮮於管。（周本紀、管蔡世家。）

②管侯。（惠景閭侯者年表）

【正義】括地志云：「鄭州管城縣外城，古管國地也。」（周本紀）

【集解】杜預曰：「管在滎陽京縣東北。」（管蔡世家）

〔案〕今鄭縣治。

## 祭

祭公謀父。（周本紀）

【集解】韋昭曰：「祭，畿內之國，周公之後，爲王卿士。」

【正義】括地志云：「故祭城在鄭州管城縣東北十五里，鄭大夫祭仲邑也。」釋例云：「祭城在河南，上有敖倉，周公後所封也。」

〔案〕祭城，今鄭縣東北。

## 麇

厲王出奔麇。（周本紀、齊世家。）

【集解】韋昭曰：「虢，晉地，漢爲縣，屬河東，今曰永安。」

【正義】括地志云：「晉州霍邑縣本漢虢縣，後改虢曰永安。」（周本紀）鄭玄云：「霍山在

虢，本秦（周）時霍伯國。」（齊世家）

〔案〕今霍縣東北。

## 共

①召公、周公二相行政，號曰「共和」。（周本紀）

②鄆潰，太叔段出奔共。（鄭世家）

③城坻津以臨河內，河內共，汲必危。

④通韓上黨於共、甯。（魏世家）

⑤秦虜齊王建，遷之共。（田齊世家）

⑥王建動心，乃遷於共。（自序）

⑦共侯。（高祖功臣侯年表）

【集解】賈逵曰：「共，國名也。」杜預曰：「今汲郡共縣也。」（鄭世家）駱案：「地理志河

內有共縣。(田齊世家)

【正義】魯連子云：「衛州共城縣本周共伯之國也。厲王奔彘，諸侯奉和行天子事，號曰『共和』。宣王立，共伯復歸國於衛。」(周本紀)

〔案〕河南輝縣北九里有共山。漢書地理志：「共，北山，淇水所出。」水經注：「共山在共伯故國北，所謂共北山也。」呂氏春秋誠廉篇：「武王使召公盟微子於共頭之下。」縣志：「亦謂之九峯山，蘇門之別阜也。」共城故城，今輝縣治。

## 南國

①武四成而南國是疆。(樂書)

②宣王亡南國之師。(周本紀)

③秦葉陽，昆陽與舞陽隣，繞舞陽之北，以東臨許，南國必危。(魏世家)

【集解】南國，漢、江之門。唐固曰：「南國，南陽也。」(周本紀)

【正義】南國，即許。此時屬韓，在魏之南，故言南國。(魏世家)

## 西州

西州三川皆震。（周本紀）

【集解】韋昭曰：「西州，鎬京。」

## 澤

敬王不得入，居澤。（周本紀）

【集解】賈逵曰：「澤，邑，周地也。」

〔案〕春秋傳說彙纂引賈逵曰：「澤即翟泉。」其說殊誤。春秋經：「天王居於狄泉。」在昭二十三年之秋；而傳：「王師在澤。」則在是年之春；明非一地。下二十六年十一月，召伯逆王於尸，遂軍圍澤，次於隄上；十二月，入於成周。尸鄉在偃師西。先是十二年秋，王師伐東園，杜氏云：「洛陽東南有園鄉。」澤或是園澤，則亦在洛陽東南也。

## 澤

秦孝二十，會諸侯於澤。朝天子。（六國表）

【集解】徐廣曰：「紀年作『逢澤』。」

## 平陰

①沛公北攻平陰，絕河津。（高祖本紀）

②從度平陰，遇淮陰侯兵襄國。（劉成侯傳）

③漢王從臨晉渡，下河內。南渡平陰津，至雒陽。（高祖本紀）

【集解】駟案：地理志河南有平陰縣，今河陰是也。（高祖本紀）

〔案〕今孟津縣東。左昭二十二，子朝作亂，晉師軍於平陰是也。應劭曰：「在平城南，故曰平陰。」

## 平陰

益食平陰二千戶。（樊噲傳）

【正義】平陰故城在濟陽東北五里。

〔案〕今山東平陰縣東北。左襄十八：「晉伐齊，入平陰」，是也。然是時漢尚未得齊，疑會所益食仍是河南平陰也。

## 平陰

王遷五，代地大動，自樂徐以西，北至平陰。（趙世家）

【正義】平陰在汾也。

## 河津

①沛公略韓地轅轅。時司馬卬方欲渡河入關，沛公乃北攻平陰，絕河津。南，戰雒陽東，軍不利，還至陽城。（高祖本紀）

②二世三年三月，攻開封。四月，攻潁陽，略韓地，北絕河津。（秦楚之際月表）

③從攻陽武，下轅轅、緱氏，絕河津，還擊趙賁軍尸北。（曹相國世家、絳侯世家。）

④攻緱氏，絕河津。（酈商傳）

⑤絕河津，東攻秦軍於尸南。（樊噲傳）

⑥破秦軍尸北，北絕河津。（灌嬰傳）

【正義】括地志云：「平陰故津在洛州洛陽縣東北五十里。」（曹相國世家）

## 河梁

悼襄五，慶舍將東陽河外師，守河梁。（趙世家）

【正義】河梁，橋也。

## 尸

①絕河津，還擊趙賁軍尸北。（曹相國世家、絳侯世家。）

②絕河津，東攻秦軍於尸南。（樊噲傳）

③破秦軍尸北，北絕河津。（灌嬰傳）

④乘傳詣雒陽，未至三十里，至尸鄉廐置。（田儼傳）



【集解】徐廣曰：「尸在偃師。」

【正義】括地志云：「尸鄉亭在洛州偃師縣，在洛州東南也。」（曹相國世家）

〔案〕今偃師縣西十里，古西亳，左昭二十六：「劉人敗王城之師於尸氏」，是也。

## 惡狐

秦遷西周公於惡狐。（周本紀）

【集解】徐廣曰：「惡狐聚與陽人聚相近，在洛陽南百五十里梁、新城之間。」

【正義】括地志云：「汝州外古梁城即惡狐聚也。梁亦古梁城也，在汝州梁縣西南十五里。

新城，今洛州伊闕縣。」

〔案〕今臨汝縣西北四十里。

## 陽人

①秦祀周以陽人地。（秦本紀）

②秦以陽人地賜周，奉其祭祀。（秦始皇本紀）

【集解】駟案：地理志河南梁縣有陽人聚。（秦本紀）

【正義】括地志云：「陽人故城即陽人聚，在汝州梁縣西四十里。」（周本紀）

【案】今臨汝縣西。

## 卷八 秦地名

### 秦

①周孝王召非子，使主馬於汧、渭之間，分土爲附庸，邑之秦。

②文公東獵。至汧、渭之會，曰：「昔周邑我先秦，嬴於此。」乃卜居之。（秦本紀）

【集解】徐廣曰：「今天水隴西縣秦亭。」

【正義】括地志云：「秦州清水縣本名秦，嬴姓邑。十三州志云：『秦亭，秦谷』，是也。」

【案】非子邑秦，在汧、渭之會。汧水在今寶雞縣東入渭。元和志：「秦城在隴州東南二十五里」，是也。詳「汧」字條。舊說天水秦亭，誤。

## 秦

①秦四塞之國，被山帶渭，東有關河，西有漢中，南有巴蜀，北有代馬，此天府也。」（蘇秦傳）

②秦被山帶河，四塞以爲固。（張儀傳、劉敬傳。）

③秦北有甘泉、谷口，南帶涇、渭，右隴、蜀，左關、阪。（范雎傳）

④秦北有甘泉、谷口之固，南有涇、渭之沃，擅巴、漢之饒，右隴、蜀之山，左關、殽之險。

（刺客傳）

⑤歌秦。曰：「此之謂夏聲。其周之舊乎？」（吳世家）

⑥秦、夏、梁、魯好農而重民。

⑦燕、秦千樹栗。（貨殖傳）

⑧秦、楚、吳、越，夷狄也。（天官書）

⑨秦與戎翟同俗。（魏世家）

⑩始秦戎翟之教，父子無別，同室而居。商君更制其教，爲男女之別。（商君傳）

⑪秦棄禮義而尚首功。（魯仲連傳）

⑫秦人愛小兒。（扁鵲傳）

## 秦

秦之先，嬴姓。其後分封，有秦氏。（秦本紀）

〔案〕春秋莊三十一：「築臺於秦」，杜注：「東平范縣西北有秦亭。」此秦氏不知是否？

## 駱 大駱

①申、駱重婚，西戎皆服。

②西戎反王室，滅犬丘大駱之族。

③周宣王復予秦莊公其先大駱地犬丘并有之，爲西垂大夫。（秦本紀）

〔案〕今陝西盤屋縣西南有駱谷；又有駱谷水，在盤屋縣東，亦名沙河。大駱與駱谷名字相關，殆居渭北。犬丘跨渭而南，兼有今盤屋縣境也。

## 犬丘

①非子居犬丘。

②秦莊公及其先大駱地犬丘并有之。

③西戎滅犬丘大駱之族。（秦本紀）

【集解】徐廣曰：「今槐里也。」

【正義】括地志云：「犬丘故城，一名槐里，亦曰廢丘，在雍州始平縣東南十里。」

## 西犬丘

莊公居其故西犬丘。（秦本紀）

〔案〕「犬丘大駱之族」，乃申侯女所生子為大駱適者，名成，居犬丘，其後為犬戎所滅。

莊公乃成之弟非子居秦之後嗣，在大駱之西。宣王雖仍予以大駱地犬丘，惟其地已毀於戎，故莊公仍居其故，當在大駱犬丘之西，故曰西犬丘，以別於大駱之犬丘也。槐里故城，今興平縣東南，本周犬丘邑。又有小槐里城，在興平縣西，接武功縣界。三國時魏楊

阜為武都太守，徙郡小槐里，即槐里之西城。疑莊公所居西犬丘即是。

## 犬丘

宋平四，楚侵宋，取犬丘。（十二諸侯年表）

〔案〕此即郊祀志「太丘社亡」之「太丘」也；今河南永城縣西北三十里。左襄元：「鄭侵宋，取犬丘」，杜注疑其地遠。蓋是年楚方侵宋呂、留，鄭服楚，蓋為楚取之，故史竟以為楚取。

## 廢邱

①立章邯為雍王，王咸陽以西，都廢邱。（項羽本紀）

②引兵圍廢丘。（曹相國世家、絳侯世家。）

③灌廢丘，最。（樊噲傳）

〔集解〕李奇曰：「廢丘即槐里。上有槐里，此又言者，疑此是小槐里。」（樊噲傳）

〔索隱〕孟康曰：「縣名。今槐里是也。」韋昭曰：「周時名太（犬）邱，懿王所都，秦欲廢

之，故曰廢邱。」（項羽本紀）又：「地理志：『高祖三年更名槐里。』而此云槐里者，據後而書之。又云廢丘者，以章邯本都廢丘而亡，亦據舊書之。」（絳侯世家）

〔案〕絳侯世家先敘「攻槐里、好時、最」，又曰「圍章邯廢丘」，則槐里、廢丘似非一地。索隱曲說未是，當從李奇說。

## 槐里

- ① 攻槐里、好時、最。圍章邯廢丘。（絳侯世家）
- ② 下鄆、槐里、柳中、咸陽；灌廢丘，最。（樊噲傳）
- ③ 漢引水灌廢丘，廢丘降，更名槐里。（高祖本紀）
- ④ 王太后，槐里人。（外戚世家）
- ⑤ 李廣，故槐里。（李將軍傳）

## 西垂

- ① 中潏歸周，保西垂，西垂和睦。



②秦莊公伐破西戎，周宣王復予秦仲後，及其先大駱地犬丘并有之，爲西垂大夫。（秦本紀）

③秦襄公既侯，居西垂。（封禪書）

④秦文公元年，居西垂宮。（秦本紀）

⑤襄公、文公皆葬西垂。

⑥文公立，居西垂宮。死，葬西垂。（秦始皇本紀）

【正義】括地志云：「秦州上邽縣西南九十里，漢隴西郡（西）縣是也。」（秦本紀）

〔案〕漢上邽縣在今甘肅天水縣西南。據秦紀：「秦武公十年，伐邽、冀戎，初縣之。」上距秦莊公元一百三十四年，豈有莊公已爲其地大夫之事？申侯曰：「中湍歸周，保西垂，西垂和睦。」此特西邊之通稱。所謂「西垂大夫」者，亦通稱，非專名。又春秋隱八年：「宋、衛遇於垂」，傳作「犬丘」，則「西垂」殆即西犬丘也。莊公居西犬丘；襄公徙汧；文公未卜居汧、渭之會以前，居西垂宮，當即在汧，亦不得至甘肅境。秦本紀文公、寧公皆葬西山，而不記襄公葬地；秦始皇本紀則云「襄公、文公皆葬西垂」；則西垂又即西山。而後人皆以隴西縣說之，大誤。

## 西

西亦有數十祠。（封禪書）

【索隱】西即隴西之西縣，秦之舊都，故有祠焉。

〔案〕此特謂長安之西。「數十」統詞，對上文「百餘廟」言之。地理志西縣下無一祠，知

索隱誤說。

## 西

①圍章邯廢丘，破西丞。（絳侯世家）

②還定三秦，別擊西丞白水北。（樊噲傳）

【集解】徐廣曰：「天水有西縣。」（絳侯世家）

【索隱】案：西謂隴西之西縣。（樊噲傳）

【正義】括地志云：「西縣故城在秦州上邽縣西南九十里。」（絳侯世家）

〔案〕西縣故城，今甘肅天水縣西南百二十里。

## 西山

①秦文公葬西山。

②寧公葬西山。（秦本紀）

【集解】徐廣曰：「皇甫謐云葬於西山，在今隴西之西縣。」

【正義】括地志云：「秦寧公墓在岐州陳倉縣西北三十七里秦陵山。帝王世紀云：『秦寧公葬西山大麓，故號秦陵山也。』」按：文公亦葬西山，蓋秦陵山也。

〔案〕漢西縣，今甘肅天水縣西南。西周秦地皆在今陝西境，文公卜居汧、渭之會，豈有遠葬隴西之理？正義之辨是也。今寶雞縣西北。

## 西山

①韓昭元，秦敗我西山。（六國表、韓世家。）

②楚人起彭城，逐北至於滎陽，然兵困於京、索之間，迫西山而不能進。（淮陰侯傳）

## 西山

登彼西山兮，采其薇矣。（伯夷列傳）

【索隱】西山即首陽山。

## 西新邑

憲公居西新邑。死，葬衙。（秦始皇本紀）

【索隱】憲公滅蕩社，居新邑。本紀：「憲公徙居平陽。」

〔案〕西新邑殆即指平陽。若以蕩社為新邑，更在平陽東。

## 衙

①憲公死，葬衙。

②出子葬衙。（秦始皇本紀）

【集解】駟案：地理志馮翊有衙縣。

【索隱】本紀：「憲公葬西山。」

〔案〕馮翊衙縣，春秋之彭衙，即彭戲，今白水縣東北六十里彭衙堡。「憲公」，秦本紀作「寧公」，亦葬西山，與襄公、文公葬地皆近，非馮翊之衙也。

## 鄙衍

賊出子鄙衍。（秦始皇本紀）

〔案〕鄙衍，地名，當在平陽。

## 平陽

①秦寧公徙居平陽。

②武公居平陽封宮。卒，葬雍平陽。

③武公子白不立，封平陽。（秦本紀）

【集解】徐廣曰：「郿之平陽亭。」

【正義】按：岐山縣有陽平（平陽）鄉，鄉內有平陽聚。括地志云：「平陽故城在岐州岐山縣」

西四十六里。」

〔案〕平陽，今岐山縣西南，接寶雞縣界。秦始皇本紀云：「憲公居西新邑。」平陽在當時見稱為「西」，可見「西垂」不遠踰隴外。又始皇本紀亦稱「西雍」。

## 平陽封宮

武公居平陽封宮。（秦本紀、秦始皇本紀。）

【集解】徐廣曰：「一云居平封宮。」（秦始皇本紀）

【正義】宮名，在岐州平陽城內。（秦本紀）

## 平陽

①韓貞子徙居平陽。（韓世家）

②絳水可以灌平陽。（魏世家）

③韓先王墓在平陽。（楚世家）

④我起乎宜陽而觸平陽。（蘇秦傳）

⑤徙魏王豹爲西魏王，王河東，都平陽。（項羽本紀、魏豹傳。）

⑥生得魏王豹，取平陽。

⑦賜食邑平陽。（曹相國世家）

⑧王太后長女號平陽公主。（外戚世家）

⑨楊、平陽陳西賈秦、翟，北賈種、代。

⑩楊、平陽陳椽其間，得所欲。（貨殖傳）

【索隱】平陽在山西。宋忠曰：「今河東平陽縣。」

【正義】平陽，晉州城是。（韓世家）

〔案〕今臨汾縣西南。

## 平陽

①始皇十三，攻趙平陽。

②十四，定平陽、武城。（秦始皇本紀、六國表。）

③平陽君。（白起傳）

④從攻下邯鄲，別下平陽，降鄴。（傳靳黈成傳）

【集解】徐廣曰：「鄴有平陽城。」（傳靳黈成傳）

【索隱】平陽，邑名，在趙之西。（貨殖傳）

【正義】括地志云：「平陽故城在相州臨漳縣西二十五里。」（秦始皇本紀、傳靳黈成傳。）

【案】今臨漳縣西。

## 平陽

擊破楚騎於平陽，遂降彭城。（灌嬰傳）

【索隱】小顏云：「此平陽在東郡。」地理志太山有東平陽縣。

【正義】南平陽縣城，今兗州鄒縣也，在兗州東南六十二里。

【案】今鄒縣治。春秋邾地，後為魯邑，左哀二十七：「越后庸來盟平陽」，是也。戰國畢齊南陽，孟子：「一戰勝齊，遂有南陽」；魯仲連謂：「楚攻南陽」；皆是。

## 宣陽聚



武公葬宣陽聚東南。（秦始皇本紀）

【索隱】紀云「葬平陽」。

〔案〕宣陽聚殆即在平陽也。

## 雍

①秦武公葬雍平陽。

②秦德公初居雍城大鄭宮。

③秦繆公卒，葬雍。

④秦與晉粟，自雍相望至絳。（秦本紀）

⑤秦文、孝、繆居雍。（貨殖傳）

⑥出公自殺，葬雍。（秦始皇本紀）

⑦太后時徙宮居雍。

⑧遂遷太后於雍。（呂不韋傳）

⑨項羽立章邯爲雍王，都廢丘。（項羽本紀、高祖本紀。）

⑩ 還定三秦，攻下辯、故道、雍、櫟。（曹相國世家）

⑪ 從攻雍、櫟城。（樊鄴滕灌傳）

⑫ 淮南王徙蜀郡，嚴道、郾、郿，至雍。（淮南傳）

⑬ 道死雍。（漢興以來將相名臣年表）

⑭ 西至雍、陳倉。（滑稽傳）

⑮ 候騎至雍甘泉。（匈奴傳）

【集解】徐廣曰：「今縣在扶風。」（駟案）皇覽曰：「秦繆公冢在橐泉宮，祈年觀下。」（秦本紀）

【索隱】說苑云：「秦始皇遷太后威、陽宮。」（地理志）雍縣有威、陽宮，秦昭王所起。（呂不韋傳）

【正義】括地志云：「岐州雍縣南七里故雍城，秦德公大鄭宮城也。」（廟記）云：「橐泉宮，秦孝公造。祈年觀，德公起。在雍州城內。」（括地志）云：「秦穆公冢在雍縣東南二里。」

（秦本紀）

【案】雍縣故城，今鳳翔縣南。（晉地道記）以為西統地。（應劭）曰：「四面積高曰雍。」

## 西雍

先王廟或在西雍，或在咸陽。（秦始皇本紀）

【正義】西雍在咸陽西，今岐州雍縣故城是也。又一云西雍，雍西縣也。

〔案〕平陽稱西新邑，雍稱西雍，知秦人所謂「西」，不越汧、渭之交。又一說誤。

## 大鄭宮

德公居雍大鄭宮。（秦始皇本紀）

〔案〕鄭世家索隱引世本：「鄭桓公居棧林。」漢志：「雍棧陽宮，秦昭王起。」蓋棧林近雍，故德公居雍，而宮名大鄭。

## 蘄年宮

始皇宿雍，嫪毐欲攻蘄年宮爲亂。（秦始皇本紀、呂不韋傳）

【集解】駢案：地理志蘄年宮在雍。

【正義】括地志云：「斬年宮在岐州城西故城內。」（秦始皇本紀）

〔案〕今鳳翔縣南。

## 陽

①德公葬陽。

②宣公居陽宮。葬陽。

③成公居雍之宮。葬陽。（秦始皇本紀）

〔案〕秦本紀：「繆公葬雍。」此陽蓋雍之邑聚之名，如平陽、宣陽之類。

## 均社

①康公居雍高寢。葬均社。

②共公居雍高寢。葬康公南。（秦始皇本紀）

## 義里

桓公居雍太寢。葬義里丘北。（秦始皇本紀）

## 丘里

景公居雍高寢。葬丘里南。（秦始皇本紀）

【正義】「丘」，一作「二」也。

〔案〕上云「桓公居雍太寢。葬義里丘北」，此云「景公居雍高寢。葬丘里南」，疑當作「義里丘南」而譌脫。

## 車里

①畢公葬車里北。

②惠公葬車里康景。（秦始皇本紀）

〔案〕康公居雍高寢；葬鈞社。惠公葬車里，蓋與康公葬地相近。「康景」二字不知為何字所譌。凌稚隆曰：「『康景』二字疑衍，或下有闕文。」

## 左宮

夷公不享國。死，葬左宮。（秦始皇本紀）

## 城雍

悼公葬僖公西城雍。（秦始皇本紀）

〔案〕索隱：「景公，一作僖公。」蓋城雍，悼公葬地名，在僖公葬地之西。

## 入里

刺龔公葬入里。（秦始皇本紀）

【集解】徐廣曰：「一作『人』。」

## 櫟 閼氏 高櫟

①懷公葬櫟閼氏。（秦始皇本紀）

②擊三秦軍壤東及高櫟，破之。（曹相國世家）

【索隱】案：文穎云：「高櫟，地名」，在右扶風，今其地闕。

【正義】村邑名。高櫟近壤鄉也。（曹相國世家）

〔案〕當在今乾縣東南。疑懷公所葬即此櫟，以獻公城櫟陽，故此稱高櫟以別之。

## 櫟陽

①獻公二，城櫟陽。（秦本紀、六國表。）

②獻公即位，徙治櫟陽。（秦本紀）

③獻公十一，縣（徙）櫟陽。（六國表、魏世家。）

④獻孝公徙櫟邑，北卻戎翟，東通三晉，亦多大賈。（貨殖傳）

⑤項羽立司馬欣爲塞王，王咸陽以東至河，都櫟陽。（項羽本紀、高祖本紀。）

⑥漢二年，令太子守櫟陽，諸侯子在關中者皆集櫟陽爲衛。（高祖本紀）

⑦蕭何侍太子，治櫟陽，立宗廟、社稷、宮室、縣邑。（蕭相國世家）

⑧周勃還守雒陽、櫟陽。（絳侯世家）

⑨太上皇終不得制事，居於櫟陽。（韓長孺傳）

【集解】徐廣曰：「今萬年是也。」（秦本紀）

【索隱】因葬太上皇，改名曰萬年。（高祖本紀）

【正義】括地志云：「櫟陽故城一名萬年城，在雍州櫟陽東北二十五里。」（案：秦本紀正義作「去

雍州東北百二十里」，此據項羽暨高祖本紀。）漢七年，分櫟陽城內爲萬年縣。隋文帝開皇三年，遷

都于龍首川，今京城也。改萬年爲大興縣。至唐武德元年，又改曰萬年，置在州東七里。」（秦本紀）

【案】漢書溝洫志：「白渠首起谷口，尾入櫟陽。」水經注：「白渠支渠東南逕高陵縣故城

北。又東逕櫟陽城北。」是櫟陽在渭北高陵東也。又水經注：「濁谷水東南出原，注鄭

渠。又東逕太上陵南原下，北屈，與沮水合。至白渠與澤泉合，俗謂之漆水，又謂之漆沮

水。絕白渠，東逕萬年縣故城北，為櫟陽渠，城即櫟陽宮也。漢高帝葬皇考於是縣。」地

理志馮翊萬年縣，闕駟曰：「縣西有涇、渭，北有小河，謂此水也。」據此，萬年在渭水

北、涇水東，近高陵，不在臨潼驪山趾下明甚。元和志：「周明帝二年，始於長安城中置

萬年縣。」自是說地者率指漢萬年在臨潼，誤也。



## 櫟

景公十五，救鄭，敗晉兵於櫟。（秦本紀、十二諸侯年表、晉世家。）

【集解】杜預曰：「晉地。」（秦本紀）

【索隱】釋例云在河北，地闕。（晉世家）

【正義】括地志云：「洛州陽翟縣，古櫟邑也。」（秦本紀）

## 櫟

①惠王居鄭之櫟。（周本紀、晉世家。）

②鄭厲公，出居櫟。（十二諸侯年表、鄭世家。）

【集解】服虔曰：「櫟，鄭大都。」（周本紀）宋衷曰：「今潁川陽翟縣。」（鄭世家）

【索隱】故鄭之十邑，有櫟有華。（晉世家）

【正義】杜預云：「櫟，今河南陽翟縣也。」

## 涇陽

① 肅靈公居涇陽。葬悼公西。（秦始皇本紀）

② 秦昭王同母弟高陵君、涇陽君。（蘇秦傳、穰侯傳、范雎傳。）

【正義】涇陽，雍州縣也。（蘇秦傳）

〔索〕漢涇陽縣屬安定郡，故城今甘肅平涼縣西四十里。然秦昭同母弟不遠封至此。蓋涇陽猶云渭陽之類，初不專指一地。符秦涇陽在今涇陽縣東南，疑涇陽君封邑亦當就今涇陽附近尋之。詩：「出車彭彭，至於涇陽」，亦當在陝境涇水下流。

## 陵園

惠公葬陵園。（秦始皇本紀）

## 囂園

獻公葬囂園。（秦始皇本紀）

## 弟圉

孝公葬弟圉。（秦始皇本紀）

## 公陵

惠文王葬公陵。（秦始皇本紀）

【正義】括地志云：「秦惠文王陵在雍州咸陽縣西北一十四里。」

〔索〕今咸陽縣北。

## 永陵

悼武王葬永陵。（秦始皇本紀）

【集解】徐廣曰：「皇甫謐曰葬畢，今安陵西畢陌。」

【正義】括地志云：「秦悼武王陵在雍州咸陽縣西十里，俗名周武王陵，非也。」

〔索〕今咸陽縣北。

## 邽

①秦武公伐邽、冀戎，初縣之。（秦本紀）

②攻上邽。（絳侯世家）

【集解】駟案：地理志隴西有上邽縣。應劭曰：「即邽戎邑。」（秦本紀）

【正義】秦州縣也。（絳侯世家）

〔索〕上邽故城，今甘肅天水縣西南。

## 下邽

①於下邽有天神。（封禪書）

②下邽翟公。（汲鄭傳）

【索隱】縣名，屬京兆。（汲鄭傳）

〔索〕下邽故城，今渭南縣東北。

## 梁

①梁伯、芮伯來朝。

②秦繆公滅梁、芮。（秦本紀）

③晉獻二十三，夷吾奔梁。

④秦繆十九，滅梁。（十二諸侯年表、晉世家。）

【索隱】梁，嬴姓。梁國，馮翊夏陽。（秦本紀）

〔索〕夏陽故城在今韓城縣南，古梁國。

## 少梁

①隨會奔秦，而司馬氏入少梁。（太史公自序）

②康公四，晉伐秦，取少梁。（秦本紀、十二諸侯年表、晉世家。）

③秦靈六，魏文六，晉城少梁，秦擊之。（秦本紀、魏世家。）

④秦靈七，魏文七，秦與魏戰少梁。（六國表）

⑤秦靈八，魏復城少梁。

⑥秦獻二十三，魏惠九，秦、魏戰少梁。（六國表、魏世家。）

⑦趙成侯十二，秦攻魏少梁，趙救之。（趙世家。案：較六國表、魏世家差一年。）

⑧秦孝八，魏惠十七，秦取魏少梁。（六國表、魏世家。）

⑨秦惠文八，魏入少梁河西地於秦。（六國表。案：魏世家僅言河西地，不及少梁。）

⑩秦惠文十一，更名少梁曰夏陽。（秦本紀、張儀傳、太史公自序。）

【索隱】少梁，古梁國也。秦滅之，改曰少梁，後名夏陽也。（太史公自序）

【正義】少梁故城在同川韓城縣南二十二里，（張儀列傳作「二十三里」。）古少梁國也。（趙世家）

嬴姓。（太史公自序）

## 夏陽

①韓信伏兵從夏陽以木罌舫渡軍，襲安邑。（淮陰侯傳）

②置其母家室夏陽。（游俠傳）

【集解】徐廣曰：「夏陽在梁山龍門。」（張儀傳）又曰：「屬馮翊。」（游俠傳）

【索隱】「夏」，音「下」。山名。亦曰大夏，禹所都。

【正義】夏陽城在韓城縣南二十里。（張儀傳）又：夏陽在同州北渭城界。（淮陰侯傳）

【案】夏陽故城，今韓城縣南二十里，其地曰西少梁里。又東少梁里在縣東南濂水東，即古少梁城。

## 王城

①秦繆公與晉侯盟王城。

②文公微行，會秦繆公於王城。（晉世家）

③秦伐大荔，取王城。（秦本紀）

【集解】杜預曰：「馮翊臨晉縣東有王城。」

【索隱】今名武鄉城。（晉世家）

【正義】括地志云：「同州東三十里朝邑縣東三十步故王城。」（秦本紀）即大荔王城。（綱目）

傳

【案】今朝邑縣東。僖、文之時，王城之名三見，其時秦、晉方強，何緣有大荔王城介於其

問？後漢書西羌傳：「洛川有大荔之戎。」洛川在唐為延、慶、郿、坊四州地。洛水出今甘肅合水縣北白於山。又郿縣東南六十里有洛川縣。大荔戎當在洛水上流，故史文謂「岐、梁山、涇、漆之北」也；則大荔王城決不近在臨晉。蓋大荔戎亦名芮戎，而芮伯國在臨晉，漢志誤合而一之，司馬彪、劉昭沿其誤；全祖望、沈欽韓皆辨之。此王城當是周盛時所築，蓋此乃至河東之要道也。

## 大荔

①岐、梁山、涇、漆之北有義渠、大荔、烏氏、朐衍之戎。（匈奴傳）

②秦厲共公十六，伐大荔，取王城。（秦本紀、六國表。）

③秦孝公二十四，秦（案：此字誤。）大荔圍合陽。（六國表）

【集解】徐廣曰：「後更名臨晉，在馮翊。」（匈奴傳）

## 臨晉

①魏文十六，伐秦，築臨晉、元里。（六國表、魏世家。）



② 秦惠文王十二，與魏王會臨晉。（秦本紀、六國表、魏世家。）

③ 魏哀十七，與秦會臨晉。（六國表、魏世家。）

④ 秦武三，與韓襄王會臨晉。（秦本紀、六國表、韓世家。）

⑤ 漢王從臨晉渡，下河內。（高祖本紀）

⑥ 漢王還定三秦，渡臨晉。（彭越傳）

⑦ 曹參從漢王出臨晉關。至河內。（曹相國世家）

⑧ 魏王豹盛兵蒲坂，塞臨晉，韓信陳船欲渡臨晉。（淮陰侯傳）

⑨ 齊趙定河間、河內，或入臨晉關，或與寡人會雒陽。（吳王濞傳）

⑩ 北尚有臨晉關。（淮南傳）

⑪ 身至臨晉。（游俠傳）

⑫ 河祠臨晉。

⑬ 河巫祠河於臨晉。（封禪書）

⑭ 臨晉民願穿洛以溉重泉以東。（河渠書）

【索隱】地理志：「臨晉，故大荔國。」（匈奴傳）有河水祠。（封禪書）

【正義】括地志云：「同州本臨晉城也。一名大荔城，亦曰馮翊城。」（河渠書）故大荔，秦獲之，更名。（封禪書）故城在同州馮翊縣西南二里。（游俠傳）臨晉關即蒲津關也。在臨晉縣，故言臨晉關。（曹相國世家）括地志云：「大河祠在同州朝邑縣南三十里。」（封禪書）〔案〕臨晉，今大荔縣。臨晉關在朝邑縣東，自河東而言，亦曰蒲坂津；自關中而言，亦曰夏陽津。入關中有三道：潼為入關正道也；武關為入關孔道，高祖由此入咸陽；及後往來關中，常由臨晉，又入關之隙道也。

## 河關

魏王豹至國，即絕河關反漢。（淮陰侯傳）

【索隱】今蒲津關。

## 河橋

昭襄五十，初作河橋。（秦本紀）

【正義】此橋在同州臨晉縣東，渡河至蒲州，今蒲津橋也。

## 汪

①晉襄三，秦伐晉，敗於汪。（十二諸侯年表）

②鄭繆三，從晉伐秦，敗秦兵於汪。（鄭世家）

③秦孟明伐晉，報穀之敗，取晉汪以歸。（晉世家）

【索隱】左傳文公二年，秦報穀，無取汪事。其年冬，晉伐秦，取汪、彭衙。則汪是秦邑。

彭衙在郃陽北，汪不知所在。（晉世家）

【案】汪當與彭衙相近，應在今白水、澄城縣境。

## 北徵

①晉靈四，秦取晉北徵。（十二諸侯年表）

②穿渠，自徵引洛水至商顏下。（河渠書）

【集解】應劭曰：「徵在馮翊。」

【索隱】「徵」，音「懲」。小顏云：「即今之澄城也。」（河渠書）

【案】國語楚范無寤曰：「秦有徵、衡。」故城今澄城縣西南二十五里，接蒲城縣界，俗名避難堡。

## 武城

①秦康伐晉於武城。

②厲共公二十一，晉取武成。（秦本紀）

③惠公十，（魏文侯三十五）與晉戰武城。（六國表）

④文侯三十八，伐秦，敗於武下。（魏世家。案：與六國表差三年。）

⑤孝公十九，城武城。（六國表）

⑥武城侯王離。（秦始皇本紀）

⑦賜食邑武成六千戶。（酈商傳）

【索隱】武下，魏地。（魏世家）

【正義】括地志云：「故武城一名武平城，在華州鄭縣東北（案：魏世家、酈商傳引無「北」字。）十三里也。」（秦本紀）

〔案〕今陝西華縣東北。

## 武城 東武城

①平原君封東武城。（平原君傳）

②王遷二，（始皇十三。）秦攻武城。（趙世家）

③十四，攻趙，定平陽、武城。（秦始皇本紀）

④二世三年，十月，沛公攻破東郡尉及王離軍於武城南。（秦楚之際月表）

⑤齊悼惠王子賢爲菑川王，本武城侯。（漢興以來諸侯年表）

【集解】徐廣曰：「屬清河。」（平原君傳）

【正義】即貝州武城縣外城是也。七國時趙邑。（秦始皇本紀）

〔案〕平陽近鄴，今河南臨漳縣西；則武城即東武城，今山東武城縣西；正義謂屬涿州，是也。趙策：「封孟嘗君以武城。」亦即此。

## 武城

楚共二十七，伐鄭，師於武城。（十二諸侯年表）

〔案〕今河南南陽縣北。春秋申地，後屬楚。

## 南武城

①曾參，南武城人。

②澹臺滅明，武城人。

③言偃爲武城宰。（仲尼弟子傳）

## 南城

吾臣有檀子，使守南城，則楚人不敢爲寇。（田齊世家）

〔索隱〕武城屬魯。當時魯更有北武城，故言南也。

〔正義〕括地志云：「武城在兗州，即南城也。輿地志云：『南武城縣，魯武城邑，子游爲宰者也，在泰山郡。』」（仲尼弟子傳）

〔案〕今費縣西南九十里。程大昌曰：「漢武城名縣有四：左馮翊、泰山、清河、定襄。清

河特曰東武城，以與定襄皆屬趙，而定襄在西故也。子游所宰乃魯邑，以東武城在魯北，故漢儒又加『南』以別之；並有獨稱南城者。」

## 羈馬

秦伐晉，取羈馬。（秦本紀、晉世家。）

【集解】服虔曰：「晉邑。」

〔案〕今山西永濟縣南，陝西郃陽縣東，皆稱有羈馬故城。春秋秦、晉間地，今河東、西兩岸同有其名者，如羈馬、王官之類，其例不一，諒由後代昧其所在，故各以意說之。是必有一誤，而地望既近，殊難詳辨。

## 麻隧

晉伐秦。至涇，敗秦於麻隧。（晉世家）

〔案〕今涇陽縣北。

## 械林

①晉伐秦，渡涇，至械林。（秦本紀）

②晉悼十四，伐秦，敗械林。（十二諸侯年表）

③晉伐秦，渡涇，大敗秦軍，至械林。（晉世家）

【集解】杜預曰：「秦地。」

〔索〕漢志：「雍械陽宮，秦昭王起。」晉師渡涇，蓋越興平、武功而西矣。

〔又索〕鄭世家索隱引世本：「鄭桓公居械林，徙拾。」而秦始皇本紀云：「秦德公居雍大鄭宮。」是鄭桓居械林在雍，故秦德公有大鄭宮也。晉師所至，殆即鄭桓所居矣。

## 龐

①秦厲共十六，塹阿（河）旁。伐大荔。補龐戲城。

②秦靈十，補龐。（六國表）

③魏文十三，圍繁龐，出其民。（六國表、魏世家。）



④魏惠文九，秦、魏戰少梁，秦取龐。（魏世家）

【集解】徐廣曰：「一作『寵』。」

【正義】龐，楚邑，出粟之地。（越世家）

【案】韓城縣志：「繁龐城在縣東南。」即龐城也。「龐戲城」應作「彭戲」。

## 龐

讎、龐、長沙，楚之粟也。（越世家）

【案】此龐疑乃「不羹」（「羹」，音「郎」。）之合音。春秋楚大城陳、蔡、不羹。西不羹城，今

襄城縣東南；東不羹城，今舞陽縣西北。

## 頻陽

①秦厲共公二十一年，初縣頻陽。（秦本紀）

②王翦，頻陽東鄉人。（王翦傳）

③西定汧，還下郿、頻陽，圍章邯廢丘。（絳侯世家）

【集解】駢案：地理志馮翊有頻陽縣。（秦本紀）

【索隱】應劭曰：「在頻水之陽也。」（王翳傳）

【正義】括地志云：「頻陽故城在雍州同官縣界，古頻陽縣城也。」（秦本紀）又云：「頻陽

故城在宜州土門縣南三里。」今土門縣併入同官縣，屬雍州，宜州廢也。（絳侯世家）

〔案〕今富平縣東北五十里。

## 南鄭

①秦厲共二十六，左庶長城南鄭。（六國表）

②躁二，南鄭反。（秦本紀、六國表。）

③惠公十三，伐蜀，取南鄭。（秦本紀）

④惠公十三，蜀取秦南鄭。（六國表。案：紀、表相反，未知孰是。）

⑤親魏善楚，下兵三川，塞斜谷之口，當屯留之道，魏絕南陽，楚臨南鄭。（張儀傳）

⑥韓襄十二，秦王曰：「請道南鄭、藍田，出兵於楚。」（韓世家）

⑦秦昭四十六，之南鄭。（六國表）

⑧沛公爲漢王，王巴、蜀、漢中，都南鄭。（項羽本紀、高祖本紀。）

【正義】括地志云：「南鄭，今梁州所理縣也。」（秦本紀）

〔案〕故城今陝西南鄭縣東。水經注：「縣故褒之附庸。南鄭之號，始於鄭桓公。桓公死於犬戎，其民南奔，故以南鄭爲稱。」據此，則秦中與南鄭之交通，其來夙矣。

## 籍姑

秦靈十三，城籍姑。（秦本紀、六國表。案：表作「秦靈十」。）

【正義】括地志云：「籍姑故城在同州韓城縣北三十五里。」（秦本紀）

〔案〕今韓城縣北。

## 重泉

①簡公塹洛，城重泉。（秦本紀、六國表。）

②重泉人李必、駱甲。（灌嬰傳）

③臨晉民願穿洛以溉重泉以東萬餘頃故鹵地。（河渠書）

【集解】駟案：地理志重泉縣屬馮翊。（秦本紀）

【正義】括地志云：「重泉故城在同州蒲城縣東南四十五里，在同州西北亦四十五里。」

（河渠書）

〔案〕今蒲城縣東南重泉里。

## 雒陰

①魏文十七，攻秦，至鄭而還，築雒陰、合陽。（魏世家）

②魏文十七，伐秦至鄭，還築洛陽。（六國表。案：此條誤；當作「洛陰」。）

【正義】雒，漆沮水也，城在水南。括地志云：「雒陰在同州西也。」

〔案〕故城今大荔縣西。

## 上雒

西河之外，上雒之地。（蘇秦傳）

〔案〕此上雒在西河外，則洛乃「涇洛」之洛；注家皆以伊洛上源之地說之，誤。

## 洛陽

秦獻十九，敗韓、魏洛陽。（六國表）

〔案〕此當亦在河西洛水陽也。

## 合陽

①文侯十七，西攻秦，至鄭而還，築雒陰、合陽。（魏世家。案：六國表作「築洛陽」。）

②秦孝二十四，秦（？）大荔圍合陽。（六國表）

③八年，漢廢代王劉仲爲合陽侯。（高祖本紀）

【正義】郃陽，郃水之北。括地志云：「郃陽故城在同州河西縣南三里。」（魏世家）

〔案〕今郃陽縣東南。

## 善明氏

秦獻六，初縣蒲、藍田、善明氏。（六國表）

## 石門

①獻公二十一，與晉戰於石門。（秦本紀）

②章蟜與晉戰石門，天子賀。（六國表）

【集解】徐廣曰：「『石門』，一作『石阿』。」（六國表。案：趙世家作『石阿』。）

【正義】括地志云：「堯門山俗名石門，在雍州三原縣西北三十三里。武德年中於此山南置

石門縣，貞觀中改爲雲陽縣。」（秦本紀）

【案】堯門山，今三原縣西北。又栒邑縣東，接淳化縣北境，有石門山。

## 石門

先陷尋陝，破石門。（南越傳）

【索隱】廣州記：「石門在番禺縣北二十里。昔呂嘉拒漢，積石於江，名曰石門。又俗云石門水名『貪泉』，飲之則令人變。故吳隱之至石門，酌水飲，乃爲歌也。」

【案】晉書：「吳隱之爲廣州刺史。未至州二十里，地名石門，有水曰貪泉」，是也。

## 睢池 澠池

① 今秦有敝甲澠兵，軍於澠池，願渡河隴漳，據番吾，會邯鄲之下。

② 秦發三將軍：一軍軍於澠池。（張儀傳）

③ 秦使告趙，欲爲好會於西河外澠池。（藺相如傳）

④ 趙惠文二十，與秦會睢池。（六國表）

⑤ 周文敗，走出關，次曹陽，復走次澠池。（陳涉世家）

【正義】澠池，河南府縣也。（陳涉世家）

〔案〕今河南舊睢池縣西。

## 睢池

秦發兵攻商君，殺之鄆睢池。（商君傳）

【集解】徐廣曰：「『睢』，或作『彭』。」

【索隱】時澠池屬鄆。鹽鐵論：「商君困於彭池。」

【正義】睢池去鄭三百里，蓋秦兵至鄭破商邑兵，商君東走至睢，乃擒殺之。

## 祁 元里

①晉襄五，伐秦，圍祁、新城。（十二諸侯年表）

②魏文十六，伐秦，築臨晉、元里。（六國表、魏世家。）

③秦孝八，魏惠十七，秦、魏戰元里。（秦本紀、六國表。）

【正義】祁（祁）城在同州澄城縣界。（秦本紀）

〔索〕元里故城，今澄城縣南。祁即元里。

## 陰 晉

①魏文三十六，秦侵魏陰晉。（魏世家）

②趙肅侯二，與魏惠王遇於陰晉。（趙世家）

③惠文君五年，陰晉人犀首爲大良造。

④六年，魏納陰晉，更名寧秦。（秦本紀、六國表。）



## 寧秦

曹參賜食邑於寧秦。（曹相國世家）

【集解】徐廣曰：「今之華陰。」

【正義】地理志云：「華陰縣，故陰晉，秦惠王五年（案：當作「六年」）更名寧秦，高祖八年更名華陰。」（秦本紀）今屬華州。（趙世家）華山記云：「此山分秦晉之境，晉之西鄙則曰

陰晉，秦之東邑則曰寧秦。」（蘇秦列傳）

〔案〕今華陰縣東南。

## 華陰

①始皇三十六，使者從關東夜過華陰平舒道。（秦始皇本紀）

②漢鑿直渠自長安至華陰。（平準書）

③龍門南至華陰。（夏本紀、河渠書）

【正義】華陰縣在華山北，本魏之陰晉。（夏本紀）

## 雕陰

①魏襄二，秦敗魏雕陰。（六國表）

②魏襄五，秦敗龍賈於雕陰。（魏世家）

③周天子致文、武胙於秦惠王。惠王使犀首取魏雕陰。（蘇秦傳。案：文與表合。）

④傳寬賜食邑雕陰。（傳寬傳）

【集解】徐廣曰：「在上郡。」（魏世家）

【索隱】劉氏云：「在龍門河之西北。」（蘇秦傳）

【正義】括地志云：「雕陰故縣在鄜州洛交縣北三十里。」（魏世家。案：蘇秦傳作「三十四里」。）

〔案〕漢志上郡雕陰，應劭曰：「雕山在西南。」故城今陝西鄜縣北。

## 丹 犁

①惠文王十四，丹、犁臣蜀。

②武王元，伐義渠、丹、犁。（秦本紀）

【正義】丹、犂，二戎號也，臣伏於蜀。蜀相殺蜀侯，并丹、犂二國降秦。在蜀西南姚府管內，本西南夷，戰國時蜀、滇國，唐初置犂州、丹州也。

〔案〕唐姚州都督府，今雲南姚安縣北。丹、犂決不在此，正義說誤。今地無考。

## 陰密

昭襄五十，白起有罪，遷陰密。（秦本紀、白起傳。）

【集解】徐廣云：「屬安定。」（白起傳）

【正義】括地志云：「陰密故城在涇州鶉觚縣西，即古密須國也。」（秦本紀）

〔案〕今甘肅靈臺縣西五十里。詩大雅：「密人不恭，侵阮徂共。」又周語：「恭王遊於涇上，密康公從。」舊說皆以為在此，恐誤。

## 李伯

義渠襲秦，大敗秦人李伯之下。（張儀傳）

【索隱】李伯人名或邑號。戰國策「伯」作「吊」。

## 壽陵

①趙肅侯十五，起壽陵。（趙世家）

②始皇六，五國共擊秦，取壽陵。（秦始皇本紀）

【正義】徐廣曰：「在常山。」（秦始皇本紀）

## 壽陵

①孝文王葬壽陵。（秦始皇本紀）

②華陽太后與孝文王會葬壽陵。（呂不韋傳）

【正義】秦孝文王陵在雍州萬年縣東北二十五里。（呂不韋傳）

〔案〕韓、魏、趙、衛、楚五國共擊秦，何攻取者乃在常山？據趙世家：「悼襄王元，龐煊將趙、楚、魏、燕之銳師，攻秦，叢不拔。」徐廣曰：「叢在新豐。」與此正一事。是五國兵固已深入秦地矣。孝文王葬壽陵，或即五國所取，蓋亦一時張大其辭也。秦孝文王壽陵，今長安縣東北。趙肅侯壽陵，即莊子所謂「壽陵餘子，學步邯鄲」，今不知何在。徐

廣曰「常山」，漢常山郡有靈壽，中山桓公居此，非壽陵也。肅侯陵決不遠在中山境。

## 三十六郡

始皇二十七，天下爲三十六郡。（六國表）

〔案〕三十六郡，據漢志可考者，曰河東、太原、上黨、三川、東郡、潁川、南陽、南郡、九江、泗水、鉅鹿、齊郡、琅邪、會稽、漢中、蜀郡、巴郡、隴西、北地、上郡、雲中、雁門、代郡、上谷、漁陽、右北平、遼西、遼東、邯鄲、碭郡、薛郡、長沙，凡三十二。其南海、桂林、象郡、九原四郡，建置皆在二十七年後，不當入三十六郡數。其史文有明證可補者，曰閩中、黔中、楚郡，（即陳郡；據楚世家、陳涉世家。）尚缺其一。全祖望、梁玉繩皆本水經注增廣陽。竊疑酈說後起，前無其證；當據張耳陳餘傳補常山。（參看「常山」條。）蓋常山當燕、趙交，秦先滅趙，立常山郡；滅燕，仍其邊郡，而以腹地并入常山；則無需乎有廣陽也。尚有東海，亦秦郡。（參看「東海」條。）竊疑乃秦人立石東海上胸界中時置郡，（詳「胸」字條。）亦不在三十六郡數。然則秦郡三十六，增以後建南海、桂林、象郡、九原、郿郡，（即東海郡。）共四十一。若并內史計之，當為四十二。

## 胸

① 始皇三十五，立石東海上胸界中，以爲秦東門。（秦始皇本紀）

② 胸、繒以北，俗則齊。（貨殖傳）

【正義】胸縣在海州。（貨殖傳）

〔案〕今東海縣南。據陳涉世家：「秦嘉等將兵圍東海守於郿」，則秦時已有東海郡。其建置，竊疑即在始皇三十五年立石胸界以爲秦東門之時。蓋其時秦方南立桂林、南海、象郡，北逐匈奴，開榆中，立九原郡，疆土恢廓，因於東海上立石，表爲秦東門，以示得意，遂於其時增一東海郡也。

## 綱成

蔡澤號綱成君。（范雎蔡澤列傳）

〔案〕國策作「剛成」。史稱蔡澤「謝病，居秦十餘年」。或說剛成乃水經注雁門于延水所逕之罡城；或謂寰宇記許昌縣有剛城，蔡澤所封；恐均未是。

## 黃

①秦之先嬴姓，其後分封，以國爲姓，有黃氏。（秦本紀）

②楚成二十三年，伐黃。（十二諸侯年表。案：楚世家作「二十二」。）

③江、黃、胡、沈之屬。（陳杞世家）

【索隱】汝南弋陽縣，故黃國。

【正義】括地志云：「黃國故城，漢弋陽縣也。在光州定城縣（西）四十里。」（楚世家）

〔案〕今潢川縣西十二里。左傳：「楚伐黃。」在魯僖十一年冬。十二年，滅黃。世家乃伐

黃之年，年表則當滅黃之年也。

## 黃

臺駘宣汾、洮，處太原。帝用嘉之，國之汾川。沈、姒、蓐、黃實守其祀。今晉主汾川而滅之。（鄭世家）

〔案〕此黃應近汾，今山西境。

## 黃

齊宣四十三，伐晉，毀黃城，圍陽狐。（六國表、田齊世家。）

〔案〕漢志山陽郡有黃縣。春申君傳正義：「故黃城在曹州考城縣東二十四里。」唐考城縣，今河南舊考城縣東南，正接山東曹縣境；此黃城當是也。

## 黃

秦并蒲、衍、首、垣，以臨仁、平邱、黃、濟陽，嬰城。（春申君傳）

〔集解〕徐廣云：「蘇代云：『決白馬之口，魏無黃、濟陽。』」

〔正義〕故黃城在曹州考城縣東二十四里。（「二十四里」四字，據灌嬰傳注增。）

〔案〕漢志陳留郡有小黃縣，今陳留縣東北，此黃恐是。

## 黃

①敬侯八，拔魏黃城。



②肅侯十七，圍魏黃，不克。（趙世家）

【集解】杜預曰：「陳留外黃縣東有黃城。」駟案：地理志云：山陽有黃縣。

【正義】括地志云：「故黃城在魏州冠氏縣南十里，（「十里」二字，據田齊世家注增。）因黃溝爲名。」按：陳留外黃城非隨所別也。

【案】漢志魏郡有黃縣，今河南內黃縣西北；此黃或是。

## 黃

①王武反於黃。（曹相國世家、灌嬰傳。）

②攻下黃，西軍於滎陽。（灌嬰傳）

【集解】徐廣曰：「內黃縣有黃澤。」（曹相國世家）

【案】此黃恐亦陳留之小黃。地名黃者既錯出，諸家率相牽引，因一一辨析之。

## 黃

①始皇二十八，並渤海以東，過黃、睡，窮成山。（秦始皇本紀）

②使黃鍾史寬舒受其方。（孝武本紀。封禪書。）

【集解】駟案：地理志東萊有黃縣、腫縣。

【正義】括地志云：「黃縣故城在萊州城以東南二十五里，古萊子國也。」（秦始皇本紀）

〔案〕今山東黃縣東南。

## 菟裘氏

①秦之先爲嬴姓，其後分封，以國爲姓，有菟裘氏。（秦本紀）

②吾方營菟裘之地而老焉。（魯世家）

【集解】服虔曰：「菟裘，魯邑也。」杜預曰：「菟裘在泰山梁父縣南。」（魯世家）

〔案〕左昭五：「鄭伯勞屈生於菟氏。」寰宇記：「菟氏城在尉氏縣西北四十里。」又水經

注：「沙水東南逕陳留縣裘氏鄉裘氏亭西。」寰宇記：「裘氏城在陳留縣南六十里。」菟

氏、裘氏兩邑相距不甚遠。不知秦後菟裘氏是否即魯菟裘，今泰安縣境。

## 將梁氏

秦之先嬴姓，其後分封，以國爲姓，有將梁氏。〔秦本紀〕

〔案〕漢有將梁侯，漢表云在涿，不知是此將梁否？

## 白冥氏

秦之先嬴姓，其後分封，以國爲姓，有白冥氏。〔秦本紀〕

## 蜚廉氏

秦之先嬴姓，其後分封，以國爲姓，有蜚廉氏。〔秦本紀〕

〔案〕元和志：「蜚廉故城在龍門縣南七里。」龍門，今河津縣，不知即古蜚廉國否？



## 卷九 齊地名

### 齊

①歌齊。曰：「泱泱乎大風。表東海者，其太公乎？」（吳世家）

②太史公曰：齊自泰山屬之琅邪，北被於海，膏壤二千里。（齊世家）

③齊南有泰山，東有琅邪，西有清河，北有勃海，此所謂四塞之國。齊地方二千餘里。（蘇秦

傳）

④天下疆國無過齊。負海之國，地廣民眾。（張儀傳）

⑤樂毅下齊七十餘城。（樂毅傳）

⑥齊七十餘城皆復爲齊。（田單傳）

⑦項王立田都爲齊王，都臨菑。（項羽本紀、田儼傳。）

⑧酈生掉三寸舌，下齊七十餘城。

⑨案齊之故，有膠、泗之地。（淮陰侯傳）

⑩從陳以東傅海，與齊王信。（彭越傳）

⑪齊悼惠王劉肥食七十城，諸民能齊言者皆予齊王。諸侯大國無過齊。（齊悼惠王世家）

⑫曹參定齊，凡得七十餘縣。參相齊，召長老諸儒以百數。（曹相國世家）

⑬常山以南，太行左轉，度河、濟、阿、甄以東薄海，爲齊、趙國。

⑭齊都臨菑。（漢興以來諸侯年表）

⑮高后分齊國爲四。（索隱：「謂濟南、琅邪、城陽并齊爲四。」）

⑯孝文分齊，凡七王：濟北、濟南、菑川、膠西、膠東、城陽、齊。（齊悼惠王世家）

⑰漢定百年之間，齊分爲七。

⑱武帝元狩五，復置齊國。（漢興以來諸侯年表）

⑲武帝曰：「關東之國無大齊。齊東負海而城郭大，天下膏腴地莫盛於齊。」立皇子閔爲齊

王。（三王世家）

⑳齊帶山海，膏壤千里，宜桑麻，人民多文綵布帛魚鹽。齊冠帶衣履天下，海岱之間斂袂而往

朝焉。（貨殖傳）

②齊負海阻河，濟，南近楚，人多變詐。（酈食其傳）

②②齊人多詐而無情實。（平原侯傳）

②③齊號爲怯。（孫吳傳）

②④齊僞詐多變，反覆之國。（淮陰侯傳）

②⑤齊俗賤奴虜。

②⑥齊、趙設智巧，仰機利。（貨殖傳）

②⑦齊、魯禮義之鄉。（三王世家）

②⑧雖齊，魯諸儒質行。（萬石君傳）

②⑨齊、魯之門，學者獨不廢。

③⑩齊、魯之間於文學，自古以來，其天性也。（儒林傳）

③⑪太史公講業齊、魯之都，觀孔子之遺風。（自序）

【正義】齊國，青州臨菑縣也。（項羽本紀）

## 營丘

①武王封師尚父於營丘，曰齊。（周本紀）

②太公望封於營丘，地瀉鹵，人民寡。（貨殖傳）

③萊侯來爭營邱。

④齊都營邱。胡公徙都薄姑。獻公徙薄姑都，治臨菑。（齊世家）

【集解】駟案：「爾雅曰：『水出其前而左曰營丘。』」郭璞曰：「今齊之營丘，淄水過其南乃東。」

【正義】水經注：「今臨菑城中有邱」云。古縣（營）邱之地，呂望所封。營邱在縣北百步外城中。輿地志云：「秦立爲縣，城臨淄水，故曰臨淄也。」（周本紀）

【案】臨淄營邱，今臨淄縣西北。趙一清曰：「太公始封營邱，宜在北海營陵。迨獻公徙臨淄，取營丘舊名，猶晉稱新田爲絳，楚稱郢爲郢耳。」北海營陵，今昌樂縣東南。

## 薄姑



①周公東伐淮夷，殘奄，遷其君薄姑。（周本紀）

②齊胡公自營邱徙都薄姑。（齊世家）

【集解】馬融曰：「齊地。」

【正義】括地志云：「薄姑故城在青州博昌縣東北六十里。薄姑氏，殷諸侯，封於此，周滅之也。」（周本紀）

## 姑棼

襄公遊姑棼，遂獵沛邱。（齊世家）

【集解】賈逵曰：「齊地。」

〔案〕即薄姑，亦名蒲姑，今博興縣東北。

## 臨菑 臨淄

①獻公徙薄姑都，治臨菑。（齊世家）

②齊靈二十七，晉圍臨淄。（十二諸侯年表）

③晉兵圍臨菑，焚郭中而去。（齊世家、晉世家。）

④燕昭二十八，與秦、三晉擊齊，燕獨入臨菑。（六國表、田齊世家。）

⑤項羽立田都爲齊王，都臨菑。（項羽本紀、田儋傳。）

⑥義帝元，項羽殺田榮，分齊爲三國。齊更名臨淄，都臨淄。又分濟北、膠東。（秦楚之際月表）

⑦韓信襲齊歷下軍，因至臨菑。（淮陰侯傳、田儋傳。）

⑧齊都臨菑。（漢興以來諸侯年表）

⑨臨菑之中七萬戶，不下戶三男子。臨菑甚富而實，其民無不吹竽鼓瑟，彈琴擊筑，鬪鷄走狗，六博蹋鞠者。臨菑之塗，車轂擊，人肩摩。（蘇秦傳）

⑩臨菑十萬戶，市租千金，人眾殷富，巨於長安。（齊悼惠王世家）

⑪臨菑中十萬戶。（三王世家）

⑫臨菑亦海岱之間一都會也。其俗寬緩闊達，而足智，好議論，怯於鬪鬪，多劫人，大國之風也。其中具五民。（貨殖傳）

【正義】括地志云：「青州臨菑縣，即古臨菑地也。一名齊城，古營邱之地，（師尚父）所封齊之都也。少昊時有爽鳩氏，虞、夏時有季荊，殷時有逢伯陵，殷末有薄姑氏，爲諸侯，

國此地。後太公封，方五百里。」（項羽本紀）

〔案〕今臨淄縣北八里。

## 穆陵

齊爲大國，東至海，西至河，南至穆陵，北至無棣。（齊世家）

〔索隱〕舊說云穆陵在會稽，非也。按：今淮南有故穆陵門，是楚之境。

〔案〕今山東臨朐縣南一百里大峴山，古穆陵關。隋書地理志：「北海郡臨朐有穆陵山」，是也。又湖北麻城縣北一百里有穆陵關，見梁書夏侯夔傳，恐非此所指。

## 無棣

齊北至無棣。（齊世家）

〔索隱〕無棣在遼西孤竹。

〔案〕今河北慶雲縣東。

## 沛邱 涓丘

①襄公游姑棼，遂獵沛邱。（齊世家）

②朝射東莠，夕發涓丘，夜加即墨。（楚世家）

【集解】杜預曰：「樂安博昌縣南有地名貝邱。」（齊世家）徐廣曰：「涓丘在清河。」（楚世家）

【正義】括地志云：「涓丘在青州臨淄縣西北二十五里。」（楚世家）

〔案〕今博興縣南。

## 紀

齊襄八，伐紀，紀遷去其都邑。（十二諸侯年表、齊世家）

〔案〕左隱元：「紀人伐夷」，杜注：「紀國在東莞劇縣。」應劭曰：「古紀國，今壽光縣

紀亭是。」齊乘：「紀城在壽光南三十里，即劇城。」國語齊桓公初立，正封域，東至於

紀、鄒。鄒，今臨菑縣東。是齊之東境甚狹，迨滅紀滅邾後，復稍并莒、杞之地；至魯襄

六，滅萊、棠，始盡有登、萊，東至海。

## 雍林

無知游於雍林。（齊世家）

【集解】賈逵曰：「渠邱大夫也。」

【索隱】本亦作「雍廩」。左傳曰：「雍廩殺無知」，杜預曰：「雍廩，齊大夫。」此云「游雍林」，蓋以爲邑名。

【案】齊西門曰雍門。左襄十八，晉伐齊，「伐雍門之款」，知其處有林。水經注：「時水西北經西安縣故城南，本渠丘，齊大夫維廩之邑。」

## 乾時

齊、魯戰於乾時。（齊世家）

【集解】杜預曰：「乾時，齊地也。時水在樂安界，歧流，旱則涸竭，故曰乾時。」

【案】時水一名彫水，源出臨淄縣西南二十五里，地名矮槐樹。平地出泉謂之「彫」，源淺

易涸亦名「乾時」。其水黑，俗又謂之烏河。水道提綱：「烏河上流，即古時水，出臨淄西南愚公山。」齊敗魯當在此。樂安故城在今博興縣北，尚在臨淄西北五十里，魯師豈得越齊都至此？

## 笙瀆

魯殺子糾於笙瀆。（齊世家）

【集解】賈逵曰：「魯地句瀆也。」

【索隱】案：鄒誕生本作「莘瀆」，「莘」、「笙」聲相近。論語作「溝瀆」。

## 句瀆

莊公執太子牙於句瀆之邱，殺之。（齊世家）

【案】漢志濟陰郡句陽，應劭曰：「左氏傳『句瀆之丘』也。」春秋又謂之「穀丘」，故城今荷澤縣北句陽店。

## 堂阜

鮑叔牙迎受管仲，及堂阜。（齊世家）

【集解】賈逵曰：「堂阜，魯北境。」杜預曰：「堂阜，齊地。」東莞蒙陰縣西北有夷吾亭，或曰鮑叔解夷吾縛於此。」

〔案〕今蒙陰縣西北三十里。

## 葵丘

①齊桓公會諸侯於葵丘。（秦本紀、封禪書、齊世家、晉世家）

②至於葵丘之會，有驕矜之志，畔者九國。（秦澤傳）

【索隱】杜預云：「陳留外黃縣東。」（齊世家）

【正義】括地志云：「葵丘在曹州考城縣東南一里一百五十步（案：封禪書注引作「一里五十步」。）

郭內。」（秦本紀）

〔案〕今河南舊考城縣東三十里。

## 葵丘

齊襄公使連稱、管至父戍葵邱。（齊世家）

【索隱】杜預云：「臨淄西有地名葵邱。」（齊世家）

【正義】括地志：「青州臨淄縣有葵丘。」（秦本紀）

〔案〕今臨淄縣西。

## 鄆 甄

①齊桓伯於鄆。（秦本紀）

②齊桓七，會諸侯於甄，桓公始霸。（齊世家）

③齊桓七，始霸，會諸侯於鄆。（十二諸侯年表）

④齊景公時，晉伐阿、甄。（司馬遷自傳）

⑤孫臏生阿、鄆之間。（孫臏傳）

⑥趙成五，伐齊於甄。（六國表、田齊世家。）



⑦成侯五，伐齊於鄆。（趙世家）

⑧趙成十，攻衛，取甄。（趙世家）

⑨齊宣八，與魏會於甄。（六國表、魏世家、田齊世家、孟嘗君傳。）

⑩追至濮陽，下甄城。（絳侯世家）

【集解】杜預曰：「甄，衛地，今東郡甄城也。」（齊世家）

【索隱】甄，齊邑。地理志云甄城縣屬濟陰。（司馬遷傳）

【正義】濮州鄆城縣是。（趙世家案：田齊世家注作「濮州甄城縣」。）

【案】鄆故城，今山東濮縣東二十里。漢末為兗州治，曹操創業於此。水經注：「鄆城在河南十八里。河上之邑，最為峻固」也。

## 馬陵

魏惠二，敗韓馬陵。（六國表、魏世家、韓世家。）

【正義】在魏州元城縣東南一里。（韓世家）

【案】今大名縣東南。

## 馬陵

①秦孝二十一，齊敗魏馬陵。（秦本紀、六國表、魏世家、田齊世家。）

②馬陵道狹，旁多阻隘。（孫吳傳）

【集解】徐廣曰：「在元城。」

【正義】虞喜志林云：「馬陵在濮州鄆城縣東北六十里，澗谷深峻，可以置伏。」徐說馬陵在魏州。魏世家云：「太子爲上將軍，過外黃。」又孫臏傳云：「齊田忌直走大梁。龐涓聞之，去韓而歸齊，軍已過而西矣。」按：孫子減竈退軍，三日行至馬陵，遂殺龐涓，當如虞喜之說，從汴州外黃退至濮州六十里是也。齊師走大梁，豈合更渡河北，至魏州元城哉？徐說定非也。（魏世家）

〔案〕正義說是。馬陵，今濮縣北三十里。

## 馬陵

晉軍追齊至馬陵。（齊世家）

【集解】徐廣曰：「一作『涇』。」駢案：賈逵曰：「馬涇，齊地也。」

〔案〕齊乘：「淄水出益都岳陽山，北徑萊蕪谷。又北徑長峪道，亦曰馬陵，即卻克追齊侯處，所謂『弇中』狹道，亦即在此。」今益都縣西南，蓋已逼近齊都矣。

## 柯

①齊桓五，與魯會柯。（十二諸侯年表、齊世家。）

②於柯之會，桓公欲背曹沫之約。（管晏傳、刺客傳。）

【集解】杜預曰：「此柯，今濟北東阿，齊之阿邑。猶祝柯今爲祝阿。」（齊世家）

〔案〕東阿，今陽穀縣東北五十里阿城鎮。方輿紀要謂在今東阿縣西二十五里，是也。

## 柯

①趙悼襄三，趙相、魏相會魯柯，盟。（六國表）

②頃公卒於柯。（魯世家）

【索隱】春秋：「齊及魯盟于柯」，杜預云：「柯，齊邑，今濟北東阿。」（魯世家）

〔案〕春秋襄十九：「叔孫豹會晉士句於柯。」今河南內黃縣東北。趙悼襄三，魯滅已七年，豈兩國相會魯君於此而謀復興歟？則魯君卒柯亦當在此。索隱以東阿說之，疑誤；否則「會魯」之文必有謬。

## 東阿 阿

- ① 齊景公時，晉伐阿、甄。（司馬遷傳）
- ② 孫臏生阿、鄆之間。（孫臏傳）
- ③ 趙成九，與齊戰阿下。（趙世家）
- ④ 有濟西，趙之阿東國危。
- ⑤ 威王召阿大夫曰：「趙攻甄，子弗能救。衛取薛陵，子弗知。」（田齊世家）
- ⑥ 魏惠王與齊宣王會東阿南。（孟嘗君傳。案：六國表作「平阿」。）
- ⑦ 田榮走東阿。（田儼傳）
- ⑧ 項梁與齊救東阿。（項羽本紀）
- ⑨ 項梁北攻亢父，救東阿。（高祖本紀）

⑩曹參攻爰戚及亢父，北救東阿。（曹相國世家）

⑪擊秦軍阿下，追至濮陽。（絳侯世家）

⑫彭越渡河擊楚東阿。（項羽本紀）

⑬阿縞之衣。（李斯傳）

【集解】徐廣曰：「齊之東阿縣，繒帛所出。」（李斯傳）

【索隱】韋昭云：「東阿，東郡之縣名。」

【正義】括地志云：「東阿故城在濟州東阿縣西南二十五里，漢東阿縣城，秦時齊之阿也。」

（項羽本紀）

〔案〕今山東陽穀縣東北五十里，即春秋之柯。

## 阿

趙成十九，與燕會阿。（六國表、趙世家。）

【正義】括地志云：「故葛城一名依城，又名西阿城，在瀛州高陽縣西北五十里，以徐、兗二水並過其西，又徂經其北。曲曰阿，以齊有東阿，故曰西阿城。」（趙世家）

〔案〕趙孝成十九，與燕易土，燕以葛與趙，即此。說詳彼。

## 平阿

齊宣七，魏惠三十五，齊、魏會平阿南。（六國表、魏世家、田齊世家。）

【集解】駟案：地理志沛郡有平阿縣。（魏世家）

【正義】沛郡平阿縣也。（田齊世家）

〔案〕孟嘗君傳作「東阿」。沛平阿故城，今安徽懷遠縣西南六十里平阿集，非齊、魏會地。

## 遂邑

魯莊公請獻遂邑。（齊世家、刺客傳。）

【集解】杜預曰：「遂在濟北蛇邱縣東北。」（齊世家）

【正義】故城在兗州龔邱縣西北七十六里。（刺客傳）

〔案〕今肥城縣南。

## 柏寢

①上有故銅器，李少君曰：「齊桓公十年陳於柏寢。」（孝武本紀、封禪書。）

②彗星見。景公坐柏寢，嘆曰。（齊世家）

【集解】服虔曰：「地名，有臺也。」瓚曰：「晏子書柏寢，臺名也。」

【正義】括地志云：「柏寢臺在青州千乘縣東北二十一里。韓子云：『齊景公與晏子遊於少海，登柏寢之臺而望其國。』」（孝武本紀）

〔案〕今廣饒縣東北。

## 申池

懿公游於申池。（齊世家）

【集解】杜預曰：「齊南城門名申門。齊城無池，惟此門左右有池，疑此是也。」左思齊都賦註曰：「申池，海濱齊藪也。」

〔案〕水經注：「系水出齊城西南，東北流直申門西，為申池。」則申池即系水上游。

## 靡笄

晉卻克救魯、衛，與齊侯兵合靡笄下。（齊世家）

【集解】徐廣曰：「『靡』，一作『摩』。」賈逵曰：「靡笄，山名也。」

【索隱】靡，如字。靡笄，山名，在濟南，與代地磨笄不同。

## 靡

晉平公元，伐齊，齊靈公與戰靡下。（晉世家）

【集解】徐廣曰：「『靡』，一作『歷』。」

【索隱】劉氏云：「即靡笄也。」

〔案〕水經注：「濟水又東北逕華不注山，下有華泉。」齊乘：「左傳：『師至於靡笄之下。』達丑父使公下，如華泉取飲。』則此山亦名靡笄。」今地在歷城縣東北。

## 靡笄之山



趙襄子姊爲代王夫人，代滅，摩笄自殺，所死地名摩笄之山。（趙世家）

【正義】括地志云：「摩笄山一名磨笄山，亦名爲山（？），在蔚州飛狐縣東北百五十里。」魏

土地記云：「代郡東南二十五里有馬頭山。趙襄子姊磨笄自殺而死。」

【案】代在今蔚縣東。今蔚縣東南有馬頭山，即魏土地記所指摩笄也。飛狐距此遠，當非是。

## 磨

又割濮磨之北，注齊、秦之要，絕楚、趙之脊。（春申君傳）

【索隱】地名，近濮。

【案】水經注：「濮水於酸棗首受河，東至鉅野入濟。」今延津、濮陽、濮縣有故渠是也。

「濮磨之北」，當舊山東東昌、河北大名兩府境。或說「磨」係「歷」字之譌，即歷城歷山。

## 鞍

①晉與魯、衛共伐齊，戰於鞏。（晉世家）

②齊頃十，晉卻克敗齊於鞍。（十二諸侯年表、魯世家、韓世家。）

【正義】括地志云：「故鞍城今俗名馬鞍城，在濟州平陰縣十里。」（韓世家）

〔案〕穀梁傳：「鞍去齊五百里。」括地志云在平陰，里數差合。惟左傳：「壬申，師至於靡笄之下。」翌日癸酉，師陳於鞍。齊師敗績。逐之，三周華不注。」靡笄即華不注也，（說

詳「靡笄」下。）山在濟南城北。鞍在平陰，距濟南二百三十里，殊不合。近志云：「鞍即古之

歷下」，蓋是也。

## 高唐

①晉平十，伐齊至高唐，報太行之役。（十二諸侯年表、晉世家。）

②莊公即位，晉伐齊，至高唐。（齊世家。案：年表伐高唐在太行之役後，齊世家在前，自相乖錯。）

③肅侯六，攻齊，拔高唐。

④惠文二十五，城高唐，取之。（趙世家）

⑤吾臣有盼子者，使守高唐，則趙人不敢東漁於河。（田齊世家）

【集解】杜預曰：「高唐在祝阿縣西北。」（齊世家）

〔案〕高唐故城，今禹城縣西南。

## 崔

太子成請老於崔杼，二相弗聽，曰：「崔，宗邑。」（齊世家）

【集解】杜預曰：「濟南東朝陽縣西北有崔氏城也。」

〔案〕山東通志：「今章邱縣西北七十里大清河之濱。舊謂縣西北二十五里之故城為崔城者誤。」

## 駘

悼公遷晏孺子於駘。（齊世家、田齊世家。）

【集解】賈逵曰：「齊邑。」（齊世家）

〔案〕顧氏大事表：「或云今青州府臨朐縣界。」

謹

悼公元，齊伐魯，取謹、闡。（齊世家）

【索隱】邑名。在博城縣。

【案】今肥城縣西南。

闡

悼公元，取魯驪、闡。（齊世家）

【集解】杜預曰：「闡在東平剛縣北。」

剛

①昭襄三十六，攻齊，取剛、壽。（秦本紀。案：六國表、田齊世家在三十七。）

②穰侯欲伐齊，取剛、壽，以廣其陶邑。（穰侯傳。案：范雎傳作「綱」。）

【集解】徐廣曰：「濟北有剛縣。」（穰侯傳）

【正義】括地志云：「故剛城在兗州龔丘縣界。」（秦本紀）

〔案〕今寧陽縣東北三十五里。

## 壽

①秦昭三十六，攻齊取剛、壽。（秦本紀）

②相國穰侯欲伐齊取剛、壽，以廣其陶邑。（穰侯傳、范雎傳。）

③齊襄十四，（秦昭三十七。）秦擊齊剛、壽。（六國表、田齊世家。）

【正義】括地志云：「壽，鄆州之縣。」（秦本紀）

## 張

襲取臨濟，攻張，以前至卷。（絳侯世家）

【集解】漢書音義曰：「攻壽張。」

【索隱】地理志：「東郡壽梁縣，光武改曰壽張。」

〔案〕壽張故城，今東平縣西南。

## 賴

晉趙鞅伐齊，至賴而去。（齊世家）

【集解】服虔曰：「賴，齊邑。」

〔案〕郡國志：「管縣有賴亭。」今章邱縣西北。

## 闕

闕止有寵。（齊世家）

【索隱】左氏「監」作「闕」。闕在東平須昌縣東南。

〔案〕今汶上縣西南南旺湖中。

## 豐丘

追之豐丘。（齊世家）

【集解】賈逵曰：「豐丘，陳氏邑也。」

## 郭關

殺之郭關。（齊世家）

【集解】服虔曰：「齊關名。」

## 艾陵

吳北伐齊，敗齊師於艾陵。（吳世家、越世家、伍子胥傳、仲尼弟子傳、春申君傳。）

【集解】杜預曰：「艾陵，齊地。」（吳世家）

【正義】括地志云：「艾山在兗州博城縣南百六十里，（春申君傳作「博縣南六十里」。）本齊博邑。」  
（伍子胥傳）

〔案〕今萊蕪縣東境。

## 安平

①割齊安平以東至琅邪爲田氏封邑。（齊世家、田齊世家。）

② 田單走安平。（田單傳）

③ 齊封田單爲安平君。（田齊世家、趙世家。）

【集解】徐廣云：「安平在北海。」（田齊世家）今之東安平也。在青州臨菑縣東十九里。古紀之

鄒邑，齊改爲安平；秦滅齊，改爲東安平縣，屬齊郡；以定州有安平，故加『東』字。」

（田單傳）

【索隱】地理志東安平屬淄川國。（田單傳）又：涿郡有安平縣。（齊世家）

【正義】括地志云：「安平城在青州臨淄縣東十九里，古紀國之鄒邑。」青州即北海郡也。

（田齊世家）

〔案〕今臨淄縣東十里。

## 安平

降曲逆、盧奴、上曲陽、安國、安平。（灌嬰傳）

【正義】安平，定州安平縣。

〔案〕今河北安平縣治。



## 陽狐

①齊宣四十三，伐晉，毀黃城，圍陽狐。（六國表、田齊世家。）

②秦簡十四，伐魏，至陽狐。

③（同年）魏文二十四，秦伐魏，至陽狐。（六國表）

④（同年）秦伐魏，至陽狐。（魏世家）

【正義】括地志云：「陽狐郭在魏州元城縣東北三十里。」（魏世家。案：田齊世家注作「三十二里」。）

〔案〕元城，今大名；此非秦、魏所爭。左傳十六：「北狄侵晉，取狐、麇。」水經注：「平陽水東逕狐谷亭北。」今山西襄陵縣西。又左傳二十四「令狐」，今猗氏縣西十五里。又左襄元，晉邑有「狐邱」，杜注：「河東垣縣有壺邱亭。」水經注謂之陽壺城。魏武侯二，城安邑、王垣，則秦兵亦可抵此。

## 都

齊宣四十五，伐魯，取都。（六國表）

## 都關

追至濮陽，下甄城。攻都關、定陶。（絳侯世家）

【索隱】地理志縣名，屬山陽。

〔案〕都關故城，今濮縣東南，與鄆城相近。或齊宣取魯都即此。

## 西城

齊宣四十九，與鄭會於西城。（六國表、田齊世家。）

## 西城

①破匈奴西城數萬人，至祁連山。

②單于復以其父之民予昆莫，令長守於西城。（大宛傳）

## 母丘

齊宣四十九，伐衛，取母丘。（六國表、田齊世家。）

【索隱】「母」，音「貫」，古國名，衛之邑。

【正義】括地志云：「故貫城即古貫國，今名濛澤城，在曹州濟陰縣南五十六里也。」（田齊世家）

（世家）

【案】濛澤故城，今曹縣南十里，即春秋之貫。

## 廩丘

①齊宣五十一年，田會以廩丘反。（六國表、田齊世家。）

②康公立，田會反廩丘。（齊世家）

③趙敬侯三，救魏於廩邱，大敗齊人。（趙世家）

【索隱】廩，邑名，東郡有廩丘縣也。（齊世家）

【案】左定八：「公侵齊，攻廩丘之郭。」哀二十：「公會齊人於廩丘。」二十四：「臧石

會晉師，取廩丘。」漢置廩丘縣，故城今山東范縣東南七十里。

## 廩丘

韓昭六，伐東周，取陵觀、廩丘。（六國表）

【集解】徐廣曰：「或作『邢丘』。」

〔案〕韓世家：「昭侯六，伐東周，取陵觀、邢丘。」徐廣說本此。廩丘，齊地，後入趙；邢丘，魏地，後入秦；東周所有惟鞏。胡三省云：「陵觀、廩丘，皆邑聚名，史無所考。」

## 廩丘

魏安釐十一，秦拔魏廩丘。（六國表）

【集解】徐廣曰：「或作『邢丘』。」

〔案〕秦本紀：「昭襄四十一，攻魏，取邢丘、懷。」即此年也。徐廣說本此。魏世家作「鄭丘」。

最

齊康十一，伐魯，取最。（六國表）

平陸

①齊康十五，魯敗齊平陸。

②趙成十九，與齊、宋會平陸。（六國表、田齊世家。）

③魏攻平陸。（魯仲連傳）

④有陶、平陸，梁門不開。（田齊世家）

⑤平陸侯。（惠景間侯者年表）

【集解】徐廣曰：「東平平陸。」

【正義】兗州縣在大梁東界。（田齊世家）

〔案〕平陸，今汶上縣北，本古厥國。

## 桑丘

楚悼二，三晉伐楚，至桑丘。（六國表）

〔案〕桑丘，楚世家作「乘丘」，是也。今山東滋陽縣西北，春秋魯地。

## 桑邱

①魏武七，韓文七，伐齊，至桑丘。（六國表、魏世家、韓世家、田齊世家。）

②（同年）齊康二十五，伐燕，取桑邱。

③（同年）趙敬七，伐齊，至桑丘。（六國表）

④趙肅侯二十三，韓舉與齊、魏戰，死於桑邱。（趙世家）

【集解】駟案：地理志云：泰山有桑邱縣。（趙世家）

【正義】括地志云：「桑邱城俗名敬城，（「俗名」四字見魏世家注、田齊世家注。）在易州遂城縣

界。」或云在泰山，非也。此時齊伐燕桑邱，三晉皆來救之，不得在泰山有桑邱縣。此說

甚誤也。（趙世家。案：齊取燕桑邱，三晉救燕，在趙敬七，趙世家不著。正義此注繫之肅侯二十三，則非矣。）

〔案〕易州桑邱，今徐水縣西南，燕之南界。然三晉與齊不得遠途合兵於此。方輿紀要山東平原縣西有桑邱城，蓋齊伐燕，三晉救燕伐齊至是。又謂「齊伐燕，取桑邱」，則謠文也。

## 靈邱

①敬侯二，敗齊於靈邱。（趙世家）

②魏武九，趙敬九，韓文九，三晉伐齊至靈丘。（六國表、魏世家、韓世家、田齊世家）

③惠文十四，相國樂毅將趙、秦、韓、魏、燕攻齊，趙取靈邱。

④孝成七，趙以靈邱封楚相春申君。（趙世家）

【集解】駟案：地理志云：代郡有靈邱縣。（趙世家）

【正義】括地志云：「靈丘故城在蔚州靈丘縣東十里，漢縣也。」（絳侯世家）

〔案〕齊之靈邱，當是齊西北邊邑。集解、正義皆以山西靈邱說之，誤矣。方輿紀要滕縣東三十里有靈邱城，則當魏武時尚非齊地，樂毅時趙師亦何獨至南境？恐亦非也。

## 靈丘

①定鴈門、雲中。因復擊陳豨靈丘。（絳侯世家）

②樊噲軍斬陳豨於靈丘。（韓王信陳豨傳）

〔案〕今山西靈邱縣東。

## 林營

①燕釐三十，敗齊林營。（六國表）

②釐公三十，伐齊，敗於林營。（燕世家）

【索隱】林營，地名。一云：林，地名，於林地立營，故曰林營。（燕世家）

## 博陵 博闕 鮪陵 博關

①齊威六，晉伐齊，至博陵。（田齊世家。案：六國表字譌作「鮪陵」。）

②秦攻齊，趙涉河（漳）、博闕。（蘇秦傳）



③悉趙兵渡清河，指博關，臨菑，即墨非王之有。（張儀傳）

【集解】徐廣曰：「博關即博陵。東郡有博平縣。」（蘇秦傳）

【正義】博陵在濟州西界。（田齊世家）博關在博州。（張儀傳）

〔案〕今博平縣西北三十里。

## 博望

三晉之王朝齊王於博望。（田齊世家）

【正義】括地志云：「博望故城在鄧州向城縣東南四十五里。」

〔案〕正義說大誤。博望城，今山東博平縣舊城西南。

## 清河

①趙東有清河。

②齊西有清河。（蘇秦傳）

③告齊使與師渡清河，軍於邯鄲之東。

④趙兵渡清河，指博關，臨菑，即墨非王之有。（張儀傳）

⑤降定清河、常山凡二十七縣。（樊噲傳）

〔案〕清河故蹟自今山東館陶縣流經河北威縣東，又東北逕清河縣西，又東北入山東武城縣界；即淇水也。

## 清河

①中三年，立皇子方乘爲清河王。都濟陽。（孝景本紀。案：「都濟陽」三字見漢興以來諸侯年表。）

②國除，地入漢，爲清河郡。（五宗世家）

③武帝復置清河國。（漢興以來諸侯年表）

④徙代王王清河。（梁孝王世家）

⑤竇太后，趙之清河觀津人。

⑥竇姬家在清河。（外戚世家）

【集解】徐廣曰：「都清陽。」

【正義】括地志云：「清陽故城在貝州清（陽）縣西北八里也。」（梁孝王世家）

〔案〕清陽故城，今清河縣東。濟陽屬陳留郡，蓋「清陽」字譌。

## 鄒

武安侯田蚡奉邑食鄒。鄒居河北，河決而南則鄒無水菑。（河渠書）

【索隱】「鄒」，音「輸」。韋昭云：「清河縣也。」

【正義】貝州縣也。

〔案〕詳武安侯邑。

## 稷下

①齊之稷下先生。（孟荀傳）

②宣王喜文學游說之士，齊稷下學士復盛。（田齊世家）

【集解】駢案：劉向別錄曰：「齊有稷門，城門也。談說之士期會於稷下也。」

【索隱】齊地記曰：「齊城西門側，系水左右有講室址。」因側系水，故曰稷門，古「側」、「稷」音相近。又：虞喜曰：「齊有稷山，立館其下，以待游士」；春秋傳曰：「莒

子如齊，盟於稷門；是也。（田齊世家）

〔案〕稷山，今臨淄縣西南十三里。系水，今臨淄縣西。又臨淄南門曰稷門，見左昭二十二  
傳。

## 莒

①秦之先爲嬴姓。其後分封，以國爲姓，有莒氏。（秦本紀）

②小白奔莒。（齊世家）

③慶父奔莒。（魯世家）

④齊宣四十四，伐魯，莒及安陽。（六國表）

⑤簡王元，北伐滅莒。（六國表、楚世家。）

⑥朝射東莒。（楚世家）

⑦齊潛王亡走莒。（孟嘗君傳、樂毅傳。）

⑧顯齊之試兵南陽莒地，以聚常、郟之境。（越世家）

⑨齊城之不下者，惟莒、即墨。（燕世家、樂毅傳。）

⑩ 莒人共立襄王以保莒城，五年。（田齊世家）

⑪ 楚考烈八，取魯，魯君封於莒。（六國表）

【正義】括地志云：「密州莒縣，故莒子國。在齊東南。（四字見魏世家注。）地理志云：『周武王封少昊之後嬴姓於莒，始都計斤，春秋時始居莒也。』」（楚世家）

〔索〕今莒縣治。

## 卽墨

① 威王召卽墨大夫。（田齊世家）

② 齊城之不下者，惟莒、卽墨。（燕世家、樂毅傳。）

③ 田單東保卽墨。（田單傳）

④ 以卽墨攻破燕軍。（田齊世家）

⑤ 悉趙兵渡清河，指博關，臨菑、卽墨非王之有。（張儀傳）

⑥ 秦爲雄而齊爲雌，雌則臨淄、卽墨危矣。（孟嘗君傳）

⑦ 田市爲膠東王，都卽墨。（秦楚之際月表、田儼傳。）

【正義】萊州（孝景本紀注作「密州」，誤。）膠水縣（齊悼惠王世家作「膠東」。）南六十里即墨故城是也。（田齊世家）

〔案〕今平度縣東南。

## 棠

棠公。（齊世家）

【集解】賈逵曰：「棠公，齊棠邑大夫。」

〔案〕左襄六：「齊滅棠。棠共公浮柔奔棠。」杜注：「棠，萊邑。北海即墨縣有棠鄉。」今平度縣東南。孟子：「國人皆以夫子將復為發棠。」蓋即墨，齊大都，倉廩在焉。又左襄十八，晉師至臨菑，「齊侯駕，將走郵棠」，或亦是也。

## 棠

魯隱五，觀魚于棠。（十二諸侯年表、魯世家。）

【集解】賈逵曰：「棠，魯地。」杜預曰：「高平方與縣北有武棠亭，魯侯觀漁臺也。」（魯）

世家

〔案〕武唐亭，今魚臺縣北十二里。春秋隱二：「公及我盟於唐」，水經注：「河水東逕武棠亭北」，皆是也。

## 聊城

①齊城之不下者，惟聊、莒、即墨。（燕世家）

②燕將攻下聊城。（魯仲連傳）

③破陳豨將張春於聊城。（韓王信傳、陳豨傳。）

④十一年，張春渡河擊聊城。（高祖本紀）

【集解】徐廣曰：「在平原。」

【正義】括地志云：「故聊城在博州聊城縣西二十里。春秋時齊之西界。聊，攝也。戰國時亦爲齊地。秦漢皆爲東郡之聊城。」又劉伯莊云：「彼時聊城在黃河之東，王莽時乾，今濁河西北也。」今在博州西北。深丘道里記云：「王莽，元城人，居近河側，祖父墳墓爲水所衝，引河入深川，此王莽河因枯也。」（高祖本紀）

〔案〕今山東聊城縣西北十五里。

## 昔陽

趙惠文十五，取齊昔陽。（六國表。案：趙世家在惠文十六。）

【正義】括地志云：「昔陽故城一名陽城，在并州樂平縣東。春秋釋地名云：『昔陽，肥國所都也。樂平城沾縣東昔陽城。肥國，白狄別種也。樂平縣城，漢沾縣城也。』」（趙世家）

〔案〕今河北晉縣治，春秋鼓國昔陽邑。漢志鉅鹿下曲陽，應劭曰：「晉荀吳滅鼓，今鼓聚昔陽亭是也。」水經注：「斯洩水東逕昔陽城南，本鼓聚。」左昭十二：「荀吳偽會齊師，假道鮮虞，遂入昔陽。」杜預以山西昔陽說之，大誤。此處昔陽亦當在晉縣。正義並誤。

## 麥邱

惠文十九，趙奢攻齊麥邱，取之。（趙世家）

〔案〕今山東商河縣西北。



## 滕

滕、薛、騶、夏、殷、周之間封也，小，不足齒列。（陳杞世家）

【索隱】滕，蓋軒轅氏之子有滕姓，後周封文王子錯叔繡於滕，故宋忠云：「今沛國公邱是滕國也。」

〔案〕今山東滕縣西南十四里。

## 薛

①滕、薛、騶、夏、殷、周之間封也，小，不足齒列。（陳杞世家）

②齊湣三，封田嬰於薛。（六國表、田齊世家、孟嘗君傳。）

③孟嘗君在薛，招致天下任俠，姦人入薛中蓋六萬餘家。

④太史公曰：吾過薛，其俗閭里率多暴桀子弟，與鄒、魯殊。（孟嘗君傳）

⑤高祖爲泗水亭長，求盜之薛。（高祖本紀）

⑥項梁引兵入薛。（項羽本紀）

⑦東下薛，擊泗水守軍薛郭西。（曹相國世家）

⑧太史公扈困郿、薛、彭城。（自序）

【集解】薛，魯國縣也。（高祖本紀）

【索隱】薛，奚仲之後，任姓，蓋夏、殷所封，故春秋有滕侯、薛侯。（陳杞世家）

【正義】括地志云：「故薛城古薛侯國也，黃帝之所封。左傳定公元年薛宰云『薛之祖奚仲居薛，爲夏車正』，後爲孟嘗君田文封邑也。」（項羽本紀）故城在今徐州滕縣南四十四里。

（孟嘗君傳）

【案】故城今滕縣東南四十四里薛河之北，春秋之季曰徐州。

## 薛

①公孫弘，齊菑川國薛縣人。（平津侯傳）

②薛人公孫弘。（儒林傳）

【索隱】案：薛縣本屬魯，漢置菑川國，後割入齊也。

【正義】地理志云薛縣屬魯國。按：薛與劇隔兗州及太山，未詳。公孫弘墓又在青州北魯縣

西二十里也。（平津侯傳）

## 薛陵

①齊威七，衛伐齊，取薛陵。

②威王召阿大夫曰：「衛取薛陵，子弗知。」（田齊世家）

〔案〕薛陵，今陽穀縣東北。

## 嘗

①孟嘗君田文代立於薛。

②孟嘗君歸老於薛。（孟嘗君傳）

【集解】駟案：皇覽曰：「孟嘗君冢在魯國薛城中向門東。向門，出北邊門也。」詩云「居常與許」，鄭玄曰：「『常』，或作『嘗』，在薛之南。」孟嘗邑于薛城。

【索隱】嘗邑在薛之旁。

【正義】括地志云：「孟嘗君墓在徐州滕縣五十二里。」

## 常

願齊之試兵南陽莒地，以聚常、郟之境。（越世家）

【索隱】常，邑名，蓋田文所封之邑。齊之南也。

〔案〕今滕縣東南有孟嘗集。

## 靖郭

孟嘗君父曰靖郭君田嬰，封於薛。（孟嘗君傳）

【集解】駢案：皇覽曰：「靖郭君冢在魯國薛城中東南陬。」

〔案〕左襄十九：「取邾田，自漵水。」水經注：「漵水西南流入邾。又逕魯國鄒山東南。

又西南逕蕃縣。又西逕薛城及仲虺城北。」又曰：「仲虺城在薛城西三十里。」（此即上

邾。）「蓋靖郭、孟嘗，皆以地名為封號，而封邑亦相近。

## 右壤

①齊右壤可拱手而取。（春申君傳）

②齊棄南陽，斷右壤。（魯仲連傳）

【索隱】齊右壤之地平陸是也。（魯仲連傳）

## 右壤

隨水右壤。（春申君傳）

## 畫

畫邑人王蠋。（田單傳）

【集解】劉熙曰：「齊西南近邑。」

【正義】括地志云：「戟里城在臨淄西北三十里，春秋時棘邑，又云濇邑。」蠋所居即此邑，因濇水爲名也。

〔案〕今臨淄縣西北。濇水在臨淄西，西北流入時水。

## 於陵

於陵子仲辭三公爲人灌園。（鄒陽傳）

【索隱】孟子云：陳仲子適楚，居于於陵。

〔案〕於陵，漢置縣，屬濟南郡，今長山縣西南。縣境有長白山，相傳陳仲子所隱。然不得謂「適楚」。

## 尼谿

齊景公欲以尼谿田封孔子。（孔子世家）

## 鉅防

齊有長城、鉅防，足以爲塞。（蘇秦傳）

【集解】徐廣曰：「濟北盧縣有防門，又有長城東至海。」

【正義】竹書紀年云：「梁惠王二十年，齊閔王築防以爲長城。」

【索】左襄十八：「晉伐齊，齊禦諸平陰，塹防門而守之，廣里。」今平陰縣東北。

## 蓋

還蓋，長城以爲防。（楚世家）

【集解】徐廣曰：「『蓋』，一作『益』。益縣在樂安，蓋縣在泰山。」

## 午道

①朝射東莒，夕發涓丘，夜加即墨，願據午道。（楚世家）

②秦發三軍：一軍塞午道，告齊使興師渡清河。（張儀傳）

【索隱】午道當在趙之東，（「趙之東」三字據張儀傳增。）齊西界。一從一橫爲午道，蓋亦未詳其處。

【正義】劉伯莊云：「齊西界。」按：蓋在博州之西境也。（楚世家）

## 五都

齊令章子將五都之兵，因北地之眾以伐燕。（燕世家）

【索隱】五都即齊也。按：臨淄是五都之一。

## 三齊

①田榮并王三齊。（項羽本紀）

②田榮盡并三齊之地。（田儋傳）

【集解】駟案：漢書音義曰：「齊與濟北、膠東。」

【正義】三齊記云：「右即墨，中臨淄，左平陸，謂之三齊。」（項羽本紀）

## 博 博陽

①項羽立田安爲濟北王，都博陽。（項羽本紀、田儋傳。）

②齊相田橫走博陽。（田儋傳）

③追田橫至贏、博。

④攻下贏、博。（灌嬰傳）



⑤屬相國參，殘博。（傳寬傳）

⑥復博、奉高、蛇丘、歷城。（孝武本紀、封禪書。）

【索隱】博，太山縣也。（傳寬傳）

【正義】在濟北。（項羽本紀）

〔案〕春秋齊博邑，亦曰博陽，今泰安縣東南。

## 博陽

攻博陽，前至下相。（灌嬰傳）

〔案〕此「博陽」當是「博陽」字譌，即偃陽，嶧縣南五十里。

## 贏

灌嬰敗田橫軍贏下。（田儼傳）

【集解】晉灼曰：「泰山贏縣也。」

【正義】故贏城在兗州博城縣東北百里。

〔案〕今萊蕪縣西北。春秋桓三：「會齊侯於贏」；左哀十一：「會吳伐齊，克博，至贏」；是也。

## 著

還定濟北郡，攻著、漯陰、平原、鬲、盧。（曹相國世家）

【索隱】地理志著縣屬濟南。

〔案〕今濟陽縣西南。

## 鬲

還定濟北郡，攻著、漯陰、平原、鬲、盧。（曹相國世家）

【索隱】地理志鬲屬平原。

【正義】括地志云：「故鬲城在德州安德縣西北十五里。」

〔案〕今德縣北，古鬲國。

盧

還定濟北郡，攻著、濞陰、平原、兩、盧。（曹相國世家）

【索隱】地理志盧縣屬泰山。

【正義】盧縣，今濟州理縣是也。

〔案〕今長清縣南，春秋齊邑。

荏平

尹齊，東郡荏平人。（離史傳）

【索隱】荏，音士疑反。

〔案〕今荏平縣西。

祝

①武王封黃帝後於祝。（周本紀）

②封帝堯之後於祝。（樂書）

【正義】左傳云：「祝其，實夾谷。」杜預云：「夾谷即祝其也。」服虔云：「東海郡祝其縣也。」（周本紀）又：地理志云：平原即（郡）祝阿縣也。（樂書）

【案】呂覽慎大云：「封黃帝之後于鑄。」古「鑄」、「祝」同音。韓詩外傳、潛夫論皆謂「封堯後於鑄」，史蓋承呂覽之誤。郡國志：「濟北蛇丘有鑄鄉城。」劉昭注：「武王封堯後。」正義以為東海祝其，非也。蛇丘故城，今山東肥城縣。祝其，今江蘇贛榆縣南。

蛇丘

復博、奉高、蛇丘、歷城。（孝武本紀、封禪書。）

【集解】鄭玄曰：「『蛇』音『移』。」（孝武本紀）

【案】今肥城縣南，春秋魯蛇淵園，亦曰鑄鄉。禮記：「周武王封堯後也。」

千乘

①灌嬰殺齊將田吸於千乘。（田儼傳）

②千乘兒寬。（儒林傳）

【正義】千乘故城在淄州高苑縣北二十五里。（田儼傳）

〔案〕今高苑縣北二十五里。

## 菑川

①孝文分齊爲菑川國，都劇。（漢興以來諸侯年表）

②菑川地比齊。（齊悼惠王世家）

③公孫弘，齊菑川國薛縣人。（平津侯傳）

④菑川唐里公孫光善爲古傳方。（倉公傳）

## 劇

①孝文分齊爲菑川國，都劇。（漢興以來諸侯年表）

②劇侯。

③劇魁侯。（建元以來王子侯者年表）

【正義】括地志云：「菑州縣也。故劇城在青州壽光縣南三十一里，故紀國。」（案：此條見孝景本紀。）

〔案〕今壽光縣東南。

## 北海

①項羽徇齊至北海。（項羽本紀）

②問君何以治北海。（滑稽傳）

【正義】今青州。（滑稽傳）

〔案〕漢志：「北海郡，景帝中二年置。」蓋文帝時屬菑川國，景帝分置也。在秦當屬齊郡。然此言「徇齊至北海」，則似北海分置，不始於漢。其治所無考；或曰即首縣營陵，今昌樂縣東南，左僖十四「城緣陵遷杞」是也。

## 北海

①極臨北海，西湊月氏。（三王世家）

②留郭吉，遷之北海。（匈奴傳）

③奄蔡臨大澤，無崖，蓋乃北海云。（大宛傳）

## 鉅定

東海引鉅定。（河渠書）

【集解】瓚曰：「鉅定，澤名。」

〔案〕漢志齊郡有鉅定。故城今廣饒縣北。壽光縣西北八十里鉅淀湖，即清水泊，去東海甚遠，疑當作「北海」。

## 膠

①晉圍齊臨菑。東至膠，南至沂，皆城守。（晉世家）

②案齊之故，有膠、泗之地。（淮陰侯傳）

〔案〕膠水源膠縣西南膠山，北流經膠、高密、平度，至掖縣境入海。

## 膠東

- ① 以膠東委於燕，以濟西委於趙。（蘇秦傳）
  - ② 項羽徙齊王田市爲膠東王，都即墨。（項羽本紀、秦楚之際月表、田儋傳。）
  - ③ 田既軍於膠東。（田儋傳）
  - ④ 文帝分齊爲膠東，都即墨。（漢興以來諸侯年表）
  - ⑤ 膠東王雄渠。（孝景本紀、齊悼惠王世家。）
  - ⑥ 膠東康王寄。（五宗世家）
- 〔案〕漢膠東國都即墨。

## 膠西

- ① 蓋公教於齊高密、膠西。（樂毅傳）
- ② 孝文分齊爲膠西，都宛。（漢興以來諸侯年表）
- ③ 膠西王卬。（孝景本紀、齊悼惠王世家。）



④膠西于王端。

⑤膠西小國。

⑥國除，地入漢，爲膠西郡。（五宗世家）

【正義】都密州高密縣。（孝景本紀）又：年表云都高苑。括地志云：「高苑故城在淄州長山縣

北四里。」（齊悼惠王世家）

【案】膠西國都高密，宣帝更爲高密國。史稱「都宛」，字譌。水經注云「都高苑」，不可據。

## 夷維

①晏平仲，萊之夷維人。（管晏傳）

②齊湣王將之魯，夷維子爲執策而從。（魯仲連傳）

【正義】齊記云：「齊城三百里有夷安，即晏平仲之邑。漢爲夷安縣，屬高密國。應劭云：

『故萊夷維邑。』」（管晏傳）

【索隱】維，東萊之邑，其居夷也，號夷維子。（魯仲連傳）

〔案〕夷安，今高密縣治。章懷太子曰：「夷安亦稱上假密。」水經注：「夷安城西去濰水四十里。」疑夷維亦以濰水得名。

## 上假密

擊龍且軍於上假密。（曹相國世家）

【集解】文穎曰：「或以爲高密。」

【索隱】漢書亦作「假密」。按：下「定齊七十縣」，則上假密非高密，亦是齊地，今闕。  
〔案〕水經注：「濰水逕高密縣故城西。又北，韓信斬龍且於是水。」「高」、「假」雙聲。有下密，故此稱上假密。

## 高密

①齊王烹酈生，東走高密。（高祖本紀、淮陰侯傳、田儼傳。）

②攻龍且、留公於高密。（灌嬰傳）

③蓋公教於齊高密、膠西。（樂毅傳）

④廣陵王少子弘立爲高密王。(三王世家)

【集解】徐廣曰：「『高』，一作『假』」。(田儋傳)

【索隱】高密，縣名，在北海。漢書作「假密」。假密，地名，不知所在。(樊鄴滕灌傳)

【正義】括地志云：「高密故城在密州高密縣西南四十里。」(三王世家)

〔案〕今高密縣西南。

## 當利

以衛長公主妻鬱大，更名其邑曰當利公主。(孝武本紀)

【集解】地理志云：「東萊有當利縣。」

〔案〕今掖縣西南。

## 淳于

①淳于人光子乘羽。(仲尼弟子傳)

②太倉公姓淳于。(倉公傳)

【正義】括地志云：「淳于國，在密州安丘縣東三十里。」（仲尼弟子傳）春秋：『州公如曹』，傳云：『冬，淳于公如曹。』注水經云：『淳于縣，古夏后氏之斟灌國也。周武王以封淳于公，號淳于國。』」（倉公傳）

〔案〕今安丘縣東北三十里。

## 東武

東武人王子中同。（仲尼弟子傳）

【集解】徐廣曰：「屬琅邪。」

【正義】括地志云：「東武縣，今密州諸城縣是也。」

〔案〕今諸城縣治。

## 溫陽

最爲溫陽侯。（朝鮮傳）

【集解】韋昭曰：「屬齊。」

## 卷十 魯地名

### 魯

① 武王封弟周公旦於曲阜，曰魯。（周本紀）

② 魯，其城薄以卑，其地狹以泄，其士民惡甲兵之事。（仲尼弟子傳）

③ 秦、夏、梁、魯好農而重民。

④ 齊、魯千畝桑麻。（貨殖傳）

⑤ 魯侯。（高祖功臣年表）

⑥ 景三年，分楚，復置魯國，徙淮陽王餘爲魯王。（孝景本紀、漢興以來諸侯年表、五宗世家。）

### 魯南宮

申公見高祖於魯南宮。（儒林傳）

【正義】括地志云：「泮宮在兗州曲阜縣西南二百里魯城內宮之內。」

〔案〕泮宮在曲阜縣城中東南隅，詩魯頌：「既作泮宮」，是也。正義有誤字。

## 魯

齊宣四十四，伐魯、葛及安陵。（田齊世家）

【正義】括地志云：「故魯城在許昌縣南四十里，本魯朝宿邑。」

〔案〕六國表此年「伐魯、莒及安陵」，正義皆以今河南境內地說之。魯城，今許昌縣東南。

## 曲阜 少昊之虛

①武王封弟周公旦於曲阜，曰魯。（周本紀）

②封周公旦於少昊之虛曲阜。（魯世家）

【集解】應劭曰：「曲阜在魯城中，委曲長七八里。」

【正義】帝王世紀云：「炎帝自陳營都於魯曲阜。黃帝自窮桑登帝位，後徙曲阜。少昊邑于窮桑，以登帝位，都曲阜。顓頊始都窮桑，徙商丘。」窮桑在魯北，或云窮桑即曲阜也。又爲大庭氏之故國，又是商奄之地。（周本紀）括地志云：「兗州曲阜縣外城即魯公伯禽所築也。」（魯世家）

〔案〕今曲阜縣治。帝王世紀云云，炎、黃、少昊、顓頊莫不都曲阜，此必魯國儒生之所飾說。

## 運奄氏

秦之先爲嬴姓。其後分封，以國爲姓，有運奄氏。（秦本紀）

〔案〕武庚之叛，有淮夷、徐戎、熊盈十六族。或運奄即是奄，而爲嬴姓，「運」即「嬴」之聲謫也。又魯地尚有名鄆者，或亦嬴姓在東方之遺迹歟？

## 鄆費

①魯釐元，以汶陽鄆封季友。（魯世家）

② 公山不狃以費畔。（孔子世家）

③ 邾、費、郚、邳。（楚世家）

④ 曾參處費。（甘茂傳）

【索隱】「郚」，今作「費」，在汶水之北。地理志東海費縣，班固云：「魯季氏邑。」蓋

尚書費誓即是其地。（魯世家）

〔案〕今費縣西北二十里。其外城即祊邑。

## 脞

伯禽率師伐之於脞，作脞誓。（魯世家）

【集解】徐廣：「一作『鮮』，一作『獮』」。駟案：尚書作「柴」。孔安國曰：「魯東郊之地名也。」

【索隱】尚書作「柴誓」。今尚書大傳作「鮮誓」。鮮，獮也。言於脞地誓眾，因行獮田之禮。柴，地名，即魯卿季氏之費邑。



## 祊

①鄭莊二十九，與魯祊，易許田。（十二諸侯年表、鄭世家。）

②魯隱八，與鄭易天子之太山之邑祊及許田。（魯世家）

【索隱】祊者，鄭所受助祭太山之湯沐邑。鄭以天子不能巡守，故以祊易許田，各從其近。

（鄭世家）

## 費

禹，姒姓。其後分封，以國爲姓，有費氏。（夏本紀）

【索隱】系本「費」作「弗」。

【索】左成十三：「呂相絕秦曰：『殄滅我費滑』」，杜注：「滑國都費，今緱氏縣。」夏後之費，或指此。今河南偃師縣南。

## 昌平鄉

孔子生魯昌平鄉陬邑。（孔子世家）

【索隱】陬是邑名，昌平，鄉號。孔子居魯之陬邑昌平鄉之闕里也。

【正義】括地志云：「昌平山在泗水縣南六十里。孔子生昌平鄉，蓋鄉取山爲名。故闕里在泗水縣南五十里。輿地志云：『鄒城西界闕里有尼丘山。』」按：今尼丘山在兗州鄒城，闕里即此也。括地志云：「兗州曲阜縣魯城西南三里有闕里，中有孔子宅，宅中有廟。伍緝之從征記云：『闕里背洙面泗』，即此也。」按：夫子生在鄉，長徙曲阜，仍號闕里。

〔案〕昌平山，今曲阜縣東南五十里尼山之西，接鄒縣界。

## 陬邑 鄒

① 孔子生魯昌平鄉陬邑。

② 鄒人輓父之母誨孔子父墓。（孔子世家）

【集解】徐廣曰：「『陬』，音『騶』。孔安國曰：『陬，孔子父叔梁紇所治邑。』」

【正義】故鄒城在兗州泗水縣東南六十里。

〔案〕鄒邑故城，今曲阜縣東南。左傳作「鄒」，史記作「陬」；與邾婁之改名邾者有別。

## 陬鄉

孔子西至河，聞寶鳴犢、舜華之死，乃還息乎陬鄉。（孔子世家）

【索隱】此陬鄉非魯之陬邑。家語云作「槃操」也。

## 尼丘

禱於尼丘得孔子。（孔子世家）

【正義】括地志云：「叔梁紇廟亦名尼丘山祠，在兗州泗水縣（南）五十里尼丘山東址。」

地理志云：「魯縣有尼丘山，有叔梁紇廟。」

〔案〕尼山，今曲阜縣東南六十里，連泗水、鄒縣界，一名尼邱山。

## 防山

①叔梁紇葬於防山。

②防山在魯東。（孔子世家）

【正義】括地志云：「防山在兗州曲阜縣東二十五里。禮記云孔子母合葬於防也。」

〔案〕防山，今曲阜縣東三十里。左傳十四：「季姬及鄆子遇於防。」

## 五父之衢

孔子母死，殯五父之衢。（孔子世家）

【集解】徐廣曰：「魯縣有闕里，孔子所居。又有五父之衢。」

【正義】括地志云：「五父衢在兗州曲阜縣西南二里，魯城內衢道也。」

〔案〕左襄十一：「季武子詛諸五父之衢」，杜注：「五父衢，道名，在魯國東南。」山東通志：「五父衢在曲阜縣東南五里。」正義引括地志作「西南」係字謄。

## 郈

①郈昭伯。

②叔孫氏先墮郈。（孔子世家）

③子路使子羔爲費郈宰。（仲尼弟子傳）

【集解】杜預曰：「東平無鹽縣東南邱鄉亭。」

【正義】括地志云：「邱亭在鄆州宿城縣東三十二里。」（孔子世家。案：仲尼弟子傳作「二十三里」。）

〔案〕今東平縣南四十里。

## 龜陰

齊歸所侵魯之鄆、汶陽、龜陰之田以謝過。（孔子世家）

【集解】杜預曰：「太山博縣北有龜山。」

【正義】故謝城在龔邱縣東七十里。齊歸侵魯龜陰之田以謝魯，魯築城於此，因名謝城。

〔案〕龜山，今新泰縣西南四十里，山南即泗水縣界。詩：「奄有龜、蒙。」謝過城，今泰

安縣東北三十里。

## 姑蔑

費人北。國人追之，敗諸姑蔑。（孔子世家）

【集解】杜預曰：「魯國卞縣有姑蔑城。」

【正義】括地志云：「姑蔑故城在兗州泗水縣東四十五里。」按：泗水縣本漢卞縣也。

【案】姑蔑，今泗水縣東。春秋隱元：「公及邾儀父盟於蔑。」

## 屯

孔子遂行，宿乎屯。（孔子世家）

【集解】駟案：屯在魯之南。

【索隱】屯，地名。

【案】漢志：「魏郡館陶，河水別出為屯氏河。」館陶，今山東館陶縣西南四十里。蓋館陶境有邑名屯氏，故河水別出即名屯氏河也。孔子自魯適衛經此。裴駟謂在魯南，恐非。

## 郎

冉有爲季氏將師，與齊戰於郎。（孔子世家）

【正義】括地志云：「郎亭在徐州滕縣西五十三里。」

〔案〕左隱元：「費伯城郎。」桓十：「齊、衛、鄭來戰於郎。」莊十：「齊師、宋師次於郎。」杜注：「高平方與縣東南有郁郎亭。」今魚臺縣東北八十里，接滕縣界。

## 孔里

弟子及魯人從孔子冢而家者百有餘室，因命曰孔里。（孔子世家）

## 鄒騶

①滕、薛、騶、夏、殷、周之間封也，小，不足齒列。（陳杞世家）

②吳夫差九，爲騶伐魯。（吳世家、魯世家）

③吳大敗齊師於艾陵，遂滅鄒、魯之君以歸。（伍子胥傳）

④鄒、費、郛、邳。（楚世家）

⑤孟軻，鄒人。（孟子荀卿傳）

⑥齊湣王不得入於魯，將之薛，假途於鄒。（魯仲連傳）

⑦薛俗多暴桀子弟，與鄒、魯殊。（孟嘗君傳）

⑧鄒、魯濱洙、泗，俗好儒，備於禮，其民齷齪。頗有桑麻之業，無林澤之饒。地小人眾，儉嗇，畏罪。及其衰，好買趨利，甚於周人。

⑨魯人俗儉嗇，而曹邴氏以鐵冶起，富至巨萬。鄒、魯多去文學而趨利，以曹邴氏也。（貨殖傳）

⑩攻鄒、魯、瑕丘、薛。（樊噲傳）

## 嶧陽 鄒嶧山 騶嶧山

①嶧陽孤桐。（夏本紀）

②始皇二十八，東行郡縣，上鄒嶧山。（秦始皇本紀）

③秦始皇即帝位三年，東巡郡縣，祠騶嶧山。（封禪書）

④太史公鄉射鄒、嶧。（自序）

【集解】韋昭曰：「鄒，魯縣，山在其北。」（秦始皇本紀）

【索隱】騶縣之嶧山。騶縣本邾國，（封禪書）曹姓之國，陸終氏之子會人之後。（陳杞世家）魯

穆公改作「鄒」。（封禪書）今魯國騶縣是也。（陳杞世家）從征記：「北巖有秦始皇所勒之



銘。」(封禪書)

【正義】鄉，兗州縣，在州東南六十二里。(樊噲傳)國系云：「邾嶧山亦名鄒山，在兗州鄒縣南三十二里。」(秦始皇本紀。案：夏本紀、太史公自序注作「二十二里」。)言絡繹相連屬也。今猶多桐樹。(夏本紀)魯穆公改「邾」作「鄒」，其山遂從「邑」變。山北去黃河三百餘里。

(秦始皇本紀)

【案】今鄒縣東南二十里。左文十三：「邾文公卜遷於繹。」

## 隆

①魯成元，齊取魯隆。(十二諸侯年表)

②成二春，齊伐取隆。(魯世家)

③晉景十一年，齊伐魯，取隆。(晉世家)

【集解】駟案：左傳作「龍」。杜預曰：「魯邑，在泰山博縣西南。」(魯世家)

【索隱】劉氏云：「隆即龍也，魯北有隆山。」(晉世家)

【案】左成二：「圍龍。」魯、晉二世家與傳合。水經注：「汶水南逕博縣故城東。又西南

逕龍鄉故城南。博縣故城，今泰安縣東南。

## 鄆

①魯昭二十五，出居鄆。（十二諸侯年表）

②昭公請齊伐魯，取鄆以居昭公。（齊世家、魯世家。）

③齊歸所侵魯之鄆、汶陽、龜陰之田。（孔子世家）

【正義】鄆，鄆城也。（齊世家）今鄆州鄆城縣，在兗州龔邱縣東北五十四里。（孔子世家）

〔案〕魯有兩鄆：昭公所居為西鄆，今鄆城縣東十六里；又東鄆，今沂水縣北，則齊所歸鄆、汶陽、龜陰田是也。

## 乾侯

①魯昭二十八，如晉，晉處昭公於乾侯。（十二諸侯年表、魯世家。）

②昭公奔齊，齊處昭公於乾侯。（孔子世家）

③昭公三十二，卒於乾侯。（魯世家）

④晉頃九，季氏逐昭公，昭公居乾侯。（晉世家）

【集解】杜預曰：「乾侯在魏郡斥丘縣，晉境內邑。」（魯世家）

【正義】相州城安縣東南三十里斥丘故城，本春秋時乾侯之邑。（孔子世家）

〔案〕晉頃九，魯昭出居鄆。晉頃十二，魯昭始如晉，居乾侯。晉世家簡言之，孔子世家更誤。斥丘，今成安縣東南。

## 陽關

①魯定八，陽虎奔陽關。（十二諸侯年表）

②陽虎居陽關。（魯世家）

③齊威六，魯伐齊，入陽關。（六國表、田齊世家。）

【集解】服虔曰：「陽關，魯邑。」（魯世家）徐廣曰：「在鉅平。」

【正義】括地志云：「魯陽關故城在兗州博城縣南二十九里，西臨汶水也。」（田齊世家）

〔案〕今寧陽縣東北。

## 夾谷

魯定十，會齊侯於夾谷。（十二諸侯年表、齊世家、孔子世家。）

【集解】服虔曰：「東海祝其縣是也。」（齊世家）

【索隱】司馬彪郡國志夾谷在祝其縣西南。（十二諸侯年表）

【索】左定十：「公會齊侯於祝其，實夾谷。」漢祝其縣屬東海郡。今江蘇贛榆縣南四十里有夾谷山，然齊、魯兩君之會不應忽來集此。考萊蕪縣南三十里接新泰縣界，有夾谷峽，水經注云：「舊說云：『齊靈公滅萊，萊民播流此谷。邑落荒蕪，故曰萊蕪。』夾谷之會，齊侯使萊人以兵劫魯侯。」是也。又淄川縣西南三十里有甲山。縣志：「舊名祝山。」金史地理志：「淄川縣有夾谷山。」顧炎武日知錄云：「齊、魯之境，正在萊蕪；淄川已入齊地百餘里。」顧棟高大事表亦主萊蕪，謂地位適中，較淄川甲山偏近齊境內者為可信。

## 下邑

①楚考烈十四，滅魯，頃公遷下邑。（六國表）

②魯頃公二十四年，楚滅魯。頃公亡，遷下邑。（魯世家）

【集解】徐廣曰：「『下』，一作『卜』。」

【索隱】下邑，謂國外之小邑。本或作「卜邑」，然魯有卜邑，與此不同。（魯世家）

## 下邑

①周呂侯爲漢將兵居下邑。（項羽本紀）

②沛公收碭兵，攻下邑，還軍豐。（高祖本紀）

③攻下邑以西，至虞。（曹相國世家）

④從東擊楚。至彭城，敗而還。至下邑。（留侯世家）

⑤項王留攻下邑。（黥布傳）

⑥脫孝惠、魯元下邑之間。（夏侯嬰傳）

⑦吳兵欲西，梁城守堅，不敢西，即走條侯軍，會下邑。（吳王濞傳）

【集解】徐廣曰：「在梁。」（項羽本紀）

【索隱】韋昭云：「下邑，縣名，屬梁國也。」（高祖本紀）

【正義】括地志云：「宋州碭山縣本下邑縣也，在宋州東一百五十里。」案：今下邑在宋州東一百一十里。

〔案〕故城今碭山縣東。戰國楚邑。楚滅魯，遷其君於此。

## 瑕邱

① 攻鄒、魯、瑕丘、薛。（樊噲傳）

② 瑕邱申陽者，張耳嬖臣。（項羽本紀）

③ 瑕丘蕭奮。（儒林傳）

④ 瑕丘侯。（建元以來王子侯者年表）

【集解】服虔曰：「瑕邱縣屬山陽。」（項羽本紀）

【正義】瑕丘，兗州縣。（樊噲傳）

〔案〕水經泗水注：「瑕邱，春秋之負瑕。哀公七年，『季康子伐邾，囚諸負瑕』是也。昔衛大夫公叔文子升於瑕邱。曾子弔諸負夏，鄭玄、皇甫謐並言『衛地』。魯、衛雖殊，土則一也。」其地當今山東滋陽縣西二十五里。又寰宇記：「瑕邱在濮陽縣東南三十里。」

今河北濮陽縣東南十八里。竊謂公叔文子所升，應在濮陽；曾子所弔，邾君所囚，應在滋陽。邾氏之說，未必可從。

## 卞

仲由，卞人。（仲尼弟子傳）

〔案〕今泗水縣東五十里。

## 乘丘

潛公十，伐魯，戰於乘丘。（宋世家）

【集解】徐廣曰：「『乘』，一作『滕』。」案：杜預曰：「乘丘，魯地。」（宋世家）

【正義】地理志云：「乘丘故城在兗州瑕丘縣西北三十五里」，是也。（楚世家）

〔案〕今滋陽縣西北。

## 乘丘

悼王二，三晉伐楚，至乘丘。（楚世家）

〔案〕年表作「桑丘」，蓋字譌。

## 陵阪

公游於陵阪。（魯世家）

【集解】服虔曰：「陵阪，地名。」

## 有山氏

哀公復歸，卒於有山氏。（魯世家）

## 苑中

魯王好獵，相常從入苑中。（田叔傳）

【正義】括地志云：「嬰相圃在兗州曲阜縣南三十里。」

〔案〕郡國志注：「嬰相之圃在曲阜城中西南，近孔子廟。」元和志：「在曲阜縣西三里魯」



城中。」括地志所云，未詳。

## 勝母

縣名勝母，曾子不入。（鄒陽傳）

【集解】駟案：漢書云「里名勝母」也。

【正義】淮南子、鹽鐵論皆云「里名」，尸子及此傳云「縣名」，未詳也。

〔案〕此里應在魯。



## 卷十一 晉地名

### 唐

①遷實沈於大夏，唐人是因。（鄭世家）

②昔唐人都河東。（貨殖傳）

③后稷創業於唐。（司馬相如傳）

④周公誅滅唐。封叔虞於唐。唐在河、汾之東，方百里。

⑤唐叔子燮，是爲晉侯。（晉世家）

⑥歌唐。曰：「其有陶唐氏之遺風乎？」（吳世家）

【集解】杜預曰：「晉本唐國。」（吳世家）駰案：世本曰：「唐叔虞居鄂。」宋忠曰：「鄂地今在大夏。」（晉世家）

【索隱】唐有晉水，至于夏，改其國號曰晉侯。且唐本堯後，封在夏墟，而都於鄂。鄂，今在大夏是也。及成王滅唐之後，又分徙之於許、郢之間，故春秋有唐成公，即今之唐州者也。

【正義】括地志云：「故唐城在絳州翼城縣西二十里，（鄭世家注引地記云：「絳城西北一百里有唐城。」）即堯裔子所封。春秋云夏后別封劉累之孫于大夏之墟爲侯。至周成王，封太叔，更遷唐人子孫于杜，謂之杜伯，即范句所云『在周爲唐杜氏』。」又：「括地志云：「故鄂城在慈州昌寧縣東二里。」按：與絳州夏縣相近。禹都安邑，故城在縣東北十五里，故云「在大夏」也。然封于河、汾二水之東，方百里，正合在晉州平陽縣，不合在鄂，未詳。

（晉世家）

〔案〕左定四：「命以唐語而封於夏虛。」故唐城，今翼城縣南。鄂，今鄉寧縣南一里。

## 唐

①昭王十一，滅唐。（楚世家）

②吳與唐、蔡西伐楚。（吳世家、楚世家、伍子胥傳。）

【集解】杜預曰：「義陽安昌縣東南上唐鄉。」

【正義】括地志云：「上唐鄉故城在隨州棗陽縣東南百五十里，古之唐國。」世本云：「唐，姬姓之國。」（楚世家）

〔案〕古唐城，今湖北隨縣西北九十里。

## 晉

叔虞封唐。唐在河、汾之東，方百里。子燮，是爲晉侯。（晉世家）

【正義】括地志云：「故唐城在并州晉陽縣北二里。」城記云堯築也。國都城記：「唐叔虞之

子燮父徙居晉水傍。今并理故唐城。唐者，即燮父初徙之處也。」毛詩譜云：「叔虞子燮

父以堯墟南有晉水，改曰晉侯。」

## 晉

①獻公時，晉疆，西有河西，與秦接境，北邊翟，東至河內。

②周襄王賜晉河內陽樊之地。

③幽公之時，晉獨有絳、曲沃，餘皆入三晉。魏、韓、趙滅晉侯而三分其地。（晉世家）

## 晉

一周爲二十晉，韓嘗以二十萬眾辱於晉下，而晉不拔。（楚世家）

〔案〕明統志：「晉城在平陽府太平縣南二十五里，晉士爲所築，獻公都焉。」元和志：「故翼城在翼城縣東南十五里，今名故城村。」清統志稱晉城；閻百詩謂：「土人至今呼故晉城，遺址宛然」，是也。疑此晉即指故絳，即故翼城言。

## 晉

異日，秦在河西晉，國去梁千里，有河山以闌之，有周、韓以間之。秦乃在河西晉，去梁千里，而禍若是。（魏世家）

## 晉國

蠶食魏氏，又盡晉國。（懷侯傳）

【索隱】河西、河東、河內並是魏地，即故晉國。

### 三晉

三晉之兵素悍勇而輕齊。（孫吳傳）

### 二晉

二晉之事越。（越世家）

【正義】言韓、魏與楚鄰，令越合於二晉而伐楚。

### 翼

曲沃邑大於翼。翼，晉君都邑也。（晉世家）

【索隱】翼本晉都，自孝侯已下一號翼侯，平陽絳邑縣東翼城是也。

〔案〕即絳，說詳彼。

鄂

西伯昌、九侯、鄂侯爲紂三公。（殷本紀、魯仲連傳。）

【集解】徐廣曰：「一作『邗』，音『于』。」野王縣有邗城。」（殷本紀）

鄂

晉孝侯十六，曲沃莊伯殺孝侯，晉人立孝侯子卻爲鄂侯。（十二諸侯年表。案：晉世家作「十五」。）

【索隱】鄂，邑。

【正義】括地志云：「故鄂城在慈州昌寧縣東二里。」按：與絳州夏縣相近。（晉世家）

〔案〕左隱六年：「翼九宗五正頃父之子嘉父逆晉侯于隨，納諸鄂，晉人謂之鄂侯。」今山西鄉寧縣南一里有鄂侯故壘。隋書地理志：「昌寧縣有崞山。」今山西鄉寧縣東三十里，鄂水出其陰。

鄂



①熊渠甚得江、漢間民和，興兵伐庸、楊、粵，至於鄂。

②立中子紅爲鄂王。（楚世家）

【集解】駟案：九州記曰：「鄂，今武昌。」

【正義】劉伯莊云：「地名，在楚之西，後徙楚，今東鄂州是。」括地志云：「鄧州向城縣南二十里西鄂故城是。」又：括地志：「武昌縣，鄂王舊都。今鄂王神即熊渠子之神也。」

〔案〕漢志南陽郡有西鄂縣。熊渠子鄂王當在此，今河南南陽縣南。

## 曲沃

①晉昭元，封季弟成師於曲沃，曲沃大於國。

②曲沃武公滅晉，并其地爲晉君。（十二諸侯年表、晉世家。）

③欒盈入晉曲沃。（齊世家）

④魏襄十三，秦取魏曲沃、平周。（魏世家）

【索隱】河東之縣名，漢武帝改曰聞喜。（晉世家）

【正義】絳州桐鄉縣，晉曲沃邑。（魏世家）

〔案〕今開喜縣治。自桓叔始封，三世至武公并晉。獻公都絳，使太子申生居曲沃，亦謂新城，又謂下國。後為樂氏食邑；秦謂之左邑。

## 曲沃

①魏襄五，與秦河西地少梁。秦圍魏焦、曲沃。（六國表、魏世家。）

②（同年）秦惠八，伐曲沃，盡出其人，取其城。（樛里子傳）

③魏襄八，秦歸魏焦、曲沃。（六國表）

④（同年）秦惠文君十一，歸魏焦、曲沃。（秦本紀）

⑤魏哀五，秦拔魏曲沃，走犀首岸門。（六國表、魏世家。）

⑥北園曲沃、於中，以至無假之關者三千七百里。（越世家）

【正義】括地志云：「曲沃在陝縣西南（越世家注無「南」字。）三十二里，因曲沃水爲名。」（秦

本紀）案：今有曲沃店也。（魏世家）

〔案〕魏書地形志：「恆農郡北陝有曲沃城。」水經河水注：「舊水注之，西北逕曲沃城

南。春秋（左傳）文十三：『晉使唐嘉守桃林之塞。』處此以備秦。時以曲沃之官守之，故

名。」今陝縣西南四十里有曲沃鎮。

## 下國

狐突之下國。（晉世家）

【集解】服虔曰：「晉所滅國以爲下邑。一曰曲沃有宗廟，故謂之國；在絳下，故曰下國。」

## 新城

晉太子申生死新城。（秦本紀、晉世家。）

【正義】韋昭云：「曲沃，新爲太子城。」括地念云：「絳州曲沃縣有曲沃故城，土人以爲

晉曲沃新城。」（秦本紀）

〔案〕詳「曲沃」條。

## 新城

昭襄王七年，拔楚新城。（秦本紀）

【正義】年表云：「秦敗我襄城，殺景缺。」括地志云：「許州襄城縣即古新城縣也。」案世家、年表，則「新」字誤，作「襄」字。

## 新城

莊襄三，攻趙榆次、新城、狼孟。（秦本紀。案：六國表在二年。）

【正義】新城一名小平城，在朔州善陽縣西南四十七里。

【案】朔州新城，今朔縣西南，與榆次、狼孟俱遠，疑非也。此新城當近晉陽。

## 新城

晉襄五，伐秦，圍邠、新城。（十二諸侯年表、晉世家。）

【集解】服虔曰：「秦邑，新所築城也。」（晉世家）

【案】今陝西澄城縣東北二十里有古新城，即梁國地，而秦取之。左傳十八：「梁伯益其國而不能實，命曰新里，秦取之」；十九年：「遂城而居之」；是也。

## 新城

秦昭曰：「吾愛宋與愛新城、陽晉同。」（田齊世家）

【正義】括地志云：「新城故城在宋州宋城縣界。」

〔案〕今商邱縣南。左文十四：「同盟於新城。」此新城在宋。

## 新城

東取咸陽，更名曰新城。（曹相國世家）

【索隱】漢書高帝元年咸陽名新城，武帝改名曰渭城。

## 新城

①昭襄十三，白起攻韓新城。（秦本紀、白起傳。）

②二十五，與韓王會新城。（秦本紀）

③秦攻新城、宜陽，以臨二周之郊。（張儀傳）

④漢王南渡平陰津，至雒陽。新城三老董公。（高祖本紀）

【索隱】新城當在河南伊闕之左右。（張儀傳）

【正義】洛州福昌縣也。（張儀傳）又：括地志云：「洛州伊闕縣本是漢新城縣，隋文帝改爲

伊闕，取伊闕山爲名也。」（「取伊闕山」七字據高祖本紀增。）在洛州南七十里。」（秦本紀）

【案】今洛陽縣南。

## 絳

①晉獻八，城聚都之，名曰絳，始都絳。（晉世家。案：十二諸侯年表在獻九，與左傳合。）

②秦與晉粟，以船漕車轉，自雍相望至絳。（秦本紀）

【索隱】春秋莊二十六年傳：「士蒍城絳」，是也。杜預曰：「今平陽絳邑縣。」應劭曰：

「絳水出西南」也。（晉世家）

【案】左莊二十五：「晉士蒍城聚處羣公子。冬，晉侯圍聚，盡殺羣公子。」莊二十六：「

士蒍城絳，以深其宮。」則聚與絳非一地。（「聚」列詳。）晉故絳亦名翼；穆侯居絳，亦曰

翼侯。左隱五：「曲沃伐翼。」桓八：「曲沃滅翼。」後漢郡國志：「絳邑有翼城。」曲

## 絳

沃既滅翼，遂徙都之。鄭氏詩譜謂：「穆侯遷絳；孝侯改絳曰翼；獻公北廣其城，命之曰絳。」則翼與絳為一地。魯成六，晉遷新田，此名故絳，今翼城縣東十里。

絳侯周勃。（高祖功臣年表）

〔案〕魯成六，晉人去故絳，徙新田，遂命新田為絳。漢置絳縣，今曲沃縣西南。

## 絳水

絳水可以灌平陽。（魏世家）

〔正義〕括地志云：「絳水一名白水，今名弗泉，源出絳山。飛泉奮湧，揚波注縣，積壑二十許丈，望之極為奇觀矣。」按：引此灌平陽城也。

〔案〕絳水出今絳縣西北，又西北入曲沃縣界，北直平陽百五十里。水經注：「絳水灌平陽，未識所由。」據梁書韋叡傳：「汾水灌平陽，絳水灌安邑。」蓋「汾」、「絳」二字誤倒。然絳水源流甚短。惟涑水經夏縣、安邑西北，其上流即絳水，或借絳指涑也。

## 聚

獻公城聚都之，命曰絳。（晉世家）

【集解】賈逵曰：「聚，晉邑。」

〔案〕後魏有南絳縣，在今絳縣東南十里，一名車箱城，或說即晉城聚邑羣公子處。以晉故絳在今翼城，漢絳縣在今曲沃，皆非此絳；而晉世家稱「城聚都之，命曰絳」，遂疑即此。然考左氏莊二十五：「晉士蒍城聚處羣公子。冬，晉侯圍聚，盡殺羣公子。」二十六年：「夏，士蒍城絳，以深其宮。」「城聚」、「城絳」，本為二事。史云：「晉使士蒍盡殺諸公子，而城聚都之，命曰絳，始都絳。」是并聚與晉都故絳為一，恐史自有誤。晉之聚，殆亦如齊之聚，僅有邑聚而無城聚之通名耳。必以後代南絳之名證之，轉為穿鑿。

## 聚邑

衛獻公奔齊，齊置獻公於聚邑。（衛世家）



蓐

臺駘宣汾、洮，國於汾川。沈、姒、蓐、黃實守其祀。晉主汾川而滅之。（鄭世家）

條

晉穆七，以伐條生太子仇。（十二諸侯年表、晉世家。）

【集解】杜預曰：「條，晉地。」（晉世家）

〔案〕後漢西羌傳：「宣王三十八年，伐條戎。」紀年：「王師及晉穆侯伐條戎、奔戎。」舊說皆以安邑鳴條岡說之。案：中條山縣延甚遠，此戎或盤踞中條山中，而不能說其所。

千畝

①宣王戰於千畝，敗於姜氏之戎。（周本紀）

②晉穆十，以千畝戰生戎師。（十二諸侯年表、晉世家。）

③造父下六世至奄父，周宣王時伐戎，爲御。及千畝戰。（趙世家）

【集解】杜預曰：「西河界休縣南有地名千畝。」（晉世家）

【索隱】在西河介休縣。

【正義】括地志云：「千畝原在晉州岳陽縣北九十里。」（周本紀）

【案】元和志：「千畝原在晉州岳陽縣北九十里，周迴四十里。」正義之說得之。介休非當時周、晉兵力所及。岳陽故城，今安澤縣東。

## 耿

①晉滅霍、魏、耿。（秦本紀、晉世家。）

②始封趙夙耿。（十二諸侯年表、晉世家、趙世家。）

【集解】服虔曰：「耿，姬姓。」杜預曰：「平陽皮氏縣東南有耿鄉。」

【索隱】地記曰：「皮氏縣汾水南耿城，是故耿國也。」（晉世家）

【正義】括地志云：「故耿城今名耿倉城，在絳州龍門縣東南十二里，故耿國。都城記云：

『耿，嬴姓國也。』」（秦本紀）

〔案〕今河津縣南十二里。

## 號

①宣王不修籍於千畝，號文公諫。（周本紀）

②秦武公滅小號。（秦本紀）

【集解】駢案：班固曰：西號在雍州。（秦本紀）

【正義】括地志云：「故號城在岐州陳倉縣東南十里。（周本紀。案：秦本紀作「東四十里」。）次西

十餘里又有城，亦名號城。輿地志云：『此號文王母弟號叔所封，是曰西號。』按：此

號滅時，陝州之號猶謂之小號。又云：小號，羌之別種。（秦本紀）

〔案〕漢右扶風有號縣，今寶雞縣東。

## 號

①周桓王二，使號公伐晉之曲沃。（十二諸侯年表、晉世家。）

②晉獻公滅周北虞公，以開晉伐號。（吳世家）

③晉假道於虞，遂伐虢。

④晉滅虢，虢公奔周。（晉世家）

【集解】賈逵曰：「虢在虞南。」又：駟案：「皇覽曰：「虢公冢在河內溫縣郭東，濟水南大冢是也。其城南有虢公臺。」

【正義】馬融云：「周武王克商，封文王異母弟虢仲於夏陽。」（晉世家）陝州城古虢國。又陝州河北縣東北下陽故城，古虢，即晉獻公滅者。（扁鵲傳）

〔案〕左傳五：「晉圍上陽。滅虢。」上陽故城，今河南陝縣東南。

## 虢山

魏文二十六，虢山崩，壅河。（六國表、魏世家。）

【集解】徐廣曰：「在陝。」駟案：「地理志曰：「弘農陝縣，故虢國。北虢在太陽，東虢在滎陽。」

【正義】括地志云：「虢山在陝州陝縣西二里，臨黃河。今臨河有崗阜，似是頽山之餘也。」（魏世家）

〔案〕今陝縣西。

## 虢

①虢、鄆果獻十邑。

②雒之東土，河濟之南，地近虢、鄆。（鄭世家）

③秦宣公三，鄭伯、虢叔殺子頤入惠王。（秦本紀）

【集解】虞翻曰：「十邑謂虢、鄆、鄆、蔽、補、丹、依、嘯、歷、莘。」徐廣曰：「虢在成臯。」（鄭世家）

【正義】括地志云：「洛州汜水縣，古東虢國，亦鄭之制邑，漢之成臯，即周穆王虎牢城。」  
（秦本紀）

〔案〕今汜水縣西北。

## 虢

扁鵲過虢。（扁鵲傳）

【正義】未知扁鵲過何者，蓋虢至此並滅也。

## 下陽

①晉獻十九，伐虢，滅下陽。（十二諸侯年表）

②晉伐虢，取其下陽以歸。（晉世家）

【集解】服虔曰：「下陽，虢邑也，在大陽東北三十里。穀梁傳曰：『下陽，虞、虢之塞邑。』」（晉世家）

〔案〕今平陸縣東北二十里。

## 蒲 蒲陽

①蒲邊秦，使公子重耳居蒲。（晉世家）

②晉獻十二，重耳居蒲城。（十二諸侯年表）

③秦惠文十，圍蒲陽，降之。魏納上郡。（六國表、張儀傳。）

④（同年）魏襄七，魏盡入上郡於秦。秦降魏蒲陽。（魏世家）

【集解】韋昭曰：「蒲，今蒲阪。」杜預曰：「今平陽蒲子縣。」（晉世家）

【正義】蒲邑故城在隰州隰川縣北（魏世家注作「南」）。四十五里。在蒲水之北，故言蒲陽。即重耳所居邑。（秦始皇本紀）

【案】蒲城，今隰縣西北。杜預以為即重耳所居，水經注從其說。其地尚在平陽西北二百八十里，恐晉獻時疆境不至此；當依韋昭說。至惠文所降蒲陽，則為蒲子縣。

## 蒲

秦獻六，初縣蒲、藍田、善明氏。（六國表）

【案】今陝西蒲城縣東。秦簡公城重泉在其南。

## 蒲山

蒲山、岳嶠山之屬，為小山，亦皆歲禱賽。（封禪書）

【案】蒲山無考。今蒲城城北三十里有堯山，或是也。

## 蒲 蒲陽

① 孔子適陳，過匡。去即過蒲。

② 孔子去陳。過蒲，會公叔氏以蒲叛。

③ 靈公曰：「蒲，衛之所以待晉、楚也。」（孔子世家）

④ 子路爲蒲大夫。（仲尼弟子傳）

⑤ 秦昭元，伐蒲。

⑥ 衛之所以爲衛者，以蒲。蒲入魏，衛必折而從之。（穉子傳）

⑦ 始皇九，拔魏垣、蒲陽。（始皇本紀、六國表、魏世家。）

⑧ 并蒲、衍、首、垣，以臨仁、平邱、黃、濟陽嬰城。（春申君傳）

【集解】徐廣曰：「長垣縣有匡城、蒲鄉。」（孔子世家）

【索隱】蒲，衛邑。（仲尼弟子傳）

【正義】括地志云：「故蒲城在滑州匡城縣北十五里。匡城本漢長垣縣。」（孔子世家）

【案】今長垣縣治。始皇九年，拔蒲陽，亦此蒲；正義誤謂在上郡。



## 蒲

屯留、蒲、鴈。（秦始皇本紀）

【集解】蒲，地名。

## 屈

①晉獻十二，夷吾居屈。（十二諸侯年表、晉世家。）

②屈邊翟。

③荀息以屈產之乘假道於虞。（晉世家）

【集解】韋昭曰：「屈，北屈，在河東。」何休曰：「屈產，出名馬之地。」（晉世家）

【案】水經注：「羊求水西逕北屈縣故城南，城即夷吾所奔邑。」今山西吉縣東北。又水經

注引竹書紀年魏襄王十一年，「翟章救鄭，次於南屈。」應劭曰：「有南故加北。」

## 高梁

①魯釐九，齊伐晉亂，至高梁還。（十二諸侯年表、齊世家、魯世家、晉世家。）

②懷公奔高梁。

③欒、卻之黨殺懷公於高梁。（晉世家）

④酈疥封高梁侯。（酈食其傳）

【集解】服虔曰：「晉地也。」杜預曰：「在平陽縣西南。」（齊世家）

【案】水經注：「汾水逕高梁故城西。紀年：『智伯瑤城高梁。』酈食其子疥封高梁侯。」

魏書地形志：「平陽有高城。」今臨汾縣東北高河鎮。

## 廬柳

秦兵圍令狐，晉軍於廬柳。（晉世家）

【集解】韋昭曰：「晉地名。」

【案】今猗氏縣北。

## 郇

咎犯與秦晉大夫盟於郇。（晉世家）

【集解】杜預曰：「解縣西北有郇城。」

〔案〕左傳：「畢、原、鄆、郇，文之昭也。」又：「郇瑕氏之地，沃饒而近鹽。」服虔云：「郇國在解縣東，郇瑕氏之墟也。」水經注：「涑水西逕郇城。」京相璠曰：「桑泉、白衰，並在解東南。傳言：「入桑泉，取白衰」，不言解，明不至解。」今解故城東北二十四里有故城，在猗氏故城西北，鄉俗名之為郇城。服虔之說，賢於杜氏。」清統志：「郇城在猗氏縣西南」，是也。方輿紀要：「在臨晉北十五里」，恐不得為「沃饒而近鹽」矣。

## 縣上 介山

介子推入縣上山中，文公環縣上山中封，以為介推田，號曰介山。（晉世家）

【集解】賈逵曰：「縣上，晉地。」杜預曰：「西河介休縣南有地名縣上。」

〔案〕介山，今介休縣南四十里。山下地名縣上，亦曰縣山。

## 茅津

①繆公自將伐茅津。

②繆公自茅津渡河，封穀中戶。（秦本紀）

【集解】徐廣曰：「在太陽。」

【正義】括地志云：「茅津及茅城在陝州河北縣西二十里。注水經云：『茅亭，茅戎號。』」  
【案】茅故城，今平陸縣西南二里，河南為陝縣，乃黃河津濟處；亦曰大陽渡，以在大河之北也。

## 茅

秦固有懷、茅、邢丘。（魏世家）

【集解】徐廣曰：「在脩武縣，有茅亭。」

【正義】左傳云：周與鄭人蘇忿生十二邑，其一曰攢茅。括地志云：「在懷州獲嘉縣東北二十五里」也。獲嘉，古脩武也。

## 河曲

①繆公伐晉，戰於河曲。

②康公伐晉，戰於河曲。（秦本紀）

③秦康六，伐晉，取羈馬。晉怒，與秦大戰河曲。（十二諸侯年表、晉世家。）

【集解】駟案：公羊傳曰：「河千里而一曲也。」服虔曰：「河曲，晉地。」杜預曰：「河曲在蒲坂南。」

【正義】按：河曲在華陰縣界也。（秦本紀）

〔案〕蒲坂故城，今永濟東南，即晉河曲也。此為秦、晉東西往來渡河通道。左傳凡言「濟」，如「自茅津濟」、「自南河濟」，皆多特舉；惟此處率僅言「濟」，如「濟河，圍令狐」之類是也。

## 曲河

王施以東山之險，帶以曲河之利，韓必爲關內之侯。（春申君傳）

## 王官

①繆公敗晉，取王官及鄆。（秦本紀）

②秦渡河取王官。（晉世家）

【正義】括地志云：「王官故城在同州澄城縣西北九十里。」（秦本紀。案：晉世家引作「六十里」。）

左傳文三年：『秦伐晉，取王官』，即此。先言渡河，史文顛倒耳。」（晉世家）括地志云：

「蒲州猗氏縣南二里又有王官故城，亦秦伯取者。」上文云「秦地東至河」，蓋猗氏王官

是也。（秦本紀）

〔案〕秦師渡河敗晉，知王官應在河東。水經注：「涑水西逕王官城北。城在南原上。」左傳

呂相絕秦曰：『伐我涑川，俘我王官。』故城今山西聞喜縣西境。又虞鄉縣南亦有王官城，近王官谷，見元和志，亦非此王官也。

## 鄆

秦敗晉，取王官及鄆。（秦本紀）

【集解】徐廣曰：「左傳作『郊』。」

【正義】括地志云：「南郊故城在同州澄城縣北十七里。又有北郊故城，又有西郊故城。」  
傳云：『文公三年，秦伯伐晉，濟河焚舟，取王官及郊』也。」

〔案〕王官在猗氏，郊亦不當在澄城。

## 鄆

①魏惠十四，與趙會鄆。（六國表、魏世家。）

②趙武靈二，城鄆。（六國表）

③武靈三，城鄆。

④中山負齊之強，引水圍鄆，鄆幾不守。（趙世家）

⑤王軍取鄆、石邑、封龍、東垣。中山獻四邑請和。（趙世家）

⑥趙王以鄆爲信陵君湯沐邑。（信陵君傳）

⑦燕使栗腹攻鄆。（燕世家）

⑧廉頗大破栗腹軍於鄆。（廉頗傳）

⑨成安君軍敗鄆下，身死泝上。（淮陰侯傳）

【集解】徐廣曰：「在常山。」（趙世家）李奇曰：「今高邑是。」（淮陰侯傳）

〔案〕今河北柏鄉縣北，春秋晉邑。

## 令狐

①秦兵送晉公子雍至令狐。（秦本紀）

②秦兵圍令狐，晉軍於廬柳。

③晉發兵距秦，敗之令狐。（晉世家）

【集解】杜預曰：「在河東。」

【正義】括地志云：「令狐故城在蒲州猗氏縣界十五里也。」

〔案〕水經注：「關駟曰：『令狐即猗氏。』」今令狐縣西十五里有令狐村；又臨晉東北十五里亦有令狐村。

## 猗



猗頓用鹽鹽起。（貨殖傳）

【集解】孔叢曰：「猗頓，魯之窮士也。適西河，大畜牛羊于猗氏之南。以興富於猗氏，故曰猗頓。」

【正義】案：猗氏，蒲州縣也。

〔案〕今猗氏縣南二十里王寮村，傳為猗頓居牧處。

## 原

①晉以原封趙衰。（晉世家）

②晉文元，趙衰爲原大夫，居原，任國政。（十二諸侯年表、趙世家）

【集解】杜預曰：「河內沁水縣西北有原城。」（晉世家）

【索隱】宋忠云：「今鴈門原平縣也。」（趙世家）

【正義】括地志云：「原平故城，在代州崞縣南三十五里。」按：宋忠說非也。括地志云：

「故原城在懷州濟源縣西北二里。原本周畿內邑。」（趙世家）

〔案〕今濟源縣西北，周初原國。

## 東山

太子申生伐東山。（晉世家）

【集解】賈逵曰：「東山，赤狄別種。」

〔案〕左閔二：「東山皋落氏。」水經注：「清水經皋落城北。」今垣曲縣西北五十里皋落堡。

## 東山

王施以東山之險，帶以曲河之利，韓必爲關內之侯。（春申君傳）

## 咎如 廬咎如

①狄伐咎如。（晉世家）

②趙衰從翟伐廬咎如。（趙世家）

【集解】賈逵曰：「赤狄之別，隗姓。」（晉世家）

## 路

晉之滅路。（魯世家）

〔案〕國語史伯謂鄭桓公：「北有狄、潞。」左宣十五，晉敗赤狄於曲梁，遂滅潞。今山西潞城縣東北。

## 羗

①始皇十八，端和將河內，羗羗伐趙。

②十九，王翦（此下似脫二字。）羗羗定取趙地。（秦始皇本紀）

〔案〕赤狄，隗姓；此羗疑即赤狄隗姓之遺。

## 狄鞮

俳優侏儒，狄鞮之倡。（司馬相如傳）

【集解】徐廣曰：「韋昭云：狄鞮，地名，在河內，出善倡者。」

## 銅鞮

①銅鞮伯華。（仲尼弟子傳）

②韓王信以馬邑降胡，擊太原。上自往擊，破信軍銅鞮。（韓王信傳）

③破胡騎武泉北，轉攻韓信軍銅鞮。還，降太原六城。（絳侯世家）

【集解】晉太康地記云：「銅鞮，晉大夫羊舌赤之邑。」

【索隱】地理志銅鞮，縣名，屬上黨。（仲尼弟子傳）

【正義】括地志云：「銅鞮故城在潞州銅鞮縣東十五里，州西六十五里，在并州東南也。」

（絳侯世家）

【索】故城今沁縣南。水經注：「銅鞮故城在銅鞮水南山中。」銅鞮水，今沁縣南四十里。

## 楊

①郅都，楊人。

②滅宣，楊人。（酷吏傳）

③楊、平陽西賈秦、翟，北賈種、代。

④楊、平陽陳椽其間，得所欲。（貨殖傳）

【集解】徐廣曰：「屬河東。」（酷吏傳）

【索隱】楊，邑名，在趙之西。（貨殖傳）

【正義】括地志云：「故楊城本秦時楊國，漢楊縣城也，今晉州洪洞縣。以故洪洞鎮爲名也。秦及漢皆屬河東郡。鄧都墓在洪洞縣東南二十里。」漢書云：「鄧都，河東大陽人」，班固失之甚也。大陽，今陝州河北縣是，亦屬河東郡也。（酷吏傳）

【案】今洪洞縣東南十五里。春秋晉有楊大夫。

## 鄆

擊趙相國夏說軍於鄆東。（曹相國世家）

【集解】徐廣曰：「鄆縣在太原。」

【案】今介休縣東北二十七里鄆城店。春秋晉有鄆大夫。

## 范

①范、中行氏伐趙鞅。（趙世家）

②決羊腸之險，塞太行之道，又斬范、中行之塗。（秦澤傳）

【正義】案：會食邑於范，因爲范氏。（趙世家）

〔案〕范故城在今范縣東南。士氏本居隨，隨武子稱范，在宣十五滅潞後。蓋其地初淪於狄，後范氏叛晉，齊、衛助之，范因入齊。孟子：「自范之齊」，是也。

## 范魁

嬴姓將大敗周人於范魁之西。（趙世家）

【正義】賈逵云「川阜曰魁」也。

【索隱】范魁，地名，不知所在，蓋趙地也。

## 范

鄭襄十八，晉樂書取鄭范。（十二諸侯年表）

〔案〕左成四：「晉樂書伐鄭，取汜、祭。」杜注：「成皋縣東有汜水。」

## 施惠之臺

晉平公置酒於施惠之臺。（樂書）

【正義】一本「慶祁之堂」。左傳云「虢祁之宮」。杜預云：「虢祁，地名也，在絳州西四十里，臨汾水也。」

〔案〕左昭八：「晉侯築虢祁之宮。」水經注：「宮在新田絳縣故城西，背汾面澮，西則兩川之交會也。」今新絳縣南。

## 桃園

趙穿襲殺靈公於桃園。（晉世家）

【集解】虞翻曰：「園名也。」





## 卷十二 楚地名

### 楚

- ① 楚之先祖出自帝顓頊高陽。
- ② 陸終生子六人，六曰季連，芈姓，楚其後也。
- ③ 周成王封熊繹於楚蠻。
- ④ 熊繹三子句亶王、鄂王、越章王，皆在江上楚蠻之地。（楚世家）
- ⑤ 楚汝、潁以爲險，江、漢以爲池，阻之以鄧林，緣之以方城。（禮書）
- ⑥ 齊負東海，楚介江、淮。（十二諸侯年表）
- ⑦ 秦、楚、吳、越，夷狄也。（天官書）
- ⑧ 楚曰：「我蠻夷也。」（楚世家）

## 楚

周公奔楚。（魯世家）

## 楚

楚伐隨，武王卒師中。（楚世家）

【集解】酈案：皇覽曰：「楚武王冢在汝南郡鮑陽縣葛陂鄉城東北，民謂之楚王岑。漢永平中，葛陵城北祝里社下於土中得銅鼎，而名曰『楚武王』，由是知楚武王之冢。」

【正義】有本注「葛陂鄉」作「葛陵鄉」者，誤也。地理志云：「新蔡縣西北六十里有葛陂鄉，即費長房投竹成龍之陂。」

〔案〕鮑陽故城，今新蔡縣東北。葛陵故城，今新蔡縣西北，以近葛陂名。水經注：「鮑陽縣有葛陵城。城東北有楚武王冢。」然楚在隨西，伐隨而卒軍中，無緣遠葬隨東北之新蔡。後世傳說，不可據信，率如此。

## 楚

①楚西有黔中、巫郡，東有夏州、海陽，南有洞庭、蒼梧，北有涇塞、郇陽，地方五千餘里。

（蘇秦傳）

②莊騫起，楚分而爲四。（禮書）

③秦滅楚，以爲楚郡。（楚世家）

④楚之鐵劍利而倡優拙。（范雎傳）

【正義】括地志云：「師州、黎州在京西南五千六百七十里。戰國楚威王時，莊騫王湏，則爲滇國之地。」楚昭王徙都郢，莊騫王湏，楚襄王徙都陳，楚考烈王徙都壽春，咸被秦逼，乃四分也。（禮書）

## 楚

①漢五年，徙齊王信爲楚王，都下邳。（淮陰侯傳）

②會諸侯於陳。陳，楚之西界。（陳丞相世家）

③楚元王交都彭城。(楚元王世家)

④高祖弟交爲楚王，王淮西三十六城。(荆燕世家)

⑤楚王宣言曰：「我先王封三十二城，今地邑益少。」(三王世家)

⑥元王王楚四十餘城。(吳王濞傳)

⑦自陳以西，南至九疑，東帶江、淮、穀、泗，薄會稽，爲梁、楚、吳、淮南、長沙國。(漢

興以來諸侯年表)

⑧滎陽下引河東南爲鴻溝，以通宋、鄭、陳、蔡、曹、衛，與濟、汝、淮、泗會於楚。(河渠

書)

⑨太史公曰：吾適楚，觀春申君故城宮室。(春申君傳)

【索隱】漢書云：「楚王王薛郡、東海、彭城三十六郡」也。(楚元王世家)

## 楚

①越、楚則有三俗。

②楚越之地，地廣人稀，飯稻羹魚，或火耕而水耨，果隋蠃蛤，不待賣而足，地勢饒食，無饑

饑之患，以故皆竄偷生，無積聚而多貧。（貨殖傳）

③朱買臣楚士。（酷吏傳）

④四面皆楚歌。（項羽本紀）

【正義】越滅吳則有江淮以北，楚滅越兼有吳越之地，故言「越楚」也。（貨殖傳）故謂朱買

臣爲楚士。（酷吏傳）

〔案〕下分西楚、東楚、南楚。東楚，浙江南則越；南楚，豫章、長沙。凡南方皆言諸越，不專指春秋「吳、越」之越而言。

## 東楚

彭城以東，東海、吳、廣陵，此東楚也。俗類徐、僮。朐、繒以北，俗則齊。浙江南則越。（貨殖傳）

## 南楚

①衡山、九江、江南豫章、長沙，是南楚也。俗大類西楚。

②南楚好辭，巧說少信。（貨殖傳）

## 西楚

①項羽自立爲西楚霸王，王九郡，都彭城。（項羽本紀）

②自淮北沛、陳、汝南、南郡，此西楚也。俗剽輕，易發怒，地薄，寡積聚。（貨殖傳）

## 張楚

陳涉立爲王，號張楚。（陳涉世家）

【索隱】李奇云：「欲張大楚國，故稱張楚也。」

## 𡗗姓

陸終生子六人，六曰季連，𡗗姓，楚其後也。（楚世家）

【索隱】系本云：「季連者，楚是也。」宋忠曰：「季連，𡗗姓，諸楚所出。」

【案】說文：「𡗗，米聲。」古音「麋」，與「𡗗」音同。則「𡗗」即「𡗗」也。

## 丹陽

周成王封熊繹於楚蠻，姓芈氏，居丹陽。（楚世家）

【集解】徐廣曰：「在南郡枝江縣。」

【正義】潁容三傳例云：「楚居丹陽，今枝江縣故城是。」括地志云：「歸州巴東縣東南四里歸故城，楚子熊繹之始國也。又熊繹墓在歸州秭歸縣。輿地志云：『秭歸縣東有丹陽城，周迴八里，熊繹始封也。』」

## 丹陽

①秦惠文十三年，擊楚丹陽，又攻楚漢中，取地六百里。（秦本紀）

②（同年）韓宣惠二十一年，韓與秦共攻楚，敗楚將屈丐於丹陽。（韓世家）

③（同年）楚懷十七，與秦戰丹陽，秦遂取漢中之郡。（楚世家）

④殺屈匄，遂取丹陽、漢中之地。（張儀傳）

⑤秦大破楚師於丹、淅，遂取楚之漢中地。（屈原傳）

【索隱】此丹陽在漢中。（楚世家）故楚都，在今均州也。（韓世家）丹、浙，二水。謂於丹水之北，浙水之南。皆爲縣名，在弘農，所謂丹陽、浙是也。（屈原傳）

【案】河南內鄉縣有丹水。此丹陽即丹水之陽。索隱說是也。楚先世封丹陽即在此，故曰「辟在荆山，篳路藍縷，以處草莽」。漢志以丹陽郡丹陽說之，大誤；正義說亦非。

## 丹陽

①浮江，渡海渚。過丹陽，至錢唐。（秦始皇本紀）

②將丹陽楚人五千人，教射酒泉、張掖。（李將軍傳）

【正義】括地志云：「丹陽郡故在潤州江寧縣東南五里，秦兼并天下，以爲鄣郡也。」（秦始皇本紀）

【案】漢丹陽縣，今安徽當塗縣東。丹陽郡治宛陵，今宣城縣治。漢志以此丹陽爲熊繇所封，誤。

## 丹水



①沛公降下宛，引兵西，至丹水。（高祖本紀）

②丹水更其南。（司馬相如傳）

【集解】駢案：漢書音義曰：「丹水出上洛冢領山。」（司馬相如傳）

【正義】括地志云：「故丹城在鄧州內鄉縣西南百三十里，南去丹水二百步。」汲冢紀年云：

『后稷放帝子丹朱于丹水』，是也。輿地志云：『秦爲丹水縣。』地理志云：『丹水縣屬

弘農郡。』」（高祖本紀）

〔案〕丹水源今陝西商縣西北冢領山，東南流入河南境，合浙水，南至湖北境入漢。丹水故城，今浙川縣西，古郢國。

## 丹穴

巴蜀寡婦清，其先得丹穴。（貨殖傳）

【集解】徐廣曰：「涪陵出丹。」

【索隱】漢書作「巴寡婦清」。

【正義】括地志云：「寡婦清臺山俗名貞女山，在涪州永安縣東北七十里也。」

〔案〕唐涪州永安縣，今四川長壽縣西南。

## 夔

成三十九，滅夔，夔不祀祝融、鬻熊故也。（楚世家）

【集解】服虔曰：「夔，楚熊渠之孫，熊摯之後。夔在巫山之陽，稱歸鄉是也。」

【索隱】譙周作「滅歸」，歸即夔之地名歸縣之鄉也。

〔案〕今湖北秭歸縣東。

## 郢

①楚文王始都郢。（十二諸侯年表、楚世家。）

②平王十，吳伐楚，敗陳、蔡。楚恐，城郢。

③吳攻楚，滅鍾離、居巢。楚乃恐而城郢。（楚世家）

④吳入郢。（秦本紀、楚世家、伍子胥傳。）

⑤昭王亡出郢，奔鄖。（吳世家、伍子胥傳。）

⑥昭王歸入郢，吳復伐楚，取番。楚恐，去郢，北徙都都。（楚世家、伍子胥傳。）

⑦蜀地之甲，乘船浮於汶，乘夏水而下江，五日而至郢。（蘇秦傳）

【正義】括地志云：「紀南故城在荊州江陵縣北五十里。（禮書注引作「十五里」。）」杜預云：『國

都於郢，今南郡江陵縣北紀南城』是。」括地志云：「又至平王，更城郢，在江陵縣東北六里，故郢城是也。」

【索隱】據左氏昭二十三年城郢，二十四年無重城郢之文，是史記誤也。（楚世家。案：楚世家雖

重言城郢，而實一事，並不誤。）

〔案〕今江陵縣東南。

## 郢

①楚頃襄二十一，秦拔楚郢，燒夷陵，王亡走陳。（六國表、楚世家。）

②白起拔楚之郢，秦置南郡。（穰侯傳、白起傳。）

③景駒舉郢。（主父偃傳）

〔案〕此郢乃鄢郢也。

## 郢 郢陳

- ①考烈王東徙都壽春，命曰郢。（楚世家）  
②始皇二十三，游至郢陳。（秦始皇本紀）

## 南郡

- ①昭襄二十九，白起攻楚，取郢，更東至竟陵，爲南郡。（秦本紀、六國表。）  
②秦以郢爲南郡。（白起傳）  
③昭襄四十四，攻韓南郡，取之。  
④始皇二十八，西南渡淮水，至衡山、南郡。浮江，至湘山祠。（秦始皇本紀）  
⑤漢虜臨江王共驩，地屬漢，爲南郡。（秦楚之際月表）  
⑥別定江陵，身得江陵王，因定南郡。（靳歙傳）  
⑦景帝復置臨江國。後除爲南郡。（漢興以來諸侯年表、五宗世家。）  
⑧彊弩臨江而守，以禁南郡之下。（淮南傳）

⑨上巡南郡，至江陵而東。（孝武本紀、封禪書。）

〔案〕秦昭取鄢郢，立南郡，當治宜城。自共敖為臨江王，始都江陵。漢南郡亦治江陵。

## 臨江

①項羽立共敖為臨江王，都江陵。（項羽本紀）

②劉賈將九江兵，與盧綰西南擊臨江王共敖。

③共敖已死，以臨江為南郡。（荆燕世家）

④戴野以都尉擊籍，籍死，轉擊臨江。（高祖功臣侯年表）

⑤漢五年，分臨江為長沙國。（秦楚之際月表）

⑥孝景初置臨江國，都江陵。（漢興以來諸侯年表）

⑦七年，廢栗太子為臨江王。（孝景本紀）

⑧臨江國除，地入漢，為南郡。（五宗世家）

【集解】駟案：漢書音義曰：「本南郡，改為臨江國。」（項羽本紀）

【正義】臨江，忠州縣。雖王臨江而都江陵。（孝景本紀）

## 句亶

熊渠立長子康爲句亶王。（楚世家）

【集解】張瑩曰：「今江陵。」

【索隱】地理志江陵，南郡之縣。文王自丹陽徙都之。

## 江陵

① 江陵故郢都，西通巫巴，東有雲夢之饒。（貨殖傳）

② 共敖爲臨江王，都江陵。（項羽本紀、高祖本紀。）

③ 別定江陵，身得江陵王。（靳歙傳）

④ 景帝徵臨江王榮，榮行，祖於江陵北門。（五宗世家）

⑤ 上巡南郡，至江陵而東。（孝武本紀、封禪書。）

⑥ 上取江陵木以爲船。（淮南傳）

⑦ 蜀漢、江陵千樹橘。（貨殖傳）

⑧趙嘉爲江陵侯。（孝景本紀）

【正義】江陵，荊州縣。（項羽本紀）又：荊州圖副云：「漢臨江閔王榮始都江陵城。」（五宗世家）

（世家）

〔案〕今江陵縣治。

## 鰲澤

靈王饑於鰲澤。（楚世家）

〔案〕鰲澤無考。水經沔水注有子胥瀆：「吳人入郢所開。水東入離湖，湖在華容縣東七十五里。國語所謂『楚靈王闕爲石郭，陂漢，以象帝舜』者也。湖側有章華臺。」疑鰲澤即此離湖，當在今監利縣西北。

## 章華

①楚靈六，亡人入章華。

②七，就章華臺。

③魯昭八，如楚，賀章華臺。（十二諸侯年表）

④靈王七，就章華臺，下令內亡人實之。（楚世家）

【集解】杜預曰：「南郡華容縣有臺，在城內。」（楚世家）

〔案〕華容故城，今監利縣西北。應劭曰：「春秋『許遷於容城』是。」又郡國志：「城父縣有章華臺。」蓋非此章華。

## 章華

蘇代自燕入齊，見於章華東門。（田齊世家）

【集解】駢案：左思齊都賦註曰：「齊小城北門也。」而此言東門，不知爲是一門非耶？

【正義】括地志云：「齊城章華之東有閭門、武鹿門也。」

〔案〕章華乃齊宮名，注家以齊城門說之，誤。

## 郢

昭王亡出郢，奔鄢。鄢公與王奔隨。（吳世家、楚世家、伍子胥傳。）



## 隨

【集解】服虔曰：「鄖，楚縣。」（吳世家）

【索隱】鄖，古之鄖國。（伍子胥傳）

【正義】括地志云：「安州安陸縣城，本春秋時鄖國城。」（楚世家）

〔索〕今安陸縣境。

①武王三十五，侵隨。

②五十一，伐隨。（十二諸侯年表、楚世家。）

③昭王亡奔隨。（秦本紀、吳世家、楚世家、伍子胥傳。）

④寡人積甲宛東下隨。（蘇秦傳）

⑤王若不借路韓、魏，必攻隨水右壤。此皆廣川大水，山林谿谷，不食之地。（春申君傳）

【集解】杜預曰：「隨國，今義陽隨縣。」（楚世家）

【索隱】楚都陳，隨水之右壤蓋在隨之西，今鄧州之西，其地多山林者是也。（春申君傳）

【正義】括地志云：「隨州外城古隨國地。」世本云：「楚武王墓在豫州新息。」又云：「

上蔡縣東北五十里。」又：「楚昭王城在隨州縣北七里。」(楚世家)

〔案〕今隨縣治。淝水入涓水，皆在今隨縣境。隨水當指此諸水言。隨水右壤，今大洪山脈也。

## 隨和

陛下有隨、和之寶。(李斯傳)

【正義】括地志云：「瀆山一名崑山，二名斷蛇丘，在隨州隨縣北二十五里。」

## 郢

楚昭十一，徙都郢。(十二諸侯年表、吳世家、楚世家、伍子胥傳。)

【集解】服虔曰：「郢，楚邑。」(吳世家)

【正義】括地志云：「楚昭王故城在襄州樂鄉縣東北三十三里，在故都城東五里，即楚國故昭王徙都郢城也。」(楚世家)

〔案〕今宜城縣東南。

## 鄢

①靈王乘舟將欲入鄢。（楚世家）

②昭襄二十四，與楚王會鄢。（秦本紀、楚世家。）

③二十八，白起攻楚，取鄢、鄧五城。（秦本紀、白起傳。）

④（同年）拔鄢、西陵。（六國表）

【集解】服虔曰：「鄢，楚別都也。」杜預曰：「襄陽宜城縣。」

【正義】括地志云：「故鄢城在襄州安養縣北三里，在襄州北五里，南去荊州二百五十里。

（楚世家）古偃子之國。（秦本紀）鄧之南鄙也。漢惠帝改曰宜城。」（禮書）又：「括地志云：「

鄢水源出襄州義青縣西界託仗山。」水經云：「蠻水即鄢水」，是也。」（楚世家）

〔案〕鄢即鄢郢也，今宜城縣南。水經沔水注：「白起攻楚，引西山長谷水灌城。水潰城東

北角，百姓隨水流死於城東者，數十萬，城東皆臭，因名其陂為臭池。」是也。「拔鄢、

西陵」者，西陵即夷陵，在鄢郢西，楚先王冢墓所在。是年，先拔鄢郢之西山；至翌年而

鄢郢始下。秦紀作「鄢郢」，疑若兩城，蓋誤。又秦本紀、楚世家，秦昭二十四年，先會

鄢；秋，復會穰。六國表惟著會穰，無會鄢。鄢既楚都，恐非會地。

## 鄢郢

①南取漢中，包九夷，制鄢郢。（李斯傳）

②秦起兩軍，一出武關，一下黔中，則鄢郢動矣。（蘇秦傳）

③白起南征鄢郢。（項羽本紀）

④南拔楚之鄢郢。（范雎傳）

⑤南定鄢郢、漢中。（白起傳）

⑥一戰舉鄢郢以燒夷陵。（蔡澤傳）

⑦拔鄢郢，東至竟陵。（春申君傳）

⑧一戰而舉鄢郢。（平原君傳）

⑨秦師至鄢郢，舉若振槁。（禮書）

⑩右臂傳楚鄢郢。（楚世家）

【集解】徐廣曰：「今南郡宜城。」

【正義】鄢鄉故城在襄州 率道縣（白起傳作「夷道縣」。）南九里。有故鄢城，漢惠帝改曰宜城也。  
（「有故」十二字據禮書增。）安鄢城在荊州 江陵縣東北六里。秦兵出武關，則臨鄢矣；下黔中，則臨鄢矣。（蘇秦傳）

〔案〕鄢，一城。楚本都鄢，遷鄢，亦曰鄢，又曰鄢；後遷陳，亦曰鄢，又曰陳。鄢是也。正義說誤。楚黔中郡在今上庸，亦近鄢。

## 鄢鄢

鄢鄢繽紛，激楚結風。（司馬相如傳）

〔案〕此即楚辭之「祖鄉」。

## 鄢

京人畔太叔段，段出奔鄢。（鄭世家）

【集解】杜預曰：「鄢，今鄢陵也。」

【正義】「鄢」，音烏古反。今新鄢縣南鄢頭有村，多萬家。舊作「鄢」。

〔案〕此恐仍是鄢陵。正義說未是。

## 鄢

①惠王召勝，使居楚之邊邑鄢，號爲白公。（伍子胥傳）

②韓宣惠十四，秦敗韓，取鄢。（六國表、韓世家。）

【集解】徐廣曰：「潁川鄢陵縣。」

【正義】今許州鄢陵縣西北十五里有鄢陵故城是也。（韓世家）括地志云：「故鄢城在豫州鄢

城縣南五里，與褒信白亭相近。」（伍子胥傳）

## 鄢陵

①晉厲六，敗楚鄢陵。（十二諸侯年表、晉世家。）

②王以十萬戍鄢，許、鄢陵嬰城，而上蔡，召陵不往來。（春申君傳）

③鄢陵侯。（高祖功臣侯年表）

【集解】徐廣曰：「一作『焉』。」服虔曰：「鄢陵，鄢之東南地也。」（鄭世家）

〔案〕今鄢陵縣治。

## 五渚

漢中之甲，乘船出於巴，乘夏水而下漢，四日而至五渚。（蘇秦傳）

【集解】駢案：「戰國策曰：『秦與荆人戰，大破荆，襲郢，取洞庭、五渚。』」然則五渚在洞庭。

【索隱】五渚，五處洲也。劉氏以爲五渚宛、鄧之間，臨漢水，不得在洞庭。

〔案〕五渚沿漢，近鄧，洞庭亦在其地。後人必以洞庭在岳陽，此處遂不可解。

## 沅

①浩浩沅，湘分流汨兮。（屈原賈生傳）

②太史公浮於沅、湘。（自序）

【索隱】水名。地理志云：「沅即湘之後流也。」

【正義】說文云：「沅水出牂牁，東北流入江。」按：「沅、湘二水皆經岳州而入大江也。」（屈）

源實生傳又：沅水出朗州。（自序）

〔案〕沅、湘各自入洞庭，中隔資水，相距匪近。然漢人每以「沅湘」兼稱，疑本楚人舊習。蓋湖北沅水即「沅」，襄水即「湘」。沅、湘之名，先起於此。

## 汨羅

①自投汨羅以死。

②側聞屈原兮，自沈汨羅。造託湘流兮，敬弔先生。（屈原實生傳）

【集解】應劭曰：「汨水在羅，故曰汨羅也。」

【索隱】地理志長沙有羅縣，羅子之所徙。荊州記：「羅縣北帶汨水。去縣四十里是原自沈處，北岸有廟。」

【正義】故羅縣城在岳州相陰縣東北六十里。春秋時羅子國，秦置長沙郡而爲縣也。案：縣北有汨水及屈原廟。

〔案〕汨水，今湘陰縣北七十里。然春秋羅國實不在此。水經注：「夷水歷宜城西山。又東南逕羅川城，故羅國。」此即春秋之羅，在宜城西山中。楚人所謂「湘」，即襄水；即屈



## 湘

原沅湘在羅初指，蓋即宜城西山之羅也。

①浩浩沅、湘。

②賈生爲長沙王太傅，過湘水，投書弔屈原。（屈原賈生傳）

③太史公浮於沅、湘。（自序）

【索隱】水名。地理志湘水出零陵海陽（陽海）山，北入江。

【正義】說文云：「湘水出零陵縣（陽）海山，北至（說文無「至」字。）入江。」按：湘水經岳

州而入大江也。（屈原賈生傳）又：湘水出道州北，東北入海。（自序）

〔案〕此乃湖南之湘水。

## 夷陵

①襄二十一，白起拔郢，燒先王墓夷陵。（六國表、楚世家。）

②攻楚，拔郢，燒夷陵，遂東至竟陵。（白起傳）

③再戰而燒夷陵。（平原君傳）

④一戰畢鄢郢以燒夷陵。（蔡澤傳）

【集解】徐廣曰：「年表云拔郢，燒夷陵。」

【索隱】夷陵，陵名，後爲縣，屬南郡。

【正義】括地志云：「峽州夷陵縣是也。在荊州西。應劭云夷山在西北。」（楚世家）夷陵，

今硤州郭下縣。（白起傳）

〔案〕白起破楚都，乃鄢郢，即漢宜城。水經注：「河水過宜城縣東，合夷水，下入若。夷水自中廬來，逕宜城西山，為夷溪。又東南逕羅川城，故羅國。又謂之鄢水，春秋『楚人伐羅，渡鄢』者也。夷水又東注於河，昔白起攻楚，引西山長谷水，即是水也。」疑夷陵本指宜城外西山楚先王墓地，以夷水得名，非漢志之夷陵也。

## 西陵

①黃帝娶于西陵之女。（五帝本紀）

②高武侯騮、襄侯王陵降西陵。（高祖本紀）

【正義】西陵，國名也。（五帝本紀）

〔案〕此西陵當近丹水，今浙川縣境。黃帝娶西陵氏女，或此也。

## 西陵

出子居西陵。（秦始皇本紀）

【索隱】一云「居西陂，葬衙」。

## 西陵

①頃襄二十，秦白起拔楚西陵。（楚世家）

②拔郢、西陵。（六國表）

【集解】徐廣曰：「屬江夏。」

【正義】括地志云：「西陵故城在黃州黃山西二里。」（楚世家）

〔案〕六國表明云「郢、西陵」，不得在江夏。說詳「夷陵」條。

## 竟陵

①秦昭二十九，擊楚，拔郢，更東至竟陵。（六國表）

②拔郢，燒夷陵，遂東至竟陵。（白起傳）

③拔郢，東至竟陵。（春申君傳）

④譙、龐、長沙，楚之粟；竟澤陵，楚之材也。（越世家）

【索隱】劉氏曰：「『竟澤陵』當爲『竟陵澤』。楚有七澤，蓋其一也。」（越世家）

【正義】竟陵屬江夏郡。（春申君傳）故城在郢州長壽縣南百五十里，今復州亦是其地也。（白起）

傳）竟澤陵，楚邑，近長沙潭、衡之境。（越世家）

〔案〕今天門縣西北。

## 稷

昭王十一，敗吳於稷。（楚世家、伍子胥傳。）

【集解】賈逵曰：「楚地也。」（楚世家）駟案：稷丘，地名，在郊外。（伍子胥傳）

【索隱】左傳作「稷丘」。（伍子衡傳）

【案】大事表謂當在今河南桐柏縣境。然此役秦師初至，吳軍皆在楚境，不應會師於桐柏。考隨縣北四十里有厲山，一名烈山，乃神農社，年常祠之，疑即稷地。

## 祈陽

夏侯嬰賜食祈陽。（夏侯嬰傳）

【集解】徐廣曰：「『祈』，一作『沂』。」

【索隱】蓋鄉名也。漢書作「沂」，楚無其縣。

【案】漢書、水經注六並作「沂」，徐說所本。左定五：「楚先與吳戰，秦自稷會之，大敗夫概王於沂。」方輿紀要：「西塞山在武昌縣東百三十里，近山有流沂城。」

## 陳

①武王封帝舜後於陳。（周本紀、樂書。）

②陳胡公滿，帝舜之後。

③武王得嫪滿，封於陳。（陳記世家）

④靈王曰：「我大城陳、蔡、不羹，賦皆千乘。」（楚世家）

⑤魏地南有鴻溝、陳、汝南、許、鄆、昆陽。（蘇秦傳）

⑥楚頃襄二十一，秦拔楚郢，楚王亡走陳。（六國表）

⑦楚襄王兵散，東北保於陳城。（楚世家）

⑧頃襄王東徙治於陳縣。

⑨楚去陳徙壽春。（春申君傳）

⑩始皇二十三，擊荆，取陳以南至平輿，虜荆王。秦王游至郢陳。（秦始皇本紀）

⑪收兵，北至陳。

⑫卒數萬，攻陳，陳守令皆不在。（陳涉世家）

⑬僞游雲夢，會諸侯於陳。（陳丞相世家）

⑭高祖封淮陽國，都陳。

⑮武帝置六安郡（國），以故陳爲都。（漢興以來諸侯年表）

⑯陳在楚、夏之交，通魚鹽之貨，其民多賈。

⑰三河、宛、陳好農重民，加以商賈。

⑱陳、夏千畝漆。（貨殖傳）

【索隱】地理志陳縣屬淮陽。

【正義】今陳州城也。本楚襄王築，古陳國城也。（陳涉世家）括地志云：「陳州宛丘縣在陳城

中，即古陳國也。」（周本紀）

【案】今淮陽縣治。左昭十七：「梓慎曰：『陳，大隤之虛。』」

## 陳

①顓孫師，陳人。（仲尼弟子傳）

②子張居陳。（儒林傳）

【索隱】鄭玄目錄陽城人。陽城，縣名，亦屬陳郡也。（仲尼弟子傳）

【案】陽城，漢屬汝南郡，今汝南縣境。

## 鉅陽

楚考烈十，徙於鉅陽。（六國表）

〔案〕漢志：「九江郡壽春，楚考烈王自陳徙此。」不云自鉅陽，其地亦無聞。方輿紀要以爲即汝南之細陽。

## 細陽

益食細陽。（夏侯嬰傳）

【索隱】地理志屬汝南。

〔案〕今安徽太和縣東。

## 壽春

①楚考烈二十二，東徙壽春，命曰郢。（六國表、楚世家。）

②楚去陳徙壽春。（春申君傳）

③郢之後徙壽春，亦一都會也。（貨殖傳）

④廉頗卒死於壽春。（廉頗傳）



⑤劉賈軍從壽春行，屠城父，至垓下。（項羽本紀）

⑥劉賈入楚地，圍壽春。（高祖本紀）

⑦劉賈南渡淮圍壽春。（荆燕世家）

⑧淮南都壽春。（漢興以來諸侯年表）

【正義】壽州壽春縣也。（項羽本紀）廉頗墓在壽州壽春縣北四里。（廉頗傳）

〔案〕壽春，今壽縣治；其在春秋，即豫章也。

## 蔡

①武王封弟叔度於蔡。（周本紀、蔡世家。）

②周公復封胡於蔡，以奉蔡叔之祀。（蔡世家）

③楚文六，伐蔡。（十二諸侯年表、楚世家。）

④靈王曰：「今吾大城陳、蔡，不遠。」

⑤棄疾君陳、蔡，方城外屬焉。（楚世家）

⑥楚圍蔡，蔡遷於吳。

⑦蔡遷於州來。（孔子世家）

⑧吳興師與唐、蔡伐楚。（吳世家、楚世家、伍子胥傳。）

⑨惠王四十二，楚滅蔡。（六國表、楚世家。）

【索隱】地理志汝南有上蔡縣，云：「古蔡國，至十八代平侯徙新蔡。」二蔡皆屬汝南。後

二代至昭侯，徙下蔡，屬沛，六國時爲楚地。（李斯傳）地理志下蔡縣屬汝南也。（甘茂傳）

【正義】括地志云：「豫州北七十里上蔡縣，古蔡國。縣東十里有蔡岡，因名也。」（周本紀）

下蔡，今潁州縣，即州來國。（甘茂傳）

【案】蔡國初封上蔡，今河南上蔡縣西。平侯徙新蔡，今新蔡縣治。昭侯徙下蔡，即州來，

今安徽鳳臺縣治。

## 蔡

巴俞宋蔡。（司馬相如傳）

【索隱】張揖曰：「楚詞云：『吳謠蔡謳。』」

【案】此下蔡也。

## 上蔡

① 中國之路絕，上蔡之郡壞。（楚世家）

② 陳、上蔡不安。（越世家）

③ 若道河外，倍大梁，右蔡，左召陵，與楚兵決於陳郊，秦又不敢。（魏世家）

④ 王以十萬戍鄆，許鄆陵嬰城，而上蔡、召陵不往來。（春申君傳）

⑤ 李斯，楚上蔡人。（李斯傳）

## 下蔡

① 甘茂，下蔡人。（甘茂傳）

② 西取下蔡。（蘇布傳）

## 新蔡

宋留不能入武關，乃東至新蔡。（陳涉世家）

## 蔡

蔡、蒙旅平。（夏本紀）

【集解】孔安國曰：「蔡蒙，二山名。」鄭玄曰：「地理志蔡、蒙在漢嘉縣。」

【索隱】蔡山，不知所在。

〔索〕漢志蜀郡青衣，蒙山所在。青衣，順帝時改漢嘉，並不言蔡山；鄭說誤。導岷不在蜀郡前氏道，蒙山亦不在青衣，則蔡山之不在西蜀可知。昔人已不得蔡山所在，後之說者，率出臆測。就禹貢本文論之，蔡、蒙應在今武當山脈中。

## 州來

①蔡昭二十六，畏楚，遷州來，州來近吳。（十二諸侯年表）

②楚伐蔡，吳救蔡，因遷蔡於州來。（蔡世家）

③魯哀三，（與年表差一歲。）蔡遷於州來。（孔子世家）

【索隱】州來在淮南下蔡縣。（蔡世家）

〔案〕州來本小國，後屬楚。魯成七，吳始爭州來。昭二十三雞父之戰，州來遂為吳有，以封季札，號延州來。蔡遷於此，為下蔡，戰國為楚地。考烈王遷壽春，在淮南；下蔡在淮北；相距三十里。二城對據，翼蔽淮濱，宋時謂之「南、北壽春」。魯定四，吳入郢，舍舟淮汭，即此；今鳳臺縣北三十里。

## 巴

①五穀大夫發教封內，而巴人致貢。（商君傳）

②楚自漢中，南有巴、黔中。（秦本紀）

③惠王西并巴、蜀。（李斯傳）

④南取漢中，西舉巴、蜀。（秦始皇本紀、陳涉世家。）

⑤楚威王使莊蹻循江上，略巴、（蜀）黔中以西。（此衍「蜀」字。）

⑥秦擊奪楚巴、黔中郡。（西南夷傳）

⑦漢中之甲，乘船出於巴，乘夏水而下漢，四日而至五渚。（蘇秦傳）

⑧擅巴、漢之饒。（刺客傳）

⑨秦西有巴、蜀，大船積粟，起於汶山，浮江以下，至楚三千餘里。舫船載卒，五十人與三月之食，下水而浮，一日行三百餘里，不十日而距扞關。（張儀傳）

⑩項王陰謀曰：「巴、蜀道險，巴、蜀亦關中地。」沛公爲漢王，王巴、蜀、漢中。（項羽本紀、高祖本紀。）

⑪沛公爲漢王，王巴、蜀。使請漢中地。（留侯世家）

⑫山東被河菑，下巴、蜀粟以振之。（平準書）

⑬開西南夷，廣巴、蜀。（平準書）

⑭巴、蜀民竊出商賈，取笮馬、犍僮、髦牛，以此巴、蜀殷富。（西南夷傳）

⑮巴、蜀沃野，地饒廩、藁、丹沙、石、銅、鐵、竹、木之器。南御滇、犍，西近邛、笮。然

四塞，棧道千里，無所不通。（貨殖傳）

⑯巴、蜀四郡通西南夷道，戍轉相饟。（西南夷傳。案：集解徐廣曰：「漢中、巴郡、廣漢、蜀郡。」）

⑰褒斜材木竹箭之饒，擬於巴蜀。（河渠書）

⑱太史公西征巴、蜀以南。（自序）

【索隱】巴，水名，與漢水相近。

【正義】巴嶺山在梁州南一百九十里。周地志云：「南渡老子水，登巴嶺山。南回記大江。」

此南是古巴國，因以名山。」（蘇秦傳）

〔案〕元和志：「巴嶺在南鄭縣南百九里。山南即古巴國。」此謂巴嶺即今米倉山，與大巴山相接。巴水兩源：東曰宕水，出鎮巴縣西北；西曰諾水，出南鄭縣界。皆自米倉山南流入四川，合南江，入嘉陵江。古巴國境以巴山、巴水求之，大體可知。

## 巴俞

巴俞宋蔡。（司馬相如傳）

【集解】郭璞曰：「巴西閬中有渝水，獠人居其上，皆剛勇好舞，漢高募此以平三秦。後使樂府習之，因名巴渝舞也。」

〔案〕水經注：「漢水南入嘉陵道，而為嘉陵水。」今所稱嘉陵江也。自此以下，至葭萌為白水、潛水；至閬中為渝水、閬水；至墊江為涪水；隨地異名，皆即嘉陵江水也。

## 黔中

①楚自漢中，南有巴、黔中。（秦本紀）

②楚西有黔中、巫郡。（蘇秦傳）

③秦一軍出武關，一軍下黔中，則鄢郢動。（蘇秦傳）

④秦欲得黔中地，欲以武關外易之。

⑤扞關驚，則從境以東盡城守，黔中、巫郡非王之有。（張儀傳）

⑥秦擊奪楚巴、黔中郡。（西南夷傳）

⑦楚頃襄二十二，秦拔楚巫、黔中。（六國表、楚世家。）

⑧昭襄二十七，發隴西，因蜀攻楚黔中。

⑨昭襄三十，蜀守若伐取巫郡，及江南爲黔中郡。（秦本紀）

⑩楚威王使莊蹻循江上、略巴、（蜀）黔中以西。（西南夷傳。案：此衍「蜀」字。）

【集解】徐廣曰：「今之武陵地。」

【正義】括地志云：「黔中故城在辰州沅陵縣西二十里。江南，今黔府亦其地也。」（秦本紀）

又：今朗州，楚黔中郡，皆盤瓠後也。（蘇秦傳）

〔案〕華陽國志卷一：「司馬錯自巴涪水取楚商於地，爲黔中郡。」又：「涪水本與楚商於



之地接，秦將司馬錯由之取楚商於地為黔中郡。」戰國黔中，當在今湖北竹山、房縣境。  
六國表：「秦昭二十七，擊楚，楚與秦、漢北及上庸地。」楚世家同。而秦本紀則謂「攻楚黔中」，以黔中本在上庸也。故曰：「楚自漢中，南有巴、黔中」，又曰：「秦分兩軍，出武關、黔中，則鄢郢動。」後人以湖南沅陵說之，凡此諸文，均不可解。

## 巫郡

①楚西有黔中、巫郡。（蘇秦傳）

②扞關驚，則從境以東盡城守，黔中、巫郡非王之有矣。（張儀傳）

③秦留楚王，要以割巫、黔中之郡。（楚世家）

④楚頃襄二十二，秦拔楚、黔中郡。（六國表、楚世家。）

⑤昭襄三十，蜀守若伐取巫郡。（秦本紀）

⑥江陵故郢都，西通巫、巴。（貨殖傳）

【集解】徐廣曰：「巫郡者，南郡之西界。」（蘇秦傳）

【正義】括地志云：「巫郡在夔州東百里。」（秦本紀）又：「巫郡，夔州、巫山縣是。」（蘇秦傳）

〔案〕三國魏志明帝紀：「太和二年，分新城之上庸、武陵、巫縣為上庸郡。」晉有北巫縣，宋、齊因之，即魏之巫縣，當近上庸、（今竹山縣東。）武陵。（今竹溪縣東。）宋玉所賦巫山神女，以及楚之巫郡，皆當於此求之。並詳「黔中」條。

## 巫山

雲夢緣以大江，限以巫山。（司馬相如傳）

【集解】郭璞曰：「巫山今在建平巫縣也。」

〔案〕晉建平，今巫山縣，與雲夢不涉。後人多以此處巫山說楚辭巫山，其實非也。楚策：「秦舉鄢郢、巫、上蔡、陳之地。」又曰：「蔡聖侯南游乎高陂，北陵乎巫山，食湘波之魚，馳騁高蔡之中。」高蔡即上蔡。巫山當在鄢郢與上蔡間，而當雲夢之北，疑在今大洪山脈中。曰「巫」、曰「涓」、曰「洪」，皆楚人語聲轉字變，遂失其本。

## 扞關

①蜀伐楚，取茲方。楚爲扞關以距之。（楚世家）

②秦西有巴、蜀，大船積聚，起於汶山，浮江以下，不至十日而距扞關。（張儀傳）

【集解】徐廣曰：「巴郡魚復有扞水、扞關。」（張儀傳）駱案：李熊說公孫述曰：「東守巴郡，距扞關之口。」（楚世家）

【索隱】扞關在楚之西界。（張儀傳）郡國志曰：「巴郡魚復縣有扞關。」（楚世家）

【正義】在硤州巴山縣界。（張儀傳）

【案】魚復故縣，今四川奉節縣東北；則扞關即瞿唐關也。漢志「魚復縣有江關」是已。巴

山故縣，今湖北長陽縣西。寰宇記「廢巴山縣即古扞關」是已。據張儀傳，扞關以在魚復為是。

## 郇陽

楚北有陘塞、郇陽。（蘇秦傳）

【集解】析縣有鈞水，或者郇陽今之順陽乎？

【索隱】郇陽地當在汝南、潁川之界。檢地理志及太康地記，北境並無郇邑。郇邑在河東，晉地。「郇陽」當是「新陽」，聲相近字變耳。汝南有新陽縣，應劭云：「在新水之陽」，

猶「豳邑」變爲「枸邑」，「圖陰」變爲「園陰」爾。徐氏云：「郇陽當是順陽」，蓋疎。

【正義】順陽故城在鄭州穰縣西百四十里。

〔案〕漢志「漢中旬陽縣」，今陝西旬陽縣北，以洵水得名。郇陽或是旬陽。

## 旬關

別攻旬關，定漢中。（酈商傳）

【集解】駟案：「漢書音義曰：『漢中旬陽縣。音『詢』。』」

【索隱】漢中旬陽縣，旬水上之關。

〔案〕旬關在旬陽縣東。

## 郾關

南陽西通武關、郾關。（貨殖傳）

【集解】徐廣曰：「按：『漢中』亦作『狗』字。」

【索隱】「郾」，音「雲」。

【正義】地理志云：「宛，西通武關」，而無鄖關。蓋「鄖」當爲「狗」。狗水上有關，在金州洵陽縣。徐按漢中，是也。「狗」，亦作「鄖」，與「鄖」相似。

## 均陵

殘均陵，塞鄖阨。（蘇秦傳）

【索隱】均陵在南陽，今之均州。

【正義】均州故城在隨州西南五十里，蓋均陵也。

〔索〕今湖北均縣北。

## 堵陽

張釋之，堵陽人。（張釋之傳）

【索隱】屬南陽。

【正義】應劭曰：「哀帝改爲順陽，水東南入蔡。」括地志云：「順陽故城在鄧州穰縣西三十里，楚之郢邑也。及蘇秦傳云『楚北有郢陽』，並謂此也。」

〔案〕漢志：「南陽郡博山，哀帝置。故順陽。」又：「堵陽，莽曰陽城。」則堵陽非順陽，正義誤說。堵陽，今方城縣東六里。順陽，今淅川縣東。

### 三戶

楚雖三戶，亡秦必楚。（項羽本紀）

〔索隱〕案：左氏：「以昇楚師於三戶」，杜預註云：「今丹水縣北三戶亭。」則是地名不疑。

〔正義〕括地志云：「濁漳水又東經葛公亭北，經三戶峽，爲三戶津，在相州滏陽縣界。」

〔案〕三戶亭，今河南淅川縣西南，丹水之陽。楚起丹陽，其後疆境南廓，而名其故所起曰

「三戶」者，指楚昭、屈、景三族。又陝西商縣南有三戶城，亦丹水所經，見水經注。

### 三戶

項羽引兵渡三戶。（項羽本紀）

〔集解〕服虔曰：「漳水津也。」張晏曰：「三戶，地名，在梁淇西南。」

【索隱】水經注云：「漳水東經三戶峽，爲三戶津」也。「淇」，當爲「湛」。按：晉八王故事云：「王俊伐鄴，前至梁湛。」孟康云：「在鄴西四十里。」又闕駟十三州志云：「鄴北五十里梁期故縣也」，字又不同。

〔案〕今河南臨漳縣西。

## 王陵城

王吸出武關，因王陵兵南陽。（高祖本紀）

【正義】括地志云：「王陵故城在商州上洛縣南三十一里。荊州記云：『昔漢高祖入秦，王陵起兵丹水以應之。此城王陵所築，因名也。』」

〔案〕王陵城，今陝西商縣南。水經注：「丹水逕一故城南，名曰三戶城。昔漢祖入關，王陵起兵丹水，以歸漢祖。此城疑陵所築。」

## 析

①商於、析、酈、宋胡之地。（越世家）

②秦兵出武關攻楚，取析十五城。

③楚之故地漢中、析、酈可得復有。（楚世家）

④沛公降析、酈。（高祖本紀）

【集解】駢案：地理志弘農有析縣。（楚世家）

【索隱】析屬南陽，楚之西南。（越世家）左傳云：「析一名白羽。今內鄉縣。」（高祖本紀）

【正義】括地志云：「鄧州內鄉縣城本楚析邑，一名丑，漢置析縣，因析水爲名也。」（楚世家）

〔案〕今內鄉縣西北。

## 酈

①商於析、酈、宋胡之地。（越世家）

②沛公攻胡陽，降析、酈。（高祖本紀）

③東攻宛，西至酈。（樊噲傳）

④酈侯。（高祖功臣年表）



【索隱】鄺屬南陽，出地理志。今菊潭縣也。（高祖本紀）

【正義】括地志云：「故鄺縣在鄧州新城縣西北三十里。」（樊噲傳作「四十里」。）案：商於、

析、鄺在商、鄧二州界，縣邑也。（越世家）

〔案〕今內鄉縣東北。

## 胡陽

沛公兵至丹水，降西陵。還攻胡陽。（高祖本紀）

【索隱】韋昭云：「南陽縣。」

〔案〕漢志作「湖陽」，今唐河縣南八十里。春秋蓼國先在此。

## 宋胡

商於、析、鄺、宋胡之地。（越世家）

【索隱】宋胡屬南陽，楚之西南是也。「宋胡」作「宗胡」。

# 申

① 四嶽佐禹平水土，虞、夏之際封於呂，或封於申，姓姜氏。（齊世家）

② 申駱重婚，西戎皆服。（秦本紀）

③ 周幽王寵褒姒，與申侯有郤。申侯與犬戎共攻殺周幽王驪山下。（匈奴傳）

④ 鄭武公娶申侯女。（鄭世家）

⑤ 楚文王二，伐申過鄧。（十二諸侯年表、楚世家。）

⑥ 楚靈王會諸侯於申。（秦本紀、楚世家。）

⑦ 蔡靈侯十二，楚誘侯於申，殺之。（管蔡世家）

【索隱】地理志申在南陽宛縣，申伯之國。（齊世家）

【正義】括地志云：「故申城在鄧州南陽縣北三十里。晉太康地志云周宣王舅所封。」（楚世

家）

〔案〕今河南南陽縣北三十里。

## 呂

四嶽佐禹平水土，虞、夏之際封於呂，或封於申。（齊世家）

【集解】徐廣曰：「呂在南陽宛縣西。」

〔案〕今南陽縣西南三十里。水經注亦謂：「宛西呂城，四岳受封。」郡國志：「汝南新蔡有大呂亭。」注引地道記曰：「故呂侯國。」水經注：「新蔡縣東青陂之東，對大呂亭；西南有小呂亭。」

## 呂

①酈侯呂台封呂王。（呂后本紀）

②割齊之濟南郡爲呂王奉邑。呂氏之變，齊王乃西取其故濟南郡。（齊悼惠王世家）

③又以台弟呂產爲呂王。

④呂王產徙爲梁王，立皇子平昌侯太爲呂王。更名梁曰呂，呂曰濟川。（呂后本紀）

〔案〕呂縣故城，今江蘇銅山縣北，春秋宋邑。左襄元，晉伐鄭，楚救鄭，侵宋呂、留。杜

注：「呂、留，二縣。」漢更梁曰呂，呂曰濟川，則此呂取名，本於彭城之呂，非南陽之呂也。濟川即後陳留郡。

## 甫

甫侯言於王，作修刑辟。（周本紀）

〔案〕尚書呂刑孔傳：「後為甫侯，故或稱甫刑。」正義：「詩崧高云：『生甫及申。』揚之水云：『不與我戍甫。』不知因呂國改作甫名，不知別封而為甫號。」通志氏族略謂：「呂」、「甫」聲相近。又說文云：「鯀，甫侯所封。」「鯀」即「許」字。

## 鄧

①楚文二，伐申，過鄧。（十二諸侯年表、楚世家。）

②白起攻楚，拔鄢、鄧五城。（秦本紀、白起傳。）

【集解】服虔曰：「鄧，曼姓。」（楚世家）

【索隱】鄧在漢水北，故鄧侯城。（屈原傳）

【正義】括地志云：「故鄧城在襄州安養縣北二十里。春秋之鄧國，莊十六年楚文王滅之。」

（楚世家）

〔案〕今河南鄧縣治。漢志：「南陽郡鄧縣，故國。」晉志義陽郡有鄧縣。義陽治新野，今鄧縣東南七十里；故鄧縣屬之。唐鄧縣在襄陽北，非古鄧國。正義說誤。

## 鄧

①公子比見棄疾，盟于鄧。（楚世家）

②秦、楚戰於藍田，韓、魏南襲楚，至鄧。（楚世家、屈原傳。）

③韓卒之劍戟出於鄧師、宛馮。（蘇秦傳）

【集解】杜預曰：「潁川邵陵縣西有鄧城。」

【正義】括地志云：「故鄧城在豫州鄆城縣東三十五里。」按：在古召陵縣西十里是也。（楚

世家）

〔案〕今鄆城縣東南三十五里，春秋蔡地。

## 鄧

①秦取軹及鄧。

②封公子悝鄧。（秦本紀）

【集解】駢案：地理志云：南陽有鄧縣。

【正義】括地志云：「故鄧城在懷州河陽縣西三十一里，六國時魏邑。」軹、鄧二城相連，故云「及」。

〔案〕今孟縣西南。正義說是，集解失之。

## 鄧林

阻之以鄧林。（禮書）

【索隱】劉氏以爲今襄州南鳳林山是古鄧祁侯之國，在楚之北境，故云「阻以鄧林」也。

〔案〕鳳林山亦名鳳皇山，今襄陽縣東南十里。隋志：「襄陽有鳳山」，是也。春秋鄧國近新野，不近襄陽。鄧林當在鄧之西北鄙，接內鄉、淅川境；索隱失之。

## 穰

①韓東有宛、穰、洧水。（蘇秦傳）

②韓襄十一，秦取韓穰。（六國表、韓世家。）

③穰侯魏冉封於穰，復益封陶。（穰侯傳）

④昭襄二十四，與楚會鄢，又會穰。（秦本紀、楚世家。案：六國表作「會穰」，無「鄢」。）

⑤下宛、穰，定十七縣。（鄢郢傳）

⑥寧成，穰人。（酷吏傳）

【索隱】地理志穰，縣名，屬南陽。（蘇秦傳）

【正義】鄧州縣也。郭仲產南雍州記云：「楚之別邑。秦初侵楚，封公子悝爲穰侯。後屬

韓，秦昭王取之也。」（韓世家）

〔案〕今河南鄧縣，即楚之鄧也。

## 襄陵

①昭襄二十九，與楚王會襄陵。（秦本紀）

②魏文三十五，齊取魏襄陵。（魏世家）

③不如南攻襄陵。

④於是使田忌南攻襄陵。（田齊世家）

⑤魏惠十九，諸侯圍魏襄陵。（六國表、魏世家。）

⑥楚懷六，敗魏襄陵，得八邑。（六國表、楚世家、魏世家。）

⑦襄陵侯。（建元以來王子侯者年表）

【集解】駟案：地理志河東有襄陵縣。（秦本紀）徐廣曰：「今在南平陽縣也。」（魏世家）

【索隱】襄陵，縣名，在河東。（楚世家）

【正義】括地志云：「襄陵在晉州臨汾縣東南三十五里。闕駟十三州志云：『襄陵，晉大夫

犇邑也。』」（秦本紀）又：「襄陵故城在兗州鄒縣也。」（田齊世家）

〔案〕秦、楚相會，豈至河東？注說大誤。考秦昭取韓穰，封魏冉為侯，在今河南鄧縣。或

「襄陵」即「穰」之異名。又春秋宋承匡地，宋襄公所葬，故曰「襄陵」，戰國屬魏，秦

改襄邑；今河南蔡丘縣西。田齊世家「田忌南攻襄陵」，即楚、魏世家「諸侯圍魏襄陵」。



# 宛

對北救邯鄲言，故曰「南攻」。索隱謂在河東，正義謂在鄆縣，亦誤。

①百里奚亡秦走宛。

②昭襄十五，攻楚，取宛。封公子市宛。（秦本紀）

③韓東有宛、穰、洧水。（蘇秦傳）

④取宛、葉以北以彊韓、魏。（孟嘗君傳）

⑤韓釐五（昭襄十六），秦拔韓宛。（六國表、韓世家。）

⑥昭襄二十一，涇陽君封宛。（秦本紀）

⑦昭襄二十二，楚與秦會宛。（六國表、楚世家。）

⑧寡人積甲宛東下隨。（蘇秦傳）

⑨南陽守龔走，保城守宛。（高祖本紀）

⑩破陽城。東攻宛。（樊噲傳）

⑪下宛、穰，定十七縣。（酈商傳）

⑫曹參取宛，盡定南陽郡。（曹相國世家）

⑬漢王出滎陽，南走宛、葉。（項羽本紀、高祖本紀、淮陰侯傳。）

⑭鞏、洛、宛、葉、淮陽，皆天下勁兵處。（韓王信傳）

⑮宛之鉅鐵。（禮書）

⑯韓卒之劍戟皆出鄧師、宛馮。（蘇秦傳）

⑰宛孔氏以鐵冶爲業。（貨殖傳）

⑱宛珠之簪。（李斯傳）

⑲宛亦一都會也。俗雜好事，業多賈。其任俠，交通潁川，故至今謂之「夏人」。

⑳三河、宛、陳好農重民，加以商賈。（貨殖傳）

【集解】駟案：地理志南陽有宛縣。

【正義】今鄧州縣。（秦本紀）括地志云：「南陽縣故城在宛大城之南隅，其西南有二面，皆

故宛城。」（高祖本紀）

〔案〕今河南南陽縣治。

## 宛

孝文十五年，齊分爲膠西，都宛。（漢興以來諸侯年表）

【集解】徐廣曰：「樂安有宛縣。」

〔案〕齊悼惠王世家正義引年表云：「膠西都高苑。括地志云：『高苑故城在淄州長山縣北四里。』」水經注：「時水又西逕東高苑城。史記：『漢文帝十五年，分齊爲膠西王國，都高苑。』」徐廣音義曰：「樂安有高苑城，故俗謂之東高苑也。」然膠西當都高密，「宛」乃字譌。水經注蓋據誤字疑為高苑，而正義從之，非也。

## 葉 葉陽

①楚共十五，許畏鄭，請徙葉。（十二諸侯年表）

②孔子自蔡如葉。葉公問政。（孔子世家）

③韓之攻楚，覆軍殺將，則葉、陽翟危。（越世家）

④取宛、葉以北以彊韓、魏。（孟嘗君傳）

⑤秦葉陽、昆陽與武陽鄰。（魏世家）

⑥漢王出滎陽，南走宛、葉。（項羽本紀、高祖本紀、淮陰侯傳。）

⑦鞏、洛、宛、葉、淮陽，皆天下勁兵處。（韓王信傳）

【正義】括地志云：「葉陽今許州葉縣也。」（魏世家）又：「葉，汝州縣。水經注云：「本楚惠

王封諸梁子兼，號曰葉城。」（高祖本紀）又：「葉在許州。」（淮陰侯傳）

〔案〕今葉縣南三十里舊縣店。

## 津

孔子自蔡如葉，使子路問津。（孔子世家）

【正義】括地志云：「黃城山俗名菜山，在許州葉縣西南二十五里。聖賢冢墓記云：「黃城

山即長沮、桀溺所耕處。下有東流，則子路問津處也。』」

〔案〕黃城山，今葉縣北十里。其說又見水經注。

## 方城

①楚緣之以方城。（禮書）

②屈完曰：「楚方城以爲城，江、漢以爲溝。」（齊世家）

③棄疾、君陳、蔡，方城外屬焉。（楚世家）

④齊、魏、韓共攻楚方城。（秦本紀）

⑤危兩周以厚三川，方城之外必爲韓弱。（楚世家）

⑥方城之外不南。（越世家）

⑦楚兵十餘萬在方城外，何不令楚王築萬室之都雍氏之旁。（韓世家）

【集解】服虔曰：「方城山在漢南。」韋昭曰：「方城，楚北之阨塞。」杜預曰：「方城山在南陽葉縣南」，是也。

【索隱】地理志葉縣南有長城，號曰方城，則杜預、韋昭說爲得；而服虔云在漢南，未知有何依據。（齊世家）

【正義】括地志云：「方城山在許州葉縣西。（韓世家注作「西南」。）十八里也。」又：「方城之外，許州葉縣東北也。」（楚世家）又：「方城之外謂許州、豫州等。」（越世家）又：「括地志云：「方城，房州竹山縣東南四十一里。山南有城，長十餘里，名爲方城，即此山也。」（禮書）

又云：「故長城在鄧州內鄉縣東七十五里，南入穰縣，北連翼望山，無土之處累石爲固。楚襄王控霸南土，爭強中國，多築列城於北方，以適華夏，號爲方城。」（趙世家）

〔案〕方城山，今河南葉縣南四十里，跨方城縣境。又湖北竹山縣東南三十里亦有方城山，此服氏所謂漢南之方城也。當以葉縣南者爲是。

## 方城

燕喜十二，趙悼襄二，李牧攻燕，拔武遂、方城。（六國表、燕世家、趙世家、廉頗藺相如傳。）

【集解】徐廣曰：「方城，屬涿，有督亢亭。」（燕世家）

【索隱】方城屬廣陽也。（廉頗藺相如傳）

【正義】方城故城在幽州固安縣南十七里。（趙世家。案：廉頗藺相如傳作「十里」。）

〔案〕今固安縣南。

## 黃棘

昭襄王三年，與楚王會黃棘。（秦本紀、六國表、楚世家。）

【正義】蓋在房、襄二州也。（秦本紀）

〔案〕方輿紀要謂河南新野縣東北，漢置棘陽縣，即楚黃棘。今考後漢書：「吳漢與秦豐戰黃郵水上，破之。」注：「南陽新野縣有黃郵水、黃郵聚。」今新野縣東。水經赭水注：「南還棘陽縣故城西，是為棘水。又南還新野縣，歷黃郵聚，謂之黃郵水。」黃棘之名本此。

## 新市

①昭襄八，攻楚，取新市。（秦本紀）

②新市侯。（惠景間侯者年表）

【集解】駢案：晉帝紀曰：「江夏有新市縣。」（秦本紀）

〔案〕漢新市縣，今京山縣東北。然秦兵力是時不應及此，當在漢北或南陽。又考魏有新都，今新野縣東。或楚新市與魏新都壤接境連，即漢新野縣地。

## 魯陽

楚肅十，魏武十六，魏取楚魯陽。（六國表、楚世家、魏世家。）

【集解】駟案：地理志云：南陽有魯陽縣。

【正義】括地志云：「汝州魯山本漢魯陽縣也。古魯縣以古魯山爲名。」（楚世家）

〔案〕今魯山縣治。左昭二十九：「劉累學擾龍，以事孔甲，遷於魯縣。」

## 魯關

惠文九，趙梁將，與齊合軍攻韓，至魯關。（趙世家）

【正義】劉伯莊云：「蓋在南陽魯陽關。」按：汝州魯山縣，古穀陽城。

〔案〕魯陽關，今魯山縣西南六十里，與南召縣分界。趙、梁、齊三國伐韓，無緣至此，劉

說殆誤。

## 應

①成王封小弟以應縣。（梁孝王世家）

②秦惠文王九，與魏王會應。（秦本紀、魏世家、六國表。）



③秦武三，魏哀十一，秦、魏會應。（六國表、魏世家。）

④昭襄五，魏王來朝應亭。（秦本紀。案：魏世家及年表作「會臨晉」。）

⑤客曰：「公不若譽秦王之孝，因以應爲太后養地。」（周本紀）

⑥封范雎於應，號爲應侯。（范雎傳）

【集解】徐廣曰：「地理志云：應，今潁川城父縣（魏世家注作「父城」。）應鄉是也。」（周本紀）

【索隱】劉氏云：「河東臨晉有應亭」，則秦地有應也。又按：本紀以應爲太后養地，解者云：「在潁川之應鄉」，未知孰是。（范雎傳）

【正義】括地志云：「故應城，故應鄉也，（四字見魏世家。）因應山爲名，古之應國，在汝州魯山縣東三十里。（梁孝王世家、范雎傳作「四十里」。）左傳云：『邲、晉、應、韓，武之穆也。』」（秦本紀）

〔案〕潁川之應，今河南舊寶豐縣西南。秦、魏亟會，據六國表及魏世家，知以索隱劉說爲是。

## 城父

①楚昭二十七，救陳，死城父。（十二諸侯年表、陳杞世家、楚世家、孔子世家。）

②平王六，使太子建居城父。（楚世家、伍子胥傳。）

③引兵而西，與蒙恬會城父。（王翦傳）

【索隱】城父，本陳邑，楚伐陳而有之。（伍子胥傳）在汝南，即應鄉。（王翦傳）

【正義】括地志云：「城父故城在許州葉縣東北四十五里，即杜預云『襄城城父縣』也。又

許州襄城縣東四十里有父城，服虔云：『城父，楚北境』，乃是父城，非建所守。十三州

志云：『太子建所居城父，謂今亳州城父縣。』地理志云潁川有父城縣，沛郡有城父

縣，此二名別耳。（楚世家）言引兵而會城父，則是汝州郟城縣東父城者也。括地志云：「汝

州郟城縣東四十里有父城故城，即服虔云『城父，楚北境』者也。」（王翦傳）

〔案〕此當為潁川城父，今河南舊寶豐縣東四十里。郟城縣，今郟縣東南，所指乃一地。應

劭曰：「故應鄉，應侯國。」

## 城父 下城父

①陳王之汝陰，還至下城父。（陳涉世家）

②章邯等殺陳勝城父。（秦始皇本紀）

③漢軍從壽春屠城父，至垓下。（項羽本紀）

【索隱】顧氏按郡國志，山乘縣有下城父聚，在城父縣東。（陳涉世家）

【正義】括地志云：「城父，亳州所理縣。」（秦始皇本紀）

【案】今安徽亳縣東南，漢屬沛郡，春秋陳夷邑。左昭九：「楚遷許於夷，實城父」，是也。

## 郟

郟壯士韓千秋。（南越傳）

【集解】徐廣曰：「縣屬潁川。」

【正義】今汝州郟城縣。

【案】今河南郟縣東南。國語史伯謂鄭桓公曰：「謝、郟之間，其冢君侈驕。」左昭元，楚城郟；十九年，又城之。

## 湛坂

晉平元，伐敗楚於湛坂。（十二諸侯年表）

〔案〕水經汝水注：「湛水出鞏縣北魚齒山。於父城東南，湛水之北，有長阪，即水以名阪，故有湛阪之名。」父城，今河南舊寶豐縣東四十里。楚師敗績，遂侵方城之外也。

## 陘 陘山

①楚成十六，齊伐楚，至陘。（十二諸侯年表）

②齊桓侵楚，至陘山。（楚世家）

③楚威十一，魏敗楚陘山。（六國表）

④魏襄六，伐楚，敗之陘山。（魏世家。據楚世家，當是惠王後元六年事。）

⑤韓南有陘山。

⑥楚北有陘塞、郇陽。（蘇秦傳）

【集解】徐廣曰：「在密縣。」（魏世家）又：「召陵有陘亭。密縣有陘山。」（蘇秦傳）

【正義】杜預云：「陘，楚地。潁川召陵縣南有陘亭。」括地志：「陘山在鄭州西南一百一

十里。」（楚世家。案：又一條云：「新鄭縣西南三十里。」）

〔案〕爾雅疏：「山形連延，中忽斷絕者名『陁』。」齊師侵蔡，遂伐楚，進至陁，退次召陵；則此陁當在召陵與楚方城之間。召陵南陁亭，今不可確指；密縣陁山則非也。又考郡國志：「密有陁山。」今新鄭縣西南。新鄭、陽翟，韓都所在；密之陁山，正在新鄭、陽翟間，不能為楚、魏邊塞兵爭之地。蘇秦說韓曰：「韓南有陁山」，韓之南境，豈盡於新鄭？今考「陁塞、郛陽」，一本作「汾、陁之塞」。左襄十八，楚伐鄭，治兵於汾。水經注有汾邱城，今襄城縣東北。竊疑陁山當以在今襄城縣南境為是；則戰國陁山亦不在密。

## 陁城

①韓桓惠九，秦拔韓陁城汾旁。（六國表、韓世家。）

②（同年）秦昭四十三，白起攻韓陁城，拔五城。（白起傳）

③（同年）秦攻韓汾陁，拔之。（范雎傳）

【正義】陁庭故城在絳州曲沃縣西北二十里，汾水之陽。（范雎傳）

## 陁庭

哀侯八年，晉侵涇廷。涇廷與曲沃公伐晉於汾旁。（晉世家）

【集解】賈逵曰：「翼南鄙邑名。」

〔案〕涇庭故城，今曲沃縣東北十里。說者以汾涇二塞，謂在新鄭之涇。然白起兵鋒，特在上黨，故知非也。

## 涇氏

哀公如涇氏。（魯世家）

【集解】杜預曰：「涇氏即有山氏。」

## 涇

- ①武靈二十一，攻中山。趙希并將胡、代。趙與之涇，合軍曲陽。（趙世家）  
②田叔，涇城人。（田叔傳）

【集解】徐廣曰：「一作『陸』，又作『涇』。或宜言『趙與之涇』。涇者，山絕之名。常山有井涇，中山有苦涇，上黨有閼與。」（趙世家）

【索隱】縣名，屬中山。（田叔傳）

【正義】陘，陘山也，在并州陘縣東南十八里。（趙世家）

【案】漢志「中山國苦陘縣」，今無極縣東北。又「常山郡井陘縣」，今井陘縣北。未知此所謂「陘」者何指。

## 召陵 邵陵

①齊桓公伐楚，至邵陵。（秦本紀）

②南伐至召陵，登熊耳山，以望江、漢。（封禪書、齊世家。）

③齊師退次召陵。（齊世家）

④蔡昭侯十三，與衛靈公會邵陵。（管蔡世家）

⑤魏南有鴻溝、陳、汝南、許、鄆、昆陽、召陵、舞陽、新都、新鄴。（蘇秦傳）

⑥若道河外，倍大梁，右蔡左召陵，與楚兵決於陳郊，秦又不敢。（魏世家）

⑦以十萬戍鄆，許、鄆陵嬰城，而上蔡，召陵不往來。（春申君傳）

⑧秦惠文王十四，伐楚，取召陵。（秦本紀）

【集解】杜預曰：「召陵，潁川縣。」（齊世家）

【索隱】地理志召陵屬汝南。（蘇秦傳）

【正義】括地志云：「邵陵故城在豫州郊（案：據魏世家注引當作「鄆」。）城縣東四十五里也。」

（封禪書）

【案】召陵故城，今鄆城縣東三十五里。

## 召 召南

① 召公奭與周同姓。

② 召公治西方，甚得民和。巡行鄉邑，有棠樹。（燕世家）

③ 爲歌周南、召南。（吳世家）

【索隱】召者，畿內采地。或說者以爲文王受命，岐周故墟召地分爵二公，故詩有周、召二南，言皆在岐山之陽，故言「南」也。後武王封之北燕，在今幽州薊縣故城是也。

【正義】括地志云：「召伯廟在洛州壽安縣西北五里。有棠在九曲城東阜上。」（燕世家）

【案】召亭，今陝西岐山縣西南，相傳爲召公之畿內采地。壽安，今河南宜陽縣治，傳爲召



## 許

伯聽政之所。惟二南之詩，多涉江、漢。春秋有鄆城、召陵；又秦置鄆縣，即燕也；疑召南應在此。今河南濟源縣西有鄆邵，延津縣北有南燕，則召公支庶分封所及蓋甚廣。

①禹封皋陶之後於英、六，或在許。（夏本紀）

②成王十八，北伐許。（十二諸侯年表、楚世家。）

③昔我皇祖伯父昆吾舊許是宅。（楚世家）

④繞舞陽之北，以東臨許。（魏世家）

⑤魏南有鴻溝、陳、汝南、許、鄆、昆陽、召陵、舞陽。（蘇秦傳）

⑥王以十萬戍鄆，梁氏寒心，許、鄆陵嬰城，而上蔡、召陵不往來。（春申君傳）

⑦鉅人伍徐將兵居許。（陳涉世家）

【集解】駱案：地理志曰：「潁川許昌縣，故許國也。」（楚世家）

【正義】括地志云：「許故城在許州許昌縣南三十里，（魏世家作「四十里」。）故許國也。（夏本紀）武王伐紂所封。（魏世家）姜姓，四岳之後，爲楚所滅，漢以爲縣。魏文帝即位，改許曰紀。」

許昌也。」（陳涉世家）

〔案〕今許昌縣西南。

## 許

鄭宛與魯易許田。（周本紀、十二諸侯年表、魯世家、鄭世家。）

【索隱】許田，近許之地，魯朝宿之邑。（鄭世家）

【正義】括地志云：「許州許昌縣南四十里，有魯城，周公廟在城中。祊田在沂州費縣東南。」（周本紀）

〔案〕魯頌：「居常與許，復周公之宇。」魯城故城，今許昌縣東南。又汝州有魯山縣，以魯山得名，山在縣東十八里。兩魯東西相距百數十里間耳。又許東有鄆縣故城，今鄆城縣南；有召陵故城，今鄆城縣東。然則其地或為周初周、召之始封也。

## 汝

汝穎以爲險。（禮書）

【正義】括地志云：「汝水源出汝州魯山縣西伏牛山，亦名猛山。汝水至豫州鄆城縣名漬

水。爾雅云：『河有渚，汝有漬』，亦汝之別名。地理志：『高陵山，汝水出，東南至新

蔡縣入淮。』

〔案〕此即今稱北汝河，源出嵩縣西南天息山，歷伊陽、臨汝、邙縣、襄城，合沙河，（潁水。）

歷鄆城、西華、商水入潁。

## 汝南

①魏南有鴻溝、陳、汝南、許、鄆。（蘇秦傳）

②孝景初置汝南國，三年，徙江都。（漢興以來諸侯年表）

③汝南王非。（孝景本紀、五宗世家。）

④汝南、九江引淮。（河渠書）

【正義】陳、汝南，今汝州、豫州縣也。（蘇秦傳）汝南國，今豫州。（孝景本紀）

〔案〕漢汝南郡治上蔡。蘇秦傳應作「陳、汝、許、鄆」，疑衍一「南」字。

## 襄城 襄邑

①楚懷二十九，秦取楚襄城。（六國表）

②魏昭元，秦擊魏襄城，拔之。（六國表、魏世家。）

③項羽攻拔襄城。（項羽本紀、高祖本紀。）

④絕楚軍餉道，起陽武至襄邑。擊項冠於魯下。（灌嬰傳）

⑤絕楚饕道，起滎陽至襄邑。（靳歙傳）

⑥孝惠後宮子山封襄城侯。（呂后本紀）

⑦襄城侯。（建元以來侯者年表）

【索隱】韋昭云：「潁川縣。」（高祖本紀）

【正義】許州襄城縣。（項羽本紀）

〔案〕今襄城縣西。

## 讎 雠

①讎、龐、長沙，楚之粟也。（越世家）

②沛公戰雒陽東，不利，還至陽城，與南陽守龔戰。（高祖本紀）

③南攻，與南陽守龔戰。（曹相國世家、樊噲傳）

【集解】駟案：地理志南陽有龔縣。（高祖本紀）

【正義】在汝州魯山縣東南。（樊噲傳）

【案】今河南魯山縣東南五十五里。左昭元：「楚城。」

## 不羹

靈王曰：「吾大城陳、蔡、不羹，賦皆千乘。」（楚世家）

【集解】潁川定陵有東不羹，襄城有西不羹。

【正義】括地志云：「不羹故城在許州襄城縣東三十里。地理志云此乃西不羹也。」

【案】西不羹城，今襄城縣東南二十里；東不羹城，今舞陽縣西北。「讎、龐、長沙」之「

龐」，疑即不羹。

## 長沙

讎、龐、長沙，楚之粟也。（越世家）

【正義】長沙，楚邑出粟之地。戰國時永、郴、衡、潭、岳、鄂、江、洪、饒並是東南境，屬楚也。袁、吉、虔、撫、歙、宣並越西境，屬越也。

〔案〕讎在南陽，今河南魯山縣境，則長沙決不在湖南可知。楚策：「長沙之難，楚太子橫為質於齊。」覈之六國表，即「秦取楚襄城，殺景缺」事。襄城，今河南襄城縣西。水經注：「汝水東南，逕襄城縣故城南。又東南，逕郢縣故城北。」南為大潁水。潁水，一名沙河。疑長沙之名，即指此；則長沙、讎正相近。

## 長沙

①項羽徙義帝長沙郴縣。（項羽本紀）

②項氏立懷王為義帝，徙都長沙。（黥布傳、叔孫通傳。）

③漢五年，分臨江為長沙國。徙衡山王吳芮為長沙王。（秦楚之際月表）

④孔子襄爲孝惠皇帝博士，遷爲長沙太守。（孔子世家）

⑤賈誼爲長沙王太傅，聞長沙卑溼。（賈生傳）

⑥孝景復置長沙國。（漢興以來諸侯年表）

⑦孝景前二年以皇子發爲長沙王。（五宗世家）

⑧越直長沙者，因王子定長沙以北，西走蜀、漢中。臣願循江淮而上，收淮南、長沙，入武

關。（吳王濞傳）

⑨燕、代無北邊郡，吳、淮南、長沙無南邊郡。（漢興以來諸侯年表）

⑩衡山、九江、江南豫章、長沙，是南楚也。

⑪長沙出連、錫，然堇堇，取之不足以更費。（貨殖傳）

⑫太史公適長沙，觀屈原所自沈淵。（屈原傳）

【集解】應劭曰：「景帝後二年，諸王來朝，有詔更前稱壽歌舞。定王但張袖小舉手。左右笑其拙，上怪問之，對曰：『臣國小地狹，不足廻旋。』帝以武陵、零陵、桂陽屬焉。」

（五宗世家）

【索隱】荊州記：「長沙城西北隅有賈誼祠及誼坐石牀在。」

【正義】括地志云：「吳芮故城在潭州長沙縣東南三百里。賈誼宅在縣南三十步。」（賈生傳）

〔案〕漢長沙國都臨湘，今湖南長沙縣治。

## 垂涉

兵殆於垂涉，唐昧死焉。（禮書）

【集解】許慎曰：「垂涉，地名也。」

〔案〕荀子議兵篇作「垂沙」。此殆即楚策所謂「長沙之難」也。互詳「重丘」條。

## 重丘

①楚懷二十八，秦、韓、魏、齊敗楚於重丘。（六國表、楚世家。）

②齊潛二十二（楚懷二十七），與秦擊敗楚於重丘。（田齊世家）

③齊潛王南敗楚相唐昧於重丘。（樂毅傳）

【索隱】地理志重邱，縣名，屬平原。

【正義】在冀州城武縣界。（樂毅傳）



〔案〕胡三省通鑑注：「春秋時有二重丘：衛孫蒯飲馬於重丘，杜曰：『曹邑。』諸侯同盟於重丘，杜曰：『齊地。』時楚境皆不至此。呂氏春秋（處方）：『齊令章子與韓、魏攻荆，荆使唐蔑應之，夾泚而軍；章子斬蔑是水之上。』水經注：『泚水又西，澳水注之。水北出茈丘山，南入於泚水。』意重丘即茈丘。」今考澳水，今河南泌陽縣西北；泚水，今泌陽東北。又泌陽西北方城縣即楚方城。秦本紀：「共攻楚方城，取唐昧。」又荀子：「兵殆於垂沙，唐蔑死。」垂沙即長沙。疑唐蔑之死，應在今方城縣北，楚方城外。水經注：「汝水逕襄城、西不羹城。又東南，逕繁丘城南。」重丘或即繁丘也。互詳「長沙」條。

## 冥阬 酈阬 酈塞

- ①秦以南陽委於楚。曰：「殘均陵，塞酈阬，苟利於楚，寡人如自有之。」（蘇秦傳）
- ②秦伐楚，道涉山谷，行三千里，而攻冥阬之塞。（魏世家）
- ③秦踰阻隘之塞而攻楚，不便。（春申君傳）
- ④涉酈塞，而待秦之倦，山東、河內可得而一。（楚世家）

【集解】孫檢曰：「楚之險塞也。」徐廣曰：「或以爲今江夏鄢縣。」

【正義】申州羅山縣本漢鄢縣。申州有平清關，蓋古鄢縣之阨塞。（蘇秦傳）括地志云：「石

城山在申州鍾山縣東南二十一里。魏攻冥阨即此，山上有故石城。呂氏春秋云『九塞』，

此其一也。」（魏世家）

## 冥山

韓卒之劍戟皆出於冥山、棠谿。（蘇秦傳）

【集解】徐廣曰：「莊子曰：『南行至郢，北面而不見冥山。』」駰案：「司馬彪曰：『冥山在朔州北。』」

【索隱】郭象云：「冥山在乎太極。」李軌云：「在韓國。」

【案】石城山，今信陽縣東南七十里。左定四：「還塞大隧、直轅、冥阨。」今平靖關在河南信陽縣東南九十里。

## 無假

①曲沃、於中，以至無假之關者三千七百里。

②越窺兵通無假之關。（越世家）

【正義】案：無假之關當在江南長沙之西北。言從曲沃、於中西至漢中、巴、巫、黔中千餘里，不備秦、魯也。

〔案〕曲沃在陝縣。自此以南，經於中，即「商於」之「於」，而至無假之關。關地今無考，以越窺兵言之，當與陜塞、鄆阨相近。正義云「在江南」，必誤。

## 堂谿 棠谿

①楚封夫槩於堂谿，爲堂谿氏。（吳世家、楚世家、伍子胥傳。）

②韓卒之劍戟皆出冥山、棠谿、墨陽、合膊。（蘇秦傳）

【集解】徐廣曰：「在慎縣。」駱案：地理志汝南有吳房縣。應劭曰：「夫槩奔楚，封於堂谿，本房子國，以封吳，故曰吳房。」然則不得在慎縣也。（伍子胥傳）司馬彪曰：「汝南吳房有堂谿亭。」（吳世家）

【正義】括地志云：「豫州吳房縣在州西北九十里。」（吳世家）又：地理志云：「堂谿故城

在豫州偃城縣西八十五里。」（楚世家。案：蘇秦傳作「八十里」。）鹽鐵論云「有棠谿之劍」是。

（蘇秦傳）

〔案〕今西平縣西北百里。

## 房

上蔡人房君蔡賜。（陳涉世家）

【正義】豫州吳房縣，本房子國。

## 州

楚考烈元，秦取楚州。（六國表、楚世家。）

【集解】徐廣曰：「南郡有州陵縣。」（楚世家）

〔案〕漢南郡州陵縣，今沔陽縣東南。然恐未必是此州。楚策江乙曰：「州侯相楚，貴甚。」莊辛曰：「左州侯，右夏侯。」州地當在今湖北省北部。

州

韓宣子徙居州。（韓世家）

【索隱】州，今在河內是也。

【正義】括地志云：「懷州武德縣本周司寇蘇忿生之州邑也。」

〔案〕今沁陽縣東南。

息

息侯亦娶陳。（管蔡世家）

【集解】杜預曰：「息國，汝南新息縣。」

〔案〕今河南息縣東。

白

①子西召太子建之子勝於吳，以爲巢大夫，號曰白公。（楚世家）

②惠王召勝，使居楚之邊邑鄢，號曰白公。（伍子胥傳）

【集解】杜預曰：「汝陰褒信縣西南有白亭。」

【正義】括地志云：「白亭在豫州褒信東南三十二里。（伍子胥傳作「褒南四十二里」。）褒信本漢

鄢縣之地，後漢分鄢置褒信縣，在今褒信縣東七十七里。（楚世家）又許州扶溝縣北四十五

里北又有白亭也。」（伍子胥傳）

【案】褒信故城，舊息縣東北七十里。包信集，今息縣治。白公城，舊息縣西南七里。又魏書地形志：「扶溝有白亭城」，今扶溝縣北四十五里；恐非白公所居。

## 雩婁

楚伐吳，至雩婁。（吳世家）

【集解】服虔曰：「雩婁，楚之東邑。」

【索隱】昭五年左傳曰：「楚子伐吳，使沈尹射待命於巢，薳啟疆待命雩婁。」今直言至雩婁，略耳。

【案】淮南子：「孫叔敖決期思之水，而灌雩婁之野。」御覽「水」作「陂」。期思陂即芍

陂也。零婁，漢縣，屬廬江，今商城縣東北，霍邱縣西南。

## 頓

昭二十，滅頓。（楚世家）

【集解】駟案：地理志：「汝南頓縣，故頓子國。」

【正義】括地志云：「陳州南頓縣，故頓子國。應劭云：『姬姓也，逼於陳，後南徙，故曰南頓。』」

〔案〕南頓故城，今項城縣北五十里。

## 項

項氏世世爲楚將，封於項。（項羽本紀）

【索隱】地理志項城縣屬汝南。

【正義】括地志云：「今陳州項城縣城即古項子國。」

〔案〕今河南項城縣東北。

## 沈

①蔡爲晉滅沈。（管蔡世家）

②陳惠十五，吳伐陳，取胡、沈。（十二諸侯年表、陳紀世家。）

③江、黃、胡、沈之屬。（陳紀世家）

【集解】杜預曰：「汝南平輿縣有邲亭。」（管蔡世家）

〔案〕春秋文三年：「叔孫得臣會晉、宋、陳、衛、鄭人伐沈。」杜注：「汝南平輿縣北有沈亭。」平輿廢縣，今安徽阜陽縣南。縣西北一百二十里有沈邱鎮，即春秋時沈國，沈亭在鎮東五里。鎮即古寢邱，楚相孫叔敖所封。又河南沈邱縣東南有沈亭，蓋與阜陽沈邱接壤。

## 沈

臺駘宣汾、洮，處太原，國於汾川。沈、姒、蓐、黃實守其祀。晉主汾川而滅之。（鄭世家）

〔案〕此沈應在汾水境，今無考。



## 平輿 平與

①始皇二十三年，擊荆，取陳以南至平輿。（秦始皇本紀）

②李信攻平輿。（王翳傳）

【正義】平輿，豫州縣也。（秦始皇本紀）在潁東北五十四里。（王翳傳）

〔案〕今汝南縣東南六十里，春秋沈國。

## 寢丘

①乃召孫叔敖子，封之寢丘。（滑稽傳）

②蒙恬攻寢。（王翳傳）

【集解】徐廣曰：「今固始寢丘。」

【索隱】固始，縣，屬淮陽。寢丘，地名也。（王翳傳）

【正義】今光州固始縣，本寢邱邑也。（滑稽傳）

〔案〕元和志：「在潁州西北一百二十里。」今安徽阜陽縣西北，屬河南沈邱縣東南境。漢

為寢縣，後漢改曰固始，屬淮陽國；於唐屬陳州，非光州之固始也。

## 胡

①陳惠十五，吳取陳胡、沈。

②楚昭二十一，滅胡。（十二諸侯年表）

③昭王二十，滅胡。（楚世家）

④江、黃、胡、沈之屬。（陳杞世家）

⑤鄭武公襲胡，取之。（老莊申韓傳）

【集解】徐廣曰：「胡國，今之汝陰。」（越世家）杜預曰：「汝南縣西北胡城。」（楚世家）

【索隱】系本云：「胡，歸姓國，在汝南。」（陳杞世家）

【正義】括地志云：「故胡城在豫州偃城縣界。」（楚世家）

〔案〕左襄二十八：「胡子朝晉。」定十五：「楚滅胡。」杜注：「汝陰縣西北有胡城。」今安徽阜陽縣西北。則吳取胡、沈必此也。下距楚昭滅胡尚二十五年。殆其時胡已屬陳，後又屬吳，國小君微，至楚昭滅之，君統始絕耳。

## 青陽

荆王獻青陽以西，已而畔約，擊秦南郡。（秦始皇本紀）

【集解】駢案：漢書鄒陽傳曰：「越水長沙，還舟青陽。」蘇林曰：「青陽，長沙縣是也。」

〔案〕青陽疑指青陂水之陽。始皇時，楚西土久失，何至至是始獻長沙以西？鄒陽說吳王濞謂：「越水長沙，還舟青陽。雖使梁并淮陽之兵，下淮東，越廣陵，以遏越人之糧」云云。若青陽乃長沙縣，遠在今湖南境，梁兵越廣陵，豈遽足以遏其糧乎？文選注蘇林曰：「青陽，水名。」此又以為縣名。一人異說，本無確據。特就「越水長沙」語，而謂是長沙縣；又就「還舟」云云，而謂是水名。今考長沙之名，戰國本指汝河而言。（詳「長沙」條。）新蔡青陂水一入淮，一入汝，則鄒陽所謂「越水長沙，還舟青陽」，亦即今河南境，故可云「東越廣陵，以遏其糧」也。楚兵自此而西，即至秦南郡地，故曰「既獻青陽以西，復畔約，擊秦南郡」也。又九域志：「臨淮有青陽。」泗州志：「州北一百三十里有青陽鎮。」亦較長沙青陽為近情。

## 清波 青波

①呂將軍聚鄱盜當陽君黥布之兵，擊秦，破之青波。（陳涉世家）

②黥布北擊秦左右校，破之清波。（黥布傳）

〔案〕清波即青波。水經注：「淮水東逕白城南，楚白公勝之邑也。又東，青陂水注之。」今新蔡縣西南，接息縣界，久廢。

## 夏州

楚東有夏州、海陽。（蘇秦傳）

【集解】徐廣曰：「楚考烈王元年，秦取夏州。」駢案：左傳：「楚莊王伐陳，鄉取一人焉以歸，謂之夏州。」而注者不說夏州所在。車胤撰桓溫集云：「夏口城上數里有洲，名夏州。」「東有夏州」謂此也。

【索隱】裴駰據左傳及車胤說夏州，其文甚明，而劉伯莊以爲夏州，州侯之本國，亦未之爲得。

【正義】大江中州也。夏水口在荊州江陵縣東南二十五里。

〔案〕漢志沛郡有夏邱縣。水經注：「淮水自鍾離來東，逕夏丘縣南，又合渙水」，是也。故城今泗縣治。夏州即夏邱也。此為楚之東境，三家說皆誤。

## 海陽

楚東有夏州、海陽。（蘇秦傳）

【索隱】地理志海陽地闕。劉氏云「楚之東境」也。

〔案〕漢志：「臨淮郡海陵，有江海會祠。」吳師道注國策：「海陽即海陵也。」晉志廣陵屬縣有海陽，無海陵。又晉志江海會祠在海陽，知吳說有據。故城今江蘇泰縣治。

## 洞庭

①三苗氏左洞庭，右彭蠡。（吳起傳）

②楚南有洞庭、蒼梧。（蘇秦傳）

【索隱】今青草湖是也，在岳州界。（蘇秦傳）

〔案〕三苗洞庭不指此。古謂水穴潛通皆曰「洞庭」。南方洞庭，其名後起。

## 茲方

楚肅四，蜀伐楚茲方。（六國表、楚世家。）

【正義】古今地名云：「荊州松滋縣古鳩茲地，即茲方。」（楚世家）

## 下東國 東國

①「予我下東國，吾爲王殺太子」，然則東國必可得。（楚世家）

②有淮北，楚之東國危。（田齊世家）

③令楚割東國以與齊。（孟嘗君傳）

【正義】東國謂下相、僮、取慮也。（田齊世家）

## 東國

有濟西，趙之阿東國危。（田齊世家）

【正義】阿，東阿也。爾時屬趙，故云「東國危」。

## 春申

封黃歇爲春申君，賜淮北地十二縣。（春申君傳）

【正義】四君封邑檢皆不獲，唯平原有地，又非趙境，並蓋號諡，而孟嘗是諡。

〔案〕寰宇記：「江陰縣有申浦，春申君所闢。」今吳、淞下游稱黃浦，亦名申江，皆後起。春申若係地名，應在淮北。又考寰宇記有黃閭山，在今鳳臺縣東北五十里，云爲黃歇所遊處。又鳳陽縣有春申臺，相傳黃歇所築。壽春本爲東楚重鎮，考烈王終於自陳徙都於此。或黃歇初封淮北，即在今壽縣、鳳臺境，則其號「春申」，應與壽春有關。

## 海春

楚海春侯大司馬曹咎守成泉。（項羽本紀、高祖本紀。）

## 蘭陵

荀卿適楚，春申君以爲蘭陵令。荀卿因家蘭陵。卒，因葬蘭陵。（孟子荀卿傳、春申君傳。）

【正義】蘭陵，縣，屬東海郡。今沂州承縣有蘭陵山。（孟子荀卿傳）

〔案〕今嶧縣東五十里。

## 高府

白公劫惠王，置之高府。（楚世家）

【集解】賈逵曰：「高府，府名。」杜預曰：「楚別府。」

## 華屋

軟血華屋之下。（平原君傳）

## 陽雲之臺

楚王登陽雲之臺。（司馬相如傳）

【集解】徐廣曰：「宋玉云楚王游於陽雲之臺。」駟案：郭璞曰：「在雲夢之中。」



## 卷十三 魏地名

### 魏

① 晉滅霍、魏、耿。（秦本紀、晉世家、魏世家。）

② 始封畢萬魏。（十二諸侯年表、晉世家。）

③ 歌魏。曰：「以德輔，此則盟主也。」（吳世家）

【集解】服虔曰：「魏，姬姓。魏在晉之蒲坂河東也。」

【索隱】地理志河東河北縣，古魏國。地記亦以爲然。服虔云在蒲坂，非也。（晉世家）

【正義】魏城在陝州芮城縣北五里。鄭玄詩譜云：「魏，姬姓之國，武王伐紂而封焉。」（魏世家）

【案】河北故城，今芮城縣東北里許。水經注：「縣在河之北，故曰河北。今城南、西二

面，並去大河可二十餘里，北去首山一十里許，處河山之間，土地迫隘，故魏風著十畝之詩也。」

## 魏

①魏悼子徙治霍。

②魏絳徙治安邑。（魏世家）

③魏居嶺阨之西，都安邑，與秦界河。（商君傳）

【索隱】系本居篇曰：「魏武子居魏，悼子徙霍。」宋忠曰：「霍，地名，今河東彘縣也。」然魏，今河北魏縣是也。

## 魏

①魏地方不至千里，地四平，諸侯四通輻湊，無名山大川之限。（張儀傳）

②魏氏悉其百縣勝甲以上戍大梁，臣以爲不下三十萬。（穰侯傳）

③韓、魏，中國之處而天下之樞。（范雎傳）

〔案〕此指大梁，河南之魏。

## 西魏 北魏

①項羽徙魏王豹爲西魏王，王河東，都平陽。  
〔項羽本紀、秦楚之際月表、魏豹傳。〕

②棘丘侯襄以上郡守擊定西魏地。  
〔高祖功臣年表〕

③曹參盡定魏地，凡五十二城。  
〔曹相國世家〕

④破北魏，舉三十二城。  
〔酈食其傳〕

【索隱】北魏謂魏豹。豹在河北故也。亦謂之「西魏」，以大梁在河南故也。  
〔酈食其傳〕

## 霍

①封叔處於霍。  
〔管蔡世家〕

②晉滅霍、魏、耿。  
〔秦本紀、晉世家、趙世家、魏世家。〕

③魏悼子徙治霍。  
〔魏世家〕

【集解】服虔曰：「霍，姬姓。」杜預曰：「永安縣東北有霍太山也。」  
〔晉世家〕

【索隱】地理志云河東彘縣，霍太山在東北，是霍叔之所封。（管蔡世家）案：永安縣西南汾水

西（應作「東」。）有霍城，古霍國；有霍水，出霍太山。（晉世家）

【正義】括地志云：「晉州霍邑縣本漢彘縣也。」（管蔡世家）後漢改曰永安，隋改曰霍邑。

（魏世家）鄭玄注周禮云：「霍山在彘，本春秋時霍伯國地。」（管蔡世家）

〔案〕霍故城，今霍縣西南十六里。

## 安邑

①魏絳徙治安邑。

②汾水可以灌安邑。（魏世家）

③魏武二，城安邑、王垣。（六國表、魏世家。）

④魏居嶺阨之西，都安邑，與秦界河。（商君傳）

⑤秦孝十，衛鞅圍魏安邑，降之。

⑥昭襄二十一，攻魏河內。魏獻安邑。（秦本紀、六國表。）

⑦我舉安邑，塞女戟，韓氏太原卷。（蘇秦傳）

⑧秦有安邑，韓氏必無上黨。（穰侯傳）

⑨秦昭十四，涉河取韓安邑以東，到乾河。（白起傳）

⑩韓信襲安邑。（淮陰侯傳）

⑪安邑千樹棗。（貨殖傳）

【集解】駟案：地理志曰：河東有安邑縣。

【正義】括地志云：「安邑故城在絳州夏縣東北十五里，本夏之都。」（秦本紀）亦魏都。汾水

東北歷安邑西南入河。（魏世家）

〔案〕安邑故縣，今夏縣北。

## 安邑

①秦惠文王九，取趙中都、西陽、安邑。

②（同年）趙武靈十，秦取趙中都、西陽、安邑。（六國表）

〔案〕秦本紀正義云：「秦紀：『伐取趙中都、西陽。』趙世家云：『西都及中陽。』年表

秦表云：『取趙中都、西陽、安邑。』趙表云：『秦取中都、安陽。』本紀、世家、年表

其縣名異，年歲實同，所伐唯一處。」今六國表亦作「中都、西陽、安邑」，與正義所引又異，蓋後人據秦表改之。安邑非趙地，至秦昭王、趙惠文王時，魏始獻安邑於秦；此必誤。

## 大梁

①楚悼十一，三晉敗楚大梁、榆關。（楚世家）

②魏去安邑，徙都大梁。（商君傳）

③魏惠徙治大梁。（魏世家）

④田忌疾走大梁，敗魏桂陵。

⑤田忌直走大梁，敗魏馬陵。（孫臏傳）

⑥秦引河溝灌大梁。（秦始皇本紀）

⑦太史公適故大梁之墟，墟中人曰：「秦之破梁，引河溝而灌大梁，三月城壞。」（魏世家）

【索隱】臣瓚云：「今陳留大梁城是也。」（張耳傳）

【正義】今汴州浚儀也。（魏世家）

〔案〕今開封市西北。

## 梁

①梁南與楚境，西與韓境，北與趙境，東與齊境，卒戍四方，守亭鄣者不下十萬。梁之地勢，固戰場也。（張儀傳）

②齊使者如梁，孫臏以刑徒陰見。（孫臏傳）

③梁七仞之城。（穰侯傳）

## 梁

①彭越爲梁王，都定陶。（彭越傳）

②高祖封梁國，都淮陽。

③孝文復置梁國。（漢興以來諸侯年表）

④以次子勝爲梁王。勝卒，徙淮陽王武爲梁王。

⑤梁最親，爲大國，居天下膏腴地。地北界泰山，西至高陽，四十餘城，皆多大縣。

⑥漢定百年之間，梁分爲五。（漢興以來諸侯年表、梁孝王世家。）

⑦梁餘尚有十城。（梁孝王世家）

【集解】徐廣曰：「都睢陽。」（梁孝王世家）梁分爲五：濟陰、濟川、濟東、山陽也。」（漢興以來諸侯年表）

【正義】括地志云：「宋州宋城縣在州南二里外城中，本漢之睢陽縣也。漢文帝封子武於大梁，以其卑濕，徙睢陽，故改曰梁也。」（梁孝王世家）

## 梁楚之地

①自陳以西，南至九疑，東帶江、淮、穀、泗，薄會稽，爲梁、楚、吳、淮南、長沙國。（漢興以來諸侯年表）

②河決瓠子，歲數不登，梁、楚之地尤甚。

③塞瓠子，道河北行二渠，而梁、楚之地復寧。（河渠書）

④河決觀，梁、楚之地已數困。（平準書）

⑤太史公過梁，楚以歸。（自序）



## 梁宋

自鴻溝以東，芒、碭以北，屬巨野，此梁、宋也。陶、睢陽亦一都會也。（貨殖傳）

【集解】徐廣曰：「今陶之浚儀。」

【正義】鴻溝以東，芒、碭以北至鉅野，梁、宋二國之地。

## 梁魯

①然近梁、魯，微重而矜節。

②秦、夏、梁、魯好農而重民。（貨殖傳）

## 南梁

齊宣二，魏與韓、趙戰於南梁。（田齊世家）

【索隱】晉太康地記曰：「戰國謂梁爲南梁者，別之於大梁、少梁也。」

【正義】括地志云：「故梁在汝州西南二百步。古蠻子邑也。」

〔案〕今臨汝縣東。左哀四：「楚為一昔之期，襲梁及霍。」國語：「楚惠王以梁與魯陽文子，辭曰：『梁險而在北境。』」是也。

### 三梁

梁惠王伐趙，戰勝三梁，拔邯鄲。（穰侯傳）

〔集解〕徐廣曰：「田完世家云：『魏伐趙，趙不利，戰於南梁。』」

〔索隱〕三梁即南梁也。

〔案〕三梁應在趙地。左宣十五：「晉敗赤狄於曲梁。」今河北永年縣治。恐「三」乃字譌。

### 夷門

①侯嬴爲大梁夷門監者。

②夷門，大梁東門也。（信陵君傳）

〔案〕御覽百五十八：「大梁城有十二門，東門曰夷門。」

## 開封

①韓釐二十一，暴鳶救魏，爲秦所敗，走開封。（六國表、韓世家。）

②酈商將陳留兵，與沛公偕攻開封。（高祖本紀）

③擊破趙賁軍開封北。（樊噲傳）

④開封侯陶青。（孝景本紀）

【索隱】韋昭云：「河南縣。」（高祖本紀）

【正義】汴州縣。（樊噲傳）

【案】開封，六國時魏邑，漢屬河南郡，晉改屬滎陽郡。至梁惠王所都大梁，在漢爲陳留郡浚儀縣；晉屬陳留國；唐貞觀初，省開封入浚儀，嗣復置；明初又省開封入祥符。（宋改浚儀爲祥符。）浚儀廢縣，今城西北；開封廢縣，在縣南五十里。范守己豫諱謂：「古開封縣在中牟之南，尉氏之西。」則實當今城之西南也。

## 逢澤

①秦公子少官率師會諸侯逢澤。（秦本紀）

②秦孝二十，會諸侯於澤，朝天子。（六國表）

【集解】徐廣曰：「開封東北有逢澤。」

【正義】括地志云：「逢澤亦名逢池，在汴州浚儀縣東南十四里。」（秦本紀）

〔案〕今開封市南。左哀十四：「逢澤有介麋。」紀年：「梁惠王發逢忌之藪以賜民。」

## 曲遇

①沛公與秦戰白馬，又戰曲遇東。（高祖本紀）

②圍趙賁開封。西擊楊熊於曲遇。（曹相國世家）

③擊楊熊曲遇、陽武。（傳寬傳）

④擊楊熊曲遇。（樊噲傳）

【集解】徐廣曰：「在中牟。」

【索隱】司馬彪郡國志：「中牟有曲遇聚。」（曹相國世家）

〔案〕曲遇聚在中牟縣東。（方輿紀要）「在縣西。」

## 三亭

待我於三亭之南。(范曄蔡澤傳)

【索隱】三亭，亭名，在魏境之邊，道亭也，今無其處。一云魏之郊境，總有三亭，皆祖錢之處。

【正義】括地志云：「三亭岡在汴州尉氏縣西南三十七里。」蓋「岡」字誤爲「南」。

【案】此等恐皆出後人附會，不足深考。

## 北宅

①魏惠五，與韓會宅陽。(六國表、魏世家、韓世家。)

②走芒卯，入北宅，遂圍大梁。(穰侯傳)

【正義】竹書云：「宅陽，一名北宅。」括地志云：「宅陽故城在鄭州滎陽縣西南十七里。」

(穰侯傳)

【案】今河南滎陽縣東北。

## 林鄉

從林鄉軍以至於今，秦七攻魏，五入囿中。（魏世家）

【集解】徐廣曰：「林鄉在宛縣。」

【索隱】劉氏云：「林，地名，蓋春秋時鄭地之裴林，在大梁之西北。」徐廣云：「在宛縣」，非也。

【正義】括地志云：「宛陵故城在鄭州新鄭縣東北三十八里，本鄭舊縣。」

〔案〕林鄉，今新鄭縣東二十五里。郡國志：「宛陵有裴林」，是謂裴林即林鄉也。別有林亭，在鄭縣東南，杜預謂之北林。而水經注：「華水東逕裴城北，即北林亭」，是謂裴林即北林也；故曰：「杜預以林鄉為裴，亦或疑焉。」索隱引劉說，略同鄭氏；並以此林鄉亦在大梁西北，與鄭又異。徐廣則同杜預、劉昭。

## 林中

以塞鄆阨為楚罪。兵困於林中。（蘇秦傳）

【集解】徐廣曰：「河南苑陵有林鄉。」

## 囿中

秦七攻魏，五入囿中。（魏世家）

【集解】徐廣曰：「一作『城』也。」

【索隱】囿即圃田，鄭藪，屬魏。戰國策作「國中」。

【正義】括地志云：「圃田澤在鄭州管城縣東三里。周禮云：豫州藪曰圃田也。」

【案】古圃田澤，今中牟縣西。詩小雅：「東有甫草」；爾雅「十藪」：「鄭有圃田」；左

傳三十三傳謂之「原圃」；紀年：「惠成王入河水於甫，又為大溝而引甫水」；是也。孟

子：「梁惠王曰：『寡人之圃方四十里。』」

## 安成

通韓上黨於共、甯，使道安成，出入賦之。（魏世家）

【正義】括地志云：「故安城在鄭州原武縣東南二十里。」時屬魏也。

〔案〕今河南舊原武縣東南。

## 安城

昭襄二十四，秦取魏安城，兵至大梁而還。（秦本紀、六國表、魏世家。）

【集解】駟案：地理志云：汝南有安城縣。

【正義】括地志云：「安城在豫州汝陽縣東南十七里。」（秦本紀。案：魏世家注引作「汝陵縣東南七十一里」。）

〔案〕漢志汝南有安成縣，今汝南縣東南。然此安成恐不在此，仍當在原武。

## 新明邑

昭襄二十五，與魏王會新明邑。二十六，赦罪人遷之。（秦本紀）

## 華陽

①赧王四十二，秦破華陽。（周本紀）



②秦昭襄三十三，擊芒卯華陽，敗之。（秦本紀）

③昭襄三十四，白起擊魏華陽。（六國表）

④趙惠文王二十五（秦昭三十三），白起破趙華陽。（趙世家）

⑤韓釐二十三（昭襄三十四），趙、魏攻韓華陽。秦救韓，敗趙、魏華陽之下。（韓世家）

【索隱】司馬彪曰：「華陽，亭名，在密縣。」（秦本紀）

【正義】括地志云：「故華陽城在鄭州管城縣南四十里是。」（周本紀。案：秦本紀、穰侯傳作「三十里」。）又：「國語云：史伯對鄭桓公，號、鄆十邑，華其一也。」（秦本紀）

【案】今新鄭縣東南，古華國。

## 華陽

①魏冉同父弟華戎，爲華陽君。（穰侯傳）

②穰侯，華陽君，昭王母宣太后弟。（范雎傳）

【集解】徐廣曰：「『華』，一作『葉』。」（范雎傳）

【索隱】華陽，韓地，後屬秦。華戎後又號新城君。（穰侯傳）

## 華陽

①武靈二十一，攻中山。合軍曲陽，攻取丹邱、華陽、鵠之塞。（趙世家）

②馮亭封華陽君。（白起王翦傳）

【正義】括地志云：「北岳有五別名：一曰蘭臺府，二曰列女宮，三曰華陽臺，四曰紫臺，五曰太一宮。」按：北岳恆山在定州恆陽縣北百四十里。（趙世家）

## 華山之陽

戰於牧野，破之華山之陽。（編策傳）

〔案〕此恐有誤。

## 長社

①秦攻魏卷，蔡陽、長社。（秦本紀）

②破芒卯華陽下，取魏之卷、蔡陽、長社。（穰侯傳）

③酈商從起岐，攻長社以南。（高祖功臣侯年表、酈商傳。）

④周勃攻長社。（絳侯世家）

⑤從攻長社、轅轅。（樊噲傳）

【集解】酈案：地理志潁川有長社縣。

【正義】括地志云：「長社故城在許州長社縣西一里，魏邑也。」（秦本紀）

〔案〕今宛陵縣西。

## 蔡陽

①秦攻魏卷、蔡陽、長社。（秦本紀）

②破芒卯華陽下，取魏之卷、蔡陽、長社。（懷侯傳）

【正義】括地志云：「蔡陽，今豫州上蔡水之陽，古城在豫州北七十里。魏邑也。」（秦本紀）

〔案〕蔡溝在今上蔡縣東南三十里，即正義所謂上蔡水。

## 鴻溝 洪渠

①魏地南有鴻溝、陳、汝南、許、鄆。（蘇秦傳）

②自鴻溝以東，芒、碭以北，屬巨野，此梁、宋也。（貨殖傳）

③楚、漢約中分天下，鴻溝以西爲漢，鴻溝而東爲楚。（項羽本紀、高祖本紀。）

④滎陽下引河東南爲鴻溝，以通宋、鄭、陳、蔡、曹、衛，與濟、汝、淮、泗會於楚。

⑤東方則通鴻溝、江、淮之間。（河渠書）

⑥與楚界洪渠。（漢興以來將相名臣年表）

【集解】文穎曰：「即今官渡水也。」（項羽本紀）

【索隱】楚、漢中分之界，蓋爲二流：一南經陽武，爲官渡水；一東經大梁城，即河溝，今之汴河是也。（河渠書）又：北征記云：「中牟臺下臨汴水，是爲官渡水也。」（高祖本紀）

【正義】應劭云：「在滎陽東二十里，蓋引河東南入淮、泗也。」（九字見高祖本紀。）張華云：

「大梁城在浚儀縣北，縣西北渠水東經此城南，又北分爲二渠。其一渠東南流，經浚儀，

（三字見高祖本紀。）始皇鑿引河水以灌大梁，謂之鴻溝，楚、漢會此處也。其一渠東經陽武縣

南，爲官渡水。」（項羽本紀）

【案】鴻溝爲楚、漢分界者，在今滎陽縣境。水經注：「故尉氏有鴻溝鄉、鴻溝亭。今蕭縣

西亦有鴻溝亭，睢陽東有鴻口亭。」蘇秦所云「南有鴻溝」也。秦始皇引河水灌大梁，即今賈魯河，古汴水之分流，亦名鴻溝。

## 河溝

①始皇二十二，王賁引河溝灌大梁。（秦始皇本紀）

②秦引河溝而灌大梁。（魏世家）

〔案〕河溝，即鴻溝，亦作「陰溝」。

## 鄆

魏南有鴻溝、陳、汝南、許、鄆、昆陽。（蘇秦傳）

【集解】徐廣曰：「在潁川。」

【索隱】戰國策作「鄆」。地理志潁川有許、鄆二縣，又有鄆陵縣。「鄆」、「鄆」不同，必有一誤。

〔案〕鄆，今鄆城縣南五里。

## 昆陽

①秦葉陽、昆陽與舞陽鄰。(魏世家)

②魏地南有昆陽、召陵、舞陽、新都、新鄴。(蘇秦傳)

【集解】駟案：地理志云：潁川有昆陽。(蘇秦傳)

【正義】昆陽故城在葉縣北二十五里。(魏世家)

〔案〕今葉縣治。水經注：「昆水逕昆陽城西、南，蓋藉水以氏縣也。」

## 舞陽

①秦葉陽、昆陽與舞陽鄰。

②繞舞陽之北，以東臨許。(魏世家)

③魏南有昆陽、召陵、舞陽、新都、新鄴。(蘇秦傳)

④舞陽侯樊噲。(樊噲傳)

【集解】駟案：地理志云：潁川有舞陽縣。(蘇秦傳)

【正義】舞陽故城在葉縣東十里。（魏世家）又：舞陽在許州。（蘇秦傳）

〔案〕今舞陽縣西。

## 新都

①魏地南有昆陽、召陵、舞陽、新都、新鄴。（蘇秦傳）

②張敖子修封新都侯。（呂后本紀）

【集解】駟案：地理志云：南陽有新都縣。

【索隱】新都屬南陽。戰國策直云新鄴，無「新都」二字。（蘇秦傳）

〔案〕今新野縣東，王莽侯國。

## 新鄴 鄴丘

①魏南有召陵、舞陽、新都、新鄴。（蘇秦傳）

②魏安釐十一，秦拔魏鄴丘。（魏世家）

【集解】駟案：地理志汝南有新鄴縣。（蘇秦傳）徐廣曰：「『鄴丘』，一作『廩丘』，又作

『邢丘』。今爲宋公縣。」（魏世家）

【正義】地理志云汝南郡新鄴縣。應劭曰：「秦伐魏，取鄴丘，漢興爲新鄴；章帝建初四年，（四字據蘇秦傳索隱增。）封殷後，更名宋也。」（魏世家）

〔案〕今安徽太和縣北七十里宋王城。

## 煮棗

①煮棗將拔，齊兵又進。（田齊世家）

②魏東有淮、潁、煮棗、無胥。（蘇秦傳）

③攻項籍，屠煮棗。（樊噲傳）

【集解】徐廣曰：「在濟陰宛胸。」（田齊世家）

【索隱】晉灼云：「檢地理志無「煮棗」。功臣表則有煮棗侯，清河有煮棗城。小顏以爲「攻項籍，屠煮棗，合在河南，非清河之城明矣」。今案續漢書郡國志，在濟陰宛胸也。（樊噲傳）

【正義】宛胸，曹州縣也。（蘇秦傳）按：其時項羽未度河北，冀州信都縣東北五十里煮棗非矣。（樊噲傳）



〔案〕水經注：「北濟自濟陽縣北，東北逕襄城南。」今河澤縣西南。

## 無胥

魏東有襄棗、無胥。（蘇秦傳）

〔索隱〕其地闕。

## 宿胥

決宿胥之口，魏無虛、頓邱。（蘇秦傳）

〔集解〕徐廣曰：「紀年曰：『魏救山寨集胥口。』」

〔正義〕淇水出衛州淇縣界，東至黎陽入河。魏志云：「武帝於清淇口東因宿胥故瀆開白溝，道青、淇二水入焉。」

〔案〕宿胥水，水經注稱「宿胥故瀆」，淇水合衛河處，在今濬縣西南，已堙。

## 焦

①武王封神農後於焦。（周本紀）

②秦惠文君八，圍魏焦、曲沃。（六國表、魏世家。）

③九，焦降。

④十一，歸魏焦、曲沃。（秦本紀、六國表、魏世家。）

⑤惠文王十一，攻魏焦，降之。（秦本紀。案：六國表、魏世家作「拔魏曲沃」。）

【集解】駟案：地理志弘農陝縣有焦城，故焦國也。（周本紀）

【正義】括地志云：「焦城在陝州城內東北百步，古虢城中東北隅（七字見魏世家注。），因焦水

爲名。周同姓所封。左傳云：『虞、虢、焦、滑、霍、陽、韓、魏，皆姬姓也。』杜預云：

『八國皆爲晉所滅。』按：武王克商，封神農之後于焦，而後封姬姓也。（秦本紀）

【案】焦，今陝縣南。左傳三十：「許君焦、瑕，朝濟而夕設版焉。」

## 陝

①秦惠十，與晉戰武城。縣陝。（六國表）

②孝公元，東圍陝城。（秦本紀）

③惠文君十三，張儀伐取陝。（秦本紀、六國表。）

④張儀立惠王爲王。居一歲，爲秦取陝，築上郡塞。（張儀傳）

〔案〕今河南陝縣治。秦惠十年已縣陝，其後陝又爲魏有，秦本紀謂：「秦以往者數易君，君臣乖亂，故晉復彊，奪秦河西地」，是也。

## 陝

①武王時，自陝以西，召公主之；自陝以東，周公主之。（燕世家）

②武王成而分陝，周公左，召公右。（樂書）

【集解】王肅曰：「分陝東西而治。」（樂書）何休曰：「今弘農陝縣是也。」（燕世家）

〔案〕公羊釋文：「『陝』，一云當作『邲』，王城邲鄆。」唐扶碑作「分邲之治」。陝東西廣狹懸殊，作「邲」為是。又魯山在西，召陵在東，疑二南當周南在西，召南在東，與「周左召右」亦背。

## 陝

陝韓孺。（游俠傳）

【集解】徐廣曰：「『陝』，疑當作『邲』字，潁川有邲縣。南越傳曰『邲壯士韓千秋』也。」

知

魏、韓、趙共伐滅知伯。（魏世家）

【正義】括地志云：「故智城在蒲州虞鄉縣西北四十里。古今地名云解縣有智城，蓋謂此也。」

〔案〕郡國志河東解縣，劉昭注：「有智邑。」今虞鄉縣西。

段干

老子之子名宗，爲魏將，封於段干。（老莊申韓傳）

〔案〕舊說段干木故居有三：一在今安邑縣東南，曰下段里；一安邑縣西南，曰上段里；一芮城縣西北二十七里山麓段村。段干木墓在芮城縣東北十五里，則段干封邑應在此安邑、芮城之間。

## 東張 張

①與韓信攻魏軍東張。(曹相國世家)

②張儀，魏人。(張儀傳)

【集解】徐廣曰：「張者，地名。功臣表有張侯毛澤之。」駟案：蘇林曰：「屬河東。」(曹

相國世家)

【索隱】晉有大夫張老，又河東有西張城，張氏爲魏人必也。(張儀傳)

【正義】括地志云：「張陽故城一名東張城，在蒲州虞鄉縣西北四十里。」(曹相國世家)

〔案〕今虞鄉縣西北。

## 濁澤 涿澤

①齊康十六 (田太公三)，與晉、衛會濁澤。(六國表、田齊世家。)

②趙成六，敗魏涿澤。(六國表、趙世家。)

③韓懿侯、趙成侯伐魏，戰於濁澤。(魏世家)

【集解】徐廣曰：「長社有濁澤。」（魏世家）

【正義】「涿」，音「濁」。括地志云：「濁水源出蒲州解縣東北平地。」（趙世家）

〔案〕濁澤一名涿澤，今解縣西二十五里。

## 濁澤

韓宣惠十六，秦敗韓脩魚，虜得韓將鯨，申差於濁澤。（韓世家）

【正義】濁澤蓋誤，當作「觀澤」。魏哀王二年，齊敗魏觀澤。趙武靈九年，與韓、魏擊秦。齊潛王七，敗魏、趙於觀澤是也。

## 濁澤

齊威王敗魏於濁澤，圍惠王，惠王請獻觀以和。（田齊世家）

〔案〕年表：「魏惠三，齊伐我觀津。齊威十一，伐魏取觀。」田齊世家作「濁澤」，蓋亦「觀津」字誤。前年趙成六，趙敗魏涿澤，齊師無緣越韓、趙境至濁澤也。

## 澮

①魏武九，翟敗魏澮。（六國表、魏世家。）

②韓莊九，趙成十三，魏敗韓，趙於澮。（六國表、趙世家。）

③（同年）魏惠九，魏敗韓於澮。（魏世家、韓世家。）

【正義】括地志云：「澮水縣在絳州翼城縣東南二十五里。」（趙世家）又：「括地志云：「澮高山又云澮山，在絳州翼城縣東北二十五里，澮水出此山也。」（魏世家）又：「在陵（絳）州澮水之上也。」（韓世家）

〔案〕澮水源出今翼城縣東南，西經絳縣、曲沃，至新絳縣界入汾。

## 平周

魏襄十三，秦取魏曲沃、平周。（六國表、魏世家、張儀傳。）

【正義】十三州志云：「古平周縣在汾州介休縣西五十里。」（魏世家）

〔案〕漢西河郡平周縣故城，今介休縣西，然非魏境。文帝封趙兼周陽侯。魏書地形志：「

聞喜縣有周陽城。「故城在今聞喜縣東二十九里。戰國曲沃即漢聞喜，平周、曲沃蓋相近。

## 周陽

以淮南王舅父侯周陽。（酷吏傳）

【正義】周陽故城在絳州聞喜縣東二十九里。

## 平州

路博德，平州人。（衛將軍驃騎傳）

【正義】漢書云：西河平州。按：西河郡，今邠州。

〔案〕漢書本傳作「西河平州人」。地理志西河有平周，無平州。王莽傳：「民棄城郭，流亡為盜賊，并州、平州尤甚。」或「州」、「周」通假。

## 鹽氏

昭襄十一，齊、韓、趙、魏、宋、中山共攻秦，至鹽氏。（秦本紀）



【集解】徐廣曰：「『鹽』，一作『監』。」

【正義】括地志云：「鹽故城一名司鹽城，在蒲州安邑縣。」按：掌鹽池之官，因稱氏。  
〔案〕司鹽城，今安邑縣西南十五里。

## 高都

能爲君得高都。（周本紀）

【集解】徐廣曰：「今河南新城縣高都城也。」

【正義】括地志云：「高都故城一名郛都城，在洛州伊闕縣北三十五里。」

〔案〕今洛陽縣南。

## 高都

莊襄王三，攻魏高都、汲。（秦本紀）

【正義】括地志云：「高都故城，今澤州是。」

〔案〕今晉城縣東北。

## 垣 王垣 武垣

①魏武二，城安邑、王垣。（六國表、魏世家。）

②昭襄十五，攻魏取垣。

③十七，以垣爲蒲坂、皮氏。（秦本紀）

④白起攻垣城，拔之。（白起傳）

⑤十八，攻垣。（秦本紀）

⑥擊魏王豹於曲陽，追至武垣，生得豹。取平陽。（曹相國世家）

【索隱】徐廣曰：「垣縣有王屋山，故曰王垣。」（魏世家）秦以垣爲蒲坂、皮氏。「爲」當爲

「易」，蓋字訛也。（秦本紀）

【正義】括地志云：「故城漢垣縣，本魏王垣也，在絳州垣縣西北二十里。」（魏世家）

【案】今山西垣曲縣西北二十里。魏得蒲坂、皮氏，則秦不能守垣，故以垣易二城；索隱說得之。六國表：「秦昭十七，魏入河東四百里。」蓋即以垣易蒲坂、皮氏事也。曹參取

武垣，集解謂在河東，是也；正義說在河北，誤。

## 首垣

①肅侯七，公子刻攻魏首垣。（趙世家）

②始皇九，攻拔魏垣、蒲陽。（秦始皇本紀、六國表、魏世家。）

③并蒲、衍、首、垣，以臨仁、平邱、黃、濟陽嬰城。（春申君傳）

【集解】徐廣曰：「長垣縣有蒲鄉。」（春申君傳）

【索隱】首蓋牛首，垣即長垣，非河東之垣也。（春申君傳）

【正義】蓋在河北。（趙世家）

【案】秦始皇本紀正義以絳州垣縣說此垣，誤。又牛首在通許，索隱亦誤。戰國策：「兵至首垣，遠薄梁郭」，水經注：「長垣，故首垣」，是也。故城今河北長垣縣東北。

## 武垣

孝成王七，武垣令傅豹、王容、蘇射率燕眾反燕地。（趙世家）

【集解】徐廣曰：「河間有武垣縣，本屬涿郡。」

【正義】括地志云：「武垣故城今瀛州城是也。」此時屬趙，與燕接境。

〔案〕今河間縣西南。

## 新垣

魏昭九，秦拔魏新垣、曲陽之城。（六國表、魏世家。）

【正義】新垣近曲陽，未詳端的所在之處也。（魏世家）

〔案〕此曲陽乃春秋陽樊，皆非漢上、下曲陽也。新垣疑即王垣，魏武侯二所城。

## 陽樊

周襄王賜晉河內陽樊之地。（晉世家）

【集解】服虔曰：「陽樊，周地。陽，邑名也，樊仲山之所居，故曰陽樊。」

〔案〕今濟源縣西南。

## 曲陽

魏昭九，秦拔魏新垣、曲陽之城。（六國表、魏世家。）

【正義】括地志云：「曲陽故城在懷州濟源縣西十里。」（魏世家）

〔案〕紀要：「濟源縣西南十五里有曲陽城，即古陽樊。」

## 曲陽

擊魏王於曲陽，追至武垣，生得魏王。取平陽。（曹相國世家）

【正義】括地志云：「上曲陽，定州恆陽縣是。（趙世家注作「曲陽縣西五里」。）」下曲陽在定州鼓

城縣西五里。」（曹相國世家）

〔案〕下曲陽，今河北晉縣西。然此二曲陽，皆非上、下曲陽也。方輿紀要：「絳縣東南有曲陽城。或曰：在曲沃之陽，故曰曲陽。」

## 曲陽

①趙伐中山，合軍曲陽。（趙世家）

②降曲逆、盧奴、上曲陽、安國、安平。（灌嬰傳）

【集解】徐廣曰：「上曲陽在常山，下曲陽在鉅鹿。」

【正義】括地志云：「上曲陽故城在定州曲陽縣西五里。」（趙世家）

〔案〕今河北曲陽縣西。水經注：「本岳牧朝宿之邑。縣在山曲之陽，是曰曲陽。有下，故此為上。」

## 汾

①臺駘宣汾、洮，國汾川。沈、姒、蓐、黃守其祀。晉主汾川而滅之。（鄭世家）

②唐在河、汾之東，方百里，故曰唐叔虞。

③陘廷與曲沃武公伐晉於汾旁。（晉世家）

④汾水可以灌安邑。（魏世家）

⑤穿渠引汾溉皮氏、汾陰。（河渠書）

⑥番係欲省砥柱之漕，穿汾、河渠以爲溉田。（平準書）

【正義】括地志云：「汾水源出嵐州靜樂縣北百三十里管涔山北，東南流，入并州，即西南流，入至絳州、蒲州入河也。」（河渠書）

〔案〕「汾水灌安邑」，乃「平陽」字譌。

## 汾陰

①秦惠文公九，渡河，取汾陰、皮氏。（秦本紀、六國表、魏世家。）

②引汾溉皮氏、汾陰。

③引河溉汾陰、蒲坂。（河渠書）

④新垣平言：「望東北汾陰直有金寶氣。」上使治廟汾陰南，臨河，欲祠出周鼎。（封禪書）

⑤始立后土祠汾陰脽上。

⑥汾陰巫爲民祠魏脽后土營旁。（孝武本紀、封禪書。）

⑦汾陰侯周昌。（高祖功臣侯表）

【集解】駟案：地理志汾陰屬河東。（秦本紀）如淳曰：「河之東岸特堆堀，長四五里，廣二里

餘，高十餘丈。汾陰縣在脽之上，后土祠在縣西。汾在脽之北，西流與河合也。」（孝武本紀）

【正義】括地志云：「汾陰故城俗名殷湯城，在蒲州汾陰縣北九里。」（河渠書）

〔案〕汾陰故城，今榮河縣北。

## 汾陽

惠公遣里克書：「誠得立，請封子汾陽之邑。」（晉世家）

【集解】賈逵曰：「汾，水名。汾陽，晉地也。」

【索隱】國語云：「命里克汾陽之田百萬，命邳鄭以負蔡之田七十萬。」

## 茲氏

益食茲氏。（夏侯嬰傳）

【索隱】縣名也。地理志屬太原。

〔案〕今汾陽縣治。又汾陽縣西北有美稷縣；茲氏與美稷皆言農事。國策又言「蔡皋狼之地」，則負蔡與汾陽亦相近。或言「蔡皋狼」乃「蘭皋狼」之譌，則負蔡即北蘭也。

## 汾城

昭襄五十，益發卒軍汾城旁。（秦本紀）



【正義】括地志云：「臨汾故城在絳州正平縣東北二十五里，即古臨汾縣城也。」按：汾城即此城是也。

〔案〕臨汾故城，今新絳縣東北。舊志：「一名晉城。」

## 汾旁

韓桓惠九，秦拔韓陘城汾旁。（六國表、韓世家。）

【正義】秦拔陘城於汾水之旁。陘故城在絳州曲沃縣西北二十里汾水之旁也。（韓世家）

〔案〕秦本紀是年白起攻韓，拔九城。翌年，即擊韓太行，韓上黨遂入趙。

## 汾門

孝成王十九，與燕易土，以龍兌、汾門、臨樂與燕。（趙世家）

【集解】汾門在北新城。

【正義】括地志云：「北新城故城在易州遂城縣西南二十里。」又云：「易州永樂縣有徐水，出廣昌嶺，三源奇發，同瀉一澗，流至北平縣東南，歷石門中，俗謂之龍門，水經其間，

奔激南出，觸石成井。」蓋「汾」字誤也，遂城及永樂、北新城地也。

〔案〕北平故城，今完縣東北，龍門在其東南；參看「龍脫」條。

## 皮氏

①秦惠文九，渡河，取汾陰、皮氏。（秦本紀、六國表、魏世家。）

②昭襄元，擊魏皮氏，未拔。（六國表、穰子傳。）

③昭襄十七，以垣爲蒲坂、皮氏。（秦本紀）

④引汾澍皮氏、汾陰。（河渠書）

【集解】酈案：地理志云：皮氏屬河東。

【正義】括地志云：「皮氏故城在絳州龍門縣西一百八十步。」（秦本紀。案：河渠書作「百三十

步」，穰子甘茂傳作「百四十步」。）自秦、漢、魏、晉，皮氏縣皆治也。（河渠書）

〔案〕今河津縣西二里。

## 蒲坂

①秦昭襄四，取蒲阪。（秦本紀）

②（同年）魏哀十六，秦拔魏蒲阪、陽晉、封陵。十七，秦予魏蒲阪。（六國表、魏世家。案：陽晉，六國表作「晉陽」。）

③魏王盛兵蒲坂，塞臨晉。（淮陰侯傳）

④引河漑汾陰、蒲坂。（河渠書）

【正義】括地志云：「蒲坂故城在蒲州河東縣南，堯舜所都也。」（秦本紀）

〔案〕今永濟縣東南。

## 封陵

①魏哀十六，秦拔魏蒲阪、陽晉、封陵。（六國表、魏世家。）

②昭襄十一，與韓、魏河北及封陵以和。（秦本紀、六國表。）

【正義】封陵在古蒲坂縣西南河曲之中。（秦本紀）

〔案〕封陵，亦作「風陵」。水經注：「潼關直北，臨河有層阜，巍然獨秀，孤峙河陽，世謂之風陵。」今永濟縣南風陵堆。

## 封

我下軹，道南陽，封冀，包兩周。（蘇秦傳）

【索隱】封，封陵也。

〔案〕此「封」疑非地名，詳「冀」。

## 軹

①昭襄十六，取軹及鄧。（秦本紀）

②昭十八，擊魏，至軹，取城大小六十一。（六國表）

③秦下軹道，則南陽危。

④我下軹，道南陽，封冀，包兩周。（蘇秦傳）

⑤溫、軹、西賈、上黨，北賈、趙、中山。（貨殖傳）

⑥聶政，軹、深、井里人。（刺客傳）

⑦郭解，軹人。（游侠傳）

⑧孝惠後宮子朝爲軹侯。（呂后本紀，惠景間侯者年表。）

⑨薄太后弟昭封爲軹侯。（外戚世家）

【集解】駢案：地理志河內有軹縣。（秦本紀）又：徐廣曰：「霸陵有軹道亭。」（蘇秦傳）

【索隱】軹是河內軹縣，「道」，衍字。徐廣引「霸陵有軹道亭」，非魏之境，蓋誤。（蘇秦傳）

【正義】括地志云：「故軹城在懷州濟源縣東南十三里，六國時魏邑也。」（秦本紀）

【案】軹，今河南濟源縣南十三里。秦本紀昭十七，以垣易蒲坂、皮氏；十八，又攻垣。秦兵及軹，必經垣曲，秦先以垣曲易蒲坂、皮氏；既得蒲坂、皮氏，即再攻垣曲。秦紀言「攻垣」，舉其最主要者言之；六國表言「軹」，舉其遠者言之。自山西蒲坂以往，至軹，大小六十一城，而垣曲其最主要者。然則此事當依年表在昭十八為是。

## 深井里

聶政，軹深井里人。（刺客傳）

【索隱】深井，軹縣之里名也。

【正義】在懷州濟源縣南三十里。

## 冀

我下軹，道南陽，封冀，包兩周。（蘇秦傳）

【集解】徐廣曰：「河東皮氏有冀亭也。」

〔案〕杜氏注左：「平陽皮氏縣東北有冀亭。」徐廣所祖；今河津縣北十五里。然與此處文義殊不類。蓋秦兵「下軹，道南陽」，則北封冀州，南包兩周。大河兩岸交通隔絕，乃輕舟乘夏水而下，故下云「陸攻則擊河內，水攻則滅大梁」。蓋自軹道以西，大河北岸皆得「冀」稱；如云「黃帝殺蚩尤，殺之中冀」是也。冀州之名亦本此。

## 冀

秦武公伐邽、冀戎，初縣之。（秦本紀）

【集解】冀縣屬天水郡。

〔案〕今甘肅甘谷縣南。

## 溫

①惠王奔溫。

②王子帶居溫。（周本紀）

③晉發兵至陽樊，圍溫。

④文公會諸侯於溫。（晉世家）

⑤齊破宋，宋王在魏，死溫。（秦本紀、六國表、田齊世家。）

⑥秦昭三十二，拔魏兩城，軍大梁下，與秦溫以和。（六國表、魏世家。）

⑦趙亡，徙居溫。（萬石君傳）

⑧溫、軹西賈上黨，北賈趙、中山。中山（此二字衍。）地薄人眾，猶有沙丘紂淫地餘民，俗慣

急，仰機利而食。丈夫相聚遊戲，悲歌慨慷，起則相隨椎剽，休則掘冢作巧姦治，多美物，

爲倡優。女子鼓鳴瑟，跕屣，游媚貴富，入後宮，徧諸侯。（貨殖傳）

【正義】左傳云蘇忿生十二邑之一也。杜預云河內溫縣。又：括地志云：「故溫城在懷州溫

縣西三十里，漢、晉爲縣。地理志云：「溫縣，故國，己姓。」（周本紀）

〔案〕今溫縣西南三十里。

## 覃懷

覃懷致功。（夏本紀）

【集解】鄭玄曰：「懷縣屬河內。」

【索隱】按：地無名「覃」者，蓋「覃懷」二字或當時共爲一地之名。

【正義】括地志云：「故懷城在懷州武陟縣西十一里。」

## 懷

①趙成五，魏敗趙懷。（六國表、趙世家。）

②魏惠二，敗趙於懷。（魏世家。案：較六國表、趙世家差一年。）

③魏安釐九，秦拔魏懷。（六國表、魏世家。）

④卒聽范雎謀，伐魏，拔懷。後二歲，拔邢邱。（范雎傳）

⑤昭襄四十一，攻魏，取邢丘、懷。（秦本紀。案：誤後兩年。）



⑥秦固有懷、茅、邢丘。（魏世家）

⑦從擊項籍，待懷。（傳覽傳）

〔案〕禹貢：「覃懷底績。」左隱十一，周王與鄭蘇忿生之田十二邑，有懷。漢置懷縣，今河南武陟縣西南。

## 卷

①魏北有卷、衍、酸棗。（蘇秦傳）

②秦攻河外，據卷、衍、酸棗，劫衛取陽晉，則趙不南。（張儀傳）

③據衛取淇、卷，則齊必入朝秦。（蘇秦傳。案：『戰國策無『卷』字。』）

④昭襄三十三，攻魏卷、蔡陽、長社。（秦本紀）

⑤破芒卯，華陽下，取魏之卷、蔡陽、長社。（穰侯傳）

⑥始皇二，攻卷。（秦始皇本紀）

⑦周勃，其先卷人。

⑧攻張，以前至卷。（絳侯世家）

【集解】徐廣曰：「卷縣在滎陽。」（絳侯世家）有長城，經陽武到密。」（蘇秦傳）駟案：「地理志

河南有卷縣。」（秦本紀）

【索隱】韋昭云屬河南，地理志亦然。然則後置滎陽郡，而卷隸焉。」（絳侯世家）

【正義】括地志云：「故卷城在鄭州原武縣西北七里，即衡雍也。」（秦本紀）釋例地名云：

「卷縣所理垣雍城也。」（絳侯世家）

【案】今河南舊原武縣西北。

## 衡雍

①晉師還至衡雍，作王宮於踐土。」（晉世家）

②莊王十七，大敗晉師河上，遂至衡雍而歸。」（楚世家）

【集解】杜預曰：「衡雍，鄭地，今滎陽卷縣也。」（晉世家）

## 垣雍

①秦昭四十八，韓獻垣雍。」（秦本紀、白起傳。）

②有鄭地，得垣雍，決熒澤水灌大梁，大梁必亡。（魏世家）

【集解】司馬彪曰：「河南卷縣有垣雍城。」（秦本紀）徐廣曰：「垣雍城在卷縣，卷屬魏。」

（魏世家）

【索】垣雍即衡雍。水經注：「陰溝左濟東絕長城，逕垣雍城南。」春秋曰衡雍是也。

## 踐土

①晉文公召襄王，會河陽踐土。（周本紀、齊世家。）

②晉文公會諸侯於溫，使人言周襄王狩於河陽，遂率諸侯朝王於踐土。（晉世家）

③踐土之會實召周天子，而春秋諱之曰「天王狩於河陽」。（孔子世家）

【集解】踐土，鄭地名，在河內。

【正義】括地志云：「故王宮在鄭州滎澤縣西北十五里王宮城中。」左傳云：「晉文公敗楚於城

濮，至於衡雍，作王宮於踐土也。」按：王城則所作在踐土城內，東北隅有踐土臺，東去

衡雍三十餘里也。（周本紀）

【索隱】左氏：「五月，盟于踐土；冬，會諸侯于溫，天王狩于河陽；壬申，朝于王所。」

此文亦說冬朝于王，當合于河陽溫地，不合取五月踐土之文也。（晉世家）

## 踐土

晉師還至衡雍，作王宮於踐土。（晉世家）

【索隱】杜預云踐土，鄭地。然據此文，「晉師還至衡雍」，衡雍在河南，故劉氏云踐土在河南。下文踐土在河北，今元城縣西有踐土驛，義或然也。

〔案〕左傳盟衡雍，在僖二十八五月丙午。翌日丁未，獻楚俘於王；此即踐土王宮，在今河南舊滎澤縣西北者是也。冬，會於溫。晉侯召王，且使王狩於河陽，此在河北孟縣西南者是也。踐土在滎澤，史公誤言河陽踐土，索隱糾之誠是；至謂元城縣有踐土驛，則更與河陽之溫相去遠矣。又考孟縣西南有冶坂城、冶坂津，述征記：「即春秋踐土」，此即史公之所謂「河陽踐土」矣。

## 衍氏

①魏北有河外、卷、衍、酸棗。（蘇秦傳）

②秦下兵攻河外，據卷、衍、酸棗，劫衛取陽晉，則趙不南。（張儀傳）

③始皇九，秦攻衍氏。（秦始皇本紀）

④（同年）魏景濬五，秦拔魏垣、蒲陽、衍。（六國表、魏世家。）

⑤秦并蒲、衍、首、垣，以臨仁、平邱、黃、濟陽嬰城。（春申君傳）

⑥柱天侯反於衍氏。（曹相國世家）

【索隱】衍氏，魏邑。（秦始皇本紀）又：衍在河南，與卷相近。（春申君傳）

【正義】衍在鄭州。（秦始皇本紀）

〔案〕始皇本紀垣、蒲陽與衍分言之，以一在河內（北岸），一在河外（南岸）也。六國表、魏世家連言之，蓋略辭耳。故城今鄭縣北三十里。

## 酸棗

①魏文三十二，伐鄭，城酸棗。（六國表、魏世家。）

②魏北有河外、卷、衍、酸棗。（蘇秦傳）

③秦攻河外，據卷、衍、酸棗，劫衛取陽晉，則趙不南。（張儀傳）

④始皇五，攻魏，定酸棗。（秦始皇本紀）

⑤舉河內，拔燕、酸棗、虛、桃，入邢。（春申君傳）

⑥孝文時河決酸棗，東潰金堤。（河渠書）

【集解】駟案：地理志陳留有酸棗縣。

【正義】括地志云：「酸棗故城在滑州酸棗縣北十五里古酸棗縣南。」（秦始皇本紀）

〔案〕今延津縣北十五里。春秋鄭廩延亦曰酸棗。

## 桃

舉河內，拔燕、酸棗、虛、桃，入邢。（春申君傳）

【集解】徐廣曰：「燕縣有桃城。」

〔案〕今延津縣北。

## 虛

①決宿胥之口，魏無虛、頓丘。（蘇秦傳）

②始皇五，攻魏酸棗、燕、虛、長平、雍丘、山陽城，皆拔之，初置東郡。（秦始皇本紀）

③舉河內，拔燕、酸棗、虛、桃，入邢。（春申君傳）

【索隱】邑名。春秋桓十二年：「會于虛。」又戰國策曰：「拔燕酸棗、虛、桃人。」桃人亦魏邑，虛地今闕，蓋與諸縣相近。按：今東郡燕縣東三十里有故桃城，則亦非遠。

【正義】姚虛在濮州雷澤縣東十三里。孝經援神契云：「帝舜生於姚墟」，即東郡也。（秦始皇本紀）

又：虛謂殷墟，今相州所理是。（蘇秦傳）

【案】今延津縣東南。索隱說是，正義兩說皆誤。

## 仁

并蒲、衍、首、垣，以臨仁、平邱、黃、濟陽嬰城。（春申君傳）

【索隱】仁及平邱二縣名。

【案】後漢書延熹二年，封歐陽參為修武仁亭侯。修武，今獲嘉縣治，仁亭當在其境。

## 平邱

并蒲、衍、首、垣，以臨仁、平邱、黃、濟陽嬰城。（春申君傳）

【集解】徐廣曰：「屬陳留。」

〔案〕今河北長垣縣西南五十里。

## 頓邱

決宿胥之口，魏無虛、頓邱。（蘇秦傳）

【索隱】頓邱，地名，與酸棗相近。

【正義】頓州故城在魏州頓邱縣東北二十里。

〔案〕頓邱故城，今濬縣西，春秋衛邑；詩：「送子涉淇，至于頓邱。」

## 平監

長驅梁北，東至陶衛之郊，北至平監。（魏世家）

【集解】徐廣曰：「平縣屬河南。」

〔案〕平縣故城，今孟津縣東，似非也。春秋昭十三：「會平邱」，漢縣屬陳留，故城今長



垣縣西南，或差近之。

## 白馬津

① 守白馬之津。（張儀傳）

② 決白馬之口，魏無外黃、濟陽。（蘇秦傳）

③ 武臣等從白馬渡河。（張耳陳餘傳）

④ 漢王軍小修武南，使盧縮、劉賈渡白馬津，入楚地。（高祖本紀、荆燕世家。）

⑤ 擊桓嬰白馬下，以騎渡河南，送漢王到雒陽。（灌嬰傳）

⑥ 距蜚狐之口，守白馬之津。（酈食其傳）

【索隱】即黎陽津也。南界東郡白馬縣。（高祖本紀）其地與黎陽對岸。（張耳陳餘傳）

【正義】括地志云：「黎陽（津），一名白馬津，在滑州白馬縣北三十里。」（荆燕世家）

【案】白馬故城，今河南滑縣東二十里，本衛漕邑，詩：「言至於漕」，左閔二：「衛人立戴公以廬於曹」，是也。白馬水在滑縣北，舊為河水分流處；一曰白馬津，水經注：「津東南有白馬城，故津取名焉。」今湮。

## 白馬

沛公攻開封，未拔。西與秦將楊熊戰白馬。（高祖本紀）

【索隱】韋昭云：「東郡縣。」

【正義】括地志云：「白馬故城在滑州衛南縣西南二十四里。戴延之西征記云：『白馬故城，衛之漕邑。』」

〔案〕白馬舊屬衛輝府，東接河北東明，在今開封東北可二百里。沛公攻開封，（在今城西南。）未拔。又西與秦將楊熊戰白馬，又戰曲遇東，熊遂走之滎陽。則似非東郡之白馬也。下文有「北攻平陰，絕河津」云云，豈史公誤平陰津為白馬津，遂有「戰白馬」之說歟？要之不能至東郡。漢紀亦襲史而誤。

## 圍津

下修武，渡圍津。（曹相國世家）

【集解】徐廣曰：「東郡白馬有圍津。」

【索隱】顧氏按：水經注白馬津有韋鄉、韋津城。「圍」與「韋」同，古今字變爾。  
【正義】帝王世紀云：「白馬縣南有韋城，故豕韋國也。」續漢書郡國志云：「白馬縣有韋城。」

【案】韋城廢縣，今滑縣東南。

## 埽津

城埽津以臨河內，河內共，汲必危。（魏世家）

【索隱】埽津在河北。

【正義】「埽」，字誤，當作「延」。括地志云：「延津故俗字名臨津，故城在衛州清淇縣西南二十六里。」杜預云：「汲郡城南有延津」，是也。」

【案】延津，今延津縣治。春秋鄭康延有延津水在北，今湮。後漢書注：「白馬縣東南有韋城，古豕韋氏之國。」故城今滑縣東南。或「埽」是「韋」之聲譌，正義說疑非。

## 汲

①莊襄三，秦攻魏高都、汲。（秦本紀）

②七年，攻龍、孤、慶都，還兵攻汲。（秦始皇本紀、六國表、魏世家。）

③城垓津以臨河內，河內共、汲必危。（魏世家）

④汲侯。（高祖功臣年表）

【集解】徐廣曰：「一作『波』。波縣亦在河內。」（秦本紀）

【正義】括地志云：「汲故城在衛州所理汲縣西南二十五里。孟康云漢波縣，今郟城是也。」

括地志云：「故郟城在懷州河內縣西三十二里。左傳云蘇忿生十二邑，郟其一也。」（秦本紀）

〔案〕汲故城，今汲縣西南。波，今濟源縣東南。

## 山陽

①秦攻魏山陽城。

②嫪毐封長信侯，予之山陽地。（秦始皇本紀）

③山陽侯。（惠景間侯者年表）

【集解】駢案：地理志河內有山陽縣。

【正義】括地志云：「山陽故城在懷州修武縣西北大行山東南。」（秦始草本紀）  
〔案〕今修武縣西北三十五里。

## 山陽

① 中六年，立梁孝王子定爲山陽王。（孝景本紀）

② 國除，地入漢，爲山陽郡。（梁孝王世家）

【正義】地理志云：山陽國屬兗州。（孝景本紀）

〔案〕漢山陽郡治昌邑，今金鄉縣西北四十里。

## 鄴

① 西門豹爲鄴令。（滑稽傳）

② 西門豹守鄴，而河內稱治。（魏世家）

③ 西門豹引漳水溉鄴。（河渠書）

④信陵君行至鄴，矯魏王令代晉鄙。（信陵君傳）

⑤始皇十一，攻鄴、閼與，取九城。（秦始皇本紀、六國表、趙世家。）

⑥又取鄴、安陽。

⑦十五，大興兵，一軍至鄴，一軍至太原。（秦始皇本紀）

【索隱】大河在鄴東，故名鄴爲河內。（魏世家）

【正義】鄴，相州之縣。（河渠書）

【案】管子：「齊桓公築五鹿、中牟、鄴以衛諸侯。」故城今河南臨漳縣西。

## 寧新中

昭襄五十，拔寧新中。（秦本紀）

【正義】括地志云：「寧新中，七國時魏邑，秦昭襄王拔魏寧新中，更名安陽城，即今相州外城是也。」

## 新中

①秦昭五十，圍趙邯鄲，還軍，拔新中。（六國表）

②楚考烈七，救趙新中。（六國表、楚世家。）

【索隱】趙地無其名。字誤。鉅鹿有新市，「中」當爲「市」也。

【正義】新中，魏寧新中邑。（楚世家）

〔案〕秦紀作「寧新中」，六國表、楚世家作「新中」，乃一地。楚、魏救趙，秦還軍而拔魏地；恐當如正義說。

## 安陽

①趙惠文二十四，廉頗取魏安陽。（趙世家）

②廉頗攻魏防陵、安陽，拔之。（廉頗傳）

③始皇十一，取鄴、安陽。（秦始皇本紀）

④秦更寧新中名安陽。（秦本紀）

【索隱】徐廣曰：「魏郡有安陽縣。」（秦本紀）

〔案〕今安陽縣南。

## 安陽

①齊宣四十四，伐魯、莒及安陽。（六國表）

②卿子冠軍行至安陽。（項羽本紀）

③從攻安陽、杠里。（傅寬傳）

④安陽侯。（高祖功臣侯年表）

【索隱】安陽與杠里俱在河南。顏師古以爲今相州安陽縣。此兵猶未渡河，不應即至相州安陽。今檢後魏書地形志云：「己氏有安陽城，隋改己氏爲楚邱。」今宋州楚邱西北四十里。  
（傅寬傳正義引作「西十里」。）有安陽故城。

【正義】張耳傳云：「章邯軍鉅鹿南，築甬道屬河。項羽數絕邯甬道，悉引兵渡河，遂破章邯，圍鉅鹿。」下又云：「渡河湛船，持三日糧。」按：從滑州白馬津齎三日糧不至邢州，明此渡河，相州漳河也。宋義遣子相齊，送之無鹽，即今鄆州之東宿城是也。若依顏監說，在相州安陽，宋義送子不可棄軍渡河，南向齊，西南入魯界。由宋州安陽理順，然向鉅鹿甚遠，不能數絕章邯甬道及持三日糧至。均之二理，安陽送子至無鹽爲長。濟河絕甬



道，持三日糧，寧有遲留？史家多不委曲說之。（項羽本紀）

〔案〕今山東曹縣東。

## 安陽

武靈王封長子章爲代安陽君。（趙世家）

【正義】括地志云：「東安陽故城在朔州定襄縣界。地理志云：東安陽縣屬代郡。」

〔案〕今察哈爾蔚縣西北，漢屬代郡；以五原有安陽，故此爲東安陽。

## 防陵

廉頗攻魏之防陵、安陽。（廉頗藺相如傳）

【集解】徐廣曰：「一作『房子』。」

【索隱】按：防陵在楚之西，屬漢中郡。魏有房子，蓋「陵」字誤也。

【正義】城在相州安陽縣南二十里，因防水爲名。

〔案〕水經注：「防水東逕防城北。」故城今安陽縣南。

## 伯陽

①惠文十七，樂毅將趙師攻魏伯陽。

②十九，趙與魏伯陽。（趙世家）

【正義】括地志云：「伯陽故城一名邯鄲，在相州鄴縣西五十五里，七國時魏邑，漢邯鄲城。」

〔案〕今安陽縣西北。

## 棘蒲

①敬侯六，伐魏，取棘蒲。（趙世家）

②從攻安陽以東，至棘蒲。（新欽傳）

【正義】今趙州平棘縣，古棘蒲邑也。（趙世家）

〔案〕左哀元：「齊侯、衛侯會于乾侯，救范氏。師及齊師、衛孔圉、鮮虞人伐晉，取棘蒲。」漢志常山平棘，應劭曰：「即棘蒲。」齊、衛既近救朝歌、邯鄲，何為遠師至於常

山之平棘（今河北趙縣南）？應說疑非也。趙敬侯時，魏地亦不能遠跨趙境，而遙領常山之平棘；則正義說亦誤。據靳歙傳，棘蒲應在安陽東。而方輿紀要：「趙州臨城縣南有安陽城。」沈欽韓據謂即靳歙所攻，亦誤。靳歙此役，亦在河內朝歌，乃至邯鄲一帶，亦不能遽忽而至臨城趙縣。因知舊說皆非也。惟自安陽以東，今內黃、南樂、清豐諸地，亦殊無棘蒲之名可尋。豈棘蒲或在棘津（今延津縣東北）、蒲城（今長垣縣治）附近，應在安陽之東南乎？疑莫能定，以俟續考。

## 蕩陰

晉鄙救趙，止於蕩陰。（魯仲連傳）

【集解】駟案：地理志河內有蕩陰縣。

【正義】相州縣。（魯仲連傳）又：括地志云：「魏德故城一名晉鄙城，在衛縣西北五十里，即

公子無忌奪晉鄙兵地。」（魏世家）

〔案〕蕩陰故城，今湯陰縣西南。魏德故城，今湯陰縣南三十里。

## 幾

惠文二十三，攻魏幾。（趙世家、廉頗傳。案：廉頗傳作「齊幾」。）

【正義】傳云：「伐齊幾，拔之。」又戰國策云：「秦敗闕與，及攻魏幾。」按：幾邑或屬齊，或屬魏，當在相、潞之間也。（趙世家）

〔案〕今大名縣東南。

## 繁陽

孝成二十一，廉頗攻繁陽，取之。（趙世家、燕世家、廉頗傳。）

【集解】徐廣曰：「屬魏郡。」（廉頗傳）又曰：「在頓邱。」（趙世家）

【正義】括地志云：「繁陽故城在相州內黃縣東北二十七里。應劭云：『繁水之北，故曰繁陽。』」（趙世家）

〔案〕今內黃縣東北。應劭曰：「在繁水北，故名。」

## 外黃

①太子申將兵過外黃。（魏世家）

②決白馬之口，魏無外黃、濟陽。（蘇秦傳）

③沛公、項羽西略地至雍丘，還攻外黃。

④項王東行擊陳留、外黃。（項羽本紀、高祖本紀。）

⑤彭越攻下睢陽、外黃十七城。（彭越傳）

【索隱】韋昭云：「陳留縣。」（高祖本紀）

【正義】括地志云：「故周城即外黃之地，在雍丘縣東。」張晏曰：「魏郡有內黃縣，故加

『外』也。」臣瓚曰：「縣有黃溝，故名。」（項羽本紀）

〔案〕外黃故城，今河南杞縣東。

## 陽 有詭

始皇三，攻魏氏陽、有詭。（秦始皇本紀）

【索隱】音「暢」。魏之邑。

〔案〕左哀十二：「宋、鄭之間有隙地焉，曰彌作、頃丘、玉暢、岳、戈、錫。」凡六邑。今杞縣東北三十里有玉帳，或云古玉暢；疑此喝即玉暢也。「詭」或係「戈」之聲譌。

## 桂陵

①魏惠十八，齊敗魏桂陵。（六國表、趙世家、魏世家、田齊世家。）

②齊引兵疾走大梁，魏果去邯鄲，與齊戰於桂陵。（孫吳傳）

【正義】括地志云：「故桂城在曹州乘氏縣東北二十里，故老云此即桂陵也。」（趙世家）

〔案〕今河澤縣東北二十里。

## 文臺

文臺墮，垂都焚。（魏世家）

【索隱】文臺，臺名。列士傳曰：「信陵君施酒文臺」也。

【正義】括地志云：「文臺在曹州冤句縣西北六十五里。」

〔索〕唐 寬 句 故 縣，今河 澤 縣 西 南。

## 垂都

文 臺 墮，垂 都 焚。

【集解】徐 廣 曰：「一云『魏 山 都 焚』。句 陽 有 垂 亭。」

【索隱】垂，地名。有朝曰都。

〔索〕晉 句 陽 故 城，今河 澤 縣 北。左 隱 八 年：「遇 於 垂」，即此。

## 齧桑

①秦 惠 文 王 二，張 儀 與 齊、楚 大 臣 會 齧 桑。（秦 本 紀、六 國 表、楚 世 家、田 齊 世 家、張 儀 傳。）

②（同 年）魏 惠 十 二，諸 侯 執 政 與 張 儀 會 齧 桑。（魏 世 家。案：史原誤爲魏 襄。）

③周 勃 攻 齧 桑，先 登。（絳 侯 世 家）

④齧 桑 浮 兮 淮、泗 滿。（河 渠 書）

【集解】徐 廣 云：「在 梁 與 彭 城 之 間。」（魏 世 家。楚 世 家 正 義 同。）

〔案〕後書王梁傳：「梁進與杜茂擊佼彊、蘇茂於楚、沛間，拔大梁、齧桑。」故城今江蘇沛縣西南。

## 齧桑

獻公二十五年，伐翟，翟亦擊晉於齧桑。（晉世家）

【集解】駟案：左傳作「采桑」，服虔曰「翟地」。

【索隱】裴氏云：左傳作「采桑」。按：今平陽縣南七十里河水有采桑津，是晉境。服虔云翟地，亦頗相近。然字作「齧桑」，齧桑衛地，恐非也。

〔案〕今山西鄉寧縣西。

## 齧乘

高邑以客從起齧乘。（高祖功臣侯年表）

〔案〕此「齧乘」乃「齧桑」字謄。



圉

王朝張弓而射大梁之南，還射圉之東，解魏左肘。（楚世家）

【正義】「圉」，音「語」。城在汴州雍丘縣東。

〔索〕今杞縣南；春秋鄭地，漢縣，屬淮陽國。

儀臺

魏惠六，伐宋，取儀臺。（六國表、魏世家。）

【索隱】表亦作「義臺」。（魏世家）

〔索〕莊子「義臺」，崔曰：「靈臺也。」寰宇記：「靈臺在虞城縣西南四十里。」今虞城縣西南。

鴻臺 桑林

秦東取成臯、滎陽，則鴻臺之宮、桑林之苑非王之有。（張儀傳）

〔索〕湯禱桑林；（見呂氏春秋順民。）鴻臺不知即儀臺否？



## 卷十四 韓地名

### 鄭

①宣王封庶弟友於鄭。(鄭世家)

②秦武公初縣杜、鄭。(秦本紀)

③簡公二，與晉戰，敗鄭下。(六國表)

④簡公七，魏伐秦，至鄭。(六國表、魏世家。)

⑤商君復入秦，走商邑，發邑兵北出擊鄭。秦發兵攻商君，殺之於鄭 貍池。(商君傳)

⑥彭越傳處蜀青衣。西至鄭。(彭越傳)

【集解】駟案：地理志京兆有鄭縣。(秦本紀)

【索隱】系本云：「桓公居械林，徙拾。」宋忠云：「械林與拾皆舊地名。」是封桓公乃名爲

鄭耳。（鄭世家）

【正義】華州鄭縣也。毛詩譜云：鄭國者，周畿內之地。宣王封其弟於威林之地，是爲鄭桓公。按：秦得皆縣之。（秦本紀）又：隄池去鄭三百里，蓋秦兵至鄭破商邑兵，商君東至隄，乃擒殺之。（商君傳）

〔案〕今陝西華縣北。

## 鄭新鄭

①鄭桓公徙其民雒東，而號、鄆獻十邑，竟國之。（鄭世家）

②韓哀侯二，滅鄭，因徙都鄭。（六國表、韓世家）

③秦伐野王，上黨道絕。其守馮亭曰：「鄭道已絕。」（白起傳）

④有鄭地，得垣雍，決災澤水灌大梁，大梁必亡。（魏世家）

⑤從鄭至梁二百餘里，車馳人走，不待力而至。（張儀傳）

⑥始皇二十一，新鄭反。（秦始皇本紀）

【集解】韋昭曰：「今河南新鄭也。」虞翻曰：「十邑謂號、鄆、鄆、蔽、補、丹、依、噪、

歷、莘也。」（鄭世家）

〔案〕今河南新鄭縣北。左昭十七：「梓慎曰：『鄭，祝融之墟也。』」秦滅韓，為新鄭縣。

## 鄭

①歌鄭。（吳世家）

②鄭衛之曲動而心淫。

③治道虧缺而鄭音起。（樂書）

④荆吳鄭衛之聲。（司馬相如傳）

⑤鄭、衛俗與趙相類，然近梁、魯，微重而矜節。（貨殖傳）

【集解】賈逵曰：「鄭風，東鄭是。」（吳世家）

## 鄭

昭襄五十，張唐攻鄭，拔之。益發卒軍汾城旁。（秦本紀）

〔案〕此「鄭」字誤，不知應為何地。

## 鄭

扁鵲，勃海郡鄭人。（扁鵲倉公傳）

【集解】徐廣曰：「『鄭』當爲『鄭』。鄭，縣名，今屬河間。」

【索隱】案：勃海無鄭縣，徐說是也。

## 會人

陸終生子六人，四曰會人。（楚世家）

【集解】駢案：世本曰：「會人者，鄭（鄭？）是也。」（楚世家）徐廣曰：「鄭在密縣。」虞

翻曰：「鄭，姁姓。」（鄭世家）

【索隱】宋忠曰：「姬姓所出，鄭國也。」

【正義】括地志云：「故鄭城在鄭州新鄭縣東北二十二里。」（案：鄭世家注作「三十三里」。）毛詩

譜云：「昔高辛氏之土，祝融之墟，歷唐至周，重黎之後姁姓處其地，是爲鄭國，爲鄭武公所滅。」（楚世家）

## 鄆

① 地近號、鄆。(鄆世家)

② 自鄆以下，無譏焉。(吳世家)

〔案〕今密縣東北五十里，接新鄭縣界。國語：「史伯曰：『妘姓，鄆、鄆、路、偃陽。』」

## 參胡

陸終生子六人，二曰參胡。(楚世家)

〔集解〕駟案：世本曰：「參胡者，韓是也。」

〔索隱〕宋忠曰：「參胡，國名，斯姓，無後。」

## 韓

① 秦晉合戰韓地。(秦本紀)

② 帝許罰有罪矣，弊於韓。

③秦晉合戰韓原。（晉世家）

④韓武子封於韓原。（韓世家）

【集解】賈逵曰：「韓，晉韓原。」

【索隱】在馮翊夏陽北二十里，今之韓城縣是。（晉世家）

【正義】括地志云：「韓原在同州韓城縣西南十八里。」（案：韓世家注引作「八里」。）十六國春秋

云魏顆夢父結草抗秦將杜回，亦在韓原。」（秦本紀）

〔案〕今陝西韓城縣西南。

## 韓

①韓，姓姬氏。苗裔事晉，得封韓原。

②韓宣子徙居州。

③貞子徙平陽。

④哀侯徙都鄆。（韓世家）

⑤韓北有鞏、洛、成臯之固，西有宜陽、商阪之塞，東有宛、穰、洧水，南有廋山，地方九百



餘里。（蘇秦傳）

⑥韓已得武遂於秦，以河山爲塞。（楚世家）

⑦趙西有林胡、樓煩、秦、韓之邊。（趙世家）

⑧韓地險惡山居，五穀所生，非菽而麥，民大抵飯菽藿羹，不厭糟糠。地不過九百里。（張儀傳）

⑨韓、魏，中國之處而天下之樞。（范雎傳）

【索隱】高誘曰：「韓都潁川陽翟。」（刺客傳）

【正義】晉、洛、潞、澤等州皆七國時韓地，爲並趙西境。（趙世家）

## 韓

張良其先韓人。（留侯世家）

【索隱】顧氏按：後漢書云：「張良出於城父」，城父縣屬潁川也。

## 韓皋

悼襄二，城韓皋。（趙世家）

## 陽翟

①韓景九，鄭圍韓陽翟。（六國表、鄭世家、韓世家。）

②韓攻楚，覆軍殺將，則葉、陽翟危。（越世家）

③呂不韋，陽翟大賈人。（呂不韋傳）

④韓王成因故都，都陽翟。（項羽本紀）

⑤五年，立故韓王信爲韓王，都陽翟。（高祖本紀）

【索隱】地理志縣名，屬潁川。戰國策以呂不韋爲濮陽人。（呂不韋傳）

【正義】括地志云：「陽翟，洛州縣也。左傳云：『鄭伯突入于櫟。』杜預云：「櫟，鄭別都，今河南陽翟縣」，是也。地理志云陽翟縣是，屬潁川郡，夏禹之國。」（項羽本紀）

〔案〕今禹縣治。

## 潁

①管夷吾，潁上人。（管晏傳）

②楚汝潁以爲險。（禮書）

③魏東有淮、潁、賁、淩、無胥。（蘇秦傳）

【索隱】潁，水名。地理志潁水出陽城。漢有潁陽、臨潁二縣，今有潁上縣。（管晏傳）

【正義】淮陽、潁川二郡。（蘇秦傳）

〔案〕潁水出今河南登封縣西境，經禹縣、臨潁、西華、商水諸縣，至安徽境。潁州郡在魏西，淮陽郡在魏南。蘇秦傳「魏東有淮、潁」，正如楚之「汝、潁以爲險」之例，不當泥說。正義以潁川、淮陽二郡當之，非也。

## 潁川

①公奚不爲韓求潁川於楚？（樗里甘茂傳）

②始皇十七，盡得韓地，以爲潁川郡。（始皇本紀、六國表、韓世家。）

③韓王信爲韓王，王潁川。潁川北近鞏、洛，南迫宛、葉，東有淮陽，皆天下勁兵處。（韓王信傳）

④灌夫宗族賓客爲權利，橫於潁川。（魏其傳）

⑤潁川、南陽，夏人之居。

⑥潁川敦愿。（貨殖傳）

【正義】潁川，許州也。（楊里甘茂傳）

〔案〕漢潁川郡治陽翟。

## 潁谷

潁谷之考叔。（鄭世家）

【集解】賈逵曰：「潁谷，鄭地。」

【正義】括地志云：「潁水源出洛州嵩高縣東南三十里陽乾山，今俗名潁山泉，即酈元注水經所謂潁谷也。」

## 城潁

莊公遷其母武姜於城潁。（鄭世家）

【集解】賈逵曰：「鄭地。」

【正義】疑許州臨潁縣是也。

〔案〕臨潁故城，今臨潁縣西北。

## 潁陽

①沛公破秦曲遇東，南攻潁陽，遂略韓地轅轅。（高祖本紀）

②二世三年三月，沛公攻開封，楊熊走滎陽。四月，攻潁陽，略韓地。（秦楚之際月表）

③攻潁陽、緱氏。（絳侯世家）

【正義】括地志云：「潁陽故城在陳州南頓縣西北。」（絳侯世家）

〔案〕今河南許昌縣西南，漢屬潁川郡。

## 潁陰

灌夫，潁陰人。（魏其武安傳）

〔案〕今許昌縣治。

## 岸門

①秦孝二十三年，與晉戰岸門。（六國表）

②惠文十一年，敗韓岸門。（秦本紀）

③魏哀五（秦惠文十二），走犀首岸門。（六國表、魏世家。）

④（同年）韓宣惠十九（秦惠文十二），秦大破韓岸門。（韓世家）

【集解】徐廣曰：「潁陰有岸亭。」（魏世家）

【索隱】劉氏云：「河東皮氏縣有岸頭亭。」（魏世家）

【正義】括地志云：「岸門在許州長社縣西北二十八里，（案：魏、韓兩世家注作「十八里」。）今名

西武亭。」（秦本紀）

【案】秦、韓戰岸門，應在潁陰，今河南許昌縣西北二十八里；一作「岑門」。集解、正義說是也。孝公時與晉戰岸門，應在河東，今山西河津縣南岸頭亭；索隱說是也。

## 三川

西州三川皆震。（周本紀）

【正義】案：涇、渭二水在雍州北。洛水一名漆沮，在雍州東北，南流入渭。此時以王城爲

東周，鎬京爲西周。

## 三川

- ①秦攻三川。  
(楚世家)
- ②危兩周以厚三川。  
(楚世家)
- ③楚施三川而歸。  
(韓世家)
- ④韓亡三川，魏亡晉國。  
(趙世家)
- ⑤楚塞三川守之，公不能救也。  
(韓世家)
- ⑥武王曰：「寡人欲容車通三川，窺周室。」  
(秦本紀)
- ⑦惠王用張儀之計，拔三川之地。  
(李斯傳)
- ⑧莊襄元，初置三川郡。  
(秦本紀、燕世家)
- ⑨滅二周，置三川郡。  
(秦始皇本紀)
- ⑩李由爲三川守。  
(陳涉世家)
- ⑪據三川之險，招山東之兵。  
(淮南衡山傳)

【集解】韋昭曰：「有河、洛、伊，故曰三川。」駟案：地理志漢高祖更名河南郡。（秦本紀）  
【索隱】三川，今洛陽也。地有伊、洛、河，故曰三川。秦曰三川，漢曰河南郡。（陳涉世家）  
【正義】洛州也。又：三川，兩周之地，韓多有之。（楚世家）又：三川，周太子都也。（韓世家）

〔案〕秦三川郡治滎陽。

## 河南

①周人都河南。（貨殖傳）

②考王封其弟於河南。（周本紀）

③楚將瑕丘申陽爲河南王，都洛陽。（項羽本紀、高祖本紀）

④河南王瑕丘申陽地屬漢，爲河南郡。

⑤塞王司馬欣降漢，國除，爲河南郡。（秦楚之際月表）

【正義】在黃河之南，故曰河南，即今河南府。（高祖本紀）

〔案〕漢河南郡治雒陽。



## 河南

- ① 始皇三十二，蒙恬北擊胡，略取河南地。（秦始皇本紀、蒙恬傳。）
  - ② 冒頓南并樓煩、白羊河南王。（匈奴傳）
  - ③ 匈奴河南白羊、樓煩王，去長安近者七百里，輕騎一日一夜可以至秦中。（劉敬傳）
  - ④ 文帝三，匈奴入北地，居河南爲寇。（孝文本紀）
  - ⑤ 衛青出雲中以西至高闕，遂略河南地，走白羊、樓煩王，以河南地爲朔方郡。（衛霍傳）
  - ⑥ 衛青取匈奴河南地，築朔方。（平準書）
- 【正義】今靈、夏、勝等州。（秦本紀）

## 雍氏

- ① 秦惠文王十三，楚圍雍氏。（周本紀、秦本紀、韓世家、田齊世家。）
- ② 昭王初立，楚圍韓雍氏。（甘茂傳）
- ③ 何不令楚王築萬室之都雍氏之旁。（韓世家）

【集解】徐廣曰：「在陽翟，屬韓。」（田齊世家）

【正義】括地志云：「故雍城在洛州陽翟縣東北二十五里，（案：甘茂傳注引作「二十里」。）故老云黃帝臣雍父作杵臼也。」（周本紀、韓世家。）

〔案〕今禹縣東北。左襄十八：「楚侵雍梁」，是也。

## 負黍

①韓景二，鄭敗韓於負黍。（六國表、鄭世家、韓世家。）

②韓列六，鄭負黍反。

③楚悼九（韓列七），伐韓，取負黍。（六國表）

④韓桓惠十七，秦取韓陽城、負黍。（周本紀、秦本紀、韓世家。）

【集解】徐廣曰：「陽城有負黍聚。」

【正義】括地志云：「負黍亭在陽城縣西南三十五里。（案：韓世家注作「西三十七里」。）故周邑。」

左傳云：「鄭伐周負黍」，是也。」（秦本紀）

〔案〕今登封縣西南。

## 鬼谷

蘇秦東事師於齊，而習之於鬼谷先生。（蘇秦傳）

【集解】徐廣曰：「潁川陽城有鬼谷。」

【索隱】鬼谷，地名也。扶風池陽、潁川陽城並有鬼谷墟。

【案】陽城鬼谷，今登封縣東南。

## 鬼谷

甘茂居秦累世，自穀塞及至鬼谷，其地形險易皆知之。不若迎之，來置之鬼谷。（甘茂傳）

【索隱】鬼谷在關內雲陽是也。

【正義】劉伯莊云：「此鬼谷，關內雲陽，非陽城者也。」

【案】郡國志池陽注引地道記：「有鬼谷。」晉池陽即唐雲陽，今涇陽縣境。又隋書地理志

韓城縣有鬼谷，今韓城縣境。

## 轅轅

①沛公略韓地轅轅。(高祖本紀)

②從攻陽武，下轅轅、緱氏。(曹相國世家)

③沛公從雒陽南出轅轅。(留侯世家)

④從攻長社、轅轅，絕河津。(樊噲傳)

⑤下潁川兵塞轅轅、伊闕之道。(淮南傳)

【集解】瓚曰：「轅轅，險道名，在緱氏東南。」

【索隱】案：十三州志云：「河南緱氏縣，以山爲名。一云：轅轅爲九十二曲，是險道也。」

(高祖本紀)

【正義】括地志云：「轅轅故關在洛州緱氏縣東南四十里。十三州志云：『轅轅道凡十二曲，險道也。』」(曹相國世家)又：轅轅門在緱氏縣東南三十里。(樊噲傳)

【案】轅轅山，今偃師縣東南，接鞏、登封二縣界，春秋周地。

## 汜

①襄王十六，奔汜。汜，鄭地也。（十二諸侯年表、匈奴傳。）

②鄭居襄王於汜。（周本紀、鄭世家。）

③晉景十三，伐鄭，取汜。（晉世家）

【集解】杜預曰：「鄭南汜在襄城縣南。」（周本紀）

【索隱】蘇林：「『汜』，音『汎』。今潁川襄城是。」（匈奴傳）

【正義】「汜」，音「凡」。括地志云：「故汜城在許州襄城縣一里。」（周本紀）

〔索〕今襄城縣南一里。

## 注 注人

①文侯三十二，敗秦於注。（魏世家）

②孝成元，田單將趙師攻韓。注人。（趙世家）

【集解】司馬彪曰：「河南梁縣有注城。」（魏世家）

【正義】邑名也。括地志云：「注城在汝州梁縣西十五里。」（趙世家）『注』，或作『鑄』。」（魏世家）

〔案〕郡國志梁縣有注城，今河南臨汝縣西。

## 洧

①鄭悼十三，晉伐鄭，兵次洧上。（十二諸侯年表、鄭世家。）

②韓東有宛、穰、洧水。（蘇秦傳）

【集解】服虔曰：「洧，水名。」

【正義】括地志云：「洧水在鄭州新鄭縣北三里，古新鄭城南。韓詩外傳云：『鄭俗，二月桃花水出時，會於溱、洧水上，以自祓除。』」按：在古城城南，與溱水合。（鄭世家）流入潁。（蘇秦傳）

〔案〕元和志：「洧水在新鄭縣西北二十里。」新鄭故城在今新鄭縣北。左昭十九：「鄭大水，龍鬬於時門之外洧淵。」杜注：「時門，鄭城門。」洧水在城南，則時門是鄭南門。

〔又案〕溱水即潧水也。

## 宛陵

攻宛陵。（樊噲傳）

【索隱】地理志屬河南。

【正義】宛陵故城在鄭州新鄭縣東北三十八里。

【案】宛陵故城，今新鄭縣東北。

## 虎牢

晉悼二，伐鄭，城虎牢。（十二諸侯年表）

【案】左莊二十一：「鄭伯定王室，王與之武公之略，自虎牢以東。」杜注：「虎牢，河南  
成皋縣。」水經注：「河水逕成皋縣北，縣治大伾山上，縈帶伾阜，絕岸峻周，高四十許  
丈，即虎牢也。」韓策：「三家分知伯地，韓臣段規曰：『分地必取成皋。』韓取鄭，果自  
成皋始。」

## 成臯

- ① 韓北有鞏、洛、成臯之固。（蘇秦傳）
- ② 下河東，取成臯，韓必入臣。
- ③ 塞成臯，絕上地，則韓之國分。（張儀傳）
- ④ 東據成臯之險，割膏腴之壤，遂散六國之從。（李斯傳）
- ⑤ 莊襄元，韓獻成臯、鞏。秦界至大梁。（秦本紀）
- ⑥ （同年）韓桓惠二十四，秦拔韓成臯、滎陽。（六國表、韓世家。）
- ⑦ 項王使曹咎守成臯。（彭越傳）
- ⑧ 漢王從滎陽城西門出，走成臯。（項羽本紀）
- ⑨ 與項羽戰滎陽，爭成臯之口，大戰七十，小戰四十。（劉敬傳）
- ⑩ 漢王坐河南宮成臯臺。（外戚世家）
- ⑪ 吳何知反，漢將一日過成臯者四十餘人。（淮南傳）
- ⑫ 卜式爲成臯令，將漕最。（平準書）



⑬據敖倉之粟，塞成臯之口。（酈布傳、酈食其傳。）

⑭絕成臯之口，天下不通。（淮南傳）

【索隱】案：成臯臺，漢書作「成臯靈臺」。西征記云：「武牢城內有高祖殿，西南有武庫」也。（外戚世家）

【正義】括地志云：「洛州汜水縣西南二里，（案：「西南二里」見項羽本紀注。）古之虢國，亦鄭之制邑，又名虎牢，漢之成臯。」（秦本紀）又：成臯城在河南澠水縣東南二里。（淮南傳）  
〔案〕今河南舊汜水縣西北。

## 鞏

①惠公封其少子於鞏，號東周惠公。（周本紀）

②韓北有鞏、洛、成臯之固。（蘇秦傳）

③莊襄元，韓獻成臯、鞏。（秦本紀）

④楚拔成臯，欲西。漢使兵距之鞏。（項羽本紀）

⑤項羽拔漢榮陽，漢兵遁保鞏、洛。（酈食其傳）

⑥漢王將數十萬之眾，距鞏、雒。（淮陰侯傳）

⑦楚漢相距鞏洛。（自序）

⑧鞏、洛、宛、葉、淮陽，皆天下勁兵處。（韓王信傳）

【正義】郭緣生述征記：「鞏縣，周地，鞏伯邑。顯王二年，西周惠公封少子班於鞏，以奉王室，爲東周惠公也。子武公，爲秦所滅。」（周本紀）又：「鞏，今洛州鞏縣。」（秦本紀）

〔索〕今鞏縣西南。

## 滎陽

①秦莊襄王元，拔韓成、滎陽。（六國表、韓世家。）

②下兵而攻滎陽，則鞏、成之道不通。（范雎傳）

③楊熊走之滎陽。（高祖本紀）

④李由爲三川守，守滎陽。（陳涉世家）

⑤楚漢相守滎陽數年。（蕭相國世家）

⑥楚與漢戰滎陽，南京、索間。（項羽本紀）

⑦急進兵，收取滎陽，據敖倉之粟，塞成皋之險。（酈食其傳）

⑧與項羽戰滎陽，爭成皋之口。（劉敬傳）

⑨灌嬰留兵屯滎陽。（齊悼惠王世家）

⑩太尉周亞夫會兵滎陽。（絳侯世家、吳王濞傳）

⑪吾據滎陽，滎陽以東無足憂者。（吳王濞傳）

⑫竇嬰守滎陽，監齊趙兵。（魏其侯傳）

⑬滎陽下引河東南爲鴻溝。（河渠書）

【索隱】韋昭云：「故衛地，河南縣也。」

〔案〕今河南舊滎澤縣西南。

## 京

①莊公封弟段於京。（鄭世家）

②韓景元，伐鄭，取雍丘。鄭城京。（六國表）

③申不害，京人。（老莊申韓傳）

④楚漢戰滎陽南京、索間。（項羽本紀）

⑤漢王與項羽相距京索之間。（蕭相國世家）

【集解】賈逵曰：「京，鄭都邑。」杜預曰：「今滎陽京縣。」（鄭世家）

【索隱】別錄云：「京，今河南京縣。」

【正義】括地志云：「京縣城在鄭州滎陽縣東南二十里，鄭之京邑也。」（項羽本紀）

【案】今成皋（舊滎陽）縣東南。

## 索

①楚漢戰滎陽南京、索間。（項羽本紀）

②漢王與項羽相距京、索之間。（蕭相國世家）

【集解】應劭曰：「京縣有索亭。」

【正義】滎陽縣即大索城。杜預云：「成皋東有大索城，又有小索故城，在滎陽縣北四里。」

京相璠地名云：「京縣有大索亭、小索亭。」（項羽本紀）

【案】大索城，今滎陽縣。左昭五：「晉韓宣子如楚，鄭人勞諸索氏。」

## 汜

曹咎守成臯，渡兵汜水。（項羽本紀、高祖本紀。）

【集解】張晏曰：「汜水在濟陰界。」瓚曰：「高祖攻曹咎成臯，渡汜水而戰，今成臯城東汜水是也。」

【索隱】案：今此水見名汜水，音「似」。張晏云在濟陰，亦未全失。按：古濟水當此截河而南，又東流，溢爲滎澤。然水南曰陰，此亦在濟之陰，非彼濟陰郡耳。臣瓚之說是。（項羽本紀）

【正義】括地志云：「汜水源出洛州汜水縣東南三十二里方山。山海經云：『浮戲之山，汜水出焉。』」（項羽本紀）在成臯故城東。（高祖本紀）

〔案〕汜河，舊汜水縣西。

## 廣武

①秦昭四十三，攻韓汾陰，拔之，因城河上廣武。（范雎蔡澤傳）

②漢王復取成臯，軍廣武，就敖倉食。（項羽本紀）

③陳平屬韓王信，軍廣武。（陳丞相世家）

【集解】孟康曰：「於滎陽築兩城相對爲廣武，在敖倉西三皇山上。」

【正義】括地志云：「東廣武、西廣武在鄭州滎陽縣西二十里。戴延之西征記云：『三皇山上有二城，東曰東廣武，西曰西廣武，各在一山頭，相去百步。汴水從廣澗中東南流，今澗無水。城各有三面，在敖倉西。』郭緣生述征記云：『一澗橫絕上過，名曰廣武。相對皆立城塹，遂號東、西廣武。』」（項羽本紀）

〔案〕廣武山在舊滎澤縣西，河陰縣北五里，西接汜水。據范曄傳，廣武城似起戰國。水經注：「西廣武，漢所築；東廣武，項羽所築。」未可確信。

## 廣武

①匈奴萬餘騎屯廣武以南，至晉陽。（韓王信盧綰傳）

②械繫敬廣武。遂往，至平城。（劉敬傳）

③荀彘，太原廣武人。（衛霍傳）

【索隱】地理志縣名，屬鴈門。（劉敬傳）

【正義】廣武故城在代州鴈門縣界也。（韓王信傳）又：廣武故縣在句注山南。（劉敬傳）

〔案〕今代縣西十五里。

## 宜陽

①韓西有宜陽、商阪之塞。（蘇秦傳）

②宜陽，大縣，上黨、南陽積之久矣。名曰縣，其實郡。（甘茂傳）

③韓事秦，秦必求宜陽、成皋。宜陽效則上郡絕。（蘇秦傳）

④秦惠文王三，拔韓宜陽。（六國表、韓世家。）

⑤秦惠九，伐韓宜陽，取六邑。（六國表）

⑥赧王八，秦攻宜陽。（周本紀）

⑦秦武三，謂甘茂曰：「寡人欲容車通三川，窺周室。」其秋，伐宜陽。四年，拔之。（秦本紀、

六國表、韓世家。）

⑧昭十七，王之宜陽。（秦本紀）

⑨已得宜陽、少曲。（蘇秦傳）

⑩秦下甲據宜陽，韓之上地不通。

⑪秦攻新城、宜陽，以臨二周之郊。（張儀傳）

⑫我起乎宜陽而觸平陽，二日而莫不盡繇。（蘇秦傳）

⑬秦破韓宜陽，而韓猶事秦者，以先王墓在平陽，而秦之武遂去之七十里。（楚世家）

⑭竇少君爲人略賣，至宜陽，爲其主入山作炭。（外戚世家）

【索隱】弘農之縣，在澠池西南。韓之平陽，秦之武遂，並當在宜陽左右。（楚世家）

【正義】括地志云：「故韓城一名宜陽城，在洛州福昌縣東十四里。」（周本紀）韓之大郡，伐

取之，三川路乃通。（秦本紀）又：宜陽、平陽皆韓大都，隔河。（蘇秦傳）

〔案〕今宜陽縣西。戰國策：「東周君曰：『宜陽城方八里，材士十萬。』」漢光武降赤眉亦在此。秦拔宜陽，乃武王三年事，秦惠時或拔而未能有。韓以宜陽通上黨，秦以宜陽通二周，此乃秦、韓所必爭。韓失宜陽，則秦越二周而與韓爭成臯之險；成臯失，韓無以爲國矣。

## 武遂



①秦武四，拔宜陽。涉河，城武遂。（秦本紀、六國表。）

②秦破韓宜陽，而韓猶事秦者，以先王墓在平陽，而秦之武遂去之七十里，故尤畏秦。

③韓已得武遂於秦，以河山爲塞。（楚世家）

④秦昭元，復與韓武遂。

⑤四，取韓武遂。

⑥十一，與韓河外及武遂和。

⑦十七，韓與秦武遂地方二百里。（六國表、韓世家。）

⑧秦破趙，殺將扈輒於武遂城。（廉頗傳）

【集解】徐廣曰：「韓邑。」（秦本紀）

【索隱】韓之平陽，秦之武遂，並當在宜陽左右。（楚世家）

【正義】案：此邑本屬韓，近平陽。（秦本紀。案：韓世家注云近「宜陽」，殆字譌。）

〔索〕此韓武遂，今山西臨汾縣西南。蓋秦得宜陽，乃築此以逼韓之平陽也。

## 武遂

①燕喜十二，趙拔燕武遂、方城。（六國表、趙世家、燕世家。）

②酈疥封高梁侯，更食武遂。（酈食其傳）

【集解】徐廣曰：「屬河間。」（燕世家）又曰：「屬安平。」（趙世家）

【正義】括地志云：「易州遂城，戰國時武遂城也。」（趙世家）

〔案〕此燕武遂，今河北武強縣東北。

## 上黨

①魏營得王錯，挾上黨，固半國也。（魏世家）

②成侯十三，與韓昭侯遇上黨。（趙世家）

③韓桓惠十（秦昭襄四十四），秦擊韓於太行，韓上黨郡守以上黨降趙。

④十四（昭襄四十八），秦拔趙上黨。（韓世家）

⑤昭襄四十五，伐韓野王，上黨道絕。（白起傳）

⑥昭襄四十七，攻韓上黨，上黨降趙。（秦本紀）

⑦韓之上黨去邯鄲百里。（趙世家）

⑧莊襄四，攻上黨，初置太原郡。（秦本紀。案：六國表在三年。）

⑨秦攻王之上黨，羊腸之西，句注之南，非王有已。（趙世家）

⑩韓信定魏地，置三郡，曰河東、太原、上黨。（高祖本紀）

⑪韓信虜魏豹，地屬漢，爲河東、上黨郡。（秦楚之際月表。案：月表又謂漢滅趙歇，地屬漢，爲太原郡；較

高祖本紀爲是。）

⑫溫、軹西賈上黨。（貨殖傳）

【正義】韓上黨。從太行山西北澤、潞等州是也。（韓世家）秦上黨郡，今澤、潞、儀、沁等四州之地，兼相州之半，韓摠有之。至七國時，趙得儀、沁二州之地，韓猶有潞州及澤州之半，半屬趙、魏。沁州在羊腸坂之西，儀、并、代三州在句注山之南。（趙世家）

〔案〕漢上黨郡治長子，今長子縣西。

## 上黨

自常山以至代上黨，東有燕、東胡之境。（趙世家）

〔案〕代在常山北，故曰「代上黨」。「上黨」猶「上地」，亦猶言高處也。此趙之上黨。

## 上地

①秦下甲據宜陽，斷韓之上地，下河東，取成臯，韓必入臣。

②夫塞成臯，絕上地，則韓之國分。（張儀傳）

③始皇十八，王翦將上地，下井陘。（秦始皇本紀）

【正義】上郡上縣，今綏州等是也。（秦始皇本紀）

〔案〕「上地」猶云「上黨」。王翦將上地，下井陘，則代上黨也；正義說誤。

## 乾河

取韓安邑以東，到乾河。（白起王翦傳）

【集解】徐廣曰：「音『干』。」闕案：郭璞曰：「今河東聞喜縣東北有乾河口，因名乾河里，但有故溝處，無復水也。」

〔案〕今翼城縣南。水經注：「乾河，即教水之枝川。」

## 女戟

我舉安邑，塞女戟，韓氏太原卷。（蘇秦傳）

【索隱】女戟，地名，在太行山之西。劉伯莊曰：「『太原』當爲『太行』。」

【案】水經涑水注：「鹽水出薄山，西北流逕巫咸山北。地理志曰：『山在安邑縣南。』海

外西經曰：『巫咸國在女丑北。』其水又逕安邑故城南，又西流，注於鹽池。』巫咸山，

今夏縣東五里。疑「女丑」即「女戟」聲轉字譌。韓氏太原即指安邑以東，詳「太原」條；

劉說非是。

## 少曲

①我起乎少曲，一日而斷太行。

②已得宜陽、少曲。（蘇秦傳）

③秦昭四十二，東伐少曲、高平，拔之。（范雎傳）

【索隱】劉氏以爲蓋在太行西南。（范雎傳）又：地名，近宜陽也。（蘇秦傳）

【正義】在懷州河陽縣西北。（蘇秦傳）當與高平相近。（范雎傳）

〔案〕左襄二十三年傳：「齊伐晉，取朝歌。入孟門，登太行。張武軍於樊庭，戍郛邵，封少水乃還。」水經注：「少水，今沁水也。」沁水流經濟源縣北之太行山。漢沁水故城，今濟源縣東北，正與高平為近。然則少曲即沁水之曲耳，正義說是；索隱謂近宜陽，誤。蓋此乃韓宜陽踰河通上黨之要道，故蘇秦傳二地並舉。

朱

韓昭二，魏取韓朱。（六國表、韓世家。）

〔案〕水經注：「沁水南逕石門，世謂之沁口。其水南分為二水，一水南出，為朱溝水。沁水東逕野王縣故城北。又東，朱溝枝津入焉。」疑朱或以朱溝名，當在今沁陽縣境。

野王

①昭襄四十五，伐韓之野王。野王降秦，上黨道絕。（白起傳）

②始皇六，秦拔衛，迫東郡，其君角徙居野王，阻其山以保魏之河內。（秦始皇本紀）

③ 魏景曆二，秦拔我朝歌。衛從濮陽徙野王。（六國表、魏世家。）

④ 秦拔魏東地，初置東郡，更徙衛野王縣，而并濮陽爲東郡。（衛世家）

⑤ 秦徙衛元君之支屬於野王。（刺客傳）

⑥ 濮上之邑徙野王，野王好氣任俠，衛之風也。（貨殖傳）

【索隱】地理志野王縣屬河內，在太行東南。孟康曰：「古邢國也。」（白起傳）

【正義】懷州河內縣。（刺客傳）

【案】左宣十七：「晉人執晏弱於野王。」故城今沁陽縣治。

## 修魚

① 秦爲嬴姓，其後分封，有修魚氏。（秦本紀）

② 秦惠文王七，韓、趙、魏、燕、齊帥匈奴共攻秦。秦與戰修魚。（秦本紀）

③ 韓宣惠十六（秦惠文八），秦敗韓修魚。（六國表、韓世家。）

【正義】修魚，韓邑也。（秦本紀）

【案】左成十年：「晉、鄭盟於修澤。」注：「卷縣東有修武亭。」水經注：「濟水自滎澤」

東逕滎陽卷縣之修武亭南，是也。或說修魚即修武，今河南原武縣東。

## 寧

通韓上黨於共、寧。（魏世家）

【集解】徐廣曰：「朝歌有寧鄉。」

【正義】寧，懷州修武縣，本殷之寧邑。韓詩外傳云：「武王伐紂，勒兵於寧，故曰修武。」  
〔索〕左文五：「晉陽處父聘於衛，反過寧。」是自春秋以迄戰國，皆稱寧。韓非書：「秦昭王去邯鄲，西攻修武。」無寧。修武之名轉後起，外傳說不可信。

## 修武 小修武

①至河內，下修武，渡圍津，東擊定陶。（曹相國世家）

②漢王出成皋北門，渡河走修武。（項羽本紀）

③漢王自成皋北渡河，馳宿修武。復引兵臨河，南饗軍小修武南。（高祖本紀）

【集解】晉灼曰：「小修武在大修武城東。」（高祖本紀）



【正義】今懷州獲嘉縣，古修武也。（曹相國世家）

〔案〕修武，今獲嘉縣治。小修武在縣境。

## 林慮

王太后次女爲林慮公主。（外戚世家）

【索隱】林慮，縣名，屬河內。本名隆慮，避殤帝諱，改名林慮。

【正義】林慮，相州縣也。

〔案〕今河南林縣治。荀子：「秦地東在韓者，乃有臨慮。」

## 武始

①昭襄十三，伐韓，取武始。（秦本紀）

②武始侯。（建元以來王子侯者年表）

【集解】駟案：地理志魏郡有武始縣。

【正義】括地志云：「武始故城在洛州武始縣西南十里。」

〔案〕今邯鄲縣西南。

## 高商

高商之戰。（蘇秦傳）

【集解】駟案：此戰事不見。

## 南陽

①潁川、南陽，夏人之居。（貨殖傳）

②以南陽委於楚。（蘇秦傳）

③昭襄二十七，攻楚。赦罪人遷之南陽。

④昭襄三十四，初置南陽郡。（秦本紀）

⑤秦末世，遷不軌之民於南陽。（貨殖傳）

⑥鉅人宋留將兵定南陽。（陳涉世家）

⑦孔僅，南陽大冶。（平準書）

⑧秦伐魏，遷孔氏南陽。大鼓鑄，連車騎，遊諸侯，南陽行賈盡法孔氏之雍容。

⑨南陽西通武關、鄖關，東南受漢、江、淮。宛亦一都會也。（貨殖傳）

⑩漕從南陽上沔入褒。（河渠書）

⑪南陽，漢中以往郡，各以地比給初郡。（平準書）

【正義】今鄧州也。秦置南陽郡，在漢水之北。張衡南都賦云：「陪京之南，居漢之陽。」

（秦本紀）

〔案〕秦，漢南陽郡治宛。

## 南陽

①秦不敢踰河而攻南陽。（周本紀）

②親魏善楚，下兵三川，塞斜谷之口，當屯留之道，魏絕南陽，楚臨南鄭。（張儀傳）

③秦下軹道，則南陽危。

④我下軹，道南陽，封冀，包兩周。（蘇秦傳）

⑤昭襄三十三，魏入南陽以和。（秦本紀）

⑥魏安釐四（昭襄三十四），魏與秦南陽以和。（六國表、魏世家。）

【集解】徐廣曰：「河內修武，古曰南陽，秦始皇更名河內，魏地。」

【正義】括地志云：「懷州獲嘉縣即古之南陽。」杜預云：『在晉州山南河北，故曰南陽。』」

（秦本紀）

【案】左傳二十五：「晉於是始啟南陽。」馬融曰：「晉地自朝歌以北至中山為東陽，朝歌以南至軹為南陽。」應劭曰：「南陽，秦改修武。」水經注：「修武，古寧也，亦曰南陽。」故城今獲嘉縣北。

## 南陽

①秦昭四十四，攻韓，取南陽。（六國表）

②白起攻南陽太行道，絕之。（白起傳）

③始皇十六，發卒受韓南陽地。（秦始皇本紀、六國表。）

【集解】徐廣曰：「『南陽』，一作『南郡』。」（六國表）

【案】秦本紀作「昭四十四，攻韓南郡，取之」，徐廣所本。韓世家、韓表皆云是年「秦擊

韓於太行」。蓋上年取韓汾旁陘城等九城，今年擊太行，而韓之上黨路絕，遂以入趙。則此處作「南陽」為是，當據白起傳。

## 南陽

①願齊之試兵南陽莒地，以聚常、郟之境。

②景翠之軍北聚魯、齊、南陽。（越世家）

③楚攻齊之南陽。（魯仲連傳）

【索隱】南陽在齊之西界，莒之西。（越世家）即齊之淮北、泗上之地也。（魯仲連傳）

## 墨陽

韓卒之劍戟皆出於冥山、堂谿、墨陽、合膊。（蘇秦傳）

【集解】駢案：淮南子曰：「墨陽之莫邪也。」

【案】水經注：「黃水南逕丹水縣，南注丹水。黃水北有墨山。」隋書地理志：「潯陽郡南鄉有石墨山。」今稱黑山，在內鄉縣西北五十里。墨陽或此墨山之陽，則與冥山、堂谿、

鄧、宛諸地皆在南陽也。

## 合賻

韓卒之劍戟皆出於冥山、堂谿、墨陽、合賻。（蘇秦傳）

【集解】駟案：音「附」。徐廣曰：「一作『伯』。」

【索隱】戰國策作「合伯」，春秋後語作「合相」。

## 馮

鄧師、宛馮、龍淵、太阿。（蘇秦傳）

【集解】徐廣曰：「滎陽有馮池。」

【索隱】宛人於馮池鑄劍，故號宛馮。

【案】左定六：「鄭伐馮、滑、胥靡、負黍、狐人、闕人。」杜注：「周六邑。」東觀漢記：

「魏之別封曰華侯，華侯孫長卿食采於馮城」，是也。

## 龍淵 太阿

韓卒之劍戟皆出於冥山、堂谿、墨陽、合膊、鄧師、宛馮、龍淵、太阿。（蘇秦傳）

【索隱】案：『晉太康地理記曰：「汝南西平有龍泉水，可以淬刀劍，特堅利，故天下寶劍韓爲眾。」其劍皆出西平縣，今有鐵官令，別領戶，是古鑄劍之地。

〔案〕西平故城，今河南西平縣西。今縣境西南三十里有五龍池，西北四十五里有白龍池。又西七十五里有冶爐城，相傳韓王鑄劍處；漢、晉皆於此置鐵官。唐李愬別將馬少良等下嶺岬山，又進取西平之冶爐城是也。

## 滑

①鄭伐滑。（周本紀、鄭世家。）

②秦襲鄭，滅滑。滑，晉之邊邑也。（秦本紀）

③秦師過周，至滑，鄭賈人弦高遇之。滅滑而去。（晉世家）

【正義】杜預云：「滑故國都河南緱氏縣，（案：左成十三年：「呂相絕秦，曰：『殄滅我費滑』」，杜注：

「滑國都于費，今緱氏縣。」爲秦所滅。」括地志云：「緱氏故城本費城也，在洛州緱氏縣南東二十五里也。」（周本紀）韋昭云：「姬姓小國也。」（秦本紀）  
〔案〕緱氏故城，今偃師縣南二十里。

## 緱氏

- ①秦昭四十六，攻韓緱氏、蘭。（白起傳）
  - ②從攻陽武，下轅轅、緱氏。（曹相國世家）
  - ③攻潁陽、緱氏。（絳侯世家）
  - ④攻緱氏，絕河津。（鄭商傳）
  - ⑤公孫卿侯神河南，見偃人跡緱氏城上。
  - ⑥東幸緱氏，禮登中嶽太室。（孝武本紀、封禪書）
- 【索隱】地理志緱氏縣屬河南。（曹相國世家）

## 皇門



莊王克鄒，入自皇門。（楚世家）

【集解】賈逵曰：「鄒城門。」何休曰：「郭門也。」

## 陵觀

韓昭六，伐東周，取陵觀、廩丘。（六國表、韓世家。案：韓世家作「邢丘」。）

〔案〕胡三省云：「陵觀、廩丘，皆邑聚名。」

## 夏山

韓釐十，秦敗韓夏山。（六國表、韓世家。）

## 石章

惠文王十，取韓石章。（秦本紀）

【正義】韓地名。



## 卷十五 趙地名

### 趙城

①周繆王以趙城封造父。（秦本紀、趙世家。）

②秦以其先造父封趙城，爲趙氏。（秦本紀）

【集解】徐廣曰：「趙城在河東永安縣。」

【正義】括地志云：「趙城，今晉州趙城縣是。本虞縣地，後改曰永安，即造父之邑。」（秦

本紀）

〔案〕趙城故城，今山西趙城縣西南。

### 趙城

- ①高帝八年，擊韓信反虜於趙城。（漢興以來將相名臣年表）
- ②吳楚反，趙王城守邯鄲。漢兵引水灌趙城，趙城壞，邯鄲遂降。（楚元王世家）
- 〔案〕此趙城即邯鄲也。

## 趙

- ①趙北有燕，東有胡，西有林胡、樓煩、秦、韓之邊。（趙世家）
- ②今山東建國莫彊於趙。趙地方二千里，西有常山，南有河漳，東有清河，北有燕國。（蘇秦傳）
- ③趙，四戰之國，其民習兵。（燕世家、樂毅傳）
- ④下趙五十餘城。（淮陰侯傳）
- ⑤高祖封趙，都邯鄲。（漢興以來諸侯年表）
- ⑥高祖八年，從東垣過趙。（淮南衡山傳）
- ⑦常山以南，太行左轉，度河、濟，阿、甄以東薄海，爲齊、趙國。（漢興以來諸侯年表）
- ⑧高后王呂祿於趙。一歲，誅，乃立幽王子遂。（楚元王世家）
- ⑨景帝三，趙王遂反。

⑩ 廣川王彭祖徙爲趙王。（孝景本紀）

⑪ 漢定百年之間，趙分爲六。（漢興以來諸侯年表。集解徐廣曰：「河間、廣川、中山、常山、清河。」）

⑫ 溫、軹、西賈上黨，北賈趙、中山。

⑬ 燕大與趙，代俗相類。（貨殖傳）

## 皋狼

① 孟增幸於周成王，是爲宅皋狼。（秦本紀、趙世家。）

② 皋狼侯。（建元以來王子侯者年表）

【集解】徐廣曰：「或云皋狼地名，在西河。」

【索隱】案：地理志，皋狼是西河郡之縣名。（趙世家）

【正義】案：孟增居皋狼而生衡父。（秦本紀）

【案】漢西河郡皋狼，今離石縣西北。

## 郭狼

我先王取蘭、郭狼，敗林人於荏。（趙世家）

〔案〕通鑑地理通釋：「『郭狼』，疑是『皋狼』。」又水經沮水注：「石川水逕郭蕤城入渭」，非此郭狼。

## 仇猶

知伯伐仇猶。（梟里子甘茂列傳）

【集解】許慎曰：「仇猶，夷狄之國。」

【索隱】高誘注戰國策，以「仇酋」爲「去由」。韓子作「仇由」。地理志臨淮有仇酋縣也。

【正義】括地志云：「并州孟縣外城俗名原仇山，亦名仇猶，夷狄之國也。」

〔案〕原仇山，今孟縣北八里，上有仇猶廟。隋書地理志：「孟縣，開皇十六年置，曰原仇，大業初，改孟縣。」

## 王澤

襄子奔晉陽。原過從，後，至於王澤。（趙世家）

## 常

【正義】括地志云：「王澤在絳州正平縣南七里。」

【案】今絳縣西南七里，其上有王橋。水經：「澮水西至王橋，注於汾水。」

常、衛既從。（夏本紀）

【集解】鄭玄曰：「地理志恆水出恆山。」

【索隱】此文改恆山、恆水皆作「常」，避漢文帝諱也。常水出常山上曲陽縣，東入澮水。

【案】周禮職方：「井州川庠池、嘔夷。」嘔夷即澮水。恆水入澮，衛水入澮。或說禹貢

「恆、衛」即指澮水、澮沱，否則不應捨大川，舉小流。

## 常山

①太行、常山。（夏本紀）

②殷紂之國，左孟門，右太行，常山在其北，大河經其南。（孫子吳起傳）

③從常山上臨代，代可取也。

④ 自常山以至代、上黨。(趙世家)

⑤ 趙西有常山。

⑥ 燕守常山之北。(蘇秦傳)

⑦ 席卷常山之險，必折天下之脊。(張儀傳)

⑧ 李良略常山。

⑨ 李良已定常山。(張耳陳餘傳)

⑩ 填趙塞常山以廣河內。(自序)

⑪ 張耳爲常山王，王趙地，都襄國。(項羽本紀、張耳陳餘傳。)

⑫ 常山二十五城，陳豨反，亡其二十城。(韓王信傳)

⑬ 降定清河、常山凡二十七縣。(樊噲傳)

⑭ 孝惠後宮子不疑封常山王。(呂后紀)

⑮ 孝景復置常山國。(漢興以來諸侯年表)

⑯ 常山王勃遷房陵，國絕。(五宗世家)

⑰ 武帝時，漢廣關，以常山爲限，而徙代王王清河。(梁孝王世家)



⑮淮北、常山已南，河濟之間千樹萩。（貨殖傳）

## 恆山

①獻恆山之尾五城。（張儀傳）

②自殺以東，名山五：太室、恆山、泰山、會稽、湘山。

③至泰山修封，還過祭恆山。

④十一月，巡狩至北岳。北岳，恆山也。（封禪書）

⑤壬、癸，恆山以北。

⑥恆山之北，氣下黑上青。（天官書）

【正義】括地志云：「恆山在定州恆陽縣西北百四十里。周禮云：『并州鎮曰恆山。』」（封

禪書）地道記云：「恆山在上曲陽縣西北百四十里。」（趙世家）括地志云：「常山故城在恆

州真定縣南八里，本漢東垣邑。」（呂后紀）

〔案〕恆山，今河北曲陽縣西北，以避文帝諱，曰常山。漢志：「常山郡上曲陽縣，恆山在

西北」，是也。後世以為在山西渾源，非是。漢志：「常山郡，高帝置。」然項羽已封張

耳為常山王；又其前李良略定常山；是常山為一政區，似自秦已爾。全祖望疑秦滅燕，沿邊置上谷、漁陽、右北平、遼西、遼東郡，而獨燕本土不聞建郡，因據水經注補廣陽郡。然酈說不知所起。恐秦先滅趙，後定燕，燕南趙北之地，蓋有常山郡，張耳陳餘傳可證，不必別采酈說。

## 襄國

①項羽立張耳為常山王，王趙地，都襄國。（項羽本紀）

②戰襄國，破柏人。（樊噲傳）

③遇淮陰侯兵襄國。（蒯成侯傳）

【正義】括地志云：「邢州城本漢襄國縣，秦置三十六郡，於此置信都縣，屬鉅鹿郡。地理志云：故邢侯國也。史記云：周武王封周公旦之子為邢侯。左傳云：『凡、蔣、邢、茅，周公之胤也。』」（項羽本紀）

## 信都

①趙歇立爲趙王，居信都。

②項羽立張耳爲常山王，治信都。信都更名襄國。（張耳傳）

〔案〕襄國故城，今邢臺縣西南。舊說殷祖乙遷邢及春秋邢國在此，皆誤；辨詳「邢」。

## 信都 廣川

①孝景初置廣川國，都信都。

②五年，徙王趙，國除爲信都郡。中元年，復置廣川國。（漢興以來諸侯年表）

③董仲舒，廣川人。（儒林傳）

④廣川侯。（建元以來王子侯者年表）

〔案〕漢信都國治信都，今河北冀縣治。廣川縣屬信都國，今棗強縣東三十里。

## 夏屋

趙襄子元，登夏屋，誘代王。（六國表、趙世家。）

【集解】徐廣曰：「山在廣武。」

【正義】括地志云：「夏屋山一名賈屋山，今名賈母山，在代州鴈門縣東北三十五里。夏屋與句注山相接。」（趙世家）

〔案〕今代縣東北六十里。

## 句注

①羊腸之西，句注之南。（趙世家）

②趙襄子欲并代，約與代王遇於句注之塞。（張儀傳）

③趙襄子躡句注而破并代。

④趙有代，句注之北。

⑤匈奴引兵南躡句注，攻太原，至晉陽下。（匈奴傳）

⑥漢兵已躡句注。（劉敬傳）

⑦擊胡騎，句注北。（夏侯嬰傳）

⑧胡騎入代，句注邊，烽火通於甘泉、長安。（匈奴傳）

⑨蘇意軍，句注。（孝文本紀）

【集解】應劭曰：「山險名也，鴈門陰館。」（孝文本紀）

【索隱】韋昭云：「山名，在陰館。」（匈奴傳）

【正義】句注山在代州鴈門縣西北三十里。（劉敬傳案：趙世家作「四十里」。）

【案】句注山，今代縣西北二十五里。呂氏春秋天下「九塞」，句注其一。以山形句轉，水勢注流名；與雁門山岡隴相接，夏屋山亦相附近。大抵代境諸山皆其支脈。

## 丕分

反丕分、先俞於趙。（趙世家）

【集解】徐廣曰：「一作『王公』。」

【正義】「丕」，音「邢」。「分」字誤，當作「山」字。括地志云：「句注山一名西陁山。」

【案】戰國策作「三公、什清」，徐廣說所本；今作「王公」，乃字譌。郡國志常山元氏縣有三公塞。今元氏縣西七十里，相近有十餘寨，皆連接山西界。不知與正義說孰是？

## 休 溷

奄有河宗，至於休溷諸貉。（趙世家）

【正義】自河宗、休溷諸貉，乃戎狄之地也。

〔案〕漢太原郡有界休縣，今介休縣東南。又西河郡有土軍縣，今石樓縣治。疑「溷」即「土軍」之合音。休溷諸貉應在介休、離石一帶河、汾之間。河宗蓋指龍門以上。

## 黑姑

北滅黑姑。（趙世家）

【正義】亦戎國。

## 百邑

①女立我百邑。

②遂祠三神於百邑。（趙世家）

〔案〕水經汾水注：「瓮水西流，逕觀阜北，故百邑也。」觀堆祠，今霍縣東南，祠霍山神。

## 中牟

①佛肸爲中牟宰。趙簡子攻范、中行，伐中牟。（孔子世家）

②獻侯即位，治中牟。

③魏欲通平邑、中牟之道，不成。（趙世家）

【集解】駟案：地理志云：「河南中牟縣，趙獻侯自耿徙此。」瓚曰：「中牟在春秋之時是鄭之疆內也，及三卿分晉，則在魏之邦土。趙界自漳水以北，不及此。春秋傳曰：『衛侯如晉，過中牟。』按：中牟非衛適晉之次也。汲郡古文曰：『齊師伐趙東鄙，圍中牟。』此中牟不在趙之東也。按：中牟當漯水之北。」（趙世家）

【索隱】此趙中牟在河北，非鄭之中牟。（趙世家）蓋在漢陽西。（孔子世家）

【正義】相州湯陰縣西五十八里有牟山。蓋中牟邑在此山側也。（趙世家）

【案】管子：「齊桓公築五鹿、中牟、鄴以衛諸夏。」國語：「晉侯問趙武曰：『中牟，邯鄲之肩髀。』」牟山在今湯陰縣西四十里。方輿紀要：「中牟城在湯陰縣西五十里。」顧棟高謂在邢臺、邯鄲間，誤也。

## 平邑

①趙獻十三，城平邑。（六國表、趙世家。）

②惠文二十八，攻齊，至平邑。（六國表、趙世家、蘭相如傳。）

③魏欲通平邑、中牟之道。（趙世家）

【集解】駟案：地理志云：代郡有平邑縣。（趙世家）

【正義】括地志云：「平邑故城在魏州昌樂縣東北三十里。（趙世家、蘭相如傳。案：趙世家又一條作

「四十里」。）

〔案〕故城今河北南樂縣東北；正義說是也。代郡平邑，今山西陽高縣東南，差失遠矣。

## 邯鄲

①晉定十五，趙鞅欲殺邯鄲大夫午，午與中行寅、范吉射攻趙鞅。（晉世家、趙世家。）

②是年中行文子奔邯鄲。（趙世家）

③晉定二十一，趙鞅拔邯鄲、栢人。（十二諸侯年表）



④敬侯元，始都邯鄲。（趙世家）

⑤魏武元，襲邯鄲。

⑥趙成二十一，魏圍邯鄲。

⑦二十二，拔邯鄲。

⑧二十四，魏歸邯鄲。（六國表、趙世家、魏世家。）

⑨秦昭四十八，攻趙邯鄲。（秦本紀）

⑩章邯至邯鄲，徙其民河內，夷其城郭。（張耳陳餘傳）

⑪降邯鄲郡六縣。（傳靳黈成傳）

⑫高祖封趙國，都邯鄲。（漢興以來諸侯年表）

⑬吳楚反，趙王城守邯鄲。漢兵引水灌趙城，趙城壞，趙王自殺，邯鄲遂降。（楚元王世家）

⑭四年，以趙國爲邯鄲郡。（孝景本紀）

⑮邯鄲，漳、河之間一都會也。北通燕、涿，南有鄭、衛。（貨殖傳）

⑯邯鄲貴婦人。（扁鵲傳）

⑰邯鄲郭縱以鐵冶成業，與王者埒富。（貨殖傳）

【正義】邯鄲，洺州縣也。（楚元王世家）

〔案〕漢志趙國治邯鄲縣，今邯鄲縣西南。

## 免臺

趙敬四，魏敗我免臺。（六國表、趙世家。）

【正義】免臺在河北。（趙世家）

## 剛平

①敬侯四，魏敗我免臺。築剛平以侵衛。

②五，齊、魏爲衛攻趙，取剛平。（趙世家）

【正義】免臺、剛平並在河北。

〔案〕漢剛縣，晉置剛平。或此剛平即剛。魏侵趙免臺，與趙築剛平侵衛，乃兩事，正義并說「並在河北」，未可據。

## 中山

- ①獻侯十，中山武公初立。
- ②烈侯元，魏文伐中山，使太子擊守之。（趙世家）
- ③樂羊爲魏文侯將，伐取中山。（樂毅傳）
- ④敬侯十，與中山戰于房子。
- ⑤十一，伐中山，戰於中人。
- ⑥成侯六，中山築長城。（趙世家）
- ⑦魏惠二十八（趙肅侯七），中山君相魏。（魏世家）
- ⑧魏惠二十九，中山君爲相。（六國表）
- ⑨武靈十七，出九門，爲野臺，以望齊、中山之境。
- ⑩十九，北略中山地，至房子。
- ⑪曰：「中山在我腹心。」
- ⑫吾東有河、薄洛之水，與齊、中山同之。

⑬二十，略中山地，至寧葭。

⑭二十一，攻中山。取鄣、石邑、封龍、東垣。

⑮惠文三，滅中山，代道大通。（趙世家）

⑯中山之國地方五百里，趙獨吞之。（范雎傳）

⑰孝景初置中山國，都盧奴。（漢興以來諸侯年表）

【索隱】中山，古鮮虞國，姬姓也。系本云：「中山武公居顧，桓公徙靈壽，爲趙武靈王所滅」，不言誰之子孫。徐廣云：「西周桓公之子」，亦無所據。（趙世家）又：「魏文侯滅中山，使子擊守之，後尋復國，後又爲趙所滅」。（魏世家）

【正義】今定州也。（樂毅傳）

〔案〕漢中山國治盧奴，今河北定縣治。水經注：「洹水南有盧奴故城。城內有水淵而不流，水色正黑。或云：黑水曰盧，不流曰奴，故城藉水以取名。」

## 中山

①汾陰得鼎，迎至甘泉。至中山。（孝武本紀、封禪書）

②秦鑿涇水自中山西邸瓠口爲渠。（河渠書）

【索隱】小顏云：「『中』，音『仲』，即今九變山之東中山是也。」（河渠書）此山在鴻臚

谷口縣西，近九變山，土人呼爲中山。（孝武本紀）

〔案〕仲山，今涇陽縣西北，東北接嵯峨中麓，中隔冶谷，西南連九變山；涇水逕其間。

## 廬奴 廬奴

①孝景初置中山國，都廬奴。（漢興以來諸侯年表）

②降曲逆、廬奴、上曲陽、安國、安平。（灌嬰傳）

③溫疥以燕相國定廬奴。（高祖功臣侯者年表）

【正義】廬奴，定州安喜縣是。（灌嬰傳）

## 房子

①敬侯十，與中山戰於房子。

②武靈十九，北略中山地，至房子。（趙世家）

【正義】趙州房子縣是。

〔案〕今高邑縣西南。

## 房子

惠文二十四，廉頗將，攻魏房子。（趙世家）

【集解】徐廣曰：「屬常山。」

〔案〕常山房子，乃趙武靈北略中山所得，何緣魏人越邯鄲而有之？徐說定非也。水經濟水注：「濟水逕陽武故城南，又東逕房城北，又東逕封邱縣南。」則今博浪、封邱間，別有房城，疑即魏之房子。

## 中人

敬侯十一，伐中山，戰於中人。（趙世家）

【集解】徐廣曰：「中山唐縣有中人亭。」

【正義】括地志云：「中山故城一名中人亭，在定州唐縣東北四十一里，春秋時鮮虞國之中

人邑也。」（趙世家）

〔案〕今唐縣西北。

## 蘭 北蘭 蘭陽

①昔我先王取蘭、郭狼，敗林人。（趙世家）

②趙成三，魏敗趙蘭。（六國表、趙世家。）

③（同年）魏武十五，敗趙北蘭。（六國表、魏世家。）

④趙成二十四，秦攻趙蘭。

⑤肅侯二十二，秦取代蘭、離石。（趙世家）

⑥武靈十三，秦拔我蘭，虜將趙莊。（六國表、趙世家。）

⑦秦惠文王十二，擊蘭陽，虜趙將。（六國表）

⑧（同年）惠文二十五，虜趙將莊豹，拔蘭。（樗里子傳）

⑨秦取趙蘭、離石。（周本紀）

⑩已得宜陽、少曲，致蘭、石，因以破齊爲天下罪。（蘇秦傳）

【正義】蘭近離石（周本紀），在石州。（釋里子傳）地理志屬西河郡。（趙世家）  
〔案〕今離石縣西。

## 蘭

秦昭四十六，攻韓緱氏、蘭。（白起王翦傳）

【集解】徐廣曰：「屬潁川。」

【正義】案：檢諸地記，潁川無蘭。括地志云：「洛州嵩縣本夏之綸國，在緱氏東南六十里。」地理志云：「綸氏屬潁川郡。」恐「綸」、「蘭」聲相似，字隨音而轉作「蘭」。

## 高安

成侯四，與秦戰高安。（趙世家）

【正義】蓋在河東。

## 長子



成侯五，韓與趙長子。（趙世家）

【集解】駟案：地理志云：上黨有長子縣。

〔案〕今長子縣城西。竹書紀年：「梁惠成王十二年，鄭取屯留、尚子。」即長子之異名，則「長」不音丁丈反。

## 石阿

成侯十一，秦攻魏，趙救之石阿。（趙世家）

【正義】蓋在石、隰等州界。

〔案〕六國表：「是年，秦章蟜與晉戰石門」，徐廣曰：「一作『石阿』」，即據此故城；今隰縣北。

## 端氏

成侯十六，與韓、魏分晉，封晉君以端氏。（趙世家）

【集解】徐廣曰：「在平陽。」

【正義】端氏，澤州縣。

〔案〕今沁水縣東北。

## 葛孽

成侯十七，與魏惠王遇葛孽。（趙世家）

【集解】徐廣曰：「在馬邱。」

〔案〕今肥鄉縣西南二十里。國策：「魏王抱葛孽、陰成為趙養邑」，是也。六國表：「魏惠十四，與趙會鄆。」魏世家同，為成侯之十八年，恐與此非一事。

## 檀臺

成侯二十，魏獻築椽，以為檀臺。（趙世家）

【集解】徐廣曰：「襄國縣有檀臺。」

【索隱】括地志云：「檀臺在洺州臨洺縣北二里。」

〔案〕趙檀臺，今沙河縣南。臨洺，今永年縣西。

## 檀臺

簡公與婦人飲檀臺。(田齊世家)

【正義】在青州臨淄縣東北一里。

## 大陵

①肅侯十六，游大陵，出於鹿門。

②武靈十六，遊大陵。(趙世家)

③建陵侯衛綰，代大陵人。(萬石張叔傳)

【集解】徐廣曰：「太原有大陵縣，亦曰陵。」(趙世家)

【索隱】案：地理志縣名，在代。(萬石張叔傳)

【正義】括地志云：「大陵城在并州文水縣北十三里。」(趙世家)按：代王是時都中都，大陵

屬焉，故言代大陵人也。(萬石張叔傳)

〔案〕漢大陵縣，今文水縣東北二十五里；春秋晉平陵邑。然距邯鄲趙都甚遠，趙君無為屢

來遊此；蓋注家誤說。劉卽趙都賦：「國乃講武，狩於清源。北連昭餘，南屬呼池，西眄太陵，東結綠河。」邯鄲城西有牛首水，出於堵山，水經注謂其「洪湍雙遊，澄映兩川」；而洪波臺亦在邯鄲城西，與城東叢臺齊名。疑大陵當在堵山牛首水附近，蓋與洪波臺同為趙都西郊勝遊之地也。餘詳「鹿門」下。

## 鹿門

肅侯十六，游大陵，出於鹿門。（趙世家）

【正義】并州孟縣西有白鹿泓，源出白鹿山南渚，蓋鹿門在北山水之側也。

〔案〕白鹿山，今孟縣北三十八里。就使趙君自邯鄲北首取道井陘，直過太原而至文水，亦不必繞程出孟縣之北境。據史文：「肅侯游大陵，出於鹿門，大戊午扣馬曰：『耕事方急，一日不作，百日不食。』肅侯下車謝。」則大陵乃邯鄲郊外，鹿門乃邯鄲城門耳。（左昭十，齊城有鹿門。）否則豈有遠自邯鄲至孟縣，已踰千里之遙而始諫，而諫又曰「一日不作」乎？只緣注家輕據漢志有大陵縣，率謂即是趙君所遊，乃更妄舉孟縣白鹿山，謂鹿門在此。不循上下文，單就地名近似說之，其誤率類此；而此尤其較顯者。

## 離石

①秦取趙蘭、離石。(周本紀)

②肅侯二十二，秦取代蘭、離石。(趙世家)

③漢大破匈奴，追至於離石。(韓王信傳)

④離石侯。(建元以來王子侯者年表)

【正義】括地志云：「離石縣，今石州所理縣也。」(周本紀)

〔索〕今離石縣治。

## 石

已得宜陽、少曲，致蘭、石，因以破齊爲天下罪。(蘇秦傳)

〔索〕疑亦「離石」，脫「離」字。

## 石城

趙惠文十八，秦拔趙石城。（六國表、趙世家、蘭相如傳。）

【索隱】劉氏云：「蓋謂石邑也。」（蘭相如傳）

【正義】地理志云：「右北平有石城縣。括地志云：「石城在相州林慮縣西南九十里。」（廉頗傳）  
注無「西」字。」疑相州石城是。（趙世家）

〔案〕相州石城，今河南林縣西南八十五里；應屬魏境。胡注通鑑謂即西河離石。肅侯二十  
二，秦已取之，或重復入趙。

## 石 邑

①趙攻中山，取鄼、石邑、封龍、東垣。（趙世家）

②李良略太原，至石邑，秦兵塞井陘，未能前。（張耳陳餘傳）

③種、代，石北也。（貨殖傳）

【集解】徐廣曰：「在常山。」

【正義】括地志云：「石邑故城在恆州鹿泉縣南三十五里，六國時舊邑。」（趙世家）  
〔案〕石邑，今獲鹿縣東南。漢志：「井陘山在石邑西。」蓋此當井陘之口。

## 區鼠

武靈四，與韓會區鼠。（六國表、韓世家、趙世家。）

【正義】蓋在河北。（趙世家）

## 西都

武靈十，秦取趙西都及中陽。（趙世家）

〔案〕錢坫曰：「今孝義縣地。」

## 中陽

①武靈十，秦取趙西都及中陽。（趙世家）

②昭襄二十二，與趙王會中陽。（秦本紀、六國表、趙世家。）

【集解】徐廣曰：「太原有中都縣，西河有中陽縣。」

## 西陽

①秦惠文後元九，伐取趙中都、西陽、安邑。（秦本紀、六國表。）

②（同年）趙武靈十，秦取趙中都、西陽、安邑。（六國表）

【正義】括地志云：「西陽即中陽也，在汾州隰城縣南十里。」（秦本紀）

〔案〕漢志西河郡有中陽。趙世家：「武靈王十年，秦取我中陽」，又：「惠文王十四年，與秦會中陽」，是也。今寧鄉縣西有中陽故城。西河郡，前漢治富昌，故城在今綏遠境；而後漢治離石，即今離石縣；其所領諸縣，皆夾黃河兩岸。故西河中陽與太原中都地境毗連，秦所取必中陽無疑。惟正義云：「西陽即中陽」，不知何據。

## 中陽

①燕武成七，齊田單拔中陽。（六國表、燕世家。）

②孝成王元，田單將趙師攻燕中陽，拔之。（趙世家）

【正義】燕無中陽。括地志云：「中山故城一名中人亭，在定州唐縣東北四十一里，爾時屬



燕國也。」（趙世家）

〔案〕六國表、趙、燕世家皆稱「中陽」，不應有誤。中人，今河北唐縣西北。

## 中陽里

高祖，沛豐邑中陽里人。（高祖本紀）

## 中都

①惠文王九，伐取趙中都、西陽。（秦本紀、六國表。）

②高祖十一年，定代地，立子恆爲代王，都中都。（孝文本紀、漢興以來諸侯年表、韓王信傳。）

③三年，幸太原，復晉陽、中都民。（孝文本紀）

【集解】駟案：地理志太原有中都縣。

【正義】括地志云：「中都故縣在汾州平遙縣西十二里。」（秦本紀）

〔案〕秦本紀：「取趙中都、西陽」；趙世家作「西都、中陽」；年表一作「中都、西陽」，一作「中都、西陽、安邑」。考漢志西河郡有西都、中陽，疑非此秦所取。又漢志太原郡

## 中都

中都，故城今平遙縣西北。又有中陽，故城今寧鄉縣西。疑此實當作「中都、中陽」也。

孔子爲中都宰。（孔子世家）

〔案〕郡國志：「須昌有致密城，古中都。」今汶上縣西。

## 九門

①武靈十七，出九門。

②惠文二十八，罷城北九門大城。（趙世家）

【集解】徐廣曰：「在常山。」

【正義】本戰國時趙邑。又曰：恆州九門縣城。

〔案〕今藁城縣西北，漢置縣。

## 野臺

武靈王出九門，爲野臺，以望齊、中山之境。（趙世家）

【集解】徐廣曰：「『野』，一作『望』。」

【正義】括地志云：「野臺一名義臺，在定州（新）樂縣西南六十三里。」

〔案〕今新樂縣西南。魏書地形志：「新市縣有義臺城。」疑史文當作「望燕、中山之境」也。

## 黃華

武靈十九，北至無窮，西至河，登黃華之上。（趙世家）

【正義】黃華蓋西河側之山名也。

〔案〕水經注：「黃水出隆慮縣神園山黃華谷」，今河南林縣西二十里。舊說即武靈所登，恐未是；仍當從正義。

## 滏

①我先王屬阻滏、滏之險。（趙世家）

②秦若道河內，倍鄴，朝歌，絕漳，溢水，與趙決於邯鄲之郊，是知伯之禍也。（魏世家）

〔案〕溢水古為入漳之流，漳水南徙，始成巨川。今稱溢陽河，經大陸澤東北流，與滹沱河合，北流為子牙河。

荏

我先王取蘭、郭狼，敗林人於荏。（趙世家）

薄洛

①吾國東有河、薄洛之水，與齊、中山同之。

②無舟楫之用，將何以守河、薄洛之水。（趙世家）

【集解】徐廣曰：「安平經縣西有漳水，津名薄洛津。」

〔案〕經縣，今河北之廣宗縣。今平鄉縣西五里有落漢水，合洛河入大陸澤，寰宇記謂即古薄洛津。

## 寧葭

武靈王略中山地，至寧葭。（趙世家）

【索隱】一作「蔓葭」，縣名，在中山。

## 丹邱

趙攻中山，合軍曲陽，取丹邱、華陽、鵠之塞。（趙世家）

【正義】蓋邢州丹邱縣。

〔案〕今曲陽縣西北。

## 鵠

趙攻中山，合軍曲陽，取丹邱、華陽、鵠之塞。（趙世家）

【正義】徐廣曰：「『鵠』，一作『鴻』。」鴻上故關今名汝城，在定州唐縣東北六十里，本晉鴻上關城也。又有鴻上水，源出唐縣北葛洪山，接北岳恆山，與鴻上塞皆在定州。

〔案〕今唐縣西北。

## 封龍

趙攻中山，取鄼、石邑、封龍、東垣。（趙世家）

【正義】括地志云：「封龍山一名飛龍山，在恆州鹿泉縣南四十五里。邑因山爲名。」  
〔案〕今獲鹿縣南，接元氏縣界。晉書懷帝紀、水經注皆謂之飛龍山。

## 東垣

①趙之攻燕，發號出令，不十日而數十萬軍軍於東垣矣。（蘇秦傳）

②趙伐中山，取鄼、石邑、封龍、東垣。（趙世家）

③高祖八，東擊韓王信餘反寇於東垣。（高祖本紀）

④東垣降，更命東垣爲眞定。（韓王信傳）

⑤上從東垣還。（張耳陳餘傳）

【正義】趙之東邑，在恆州眞定縣南八里，故常山城是也。（蘇秦傳）

〔案〕今正定縣南。

## 眞定

①尉佗，眞定人。〔南越傳〕

②親戚昆弟墳墓在眞定。〔陸賈傳〕

③武帝更常山爲眞定國。〔漢興以來諸侯年表〕

④常山王有罪，遷，天子封其弟於眞定，而以常山爲郡。〔封禪書〕

⑤元鼎四，封常山王子爲眞定王三萬戶。〔五宗世家〕

【索隱】眞定，趙地。本名東垣，屬常山。〔陸賈傳〕韋昭云：「眞定，故郡名，後更爲縣。」

〔南越傳〕

〔案〕漢眞定國都眞定。

## 柏人

①晉定二十一，趙鞅拔邯鄲，栢人，有之。〔十二諸侯年表、趙世家。〕

②王遷元，城柏人。（趙世家）

③戰襄國，破柏人。（樊噲傳）

④高祖之東垣，過柏人。（高祖本紀）

⑤上從東垣還，過趙，貫高等乃壁人柏人。（張耳陳餘傳）

【正義】括地志云：「柏人故城在邢州柏人縣西北十二里。」（高祖本紀）

〔案〕今堯山縣西。

## 膚施

①趙滅中山，遷其王於膚施。（趙世家）

②與漢關故河南塞，至朝那、膚施。（匈奴傳）

【集解】徐廣曰：「在上郡。」（趙世家）

【正義】膚施，縣，秦因不改，今延州膚施縣是也。（匈奴傳。案：當云：「膚施，秦縣，漢因不改。」）

〔案〕漢上郡治膚施縣，今陝西綏德縣東南。



## 靈壽

①魏文侯封樂羊以靈壽。(樂毅傳)

②趙滅中山，遷其王於膚施。起靈壽，北地方從，代道大通。(趙世家)

【集解】徐廣曰：「在常山。」(趙世家)

【索隱】地理志常山有靈壽縣，中山桓公所都之地。

【正義】今鎮州靈壽。(樂毅傳)

〔案〕今靈壽縣西北。

## 鄭

①惠文王五，與燕鄭、易。(趙世家)

②扁鵲，勃海郡鄭人。(扁鵲傳)

【集解】徐廣曰：「屬涿郡。」(趙世家)

〔案〕今任邱縣北三十五里。明統志：「任邱縣北廢鄭州東門外，有藥王祖業莊，云是扁鵲」

故宅。」

## 長平

①昭襄四十七，白起破趙長平。（秦本紀、六國表、白起傳。）

②惠文七，趙括軍降，有長平之禍。（趙世家。案：較六國表差一年。）

【集解】徐廣曰：「在茲氏。」

【索隱】地理志茲氏在上黨郡。（白起傳）

【正義】括地志云：「長平故城在澤州高平縣西二十一里。」（趙世家。案：白起傳注作「西北一里」。）

〔案〕今高平縣西北。

## 鄣

秦陷趙軍，取二鄣四尉。（白起傳）

【正義】括地志云：「趙鄣故城一名都尉城，今名趙東城，在澤州高平縣西二十五里。又有故穀城。此二城即二鄣也。」

## 西壘

趙軍築二壘，秦奪西壘壁。（白起傳）

【正義】趙西壘在澤州高平縣北六里。即廉頗堅壁以待秦，王齕奪趙西壘壁者。

## 秦壘

趙軍逐勝，追造秦壁。（白起傳）

【正義】秦壁一名秦壘，今亦名秦長壘。

## 趙壁

趙築壁堅守。（白起傳）

【正義】趙壁今名趙東壘，亦名趙東長壘，在澤州高平縣北五里，即趙括築壁自敗處。

## 長平

①始皇五，攻魏，定酸棗、燕、虛、長平。（秦始皇本紀）

②衛青封長平侯。（建元以來侯者年表、外戚世家。）

【集解】徐廣曰：「一作『千』。」駢案：地理志汝南有長平縣。

【正義】長平故城在陳州宛丘縣西六十六里。（秦始皇本紀）

〔案〕六國表作「取酸棗二十城」。初置東郡。魏世家僅云「二十城」。長平故城，今河南西華縣東北十八里。

## 武安

①趙肅侯封蘇秦爲武安君。（蘇秦傳）

②昭襄二十九，秦封白起爲武安君。

③四十八，伐趙武安、皮牢。（秦本紀）

④秦軍武安西。

⑤悼襄王封李牧爲武安君。（廉頗藺相如傳）

【集解】徐廣曰：「屬魏郡，在邯鄲西。」（廉頗藺相如傳）

【正義】武安故城在潞州武安縣西南五十里。（外戚世家作「潞州武安縣西南七里」。）七國時趙邑，

即趙奢救閼與處也。（秦本紀）

【案】武安故城，今河南武安縣西南。秦紀：「伐趙武安、皮牢。」梁氏志疑云：「白起傳言王鯤攻拔皮牢，不言武安。蓋前二十年，秦封白起武安君，其地久屬秦。」然案之地理，秦未得韓南陽、野王，兵力不能及武安，豈得二十年前已有其地？白起傳明言王鯤分兵攻皮牢，自不得兼及武安。又秦攻趙武安，尚在白起封武安君後十九年，白起封號恐別有義。武安、閼與非一地，辨見「閼與」條。

## 武安

田蚡爲武安侯。（孝景本紀、孝武本紀、惠景間侯者年表、外戚世家。）

## 皮牢

- ①魏惠九，敗趙於澮。十，取趙皮牢。（六國表）
- ②魏惠九，敗韓於澮。十，取趙皮牢。（魏世家）

③趙成侯十三，魏敗趙於澮，取皮牢。（趙世家。案：取皮牢應在趙成十四。）

④昭襄四十八，攻趙武安，皮牢，拔之。（秦本紀）

⑤秦分軍爲二：王齕攻皮牢，司馬梗定太原。（白起傳）

【正義】皮牢當在澮之側。（趙世家）又曰：故城在絳州龍門縣西一里。（白起傳）

〔案〕皮牢故城，今山西翼城縣東三十里，名牢寨村。

## 南行唐

惠文八，城南行唐。（趙世家）

【集解】徐廣曰：「在常山。」

【正義】括地志云：「行唐縣屬冀州。」

〔案〕今行唐縣北。

## 梗陽

惠文十一，秦取梗陽。（趙世家。案：六國表作「桂陽」，誤。）

【集解】杜預曰：「太原晉陽縣南 梗陽城也。」

【索隱】地理志云：「太原榆次有梗陽鄉。與杜預所據小別也。」

【正義】括地志云：「梗陽故城在并州清源縣南百二十步，分晉陽縣置，本漢榆次縣地，春秋晉大夫祁氏邑也。」

〔案〕梗陽，春秋晉大夫祁氏邑。晉滅祁氏，分為七縣，魏戊為梗陽大夫。今清源縣治。

## 東陽

①惠文十八，王再之衛東陽，決河水，伐魏氏。

②悼襄五，慶舍將東陽河外師，守河梁。（趙世家）

③始皇十九，王翦取趙地東陽，得趙王。（秦始皇本紀）

④東陽田君孺。（游俠傳）

⑤東陽侯張相如。（孝文本紀、高祖功臣侯年表。）

【正義】括地志云：「東陽故城在貝州歷亭縣界。」按：東陽先屬衛，今屬趙。河歷貝州南，東北流，過河南岸即魏地也。故言「王再之衛東陽伐魏氏」也。（趙世家）

〔案〕左襄二十三：「齊伐晉，趙勝率東陽之師追之。」又昭二十二：「晉荀吳略東陽，滅鼓。」杜注：「東陽，晉之山東邑，魏郡廣平以北。」正義：「山東曰朝陽。」知「東陽」是寬大之語，總謂晉之山東。六國表、趙世家皆謂是年王翦虜王遷於邯鄲，是也。漢始置東陽縣，屬清河；今恩縣西北。

## 東陽

①項梁聞陳嬰已下東陽。（項羽本紀）

②東陽寧君。（高祖本紀）

〔集解〕晉灼曰：「東陽縣本屬臨淮郡，漢明帝分屬下邳，後復分屬廣陵。」

〔正義〕括地志云：「東陽故城在楚州盱眙縣東七十里，在淮水南。」

〔案〕今安徽天長縣西北。

## 平原

①平原君趙勝封東武城。（平原君傳）



②田榮與項羽戰城陽。田榮敗，走平原。（項羽本紀、高祖本紀、田儼傳。）

③淮陰已受命東，未渡平原。（高祖本紀、淮陰侯傳。）

④韓信度平原，襲破齊，歷下軍，因入臨淄。（田儼傳）

⑤還定濟北郡，攻著、濞、陰、平原、鬲、盧。（曹相國世家）

⑥尊皇太后，母臧兒爲平原君。（外戚世家）

【索隱】地理志平原屬平原。

【正義】括地志云：「平原故城在德州平原縣東南十里。」（曹相國世家）又：「懷州有平原津。」

（淮陰侯傳）

【案】平原，今山東平原縣南；東武城，今山東武城縣西；兩邑相距三十里，戰國時其地爲齊、趙邊境。平原蓋大名，故趙勝食邑東武城而稱平原君也。

## 平原津

始皇三十七，至之罘，並海西，至平原津。（秦始皇本紀）

【正義】今德州平原縣南六十里有張公故城，城東有水津焉，後名張公渡，恐此平原郡古津

也。漢書公孫弘平津侯，亦近此。

〔案〕古黃河自今恩縣、平原、德縣入河北境。水經注：「大河北選平原縣，枝津百出」，是也。

## 高平

①反高平、根柔於魏。（趙世家）

②秦昭四十二，東伐韓少曲、高平，拔之。（范雎傳）

〔集解〕徐廣曰：「紀年云：『魏襄王四年改河陽曰河雍，向曰高平。』」（趙世家）向在軹之西。（秦本紀）

〔正義〕括地志云：「南韓王故城在懷州河陽縣西北（趙世家注引作「西」。）四十里。俗謂之韓王城，非也。春秋時周桓王以與鄭。紀年云：『鄭侯使辰歸晉（此處應脫「河」字。）陽、向。」（范雎傳）魏哀王改向曰高平也。』（趙世家）

〔案〕此即春秋蘇忿生之向邑。水經注：「天漿水出軹南，向城北，俗謂之韓王城。十三州志：『軹縣南山西曲，有故向城。』」今濟源縣南。

## 根柔

反高平、根柔於魏。（趙世家）

【集解】徐廣曰：「『根柔』，一作『槐柔』，一作『平柔』。」

【正義】根柔未詳，魏地。

## 武平

①惠文二十一，趙徙漳水武平西。

②二十七，徙漳水武平南。（趙世家）

【正義】括地志云：「武平亭今名渭城，在瀛州文安縣北七十二里。」

【案】今河北文安縣東北七十里有勝芳鎮，濁漳、滹沱會流於此。縣志疑即武平。

## 昌 昌國

①惠文二十五，燕周將，攻昌。（趙世家）

②燕昭封樂毅於昌國，號爲昌國君。（樂毅傳）

【集解】徐廣曰：「屬齊郡。」

【正義】括地志云：「故昌城在淄州淄川縣東北四十里。」

〔案〕今淄川縣東北三十五里。

## 闕與

①昔魏伐趙，斷羊腸，拔闕與，趙分而爲二。（魏世家）

②昭襄三十八，攻趙闕與。（秦本紀）

③昭襄三十七，拔趙闕與。三十八，擊闕與城，不拔。（六國表）

④惠文二十九（昭襄三十七），秦圍闕與，趙奢大破秦軍闕與下。（趙世家、廉頗藺相如傳。）

⑤許歷曰：「先據北山上者勝。」（廉頗傳）

⑥始皇十一，王翦攻闕與、橐陽。（秦始皇本紀）

⑦韓信破代兵，禽夏說闕與。（淮陰侯傳）

【集解】孟康曰：「音『焉與』，邑名，在上黨涅縣西。」（秦本紀）

【索隱】司馬彪郡國志上黨沾（渾）縣有關與聚。（淮陰侯傳）

【正義】括地志云：「關與，聚落。（趙世家）一名烏蘇城，在潞州銅鞮縣西北二十里。又儀州和順縣即古關與城。儀州與潞州相近，二所未詳。又關與山在潞州武安縣西南五十里，趙奢拒秦軍於關與，（北山）即此山也。（秦本紀）按：潞州既去邯鄲三十里，而又云「趨之二日一夜，至關與五十里而軍壘成」，據今潞州去潞州三百里間而隔相州，恐潞州關與聚城是所拒據處。（廉頗傳）

〔案〕「關與」，「烏蘇」聲轉而譌。烏蘇城，今山西沁縣西北二十里。秦、趙戰關與，當在此。（隋志）「武安縣有關與山。」疑出後人增飾，不可信。方輿紀要謂趙奢關與在河南，王翦關與在山西，亦調停未是。王翦關與與櫟陽並言，固明在山西；至趙奢關與，亦當在山西，如正義所辨。

## 馬服

趙奢賜號馬服君。（趙世家）

【正義】因馬服山爲號。括地志云：「馬服山，邯鄲縣西北十里。」

〔案〕紫山在邯鄲縣西北，一名馬服山，上有趙奢墓。

## 太原

①既修太原。（夏本紀）

②臺駘宣洮、汾，障大澤，以處太原。（鄭世家）

③薄伐獫狁，至于太原。（匈奴傳）

④宣王料民於太原。（周本紀）

【集解】服虔曰：「太原，汾水名。」（鄭世家）孔安國曰：「太原今爲郡名。」（夏本紀）杜預曰：「太原，晉陽也。」（鄭世家）

〔案〕春秋昭元：「晉荀吳敗狄于大鹵。」穀梁傳：「中國曰太原，夷狄曰大鹵。」今解縣、安邑間有大鹽池，故曰大鹵。服說是也，孔、杜皆非。

## 太原

①昭襄四十八，伐趙武安、皮牢，北定太原，盡有韓上黨。

②莊襄元，攻趙，定太原。（秦本紀）

③莊襄三，攻趙榆次、新城、狼孟，取三十七城。四年，攻上黨，初置太原郡。（秦本紀、六國表。）

④始皇八，以河西太原郡更爲嫪毐國。

⑤十五年，大興兵，一軍至鄴，一軍至太原，取狼孟。（秦始皇本紀、六國表。）

⑥李良略太原。（張耳陳餘傳）

⑦高祖三，韓信定魏地，置三郡，曰河東、太原、上黨。（高祖本紀）

⑧漢滅趙歇，地屬漢，爲太原郡。（秦楚之際月表。案：紀、表兩歧，當依表。）

⑨六年，徙韓王信太原，都晉陽。（高祖本紀、韓王信傳。）

⑩七年，韓王信與匈奴同謀反太原、白土。（高祖本紀）

⑪匈奴得信，引兵南踰句注，攻太原，至晉陽。（匈奴傳）

⑫十一年，太尉周勃道太原入，定代地。（高祖本紀）

⑬攻銅鞮，還，降太原六城。（絳侯世家）

⑭文帝三，幸太原，復晉陽、中都民三歲。留游太原十餘日。（孝文本紀）

⑮孝文初，置太原國，都晉陽。嗣太原王更號代王，實居太原，武帝時爲太原郡。（漢興以來諸侯年表）

⑯孝文次子參爲太原王。二歲，以代盡與太原王，號曰代王。武帝徙代王王清河。（梁孝王世家）

【正義】括地志云：「并州太原地名大明城，即古晉陽城。智伯與韓魏攻趙襄子於晉陽，即此城是也。」（梁孝王世家）

【案】漢太原郡治晉陽，今太原縣治。

## 太原

秦正告魏曰：「我舉安邑，塞女戟，韓氏太原卷。」（蘇秦傳）

【索隱】太原，縣名。魏地不至太原。「太」衍字。原當爲「京」。京及卷皆屬滎陽，是魏之境。

【正義】劉伯莊云：「太原當爲太行。卷猶斷絕。」

【案】依文義，當如正義說。韓地有至安邑境者，白起傳：「取韓安邑以東，到乾河」，是也。故曰舉安邑，塞女戟，而韓氏太原之路斷。東周策：「秦盡韓、魏之上黨、太原。」



後人必疑太原在晉陽，屬趙境，乃煩改字矣。

## 晉水

知氏決晉水以灌晉陽之城。（魏世家）

【正義】括地志云：「晉水源出并州晉陽縣西懸壺山。山海經云：『懸壺之山，晉水出焉，

東南流注汾水。』」

〔案〕懸壺山，今陽曲縣西南十里。

## 晉陽

①趙鞅走保晉陽。定公圍晉陽。（晉世家、趙世家。）

②趙襄子奔保晉陽。（趙世家）

③知伯信韓、魏，從而伐趙，攻晉陽城。（春申君傳）

④知伯決晉水以灌晉陽之城。（魏世家）

⑤魏桓子、韓康子、趙襄子敗智伯於晉陽。（六國表）

⑥ 始皇初立，晉陽反。（秦始皇本紀）

⑦ 始皇元，秦拔趙晉陽。（六國表、趙世家。）

⑧ 詔徙韓王信王太原，都晉陽。信上書曰：「晉陽去塞遠，請治馬邑。」（韓王信傳）

⑨ 匈奴引兵南躡句注，攻太原，至晉陽下。（匈奴傳）

⑩ 擊韓信胡騎晉陽下，破之，下晉陽。（絳侯世家）

⑪ 十一年，分趙山北，立子恆爲代王，都晉陽。（高祖本紀）

⑫ 三年，幸太原，復晉陽、中都民三歲。（孝文本紀）

⑬ 孝文初，置太原國，都晉陽。四年，太原王更號代王，實居太原。（漢興以來諸侯年表）

【正義】晉陽故城在汾州平遙縣西南十三里。（孝文本紀。案：此當注中都，譌爲晉陽。）

〔案〕今陽曲縣治。

## 晉陽 陽晉

① 魏哀十六，秦拔魏蒲阪、晉陽、封陵。（六國表）

② （同年）秦拔魏蒲阪、陽晉、封陵。（魏世家）

【索隱】紀年作「晉陽、封谷」。

【正義】「陽晉」當作「晉陽」，史文誤。括地志云：「晉陽故城今名晉城，在蒲州虞鄉縣西三十五里。」（魏世家）

〔案〕晉陽故城，今虞鄉縣西。其地在大河之陽，又本晉地，故謂之「陽晉」，或稱「晉陽」。

## 昌壯

孝成十，燕攻昌壯。（趙世家）

【集解】徐廣曰：「一作『社』。」

【正義】「壯」字誤，當作「城」。括地志云：「昌城故城在冀州信都縣西北五里。」

〔案〕今冀縣西北。

## 元氏

孝成十一，城元氏。（趙世家）

【集解】地理志常山有元氏縣。

【正義】元氏，趙州縣。

〔案〕今元氏縣西北。

## 上原

孝成十一，縣上原。（趙世家）

〔案〕今元氏縣西，因地勢高平名。

## 尉文

孝成十五，以尉文封廉頗爲信平君。（趙世家、廉頗傳。）

【集解】徐廣曰：「尉文，邑名。」按：漢書表有「尉文節侯」，云在南郡。（廉頗傳）

【正義】尉文蓋尉州地也。（趙世家）

## 龍兌

孝成十九，趙與燕易土，以龍兌、汾門、臨樂與燕。（趙世家）

【集解】徐廣曰：「龍兌在北新城。」

【正義】括地志云：「北新城故城在易州遂城縣西南二十里。按：遂城西南二十五里有龍山，邢子勵趙記云：『龍山有四麓，各有一穴，春風出東，秋西，夏南，冬北，不相奪倫。』按：蓋謂龍兌也。」

## 龍脫

擊臧荼，戰龍脫，先登陷陣，破荼軍易下。（樊鄴滕灌傳）

【集解】徐廣曰：「在燕趙之界。」駟案：漢書音義曰：「地名。」

【索隱】其地闕。

【案】龍脫即龍兌。北新城、遂城皆今河北徐水縣西，有龍山。又易縣西南有龍山，方輿紀要謂即龍兌，清統志從之。

## 臨樂

孝成十九，趙與燕易土：以龍兌、汾門、臨樂與燕。（趙世家）

【集解】徐廣曰：「方城有臨鄉。」

【正義】括地志云：「臨鄉故城在幽州同安南十七里。」

〔案〕今寧津縣北。

## 武陽

①孝成十一，武陽君鄭安平死，收其地。

②孝成十九，趙與燕易土：燕以葛、武陽、平舒與趙。（趙世家）

〔案〕水經注：「易水東逕武陽南。」今易縣東南。

## 故安

因故邑封爲故安侯。（張丞相傳）

【正義】今易州界武陽城中東南隅故城是也。

〔案〕漢故安縣即趙武陽。

## 平舒

孝成十九，趙與燕易土。燕以葛、武陽、平舒與趙。（趙世家）

【集解】徐廣曰：「平舒在代郡。」

【正義】括地志云：「平舒故城在蔚州靈邱縣北九十三里。」

〔案〕今山西廣靈縣西。

## 光狼城

白起攻趙，取代光狼城。（秦本紀、白起傳。）

【索隱】地理志不載光狼城，蓋屬趙國。（白起傳）

【正義】括地志云：「光狼故城在澤州高平縣西二十里。」（秦本紀。案：白起王翦傳作「二十五里」。）

〔案〕今高平縣西三十里，名秦趙村，今名強營村。

## 榆次

①知伯見伐趙之利而不知榆次之禍。（春申君傳）

②莊襄三，攻趙榆次、新城、狼孟。（秦本紀、六國表。）

③秦拔趙榆次三十七城。（趙世家）

④荆軻嘗游過榆次。（刺客傳）

## 鑿臺

殺智伯鑿臺之下。（春申君傳）

【集解】徐廣曰：「榆次在太原。」（趙世家）鑿臺在榆次。（春申君傳）

【索隱】地理志榆次屬太原，有梗陽鄉是也。

【正義】括地志云：「榆次，并州縣。」（秦本紀）注水經云：「榆次縣南洞渦水側有鑿臺。」

（春申君傳）

【案】今榆次縣西；春秋時晉魏榆。郡國志榆次縣有鑿臺。

## 狼孟



①莊襄三，攻趙榆次、新城、狼孟，取三十七城。（秦本紀、六國表。）

②十五，一軍至太原，取狼孟。（秦始皇本紀、六國表。）

【集解】駢案：·地理志太原有狼孟縣。（秦始皇本紀）

【正義】狼孟故城在并州陽曲縣東北二十六里。（秦本紀）

〔案〕狼孟故城，今陽曲東北三十六里。左右夾澗幽深，南面大壑，俗謂之狼馬澗，今名黃頭寨。秦軍自此踰太行，取番吾。

## 平都

①君不如遣春平君而留平都。

②王必厚割趙而贖平都。（趙世家）

【正義】括地志云：「平都縣在新興郡，與陽周縣相近。」

〔案〕正義所說，今陝西安定縣地；恐非。此平都，東魏武定末，高洋謀受魏禪，自晉陽擁兵東至平都城，今山西和順縣西，或是也。

## 藁

悼襄四，龐煖將趙、楚、魏、燕之銳師，攻秦藁，不拔。（趙世家）

【集解】徐廣曰：「在新豐。」

〔案〕郡國志新豐有藁城。今臨潼縣東北。然恐非此所指。

## 饒安

悼襄四，龐煖攻秦藁，不拔，移攻徐，取饒安。（趙世家）

【集解】徐廣曰：「在渤海。又云：饒屬北海，安屬平原。」

【正義】饒安，滄州縣也，七國時屬齊，戰國時屬趙。

〔案〕今滄縣東南。

## 饒

悼襄六，封長安君以饒。（趙世家）

【正義】即饒陽也。瀛州饒陽縣東二十里饒陽故城，漢縣也，明長安是號也。

〔案〕郡國志：「饒陽，故名饒。」今饒陽縣東。

## 赤麗

王遷三，秦攻赤麗、宜安。（趙世家）

〔案〕當在今藁城縣境，與宜安、肥相近。

## 肥下

王遷三，秦攻赤麗、宜安，李牧與戰肥下。（趙世家）

【正義】括地志：「肥，桑故城在恆州藁城縣西七里，春秋時肥子國，白狄別種也。」

〔案〕今藁城縣西南。

## 番吾 鄱吾

①秦甲渡河踰漳，據番吾，則兵必戰於邯鄲之下。（蘇秦傳）

②願渡河踰漳，據番吾，會邯鄲之下。

③秦趙再戰於番吾之下。（張儀傳）

④番吾君自代來。（趙世家）

⑤王遷四，秦攻番吾，李牧卻之。（趙世家、廉頗藺相如傳。）

⑥趙遷四，秦拔趙狼孟、鄱吾，軍鄴。（六國表）

【集解】徐廣曰：「常山有蒲吾縣。」

【正義】括地志云：「蒲吾故城在鎮州常山縣東二十里。」（蘇秦傳）又云：「番吾故城在恆

州房山縣東二十里。」「番」、「蒲」，古今音異耳。（趙世家）

〔案〕常山故城，今正定縣西南。房山故城，今平山縣治。番吾在平山縣東南，當在常山縣

西。蘇秦傳正義或有誤字。

## 樂徐

王遷五，代地大動，自樂徐以西，北至平陰。（趙世家）

【集解】徐廣曰：「樂徐，一作『除』。」

〔案〕故徐城，今河北徐水縣東。又故樂鄉城，今清苑縣東南，樂徐殆指此。

## 龍

始皇七，攻龍、孤、慶都。（秦始皇本紀）

【正義】括地志云：「定州恆陽縣西南四十里有白龍水，又有挾龍山。」

〔案〕唐恆陽縣，今河北曲陽縣。縣境有見龍山；又有龍泉河，入唐縣界。

## 孤 慶都

始皇七，攻龍、孤、慶都，還兵攻涿。（秦始皇本紀）

【集解】徐廣曰：「『慶』，一作『庶』。」

【正義】帝王世紀云：「望（都），堯母慶都所居。」張晏云：「堯山在北，堯母慶都山在南，相去五十里，北登堯山，南望慶都山也。」注水經云：「望都故城東有山，不連陵，名之曰孤。」孤、「都」聲相近，疑即都山，孤山及望都故城三處相近。又定州唐縣東北五十四里有孤山，蓋都山也。

〔案〕望都故城，今河北縣西北；即戰國趙慶都邑。

## 屯留

①肅侯元，奪晉君端氏，徙處屯留。（趙世家）

②秦下兵三川，塞斜谷之口，當屯留之道。（張儀傳）

③始皇八，成蟜死屯留。

④卒屯留、蒲鶮。（秦始皇本紀）

〔索隱〕高誘云：「屯留，上黨縣名。」（秦始皇本紀）

〔正義〕括地志云：「屯留故城在潞州長子縣東北三十里，本漢屯留縣城。」（趙世家）漢屯

留，（春秋留）吁國也。（秦始皇本紀。案：「吁」字前疑有脫誤，今補「春秋留」三字。）屯留道即太行

羊腸阪道。（張儀傳）

〔案〕春秋：「晉滅赤狄甲氏及留吁」，遂為純留，即戰國之屯留；今屯留縣南。

## 高鵠

屯留、蒲、鴈。（秦始皇本紀）

【集解】徐廣曰：「『鴈』，一作『鴈』。」

【正義】蒲，鴈，皆地名。

## 橐楊

始皇十一，攻閼與、橐陽。（秦始皇本紀）

【集解】徐廣曰：「『橐』音『老』，在并州。」

【正義】漢表在清河。十三州志云：「橐陽，上黨西北百八十里也。」

〔案〕今山西遼縣治。

## 宜安

①始皇十四，攻趙於平陽，取宜安。（秦始皇本紀。案：六國表作「定平陽、武城、宜安」。）

②王遷三，秦拔趙宜安。（六國表）

③秦攻赤麗、宜安。（趙世家）

④李牧大破秦軍於宜安。（廉頗藺相如傳）

【正義】括地志云：「宜安故城在恆州藁城縣西南二十五里。」（秦始皇本紀。案：趙世家、廉頗傳引作「二十里」。）

〔案〕宜安故城，今藁城縣西南。

## 井陘

①始皇十八，王翦下井陘。

②三十七，行從井陘，抵九原。（秦始皇本紀）

③張耳、韓信東下井陘擊趙。（高祖本紀）

④趙王與陳餘聚兵井陘口。（淮陰侯傳）

⑤張耳、韓信擊破趙井陘。（張耳陳餘傳）

⑥井陘之道，車不得方軌，騎不得成列。（淮陰侯傳）

【集解】服虔曰：「山名，在常山，今爲縣。」（秦始皇本紀）

【索隱】案：地理志常山石邑縣，井陘山在西。又穆天子傳云：「至于陘山之隧，升于三道」



之磴」，是也。（淮陰侯傳）

〔案〕井陘關在井陘縣東北井陘山上，與獲鹿縣接界，亦曰土門關；呂氏春秋「九塞」之一，「太行八陘」之第五陘也。其山四面高中央下，故曰「井陘」。

## 井陘

信使萬人先行，出，背水陳。信平旦鼓行出井陘口，趙開壁擊之。（淮陰侯傳）

【正義】綿蔓水，一名阜將，一名回星，自并州流入井陘界；信背水陣，即此水也。又恆州

鹿泉縣，即六國時趙壁。

〔案〕水經注：「井陘水出井陘山，世謂之鹿泉水。東北流，屈逕陳餘臺西。又南逕樂陽縣城西，東注綿蔓水。」元和志：「鹿泉水一名陘水，南去石邑縣十里。」此水今陘。鹿泉、石邑皆今獲鹿縣境。

## 苦陘

陳餘數游趙苦陘。（張耳陳餘傳）

【集解】張晏曰：「苦陘，漢章帝改曰漢昌。」（案：魏文帝改魏昌。）

【索隱】地理志屬中山。

【正義】音「邢」。邢州唐昌縣。（案：隋開皇改隋昌，唐武德改唐昌。）

【案】今無極縣東北。

## 泚水

斬陳餘泚水上。（張耳陳餘傳、淮陰侯傳。）

【集解】徐廣曰：「在常山。」

【索隱】郭景純注山海經云：「泚水出常山中邱縣。」

【正義】在趙州贊皇縣界。（張耳陳餘傳）

【案】今名槐河，源出贊皇縣西，東北經元氏縣南，又東流入高邑界；漢志稱沮水。

## 河間

①趙割河間以事秦。（張儀傳）

② 秦欲與燕共伐趙，以廣河間之地。（樗里子甘茂傳）

③ 破河間守軍於杠里。（樊噲傳）

④ 立趙幽王少子辟疆爲河間王。（孝文本紀）

⑤ 取趙之河間郡爲河間王。（楚元王世家）

⑥ 孝文分趙爲河間，都樂成。

⑦ 孝景復置河間國。（漢興以來諸侯年表）

⑧ 河間獻王好儒學。（五宗世家）

【索隱】河漳之間邑。

【正義】河間，瀛州縣。（張儀傳）

## 樂成

孝文分趙爲河間國，都樂成。（漢興以來諸侯年表）

【索隱】韋昭云：「河間縣。」（孝武本紀）

【案】漢河間國治樂成，今獻縣東南。

李

李同戰死，封其父爲李侯。（平原君虞卿傳）

【集解】徐廣曰：「河內成皋有李城。」（案：「成皋」應是「平皋」之誤。）

【正義】懷州溫縣，本李城也，李同父所封。隋煬帝從故溫城移縣於此。

【案】今溫縣治。郡國志平皋有李城。

奉陽

趙肅侯弟成號奉陽君。（蘇秦傳）

【案】水經河水注：「奉溝水即濟沆之故瀆。」又濟水注曰：「濟水故瀆，東南合奉溝水。」

水上承朱溝於野王城西，東南逕陽鄉城北，又東南逕李城西。李同所封。疑奉陽即奉水之陽，當與李同封地不甚遠。

譙石  
陽馬

屬行而攻趙，兵傷於譙石，遇敗於陽馬。（蘇秦傳）

【索隱】譙石、陽馬，趙之地名，非縣邑。

〔案〕燕策作「兵傷於離石，遇敗於馬陵」。

## 鉅鹿

①齊之北地，去沙邱、鉅鹿斂三百里。（趙世家）

②章即北渡河，擊趙王歇等於鉅鹿。（秦始皇本紀）

③王離圍趙王及張耳鉅鹿城。（王翦傳、張耳陳餘傳。）

【正義】括地志云：「邢州平鄉縣城，本鉅鹿。」（秦始皇本紀）

〔案〕今平鄉縣治。應劭曰：「鹿者，林之大者也。」

## 廣平

素居廣平時，皆知河內豪姦之家。（酷吏傳）

〔案〕漢分鉅鹿為廣平郡，後置廣平國；有廣平縣，今雞澤縣東。

## 棘原

①章邯軍棘原，項羽軍漳南。（項羽本紀）

②章邯軍鉅鹿南棘原，築甬道屬河。（張耳陳餘傳）

【集解】張晏曰：「在漳南。」（項羽本紀）

〔案〕今平鄉縣南。明史地理志順德府平鄉縣，南有棘原，西南有漳河。平鄉即故鉅鹿也。  
今鉅鹿縣南七里，別有棘城，一名棘陽寨，俗以為章邯棘原，蓋非。

《錢賓四先生全集》乙編書目

②6 周公、秦漢史

②7 國史大綱（上）

②8 國史大綱（下）

②9 中國文化史導論、中國歷史精神

③0 國史新論

③1 中國歷代政治得失、中國歷史研究法

③2 中國史學發微、讀史隨劄

③3 中國史學名著

③4 史記地名考（上）

③5 史記地名考（下）

③6 古史地理論叢





